
OFFERYNNAU STATUDOL CYMRU

2020 Rhif 1073 (Cy. 241)

Y GWASANAETH IECHYD GWLADOL, CYMRU

**Rheoliadau'r Gwasanaeth Iechyd Gwladol
(Gwasanaethau Fferyllol) (Cymru) 2020**

Gwnaed - - - - 29th September 2020

Yn dod i rym yn unol â rheoliad 1(2) a (3)

Mae Gweinidogion Cymru, drwy arfer y pwerau a roddir iddynt gan adrannau 15, 80, 82A, 83, 84, 86, 88, 104, 107, 110, 115, 116, 118, 203(9) a (10) a 205 o Ddeddf y Gwasanaeth Iechyd Gwladol (Cymru) 2006(1), yn gwneud y Rheoliadau a ganlyn.

Mae drafft o'r Rheoliadau hyn wedi ei gymeradwyo drwy benderfyniad gan Senedd Cymru yn unol ag adran 203(6A) o'r Ddeddf honno.

RHAN 1

Rhagarweiniol

Enwi, cychwyn a chymhwyso

1.—(1) Enw'r Rheoliadau hyn yw Rheoliadau'r Gwasanaeth Iechyd Gwladol (Gwasanaethau Fferyllol) (Cymru) 2020.

(2) Daw'r darpariaethau a ganlyn i rym ar 1 Hydref 2020—

- (a) y Rhan hon;
- (b) Rhannau 2 i 4;
- (c) Rhannau 9 i 11.

(3) Daw Rhannau 5 i 8 i rym ar 1 Hydref 2021.

(4) Mae'r Rheoliadau hyn yn gymwys o ran Cymru.

Dehongli

2.—(1) Yn y Rheoliadau hyn—

(1) 2006 p. 42. *Gweler* adran 206(1) am y diffiniadau o "prescribed" a "regulations". Mewnosodwyd adran 82A ac adran 203(6A) gan adran 111 o Ddeddf Iechyd y Cyhoedd (Cymru) 2017 (dccc 2). Diwygiwyd adrannau 83 a 84 gan adran 112 o Ddeddf Iechyd y Cyhoedd (Cymru) 2017.

ystyr “addasu cyfarpar stoma” (“*stoma appliance customisation*”) yw addasu swp o fwy nag un cyfarpar stoma, pan—

- (a) bo’r cyfarpar stoma i’w addasu wedi ei restru yn Rhan IXC o’r Tariff Cyffuriau,
- (b) bo’r addasiad yn cynnwys newidiadau, yn unol â’r un fanyleb, i ddarnau unfath lluosog sydd i’w defnyddio gyda phob cyfarpar unigol, ac
- (c) bo’r addasiad hwnnw yn seiliedig ar fesuriadau’r claf, neu gofnod o’r mesuriadau hynny ac, os yw’n gymwys, dempled;

ystyr “AEE” (“*EEA*”) yw’r Ardal Economaidd Ewropeaidd a grëwyd gan gytundeb yr AEE;

ystyr “anghymhwysiad cenedlaethol” (“*national disqualification*”) yw—

- (a) anghymhwysiad cenedlaethol yn yr ystyr a roddir i “national disqualification” fel y’i crybwyllir yn adran 115(2) a (3) o Ddeddf 2006 (anghymhwysiad cenedlaethol),
- (b) anghymhwysiad cenedlaethol yn yr ystyr a roddir i “national disqualification” fel y’i crybwyllir yn adran 159(2) a (3) o Ddeddf y Gwasanaeth Iechyd Gwladol 2006(2) (anghymhwysiad cenedlaethol),
- (c) unrhyw benderfyniad yn yr Alban neu Ogledd Iwerddon sy’n cyfateb i anghymhwysiad cenedlaethol yn yr ystyr a roddir i “national disqualification” o dan adran 115(2) a (3) o Ddeddf 2006, a
- (d) unrhyw benderfyniad arall a oedd yn anghymhwysiad cenedlaethol at ddibenion Rheoliadau 2005;

ystyr “ardal reoledig” (“*controlled locality*”) yw ardal y mae Bwrdd Iechyd Lleol wedi penderfynu ei bod yn wledig yn unol â rheoliad 13 (ardaloedd sy’n ardaloedd rheoledig), ac y mae Gweinidogion Cymru wedi penderfynu yn dilyn apêl, yn unol â Rhannau 1 a 2 o Atodlen 4, ei bod yn wledig, neu sy’n ardal reoledig yn rhinwedd gweithredu rheoliad 13(1);

ystyr “asesiad perthnasol o anghenion fferyllol” (“*relevant pharmaceutical needs assessment*”) yw’r asesiad o anghenion fferyllol gan y Bwrdd Iechyd Lleol perthnasol sy’n gyfredol ar yr adeg y mae’r Bwrdd Iechyd Lleol yn penderfynu caniatáu neu wrthod cais, oni bai, ym marn y Bwrdd Iechyd Lleol (neu, yn dilyn apêl, Gweinidogion Cymru), mai’r unig ffordd o benderfynu’r cais yn gyfiawn yw gan ystyried asesiad cynharach o anghenion fferyllol, ac yn yr achos hwnnw, yr asesiad cynharach hwnnw yw’r asesiad perthnasol o anghenion fferyllol;

ystyr “Awdurdod Gwasanaethau Busnes y GIG” (“*NHS Business Services Authority*”) yw Awdurdod Gwasanaethau Busnes y GIG (NHS Business Services Authority) a sefydlwyd gan Orchymyn Awdurdod Gwasanaethau Busnes y GIG (NHS Business Services Authority) (Sefydlu a Chyfansoddiad) 2005(3);

ystyr “Bwrdd Iechyd Lleol” (“*Local Health Board*”) yw Bwrdd Iechyd Lleol a sefydlwyd o dan adran 11 o Ddeddf 2006 (byrddau iechyd lleol);

mae i “Bwrdd Partneriaeth Rhanbarthol” (“*Regional Partnership Board*”) yr ystyr a roddir iddo yn rheoliad 1(4) o Reoliadau Trefniadau Partneriaeth (Cymru) 2015(4);

mae i “cais am fferyllfa yn yr arfaeth” (“*outstanding pharmacy application*”) yr ystyr a roddir iddo yn rheoliad 31(11) (cydsyniad amlinellol a chymradwyaeth mangre yn cymryd effaith);

ystyr “Cofrestr y Cyngor Fferyllol Cyffredinol” (“*General Pharmaceutical Council Register*”) yw’r gofrestr a gynhelir o dan erthygl 19 o Orchymyn Fferylliaeth 2010(5) (sefydlu a chynnal y Gofrestr a mynediad iddi);

(2) 2006 p. 41. Diwygiwyd adran 159 gan O.S. 2010/22 a Deddf Iechyd a Gofal Cymdeithasol 2012 (p. 7).

(3) O.S. 2005/2414, a ddiwygiwyd gan O.S. 2006/632, O.S. 2007/1201, O.S. 2013/235, O.S. 2015/1862, O.S. 2017/959 ac O.S. 2018/378.

(4) O.S. 2015/1989 (Cy. 299), a ddiwygiwyd gan O.S. 2019/760 (Cy. 143).

(5) O.S. 2010/231.

ystyr “cofrestr y Cyngor Proffesiynau Iechyd a Gofal” (“*the Health and Care Professions Council register*”) yw’r gofrestr a sefydlwyd ac a gynhelir gan y Cyngor Proffesiynau Iechyd a Gofal o dan erthygl 5 o Orchymyn Proffesiynau Iechyd a Gwaith Cymdeithasol 2002(6);

ystyr “Cofrestr Nyrsio a Bydwreigiaeth” (“*Nursing and Midwifery Register*”) yw’r gofrestr a gynhelir gan y Cyngor Nyrsio a Bydwreigiaeth o dan erthygl 5 o Orchymyn Nyrsio a Bydwreigiaeth 2001(7) (sefydlu a chynnal cofrestr);

ystyr “contract GMC” (“*GMS contract*”) yw contract gwasanaethau meddygol cyffredinol o dan adran 42 o Ddeddf 2006 (contractau gwasanaethau meddygol cyffredinol: rhagarweiniol);

ystyr “contract GMDdA” (“*APMS contract*”) yw trefniant i ddarparu gwasanaethau meddygol sylfaenol a wneir â Bwrdd Iechyd Lleol o dan adran 41(2)(b) o Ddeddf 2006 (gwasanaethau meddygol sylfaenol);

ystyr “contractwr cyfarpar GIG” (“*NHS appliance contractor*”) yw person sydd wedi ei gynnwys mewn rhestr fferyllol o dan reoliad 10 (llunio a chynnal rhestrau fferyllol) ar gyfer darparu gwasanaethau fferyllol drwy ddarparu cyfarpar yn unig;

ystyr “contractwr GMC” (“*GMS contractor*”) yw parti mewn contract GMC, ac eithrio’r Bwrdd Iechyd Lleol;

ystyr “contractwr GMC perthnasol” (“*relevant GMS contractor*”), mewn perthynas ag unrhyw feddyg, yw—

- (a) y contractwr GMC, pan fo’r meddyg yn contractwr GMC, neu
- (b) pan na fo’r meddyg yn contractwr GMC, y contractwr GMC y mae’r meddyg wedi ei gyflogi ganddo neu wedi ei gymryd ymlaen ganddo;

ystyr “contractwr GMDdA” (“*APMS contractor*”) yw parti mewn contract GMDdA, ac eithrio Bwrdd Iechyd Lleol;

ystyr “contractwr GMDdA perthnasol” (“*relevant APMS contractor*”), mewn perthynas ag unrhyw feddyg, yw—

- (a) y contractwr GMDdA, pan fo’r meddyg yn contractwr GMDdA, neu
- (b) pan nad y contractwr GMDdA yw’r meddyg, y contractwr GMDdA y mae’r meddyg wedi ei gyflogi ganddo neu wedi ei gymryd ymlaen ganddo;

ystyr “corff cyfatebol” (“*equivalent body*”) yw Bwrdd Comisiynu’r Gwasanaeth Iechyd Gwladol yn Lloegr, Bwrdd Iechyd yn yr Alban, Bwrdd Iechyd a Gwasanaethau Cymdeithasol yng Ngogledd Iwerddon neu unrhyw gorff olynol yn Lloegr, yr Alban neu Ogledd Iwerddon ac, mewn perthynas ag unrhyw adeg cyn 1 Ebrill 2003, Awdurdod Iechyd yng Nghymru, neu mewn perthynas ag unrhyw adeg cyn 1 Ebrill 2013 ac ar ôl 30 Medi 2002, Ymddiriedolaeth Gofal Sylfaenol yn Lloegr, neu mewn perthynas ag unrhyw adeg cyn 1 Hydref 2002, Awdurdod Iechyd yn Lloegr;

ystyr “corff trwyddedu neu reoleiddio” (“*licensing or regulatory body*”) yw unrhyw gorff sy’n trwyddedu neu’n rheoleiddio unrhyw broffesiwn y mae’r person yn aelod ohono neu y mae’r person wedi bod yn aelod ohono, ac mae’n cynnwys unrhyw gorff sy’n trwyddedu neu’n rheoleiddio unrhyw broffesiwn o’r fath mewn gwlad ac eithrio’r Deyrnas Unedig;

mae i “cyd-bwyllgor disgyblu” yr un ystyr â “joint discipline committee” yn rheoliad 2 o Reoliadau’r Gwasanaeth Iechyd Gwladol (Pwyllgorau Gwasanaethau a’r Tribiwnlys) 1992(8) (dehongli);

(6) O.S. 2002/254, a ddiwygiwyd gan baragraff 2 o Atodlen 2 i Orchymyn Gofal Iechyd a Phroffesiynau Cysylltiedig (Diwygiadau Amrywiol a Seicolegwyr sy’n Ymarfer) 2009 (O.S. 2009/1182). Mae diwygiadau eraill i’r Gorchymyn ond nid yw’r un ohonynt yn berthnasol.

(7) O.S. 2002/253, a ddiwygiwyd gan O.S. 2009/1182 ac O.S. 2018/838.

(8) O.S. 1992/664. Mewnosodwyd y diffiniad o “joint discipline committee” gan O.S. 1996/703.

mae i “cydsyniad amlinellol” (“*outline consent*”) yr ystyr a roddir iddo yn rheoliad 30(1)(a) (cydsyniad amlinellol a chymeradwyaeth mangre);

mae i “cydsyniad rhagarweiniol” (“*preliminary consent*”) yr ystyr a roddir iddo yn rheoliad 18 (ceisiadau am gydsyniad rhagarweiniol ac effaith cydsyniad rhagarweiniol);

ystyr “cyfarpar” (“*appliance*”) yw cyfarpar sydd wedi ei gynnwys mewn rhestr a gymeradwywyd gan Weinidogion Cymru at ddibenion adran 80 o Ddeddf 2006 (trefniadau ar gyfer gwasanaethau fferyllol);

ystyr “cyfarpar argaeledd cyfyngedig” (“*restricted availability appliance*”) yw cyfarpar a gymeradwywyd ar gyfer categorïau penodol o bersonau neu at ddibenion penodol yn unig;

ystyr “cyfarpar penodedig” (“*specified appliance*”) yw—

- (a) unrhyw un neu ragor o’r cyfarpar a ganlyn a restrir yn Rhan IXA o’r Tariff Cyffuriau—
 - (i) cyfarpar cathetr (gan gynnwys ategolyn cathetr a hydoddiant cynnal),
 - (ii) cyfarpar laryngectomi neu gyfarpar traceostomi,
 - (iii) system dyfrhau rhesrol,
 - (iv) pwmp gwactod neu fodrwy ddarwasgu ar gyfer camweithredu ymgodol, neu
 - (v) bag draenio ar gyfer clwyf,
- (b) cyfarpar anymataliaeth a restrir yn Rhan IXB o’r Tariff Cyffuriau, neu
- (c) cyfarpar stoma a restrir yn Rhan IXC o’r Tariff Cyffuriau;

ystyr “cyfarwyddwr” (“*director*”) yw—

- (a) cyfarwyddwr i gorff corfforedig, neu
- (b) aelod o’r corff o bersonau sy’n rheoli corff corfforedig (pa un a yw’n bartneriaeth atebolrwydd cyfyngedig ai peidio);

mae i “cyfathrebiad electronig” yr ystyr a roddir i “electronic communication” yn adran 15(1) o Ddeddf Cyfathrebiadau Electronig 2000(9) (dehongli cyffredinol);

mae “cyflogaeth” (“*employment*”) yn cynnwys cyflogaeth ddi-dâl a chyflogaeth o dan gontract am wasanaethau;

ystyr “cyffur Atodlen” (“*Scheduled drug*”) yw cyffur neu sylwedd arall a bennir yn Atodlen 1 neu 2 i’r Rheoliadau Rhagnodi Cyffuriau (sy’n ymwneud â chyffuriau, meddyginiaethau a sylweddau eraill nad ydynt i’w harchebu o dan gontract gwasanaethau meddygol cyffredinol neu y caniateir eu harchebu o dan amgylchiadau penodol yn unig);

mae “cyffuriau” (“*drugs*”) yn cynnwys meddyginiaethau;

ystyr “Cyngor Iechyd Cymuned” (“*Community Health Council*”) yw Cyngor Iechyd Cymuned a gadwyd neu a sefydlwyd o dan adran 182 o Ddeddf 2006 (cynghorau iechyd cymuned);

mae i “cymeradwyaeth mangre” (“*premises approval*”) yr ystyr a roddir iddo yn rheoliad 30(1)(b) (cydsyniad amlinellol a chymeradwyaeth mangre) ac mae’n cynnwys cymeradwyaeth mangre dros dro a roddir o dan reoliad 34(13) (cymeradwyaeth mangre: mangreoedd ychwanegol a mangreoedd newydd ar ôl i’r cydsyniad amlinellol gymryd effaith) neu gymeradwyaeth mangre weddilliol a roddir o dan reoliad 35(9) (cymeradwyaeth mangre: cyfuno practisau);

mae i “cynllun peilot” yr un ystyr ag a roddir i “pilot scheme” yn adran 92(2) o Ddeddf 2006 (cynlluniau peilot);

(9) Diwygiwyd y diffiniad o “electronic communication” gan Ddeddf Cyfathrebiadau 2003 (p. 21), Atodlen 17, paragraff 158.

ystyr “cynnwys yn amodol” (“*conditional inclusion*”) yw cynnwys person mewn rhestr fferyllol, neu roi cydsyniad rhagarweiniol i berson gael ei gynnwys mewn rhestr fferyllol, yn ddarostyngedig i amodau a osodir o dan Ran 7 o’r Rheoliadau hyn;

ystyr “darparwr gwasanaethau meddygol sylfaenol” (“*provider of primary medical services*”) yw contractwr GMC, contractwr GMDdA neu bractis GMBILL;

ystyr “data creu llofnod electronig” (“*electronic signature creation data*”) yw data unigryw a ddefnyddir gan y llofnodwr i greu llofnod electronig;

ystyr “Deddf 2006” (“*the 2006 Act*”) yw Deddf y Gwasanaeth Iechyd Gwladol (Cymru) 2006;

ystyr “deintydd” (“*dentist*”) yw ymarferydd deintyddol;

ystyr “digwyddiadau cychwynnol” (“*originating events*”) yw’r digwyddiadau a arweiniodd at yr euogfarn, yr ymchwiliad, yr achos cyfreithiol, yr atal dros dro, y gwrthod derbyn, y cynnwys yn amodol, y dileu neu’r dileu yn ddigwyddiadol a ddigwyddodd;

ystyr “dileu yn ddigwyddiadol” (“*contingent removal*”) yw dileu enw person o restr fferyllol yn ddigwyddiadol, o fewn yr ystyr a roddir i “contingent removal” yn adran 108 o Ddeddf 2006 (dileu yn ddigwyddiadol);

ystyr “enw amherchnogol” (“*non-proprietary name*”) yw enw sy’n un o’r canlynol, neu’n amrywiad a ganiateir o un o’r canlynol—

- (a) Enw Amherchnogol Rhyngwladol (INN),
- (b) Enw Amherchnogol Rhyngwladol Addasedig (INN.M),
- (c) Enw Cymeradwy Prydeinig (BAN),
- (d) Enw Cymeradwy Prydeinig Addasedig (BAN.M), neu
- (e) enw cymeradwy,

ac at y diben hwn, mae i’r enwau hyn (a’u hamrywiadau a ganiateir) yr un ystyron ag sydd iddynt mewn rhestr o enwau y mae Comisiwn Cyffurlyfr Prydain wedi ei llunio ac wedi peri iddi gael ei chyhoeddi, ac nad yw wedi ei disodli⁽¹⁰⁾;

ystyr “enw amherchnogol priodol” (“*appropriate non-proprietary name*”) yw enw amherchnogol nas crybwyllir yn Atodlen 1 i’r Rheoliadau Rhagnodi Cyffuriau nac, ac eithrio pan fo’r amodau ym mharagraff 42(2) o Atodlen 6 i’r Rheoliadau GMC wedi eu bodloni, yn Atodlen 2 i’r Rheoliadau Rhagnodi Cyffuriau;

ystyr “fferyllfa” (“*pharmacy*”) yw—

- (a) mangre restredig o dan reoliad 10 (llunio a chynnal rhestrau fferyllol) y darperir gwasanaethau fferyllol ynddi gan fferylllydd GIG yn unol â threfniadau a wneir o dan adran 80 o Ddeddf 2006, neu
- (b) mangre y mae’r ystod o wasanaethau fferyllol a ddarperir ynddi o dan gynllun peilot fferylliaeth o dan adran 92 o Ddeddf 2006 (cynlluniau peilot), a’r oriau y darperir y gwasanaethau hynny ar eu cyfer, yn gymaradwy â fferyllfa sy’n dod o fewn paragraff (a);

ystyr “fferylllydd cofrestredig” (“*registered pharmacist*”) yw person sydd wedi ei gofrestru yn Rhan 1 o Gofrestr y Cyngor Fferyllol Cyffredinol neu yn y gofrestr a gynhelir o dan Erthyglau 6 a 9 o Orchymyn Fferylliaeth (Gogledd Iwerddon) 1976;

ystyr “fferylllydd GIG” (“*NHS pharmacist*”) yw—

- (a) fferylllydd cofrestredig, neu

(10) Cyffurlyfr Prydain 2020 yw’r casgliad pennaf o safonau ar gyfer cynhyrchion meddyginiaethol a sylweddau fferyllol y DU ac mae ar gael yn www.pharmacopoeia.com.

- (b) person sy'n cynnal busnes fferyllfa fanwerthu yn gyfreithlon yn unol ag adran 69 o Ddeddf Meddyginiaethau 1968⁽¹¹⁾,

y mae ei enw wedi ei gynnwys mewn rhestr fferyllol o dan reoliad 10 (llunio a chynnal rhestrau fferyllol) ar gyfer darparu gwasanaethau fferyllol yn benodol drwy ddarparu cyffuriau;

ystyr “fferyllydd-ragnodydd annibynnol” (“*pharmacist independent prescriber*”) yw fferyllydd cofrestredig sydd â nodyn gyferbyn â'i enw yn Rhan 1 o Gofrestr y Cyngor Fferyllol Cyffredinol neu yn y gofrestr a gynhelir o dan Erthyglau 6 a 9 o Orchymyn Fferylliaeth (Gogledd Iwerddon) 1976⁽¹²⁾ (sy'n ymwneud â chofrestrau a'r cofrestrydd), sy'n dynodi ei fod yn gymwys i archebu cyffuriau, meddyginiaethau a chyfarpar fel fferyllydd-ragnodydd annibynnol;

ystyr “ffisiotherapydd-ragnodydd annibynnol” (“*physiotherapist independent prescriber*”) yw person—

- (a) sy'n ffisiotherapydd, a
- (b) sydd â nodyn gyferbyn â'i enw yn Rhan 9 o'r gofrestr a gynhelir o dan erthygl 5 o Orchymyn Proffesiynau Iechyd a Gwaith Cymdeithasol 2002⁽¹³⁾ sy'n dynodi ei fod yn gymwys i archebu cyffuriau, meddyginiaethau a chyfarpar fel ffisiotherapydd-ragnodydd annibynnol;

ystyr “ffurflen bresgripsiwn” (“*prescription form*”) yw—

- (a) ffurflen a ddarperir gan Fwrdd Iechyd Lleol, Ymddiriedolaeth GIG, Ymddiriedolaeth Sefydledig GIG neu gorff cyfatebol ac a ddyroddir gan ragnodydd, neu
- (b) ffurflen bresgripsiwn electronig,

sy'n galluogi person i gael gwasanaethau fferyllol ac nid yw'n cynnwys presgripsiwn amlroddadwy;

ystyr “ffurflen bresgripsiwn anelectronig” (“*non-electronic prescription form*”) yw ffurflen bresgripsiwn sy'n dod o fewn paragraff (a) o'r diffiniad o “ffurflen bresgripsiwn”;

ystyr “ffurflen bresgripsiwn electronig” (“*electronic prescription form*”) yw data a grëir mewn ffurflen electronig at ddiben archebu cyffur neu gyfarpar—

- (a) sydd wedi ei llofnodi â llofnod electronig uwch rhagnodydd,
- (b) a drawsyrir fel cyfathrebiad electronig gan y gwasanaeth TPE at fferyllydd GIG, contractwr cyfarpar GIG neu feddyg fferyllol a enwebir, ac
- (c) nad yw'n dangos y caniateir darparu'r cyffur neu'r cyfarpar a archebir fwy nag unwaith;

ystyr “GMBIL” (“*LHBMS*”) yw gwasanaethau meddygol sylfaenol a ddarperir gan Fwrdd Iechyd Lleol o dan adran 41(2)(a) o Ddeddf 2006 (gwasanaethau meddygol sylfaenol);

ystyr “GMDdA” (“*APMS*”) yw gwasanaethau meddygol sylfaenol a ddarperir yn unol â chontract GMDdA;

ystyr “gwasanaeth adolygu defnyddio cyfarpar” (“*appliance use review service*”) yw trefniadau a wneir yn unol â chyfarwyddydau o dan adran 81 o Ddeddf 2006 (trefniadau ar gyfer gwasanaethau fferyllol ychwanegol) i fferyllydd GIG neu gontractwr cyfarpar GIG adolygu'r modd y mae person yn defnyddio unrhyw gyfarpar penodedig;

ystyr “gwasanaeth TPE” (“*ETP service*”) yw'r gwasanaeth presgripsiynau cod bar 2-ddimensiwn sy'n rhan o'r systemau technoleg gwybodaeth mewn systemau rhagnodi a gweinyddu yng Nghymru, ac a ddefnyddir gan y gwasanaeth iechyd yng Nghymru i drosglwyddo a chadw gwybodaeth am bresgripsiynau sy'n ymwneud â chleifion;

⁽¹¹⁾ 1968 p. 67.

⁽¹²⁾ O.S. 1976/1213 (G.I. 22).

⁽¹³⁾ O.S. 2002/254, a ddiwygiwyd gan O.S. 2009/1182.

ystyr “gwasanaethau amlweinyddu” (“*repeat dispensing services*”) yw gwasanaethau fferyllol sy’n cynnwys darparu cyffuriau neu gyfarpar gan fferylllydd GIG neu gontractwr cyfarpar GIG yn unol â phresgripsiwn amlroddadwy;

ystyr “gwasanaethau cyfeiriedig” (“*directed services*”) yw gwasanaethau fferyllol ychwanegol a ddarperir yn unol â chyfarwyddydau o dan adran 81 o Ddeddf 2006 (trefniadau ar gyfer gwasanaethau fferyllol ychwanegol);

ystyr “gwasanaethau fferyllol” (“*pharmaceutical services*”) yw gwasanaethau fferyllol sy’n dod o fewn adrannau 80 ac 81 o Ddeddf 2006 ac mae’n cynnwys gwasanaethau cyfeiriedig;

ystyr “gwasanaethau fferyllol lleol” (“*local pharmaceutical services*”) yw gwasanaethau o fath y caniateir iddynt gael eu darparu o dan adran 80, neu yn rhinwedd adran 81, o Ddeddf 2006, ac eithrio gwasanaethau gweinyddu gan ymarferwyr, ac a ddarperir o dan gynllun peilot;

ystyr “gwasanaethau GIG” (“*NHS services*”) yw gwasanaethau a ddarperir fel rhan o’r gwasanaeth iechyd yng Nghymru;

ystyr “gwasanaethau hanfodol” (“*essential services*”) ar gyfer fferyllwyr GIG yw’r gwasanaethau a bennir ym mharagraff 3 o Atodlen 5, ac ar gyfer contractwyr cyfarpar GIG yr ystyr yw’r gwasanaethau a bennir ym mharagraffau 3 i 12 o Atodlen 6;

ystyr “Gwladwriaeth Ewropeaidd berthnasol” (“*relevant European State*”) yw Gwladwriaeth AEE neu’r Swistir;

ystyr “gŵyl banc” (“*bank holiday*”) yw unrhyw ddiwrnod a bennir neu a gyhoeddir yn ŵyl banc yng Nghymru yn unol ag adran 1 o Ddeddf Bancio a Thrafodion Ariannol 1971(14);

ystyr “hybysiad” (“*notice*”) yw hysbysiad ysgrifenedig;

mae i “lleoliad neilltuedig” (“*reserved location*”) yr ystyr a roddir iddo gan reoliad 17(4) (lleoliadau mewn ardaloedd rheoledig sy’n lleoliadau neilltuedig);

ystyr “llofnod electronig” (“*electronic signature*”) yw data ar ffurf electronig sydd wedi eu hatodi i ddata eraill ar ffurf electronig neu wedi eu cysylltu’n rhesymegol â hwy ac sy’n cael eu defnyddio gan y llofnodwr i lofnodi;

ystyr “llofnod electronig uwch” (“*advanced electronic signature*”) yw llofnod electronig sy’n bodloni’r gofynion a ganlyn—

- (a) mae ganddo gysylltiad unigryw â’r llofnodwr,
- (b) gellir adnabod y llofnodwr oddi wrtho,
- (c) fe’i creir drwy ddefnyddio data creu llofnod electronig y gall y llofnodwr, â lefel uchel o sicrwydd, ei ddefnyddio o dan ei reolaeth ei hunan yn unig, a
- (d) mae wedi ei gysylltu â’r data a lofnodwyd mewn modd sy’n gwneud unrhyw newid diweddarach yn y data yn ganfyddadwy;

ystyr “llofnodwr” (“*signatory*”) yw person naturiol sy’n creu llofnod electronig;

ystyr “mangre practis” (“*practice premises*”), mewn perthynas â darparwr gwasanaethau meddygol sylfaenol, yw’r cyfeiriad neu’r cyfeiriadau a bennir yn y contract (yn achos contractwr GMC neu GMDdA) neu’r datganiad practis (yn achos practis GMBIL) y mae gwasanaethau fferyllol i’w darparu ynddo neu ynddynt o dan y contract neu’r datganiad practis;

ystyr “mangre restredig” (“*listed premises*”) yw’r fangre sydd wedi ei chynnwys mewn—

- (a) rhestr fferyllol, neu
- (b) rhestr meddygon fferyllol yn unol â rheoliad 11 (llunio a chynnal rhestrau meddygon fferyllol);

ystyr “meddyg” (“*doctor*”) yw ymarferydd meddygol cofrestredig;

ystyr “meddyg fferyllol” (“*dispensing doctor*”) yw meddyg sy’n darparu gwasanaethau fferyllol o dan drefniadau â Bwrdd Iechyd Lleol a wneir o dan reoliad 26 (trefniadau ar gyfer darparu gwasanaethau fferyllol gan feddygon);

ystyr “nyrs sy’n rhagnodi’n annibynnol” (“*independent nurse prescriber*”) yw person—

- (a) sydd wedi ei gofrestru yn y Gofrestr Nyrsio a Bydwreigiaeth, a
- (b) sydd â nodyn gyferbyn â’i enw yn y gofrestr honno sy’n dynodi ei fod yn gymwys i archebu cyffuriau a chyfarpar fel nyrs sy’n rhagnodi fel ymarferydd cymunedol, nyrs-ragnodydd annibynnol neu nyrs-ragnodydd annibynnol/atodol;

ystyr “nyrs-ragnodydd annibynnol” (“*nurse independent prescriber*”) yw person—

- (a) y mae ei enw wedi ei gofrestru yn y Gofrestr Nyrsio a Bydwreigiaeth,
- (b) sydd â nodyn neu gofnod gyferbyn â’i enw yn y gofrestr honno sy’n dynodi ei fod yn gymwys i archebu cyffuriau, meddyginiaethau a chyfarpar fel—
 - (i) nyrs-ragnodydd annibynnol, neu
 - (ii) nyrs-ragnodydd annibynnol/atodol, ac

sydd, mewn cysylltiad â pherson sy’n ymarfer yng Nghymru ar neu ar ôl 19 Gorffennaf 2010, wedi llwyddo mewn cwrs a achredwyd i ymarfer fel nyrs-ragnodydd annibynnol;

ystyr “optometrydd-ragnodydd annibynnol” (“*optometrist independent prescriber*”) yw person—

- (a) sy’n optometrydd sydd wedi ei gofrestru yn y gofrestr o optometryddion a gynhelir o dan adran 7 o Ddeddf Optegwyr 1989(15) (sy’n ymwneud â’r gofrestr o optometryddion a’r gofrestr o optegwyr fferyllol) neu’r gofrestr o optometryddion sydd ar ymweliad o Wladwriaethau Ewropeaidd perthnasol a gynhelir o dan adran 8B(1)(a) o’r Ddeddf honno, a
- (b) sydd â nodyn gyferbyn â’i enw sy’n dynodi bod yr optometrydd yn gymwys i archebu cyffuriau, meddyginiaethau a chyfarpar fel optometrydd-ragnodydd annibynnol;

mae “oriau agor atodol” (“*supplementary opening hours*”) i’w ddehongli, fel y mae’r cyd-destun yn mynnu, yn unol â pharagraff 23(2) o Atodlen 5 neu baragraff 13(3)(a) o Atodlen 6, neu’r ddau;

mae “oriau agor ychwanegol” (“*additional opening hours*”) i’w ddehongli, fel y mae’r cyd-destun yn mynnu, yn unol â pharagraff 23(11) o Atodlen 5 neu baragraff 13(10) o Atodlen 6, neu’r ddau;

ystyr “oriau craidd” (“*core hours*”) yw’r oriau y mae rhaid i fangreoedd fferyllfa, neu gontractwr cyfarpar, fod ar agor yn rhinwedd paragraff 23(1) o Atodlen 5, neu baragraff 13(1) o Atodlen 6;

ystyr “parafeddyg-ragnodydd annibynnol” (“*paramedic independent prescriber*”) yw person—

- (a) sydd wedi ei gofrestru’n barafeddyg yn Rhan 8 o gofrestr y Cyngor Proffesiynau Iechyd a Gofal, a
- (b) sydd â nodyn gyferbyn â’i enw yn Rhan 8 o’r gofrestr honno sy’n dynodi bod y person yn gymwys i archebu cyffuriau, meddyginiaethau a chyfarpar fel parafeddyg-ragnodydd annibynnol;

ystyr “plentyn” (“*child*”) yw person nad yw wedi cyrraedd 16 mlwydd oed;

ystyr “podiatrydd-ragnodydd neu giropodydd-ragnodydd annibynnol” (“*podiatrist or chiropract independent prescriber*”) yw person—

- (a) sy'n bodiatrydd neu'n giropodydd, a
- (b) sydd â nodyn gyferbyn â'i enw yn Rhan 2 o'r gofrestr a gynhelir o dan erthygl 5 o Orchymyn Proffesiynau Iechyd a Gwaith Cymdeithasol 2002 sy'n dynodi ei fod yn gymwys i archebu cyffuriau, meddyginiaethau a chyfarpar fel podiatrydd-ragnodydd neu giropodydd-ragnodydd annibynnol;

ystyr "PPD" ("*SSP*") yw protocol prinder difrifol;

ystyr "practis GMBIL1" ("*LHBMS practice*") yw practis sy'n darparu GMBIL1;

ystyr "presgripsiwn amlroddadwy" ("*repeatable prescription*") yw presgripsiwn sydd wedi ei gynnwys mewn ffurflen a ddarparwyd gan Fwrdd Iechyd Lleol—

- (a) sydd naill ai—
 - (i) wedi ei gynhyrchu gan gyfrifiadur ond wedi ei lofnodi gan ragnodydd amlroddadwy, neu
 - (ii) yn ffurflen a grëwyd mewn fformat electronig, a adwaenir drwy ddefnyddio cod rhagnodydd amlroddadwy, a drawsyrir fel cyfathrebiad electronig gan y gwasanaeth TPE at fferylllydd GIG, contractwr cyfarpar GIG neu feddyg fferyllol a enwebir ac sydd wedi ei lofnodi â llofnod electronig uwch rhagnodydd amlroddadwy,
- (b) sydd wedi ei ddyroddi neu wedi ei greu i alluogi person i gael gwasanaethau fferyllol, ac
- (c) sy'n dangos y caniateir darparu'r cyffuriau neu'r cyfarpar a archebir ar y ffurflen honno fwy nag unwaith, ac sy'n pennu nifer y troeon y caniateir iddynt gael eu darparu;

ystyr "presgripsiwn amlroddadwy anelectronig" ("*non-electronic repeatable prescription*") yw presgripsiwn sy'n dod o fewn paragraff (a)(i) o'r diffiniad o "presgripsiwn amlroddadwy";

ystyr "presgripsiwn amlroddadwy electronig" ("*electronic repeatable prescription*") yw presgripsiwn sy'n dod o fewn paragraff (a)(ii) o'r diffiniad o "presgripsiwn amlroddadwy";

ystyr "presgripsiwn electronig" ("*electronic prescription*") yw ffurflen bresgripsiwn electronig neu bresgripsiwn amlroddadwy electronig;

ystyr "proffesiynolyn gofal iechyd" ("*health care professional*") yw person, ac eithrio gweithiwr cymdeithasol, sy'n aelod o broffesiwn a reoleiddir gan gorff a grybwyllir yn adran 25(3) o Ddeddf Diwygio'r Gwasanaeth Iechyd Gwladol a Phroffesiynau Gofal Iechyd 2002(16);

ystyr "protocol prinder difrifol" ("*serious shortage protocol*") yw—

- (a) yn achos meddyginiaeth a roddir ar bresgripsiwn yn unig, brotocol prinder difrifol at ddibenion rheoliad 226A o Reoliadau Meddyginiaethau Dynol 2012(17) (gwerthiant etc. gan fferylllydd yn unol â phrotocol prinder difrifol), neu
- (b) yn achos unrhyw gyffur arall neu unrhyw gyfarpar arall, brotocol ysgrifenedig—
 - (i) sydd wedi ei ddyroddi gan Weinidogion Cymru o dan amgylchiadau pan fo Cymru neu unrhyw ran o Gymru, ym marn Gweinidogion Cymru, yn profi prinder difrifol, neu pan all brofi prinder difrifol, o—
 - (aa) cyffur neu gyfarpar penodedig, neu
 - (bb) cyffuriau neu gyfarpar o ddisgrifiad penodedig,

(16) 2002 p. 17, a ddiwygiwyd gan Ddeddf Iechyd a Gofal Cymdeithasol 2008 (p. 14) a Gorchymyn Fferylliaeth 2010 (O.S. 2010/231). Mae diwygiadau eraill ond nid yw'r un ohonynt yn berthnasol.

(17) O.S. 2012/1916; mewnosodwyd rheoliad 226A gan O.S. 2019/62.

- (ii) sy'n darparu ar gyfer cyflenwi, gan fferylllydd GIG neu gontractwr cyfarpar GIG sy'n darparu gwasanaethau fferyllol neu wasanaethau fferyllol lleol, pan fo archeb ar ffurflen bresgripsiwn neu bresgripsiwn amlroddadwy am—
 - (aa) y cyffur neu'r cyfarpar penodedig, neu
 - (bb) cyffur neu gyfarpar o'r disgrifiad penodedig, gynnyrch gwahanol neu swm gwahanol o gynnyrch i'r cynnyrch neu swm y cynnyrch a archebwyd, yn ddarostyngedig i unrhyw amodau a bennir yn y protocol, a
- (iii) sy'n pennu'r cyfnod y mae'r protocol i gael effaith ar ei gyfer, a'r rhannau o Gymru (a all fod yn Gymru gyfan) y mae'r protocol i gael effaith ynddynt;

mae i "pwyllgor disgyblu fferyllol" yr un ystyr ag a roddir i "pharmaceutical discipline committee" yn rheoliad 2 o Reoliadau'r Gwasanaeth Iechyd Gwladol (Pwyllgorau Gwasanaethau a'r Tribiwnlys) 1992(18);

ystyr "Pwyllgor Fferyllol Lleol" (*"Local Pharmaceutical Committee"*) yw pwyllgor a gydnabyddir o dan adran 90 o Ddeddf 2006 (pwyllgorau fferyllol lleol);

ystyr "Pwyllgor Meddygol Lleol" (*"Local Medical Committee"*) yw pwyllgor a gydnabyddir o dan adran 54 o Ddeddf 2006 (pwyllgorau meddygol lleol);

ystyr "radiograffydd cofrestredig" (*"registered radiographer"*) yw person sydd wedi ei gofrestru yn Rhan 11 o gofrestr y Cyngor Proffesiynau Iechyd a Gofal;

ystyr "radiograffydd therapiwtig-ragnodydd annibynnol" (*"therapeutic radiographer independent prescriber"*) yw person—

- (a) sy'n radiograffydd cofrestredig, a
- (b) y cofnodir gyferbyn â'i enw yn Rhan 11 o gofrestr y Cyngor Proffesiynau Iechyd a Gofal—
 - (i) hawlogaeth i ddefnyddio'r teitl "radiograffydd therapiwtig" neu "therapeutic radiographer", a
 - (ii) nodyn sy'n dynodi ei fod yn gymwys i archebu cyffuriau, meddyginiaethau a chyfarpar fel radiograffydd therapiwtig-ragnodydd annibynnol;

ystyr "rhagnodydd" (*"prescriber"*) yw meddyg, deintydd, fferylllydd-ragnodydd annibynnol, nyrs sy'n rhagnodi'n annibynnol, nyrs-ragnodydd annibynnol, optometrydd-ragnodydd annibynnol, fferylllydd-ragnodydd annibynnol, ffisiotherapydd-ragnodydd annibynnol, podiatrydd-ragnodydd neu giropodydd-ragnodydd annibynnol, radiograffydd therapiwtig-ragnodydd annibynnol, parafeddyg-ragnodydd annibynnol neu ragnodydd atodol;

ystyr "rhagnodydd amlroddadwy" (*"repeatable prescriber"*) yw person—

- (a) sy'n gontractwr GMC sy'n darparu gwasanaethau amlragnodi o dan y telerau yn ei gontract sy'n rhoi effaith i baragraff 40 (gwasanaethau amlragnodi) o Atodlen 6 i'r Rheoliadau GMC,
- (b) sy'n gontractwr GMDdA sy'n darparu gwasanaethau amlragnodi o dan y telerau yn ei gytundeb sy'n rhoi effaith i ddarpariaeth mewn cyfarwyddydau a wnaed gan Weinidogion Cymru o dan adran 12(3) o Ddeddf 2006 mewn perthynas â chontractau GMDdA, sy'n ddarpariaeth gyfatebol i baragraff 40 o Atodlen 6 i'r Rheoliadau GMC, neu
- (c) sydd wedi ei gyflogi neu wedi ei gymryd ymlaen gan—

(18) O.S. 1992/664. Mewnosodwyd y diffiniad o "pharmaceutical discipline committee" gan O.S. 1996/703.

- (i) contractwr GMC sy'n darparu gwasanaethau amlragnodi o dan y telerau mewn contract sy'n rhoi effaith i baragraff 40 o Atodlen 6 i'r Rheoliadau GMC,
- (ii) contractwr GMDdA sy'n darparu gwasanaethau amlragnodi o dan y telerau mewn cytundeb sy'n rhoi effaith i ddarpariaeth mewn cyfarwyddydau a wnaed gan Weinidogion Cymru o dan adran 12(3) o Ddeddf 2006 mewn perthynas â chontractau GMDdA, sy'n ddarpariaeth gyfatebol i baragraff 40 o Atodlen 6 i'r Rheoliadau GMC, neu
- (iii) Bwrdd Iechyd Lleol at ddibenion darparu gwasanaethau meddygol sylfaenol mewn practis GMBILL sy'n darparu gwasanaethau amlragnodi yn unol â ddarpariaeth mewn cyfarwyddydau a wnaed gan Weinidogion Cymru o dan adran 12(3) o Ddeddf 2006 mewn perthynas â GMBILL, sy'n ddarpariaeth gyfatebol i baragraff 40 o Atodlen 6 i'r Rheoliadau GMC;

ystyr "rhagnodydd atodol" ("*supplementary prescriber*") yw—

- (a) fferylllydd cofrestredig sydd â nodyn gyferbyn â'i enw yn Rhan 1 o Gofrestr y Cyngor Fferyllol Cyffredinol neu yn y gofrestr a gynhelir o dan Erthyglau 6 a 9 o Orchymyn Fferylliaeth (Gogledd Iwerddon) 1976 sy'n dynodi ei fod yn gymwys i archebu cyffuriau, meddyginiaethau a chyfarpar fel rhagnodydd atodol;
- (b) person y mae ei enw wedi ei gofrestru yn y Gofrestr Nyrsio a Bydwreigiaeth, ac sydd â nodyn gyferbyn â'i enw yn y Gofrestr honno sy'n dynodi ei fod yn gymwys i archebu cyffuriau, meddyginiaethau a chyfarpar fel nyrs-ragnodydd annibynnol/atodol;
- (c) person—
 - (i) sydd wedi ei gofrestru mewn rhan o'r gofrestr a gynhelir o dan erthygl 5 o Orchymyn Proffesiynau Iechyd a Gwaith Cymdeithasol 2001⁽¹⁹⁾ (sefydlu a chynnal cofrestr) sy'n ymwneud â chiropodyddion a phodiatriyddion, deietegyddion, parafeddygon, ffisiotherapyddion neu radiograffwyr, a
 - (ii) sydd â nodyn gyferbyn â'i enw yn y gofrestr honno sy'n dynodi ei fod yn gymwys i archebu cyffuriau, meddyginiaethau a chyfarpar fel rhagnodydd atodol, neu
- (d) optometrydd sydd â nodyn gyferbyn â'i enw yn y gofrestr o optometryddion a gynhelir o dan adran 7 neu 8B(1)(a) o Ddeddf Optegwyr 1989 sy'n dynodi bod yr optometrydd yn gymwys i archebu cyffuriau, meddyginiaethau a chyfarpar fel rhagnodydd atodol;

ystyr "Rheoliadau 1992" ("*the 1992 Regulations*") yw Rheoliadau'r Gwasanaeth Iechyd Gwladol (Gwasanaethau Fferyllol) 1992⁽²⁰⁾ fel yr oeddent mewn grym yn union cyn 10 Mai 2013;

ystyr "Rheoliadau 2005" ("*the 2005 Regulations*") yw Rheoliadau'r Gwasanaeth Iechyd Gwladol (Gwasanaethau Fferyllol) 2005⁽²¹⁾ fel yr oeddent mewn grym yn union cyn 1 Medi 2012;

ystyr "Rheoliadau 2013" ("*the 2013 Regulations*") yw Rheoliadau'r Gwasanaeth Iechyd Gwladol (Gwasanaethau Fferyllol) (Cymru) 2013⁽²²⁾ fel yr oeddent mewn grym yn union cyn 1 Hydref 2020;

ystyr "Rheoliadau Ffioedd" ("*Charges Regulations*") yw Rheoliadau'r Gwasanaeth Iechyd Gwladol (Presgripsiynau am Ddim a Ffioedd am Gyffuriau a Chyfarpar) (Cymru) 2007⁽²³⁾;

⁽¹⁹⁾ O.S. 2002/254. Diwygiwyd erthygl 5 gan O.S. 2009/1182. Ailenwyd y Gorchymyn gan adran 213(4) a (6) o Ddeddf Iechyd a Gofal Cymdeithasol 2012 (p. 7).

⁽²⁰⁾ O.S. 1992/662, a ddirymwyd gan O.S. 2013/898 (Cy. 102).

⁽²¹⁾ O.S. 2005/641, a ddirymwyd gan O.S. 2012/1909.

⁽²²⁾ O.S. 2013/898 (Cy. 102), a ddiwygiwyd gan O.S. 2004/478 (Cy. 48).

⁽²³⁾ O.S. 2007/121 (Cy. 11), a ddiwygiwyd gan O.S. 2013/898 (Cy. 102).

ystyr “Rheoliadau GMC” (“*GMS Regulations*”) yw Rheoliadau’r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004(24);

ystyr “Rheoliadau Peidio â Chodi Tâl” (“*Remission of Charges Regulations*”) yw Rheoliadau’r Gwasanaeth Iechyd Gwladol (Treuliau Teithio a Pheidio â Chodi Tâl) (Cymru) 2007(25);

ystyr “Rheoliadau Rhagnodi Cyffuriau” (“*Prescription of Drugs Regulations*”) yw Rheoliadau’r Gwasanaeth Iechyd Gwladol (Contractau Gwasanaethau Meddygol Cyffredinol) (Rhagnodi Cyffuriau etc.) (Cymru) 2004(26);

ystyr “rhestr” (“*list*”), oni fydd y cyd-destun yn mynnu fel arall, yw rhestr fferyllol neu restr meddygon fferyllol;

ystyr “rhestr berthnasol” (“*relevant list*”) yw—

- (a) rhestr fferyllol neu restr gyfatebol, neu
- (b) rhestr a gynhelir gan Fwrdd Iechyd Lleol neu gorff cyfatebol, o gyflawnwyr neu ddarparwyr cymeradwy gwasanaethau meddygol sylfaenol, gwasanaethau deintyddol neu wasanaethau offthalmig;

ystyr “rhestr cleifion” (“*patient list*”) yw rhestr o gleifion a gedwir yn unol â pharagraff 14 (rhestr o gleifion) o Atodlen 6 i’r Rheoliadau GMC neu mewn cysylltiad â chontractwr GMDdA neu bractis GMBILL, yn unol â chyfarwyddydau a roddir gan Weinidogion Cymru o dan adran 12(3) o Ddeddf 2006;

ystyr “rhestr cleifion berthnasol” (“*relevant patient list*”) yw—

- (a) mewn perthynas â meddyg sy’n gontractwr GMC neu’n gontractwr GMDdA (neu sy’n gyfrandaliwr cyfreithiol a llesiannol mewn cwmni sy’n gontractwr o’r fath), y rhestr cleifion ar gyfer y contractwr hwnnw, neu
- (b) pan na fo’r meddyg yn gontractwr, y rhestr cleifion ar gyfer y contractwr GMC neu’r contractwr GMDdA y mae’r meddyg wedi ei gyflogi ganddo neu wedi ei gymryd ymlaen ganddo neu ar gyfer y practis GMBILL y mae’r meddyg yn darparu gwasanaethau meddygol sylfaenol ynddo;

ystyr “rhestr cyflawnwyr meddygol” (“*medical performers list*”) yw rhestr o feddygon, a lunnir ac a gyhoeddir yn unol â rheoliad 3(1) o Reoliadau’r Gwasanaeth Iechyd Gwladol (Rhestr Cyflawnwyr) (Cymru) 2004(27);

ystyr “rhestr fferyllol” (“*pharmaceutical list*”) yw rhestr y mae’n ofynnol i Fwrdd Iechyd Lleol ei llunio a’i chynnal o dan reoliad 10 (llunio a chynnal rhestrau fferyllol);

ystyr “rhestr gyfatebol” (“*equivalent list*”) yw rhestr a gedwir gan gorff cyfatebol;

ystyr “rhestr meddygon fferyllol” (“*dispensing doctor list*”) yw rhestr y mae’n ofynnol i Fwrdd Iechyd Lleol ei llunio a’i chynnal o dan reoliad 11 (llunio a chynnal rhestrau meddygon fferyllol);

ystyr “swp-ddyroddiad” (“*batch issue*”) yw ffurflen, a ddarperir gan Fwrdd Iechyd Lleol ac a ddyroddir gan ragnodydd amlroddadwy ar yr un pryd â phresgripsiwn amlroddadwy

- (24) O.S. 2004/478 (Cy. 48), a ddiwygiwyd gan O.S. 2004/1017 (Cy. 114), O.S. 2006/358 (Cy. 46), O.S. 2006/945 (Cy. 94), O.S. 2007/121 (Cy. 11), O.S. 2007/205 (Cy. 19), O.S. 2008/1329 (Cy. 138), O.S. 2008/1425 (Cy. 147), O.S. 2010/729 (Cy. 70), O.S. 2010/1647 (Cy. 155), O.S. 2011/704 (Cy. 108), O.S. 2012/1479, O.S. 2012/1916, O.S. 2012/2404, O.S. 2013/235, O.S. 2013/898 (Cy. 102), O.S. 2014/1887, O.S. 2014/2291 (Cy. 226), O.S. 2016/90 (Cy. 43), O.S. 2016/211 (Cy. 84), O.S. 2016/481, O.S. 2016/1221 (Cy. 292). Mae diwygiadau eraill ond nid yw’r un ohonynt yn berthnasol.
- (25) O.S. 2007/1104 (Cy. 116), a ddiwygiwyd gan O.S. 2008/1480 (Cy. 153), O.S. 2008/2568 (Cy. 226), O.S. 2009/54 (Cy. 18), O.S. 2009/709 (Cy. 61), O.S. 2009/1824 (Cy. 165), O.S. 2009/2365 (Cy. 193), O.S. 2010/1237 (Cy. 107), O.S. 2010/2759 (Cy. 231), O.S. 2011/681 (Cy. 100), O.S. 2011/1940 (Cy. 208), O.S. 2012/800 (Cy. 109), O.S. 2013/684 (Cy. 82), O.S. 2014/460 (Cy. 53), O.S. 2014/1099 (Cy. 109), O.S. 2015/631 (Cy. 51), O.S. 2016/97 (Cy. 46), O.S. 2016/211 (Cy. 84), O.S. 2017/340 (Cy. 84) ac O.S. 2018/48 (Cy. 15).
- (26) O.S. 2004/1022 (Cy. 119), a ddiwygiwyd gan O.S. 2005/366 (Cy. 32), O.S. 2009/1838 (Cy. 166), O.S. 2009/1977 (Cy. 176), O.S. 2012/1916, O.S. 2013/683 (Cy. 81), O.S. 2014/109 (Cy. 09) ac O.S. 2016/90 (Cy. 43).
- (27) O.S. 2004/1020 (Cy. 117), a ddiwygiwyd gan O.S. 2006/945 (Cy. 94).

anelectronig i alluogi fferylllydd GIG neu gontractwr cyfarpar GIG i gael taliad am ddarparu gwasanaethau amlweinyddu, ac sydd yn y fformat gofynnol, ac—

- (a) a gynhyrchir gan gyfrifiadur ac nas llofnodir gan ragnodydd amlroddadwy,
- (b) sy'n ymwneud â phresgripsiwn amlroddadwy anelectronig penodol ac sy'n cynnwys yr un dyddiad â'r presgripsiwn hwnnw,
- (c) a ddyroddir fel un o ddilyniant o ffurflenni, sydd â'u nifer yn hafal i nifer y troeon y caniateir darparu'r cyffuriau neu'r cyfarpar a archebir ar y presgripsiwn amlroddadwy anelectronig, a
- (d) sy'n pennu rhif i ddynodi ei safle yn y dilyniant y cyfeirir ato ym mharagraff (c);

ystyr “swp-ddyroddiad priodol” (“*appropriate batch issue*”), mewn perthynas â phresgripsiwn amlroddadwy anelectronig, yw un o'r swp-ddyroddiadau sy'n ymwneud â'r presgripsiwn hwnnw ac sy'n cynnwys yr un dyddiad â'r presgripsiwn hwnnw;

mae i “Tariff Cyffuriau” (“*Drug Tariff*”) yr ystyr a roddir iddo yn rheoliad 55 (y Tariff Cyffuriau a thâl ar gyfer fferyllwyr GIG a chontractwr cyfarpar GIG);

ystyr “Tribiwnlys” (“*Tribunal*”) yw'r Tribiwnlys Haen Gyntaf a sefydlwyd o dan Ddeddf Tribiwnlysoedd, Llysoedd a Gorfodi 2007(28);

mae i “uwcharolygydd” yr un ystyr ag a roddir i “superintendent” yn adran 71 o Ddeddf Meddyginiaethau 1968(29) (cyrff corfforedig).

(2) Pan fo cyfeiriad yn cael ei wneud yn y Rheoliadau hyn at benderfyniad gan Fwrdd Iechyd Lleol a bod y penderfyniad hwnnw yn cael ei newid yn dilyn apêl, oni fydd y cyd-destun yn mynnu fel arall, mae'r cyfeiriad at y penderfyniad hwnnw i'w ddehongli fel pe bai'n gyfeiriad at y penderfyniad fel y'i newidiwyd yn dilyn apêl.

(3) Yn y Rheoliadau hyn—

- (a) ystyr y term “gwasanaethau fferyllol”, yng nghyd-destun trefniadau ar gyfer darparu gwasanaethau fferyllol gan feddyg, yw gweinyddu cyffuriau a chyfarpar ond nid gwasanaethau fferyllol fel y'u crybwyllir yn adran 86(7)(a) neu (b) o Ddeddf 2006 (personau sydd wedi eu hawdurdodi i ddarparu gwasanaethau fferyllol), a
- (b) ystyr y term “gwasanaethau gweinyddu”, mewn perthynas â meddyg neu gontractwr GMC, yw unrhyw wasanaeth cyfatebol a ddarperir, nid fel gwasanaethau fferyllol, ond o dan y telerau mewn contract GMC sy'n rhoi effaith i baragraffau 47 i 51 o Atodlen 6 i'r Rheoliadau GMC.

(4) Ac eithrio pan ddarperir yn benodol i'r gwrthwyneb, caniateir rhoi neu anfon unrhyw ddogfen y mae'n ofynnol, neu yr awdurdodir, ei rhoi i berson neu gorff neu ei hanfon at berson neu i gorff o dan y Rheoliadau hyn drwy ddanfoni y ddogfen at y person neu, yn achos corff, at ysgrifennydd neu reolwr cyffredinol y corff hwnnw, neu drwy anfon y ddogfen mewn llythyr rhagdaledig wedi ei gyfeirio at y person hwnnw neu, yn achos corff, at ysgrifennydd neu reolwr cyffredinol y corff hwnnw, yn ei gyfeiriad arferol neu ei gyfeiriad olaf sy'n hysbys, ac mae danfon y ddogfen yn cynnwys ei hanfon yn electronig i gyfeiriad electronig a roddwyd gan y person hwnnw at y diben hwnnw.

(5) Pan fo'r term “community practitioner nurse prescriber” yn ymddangos yn Rheoliadau Meddyginiaethau Dynol 2012(30) neu yn y Gofrestr Nyrsio a Bydwreigiaeth, mae i'w ddehongli at ddibenion y Rheoliadau hyn fel pe bai'n gyfeiriad at “nyrs sy'n rhagnodi'n annibynnol”.

(28) 2007 p. 15.

(29) Amnewidiwyd adran 71 gan adran 28 o Ddeddf Iechyd 2006 (p. 28).

(30) O.S. 2012/1916; a ddiwygiwyd gan O.S. 2013/235, O.S. 2013/1855, O.S. 2013/2593, O.S. 2014/490, O.S. 2014/1878, O.S. 2015/323, O.S. 2015/903, O.S. 2015/1503, O.S. 2015/1862, O.S. 2015/1879, O.S. 2016/186, O.S. 2016/190, O.S. 2016/696, O.S. 2017/715, O.S. 2017/1322, O.S. 2018/199, O.S. 2018/378 ac O.S. 2019/62.

RHAN 2

Asesiadau o anghenion fferyllol

Asesiadau o anghenion fferyllol

3.—(1) Cyfeirir at y datganiad o'r anghenion am wasanaethau fferyllol y mae'n ofynnol i bob Bwrdd Iechyd Lleol ei gyhoeddi yn rhinwedd adran 82A o Ddeddf 2006(31), pa un a yw'n ddatganiad o'i asesiad cyntaf neu o unrhyw asesiad diwygiedig, yn y Rheoliadau hyn fel "asesiad o anghenion fferyllol".

(2) Y gwasanaethau fferyllol y mae rhaid i bob asesiad o anghenion fferyllol ymwneud â hwy yw'r holl wasanaethau fferyllol y caniateir iddynt gael eu darparu o dan drefniadau a wneir gan Fwrdd Iechyd Lleol ar gyfer—

- (a) darparu gwasanaethau fferyllol gan berson ar restr fferyllol,
- (b) darparu gwasanaethau fferyllol lleol o dan gynllun peilot, neu
- (c) gweinyddu cyffuriau a chyfarpar gyda pherson sydd ar rhestr meddygon fferyllol (ond nid gwasanaethau GIG eraill y caniateir iddynt gael eu darparu o dan drefniadau a wneir gan Fwrdd Iechyd Lleol â meddyg fferyllol).

Yr wybodaeth sydd i'w chynnwys mewn asesiadau o anghenion fferyllol

4.—(1) Rhaid i bob asesiad o anghenion fferyllol gynnwys yr wybodaeth a nodir yn Atodlen 1.

(2) Rhaid i bob Bwrdd Iechyd Lleol, cyhyd ag y bo'n ymarferol, gadw'n gyfredol y map y mae'n ei gynnwys yn ei asesiad o anghenion fferyllol yn unol â pharagraff 5 o Atodlen 1 (ac nid oes angen iddo ailgyhoeddi'r asesiad cyfan na chyhoeddi datganiad atodol).

Y dyddiad erbyn pryd y mae'r asesiad cyntaf o anghenion fferyllol i'w gyhoeddi

5. Rhaid i bob Bwrdd Iechyd Lleol gyhoeddi ei asesiad cyntaf o anghenion fferyllol o fewn 12 mis i'r dyddiad y daw'r Rheoliadau hyn i rym.

Asesiadau dilynol

6.—(1) Ar ôl iddo gyhoeddi ei asesiad cyntaf o anghenion fferyllol, rhaid i bob Bwrdd Iechyd Lleol gyhoeddi datganiad o'i asesiad diwygiedig—

- (a) heb fod yn hwyrach na 5 mlynedd ar ôl iddo gyhoeddi'r asesiad blaenorol o anghenion fferyllol, neu
- (b) ar unrhyw adeg o fewn 5 mlynedd iddo gyhoeddi'r asesiad blaenorol o anghenion fferyllol, gan roi sylw i unrhyw asesiadau eraill o anghenion y mae'r Bwrdd Iechyd Lleol o dan ddyletswydd statudol i'w cyhoeddi.

(2) Rhaid i Fwrdd Iechyd Lleol wneud asesiad diwygiedig cyn gynted ag y bo'n rhesymol ymarferol ar ôl nodi newidiadau, sy'n newidiadau sylweddol, ers cyhoeddi ei asesiad o anghenion fferyllol, sy'n berthnasol i ganiatau ceisiadau y cyfeirir atynt yn adran 83 o Ddeddf 2006, oni bai ei fod wedi ei fodloni y byddai gwneud asesiad diwygiedig yn ymateb anghymesur i'r newidiadau hynny.

(3) Hyd nes y caiff datganiad o asesiad diwygiedig ei gyhoeddi, caniateir i Fwrdd Iechyd Lleol gyhoeddi datganiad atodol sy'n esbonio'r newidiadau i argaeledd gwasanaethau fferyllol ers cyhoeddi ei asesiad o anghenion fferyllol (sy'n dod yn rhan o'r asesiad), pan—

(31) Mewnosodwyd adran 82A gan adran 111 o Ddeddf Iechyd y Cyhoedd (Cymru) 2017 (dccc 2).

- (a) bo'r newidiadau yn berthnasol i ganiatáu ceisiadau y cyfeirir atynt yn adran 83 o Ddeddf 2006, a
- (b) bo'r Bwrdd Iechyd Lleol—
 - (i) wedi ei fodloni y byddai gwneud asesiad diwygiedig yn ymateb anghymesur i'r newidiadau hynny, neu
 - (ii) wrthi'n gwneud asesiad diwygiedig ac wedi ei fodloni ei bod yn hanfodol addasu ei asesiad o anghenion fferyllol ar unwaith er mwyn atal niwed i ddarpariaeth gwasanaethau fferyllol yn ei ardal.

(4) Pan fo Bwrdd Iechyd Lleol yn cyhoeddi datganiad atodol yn unol â pharagraff (3), rhaid i'r Bwrdd Iechyd Lleol hysbysu'r cyrff hynny a restrir yn rheoliad 7(1) am ei gyhoeddi cyn gynted ag y bo'n rhesymol ymarferol.

Ymgynghori ar asesiadau o anghenion fferyllol

7.—(1) Wrth wneud asesiad at ddibenion cyhoeddi asesiad o anghenion fferyllol, rhaid i bob Bwrdd Iechyd Lleol ymgynghori ar gynnwys yr asesiad â'r canlynol—

- (a) Pwyllgor Fferyllol Lleol Cymru,
- (b) y Pwyllgor Meddygol Lleol ar gyfer ei ardal (gan gynnwys un ar gyfer ei ardal a'r Pwyllgor ar gyfer un neu ragor o Fyrddau Iechyd Lleol eraill sy'n berthnasol i'r asesiad),
- (c) y personau sydd ar ei restrau fferyllol,
- (d) unrhyw fferyllfa cynllun peilot y mae'r Bwrdd Iechyd Lleol wedi gwneud trefniadau â hi ar gyfer darparu unrhyw wasanaethau fferyllol lleol,
- (e) y personau sydd ar ei restr meddygon fferyllol (os oes ganddo un),
- (f) unrhyw berson y mae'r Bwrdd Iechyd Lleol wedi gwneud trefniadau ag ef ar gyfer darparu gwasanaethau gweinyddu,
- (g) unrhyw ddarparwr gwasanaethau meddygol sylfaenol yn ei ardal,
- (h) unrhyw Gyngor Iechyd Cymuned ar gyfer ei ardal ac unrhyw grŵp arall sy'n cynrychioli cleifion, defnyddwyr neu gymuned yn ei ardal sydd, ym marn y Bwrdd Iechyd Lleol, â buddiant yn narpriaeth gwasanaethau fferyllol yn ei ardal,
- (i) unrhyw Fwrdd Partneriaeth Rhanbarthol ar gyfer ei ardal,
- (j) unrhyw awdurdod lleol ar gyfer ei ardal,
- (k) unrhyw Ymddiriedolaeth GIG yn ei ardal, ac
- (l) unrhyw Fwrdd Iechyd Lleol cyfagos.

(2) Rhaid cyhoeddi drafft o'r asesiad arfaethedig o anghenion fferyllol ar wefan y Bwrdd Iechyd Lleol am o leiaf 60 niwrnod.

(3) Rhaid i'r Bwrdd Iechyd Lleol, heb fod yn hwyrach na 24 awr ar ôl i'r asesiad drafft o anghenion fferyllol gael ei gyhoeddi yn unol â pharagraff (2), hysbysu'r personau a restrir ym mharagraff (1)—

- (a) bod drafft o'r asesiad arfaethedig o anghenion fferyllol wedi cael ei gyhoeddi ar wefan y Bwrdd Iechyd Lleol, a
- (b) am y dyddiad erbyn pryd y mae rhaid darparu unrhyw ymateb i'r ymgynghoriad i'r Bwrdd Iechyd Lleol.

(4) Os yw person a restrir ym mharagraff (1) yn gofyn am gopi o'r asesiad drafft o anghenion fferyllol ar ffurf copi caled, rhaid i'r Bwrdd Iechyd Lleol, cyn gynted ag y bo'n ymarferol, ac o fewn 14 o ddiwrnodau beth bynnag, roi copi caled o'r drafft i'r person hwnnw (yn rhad ac am ddim).

(5) Pan fo Bwrdd Iechyd Lleol yn cael ei hysbysu yn unol â pharagraff (3) a bod Pwyllgor Meddygol Lleol ar gyfer ei ardal sy'n wahanol i'r Pwyllgor Meddygol Lleol yr ymgynghorwyd ag ef o dan baragraff (1)(b), rhaid i'r Bwrdd Iechyd Lleol a hysbysir—

- (a) ymgynghori â'r Pwyllgor hwnnw cyn ymateb i'r ymgynghoriad, a
- (b) rhoi sylw i unrhyw sylwadau sydd wedi dod i law oddi wrth y Pwyllgor wrth ymateb i'r ymgynghoriad.

Materion i'w hystyried wrth wneud asesiadau

8.—(1) Wrth wneud asesiad at ddibenion cyhoeddi asesiad o anghenion fferyllol, rhaid i bob Bwrdd Iechyd Lleol roi sylw, cyhyd ag y bo'n ymarferol gwneud hynny, i'r materion a ganlyn—

- (a) unrhyw asesiad neu asesiad pellach o anghenion perthnasol a lunnir o dan adran 82A o Ddeddf 2006—
 - (i) pan fo'n ymwneud ag ardal y Bwrdd Iechyd Lleol, a
 - (ii) nad yw wedi ei ddisodli gan asesiad pellach o dan yr adran honno,
- (b) demograffeg ei ardal,
- (c) unrhyw anghenion gwahanol sydd gan ardaloedd lleol gwahanol o fewn ei ardal,
- (d) y gwasanaethau fferyllol a ddarperir o dan drefniadau ag unrhyw Fwrdd Iechyd Lleol cyfagos sy'n effeithio ar yr angen am wasanaethau fferyllol yn ei ardal, ac
- (e) unrhyw wasanaethau gweinyddu neu wasanaethau GIG eraill a ddarperir yn ei ardal neu y tu allan iddi (nad ydynt wedi eu cwmpasu gan is-baragraff (d)) sy'n effeithio ar yr angen am wasanaethau fferyllol yn ei ardal.

(2) Wrth wneud asesiad at ddibenion cyhoeddi asesiad o anghenion fferyllol, rhaid i bob Bwrdd Iechyd Lleol roi sylw i'r anghenion tebygol yn y dyfodol—

- (a) i'r graddau sy'n angenrheidiol er mwyn gwneud asesiad priodol o'r materion a grybwyllir ym mharagraff 3 o Atodlen 1, a
- (b) gan roi sylw i newidiadau yn nifer y bobl yn ei ardal y bydd angen gwasanaethau fferyllol arnynt.

Cyhoeddi asesiadau o anghenion fferyllol

9.—(1) Rhaid i Fwrdd Iechyd Lleol gyhoeddi ar ei wefan—

- (a) yr asesiad o anghenion fferyllol ar gyfer ei ardal,
- (b) unrhyw asesiad dilynol a wneir yn unol â rheoliad 6(1), ac
- (c) unrhyw datganiad atodol a wneir yn unol â rheoliad 6(3).

(2) Os yw Bwrdd Iechyd Lleol yn cael cais am gopi o unrhyw un neu ragor o'r dogfennau ym mharagraff (1) ar ffurf copi caled, rhaid i'r Bwrdd Iechyd Lleol, cyn gynted ag y bo'n ymarferol ac o fewn 14 o ddiwrnodau beth bynnag, roi copi caled (yn rhad ac am ddim).

RHAN 3

Rhestrau fferyllol a rhestrau meddygon fferyllol

Llunio a chynnal rhestrau fferyllol

10.—(1) Rhaid i bob Bwrdd Iechyd Lleol lunio a chynnal rhestrau fferyllol o'r fferyllwyr GIG a'r contractwyr cyfarpar GIG sydd wedi gwneud cais yn unol â Rhan 5 o'r Rheoliadau hyn ac

Atodlen 2 iddynt, i ddarparu gwasanaethau fferyllol o fangreoedd yn ardal y Bwrdd Iechyd Lleol ac y cymeradwywyd eu ceisiadau gan y Bwrdd Iechyd Lleol yn unol ag Atodlen 3 neu, yn dilyn apêl, gan Weinidogion Cymru yn unol ag Atodlen 4, ac sydd wedi eu hawdurdodi—

- (a) i ddarparu gwasanaethau fferyllol yn benodol drwy ddarparu cyffuriau, neu
- (b) i ddarparu gwasanaethau fferyllol drwy ddarparu cyfarpar yn unig.

(2) Rhaid i bob rhestr fferyllol gynnwys—

- (a) cyfeiriad y fangre y mae'r person rhestredig wedi ymgymryd â darparu gwasanaethau fferyllol ynddi,
- (b) y diwrnodau a'r amseroedd pan fydd y person rhestredig yn darparu gwasanaethau fferyllol yn y fangre honno, ac
- (c) disgrifiad o'r gwasanaethau fferyllol y mae'r person rhestredig wedi ymgymryd â'u darparu.

(3) Mae Rhan 7 o'r Rheoliadau hyn yn gwneud darpariaeth ar gyfer dileu enwau personau o'r rhestrau fferyllol.

(4) Bydd rhestr fferyllol Bwrdd Iechyd Lleol, sy'n rhestr gyfredol yn union cyn i'r Rheoliadau hyn ddod i rym, yn rhestr fferyllol gyfredol hefyd pan ddaw'r Rheoliadau hyn i rym, oni fydd yn ofynnol i'r Bwrdd Iechyd Lleol roi effaith i benderfyniad a wnaed cyn y dyddiad dod i rym, i newid, dileu neu gynnwys cofnod yn y rhestr, neu o'r rhestr, o ddechrau'r dyddiad dod i rym, neu oni fydd hawlogaeth gan y Bwrdd Iechyd Lleol i wneud hynny, ac mewn achos o'r fath, y rhestr gyfredol ar ddechrau'r dyddiad dod i rym yw'r rhestr fel y'i haddaswyd i roi effaith i'r penderfyniad hwnnw.

Llunio a chynnal rhestrau meddygon fferyllol

11.—(1) Rhaid i bob Bwrdd Iechyd Lleol lunio a chynnal rhestr meddygon fferyllol o'r meddygon y mae'r Bwrdd Iechyd Lleol wedi gwneud trefniant â hwy yn unol â rheoliad 26 (trefniadau ar gyfer darparu gwasanaethau fferyllol gan feddygon) i ddarparu gwasanaethau fferyllol i'w cleifion yn ardal y Bwrdd Iechyd Lleol.

(2) Rhaid i bob rhestr meddygon fferyllol gynnwys—

- (a) enw'r meddyg—
 - (i) y mae ei gais o dan Ran 6 i gael cydsyniad amlinellol a chymeradwyaeth mangre wedi ei gymeradwyo gan y Bwrdd Iechyd Lleol yn unol ag Atodlen 3 neu, yn dilyn apêl, gan Weinidogion Cymru yn unol ag Atodlen 4, a
 - (ii) sydd wedi gwneud trefniadau â'r Bwrdd Iechyd Lleol o dan reoliad 26 i ddarparu gwasanaethau fferyllol,
- (b) yr ardal y rhoddwyd cydsyniad amlinellol mewn perthynas â hi a'r dyddiad y cymeroedd y cydsyniad amlinellol effaith,
- (c) cyfeiriad y fangre practis y rhoddwyd cymeradwyaeth mangre iddi, sy'n pennu—
 - (i) y dyddiad y cymerodd y gymeradwyaeth mangre effaith neu, os nad yw eto wedi cymryd effaith, y dyddiad y'i rhoddwyd, a
 - (ii) os yw cymeradwyaeth y fangre yn gymeradwyaeth dybiedig, cymeradwyaeth dros dro neu gymeradwyaeth weddilliol, y ffaith honno,
- (d) cyfeiriad unrhyw fangreoedd practis y gwnaeth y meddyg geisiadau am gymeradwyaeth mangre mewn perthynas â hwy, sy'n dal yn yr arfaeth, ac
- (e) pan fo meddyg y mae ei enw wedi ei gynnwys yn y rhestr meddygon fferyllol yn darparu gwasanaethau meddygol sylfaenol gyda phractis GMBILI, enw a chyfeiriad y Bwrdd Iechyd Lleol.

(3) Caiff meddyg sydd wedi ei gynnwys mewn rhestr meddygon fferyllol a gynhelir gan Fwrdd Iechyd Lleol, ac sy'n ddarparwr gwasanaethau meddygol sylfaenol, neu sydd wedi ei gyflogi neu wedi ei gymryd ymlaen gan ddarparwr gwasanaethau meddygol sylfaenol, wneud cais i'r Bwrdd Iechyd Lleol hwnnw i feddyg arall sy'n ddarparwr gwasanaethau meddygol sylfaenol, neu sydd wedi ei gyflogi neu wedi ei gymryd ymlaen gan ddarparwr gwasanaethau meddygol sylfaenol, gael ei gynnwys yn y rhestr meddygon fferyllol yn ei le.

(4) Rhaid i Fwrdd Iechyd Lleol sy'n cael cais a ddisgrifir ym mharagraff (3) gytuno i'r cais hwnnw ac—

- (a) rhaid i'r Bwrdd Iechyd Lleol roi'r meddyg arall (“y meddyg newydd”) yn lle'r meddyg a wnaeth y cais (“y meddyg gwreiddiol”) yn y rhestr meddygon fferyllol a gynhelir gan y Bwrdd Iechyd Lleol,
- (b) bydd y trefniadau a oedd gan y Bwrdd Iechyd Lleol â'r meddyg gwreiddiol yn dod yn drefniadau â'r meddyg newydd, ac
- (c) bydd cydsyniadau amlinellol a chymeradwyaethau mangre'r meddyg gwreiddiol yn dod yn gydsyniadau amlinellol a chymeradwyaethau mangre'r meddyg newydd.

(5) Rhaid i Fwrdd Iechyd Lleol ddileu enw meddyg rhestredig o restr meddygon fferyllol—

- (a) os yw'r meddyg wedi marw,
- (b) os nad yw'r meddyg yn cyflawni gwasanaethau meddygol sylfaenol mwyach o fewn ardal y Bwrdd Iechyd Lleol,
- (c) os yw'r cydsyniad amlinellol a'r gymeradwyaeth mangre wedi darfod o dan reoliad 32 (cydsyniad amlinellol a chymeradwyaeth mangre yn darfod),
- (d) os yw enw'r meddyg wedi ei ddileu o'r rhestr cyflawnwyr meddygol, neu
- (e) os yw mwy na 12 mis wedi mynd heibio er pan ddarparwyd cyffuriau, meddyginiaethau neu gyfarpar ddiwethaf gan y meddyg o dan drefniant a wnaed yn unol â rheoliad 26.

(6) Bydd rhestr meddygon fferyllol Bwrdd Iechyd Lleol, sy'n rhestr gyfredol yn union cyn i'r Rheoliadau hyn ddod i rym, yn rhestr meddygon fferyllol gyfredol hefyd pan ddaw'r Rheoliadau hyn i rym, oni fydd yn ofynnol i'r Bwrdd Iechyd Lleol roi effaith i benderfyniad a wnaed cyn y dyddiad dod i rym i newid, dileu neu gynnwys cofnod yn y rhestr o ddechrau'r dyddiad dod i rym, neu oni fydd hawlogaeth gan y Bwrdd Iechyd Lleol i wneud hynny, ac mewn achos o'r fath, y rhestr gyfredol ar ddechrau'r dyddiad dod i rym yw'r rhestr fel y'i haddaswyd i roi effaith i'r penderfyniad hwnnw.

Telerau gwasanaeth

12.—(1) Y telerau y mae person wedi ei gynnwys mewn rhestr fferyllol ar eu sail (ac felly, telerau gwasanaeth y person) yw'r telerau hynny sydd wedi eu cynnwys—

- (a) yn y telerau gwasanaeth—
 - (i) ar gyfer fferyllwyr GIG sy'n darparu gwasanaethau fferyllol yn benodol drwy ddarparu cyffuriau, fel y'u nodir yn Atodlen 5, neu
 - (ii) ar gyfer contractwr cyfarpar GIG sy'n darparu gwasanaethau fferyllol drwy ddarparu cyfarpar yn unig, fel y'u nodir yn Atodlen 6,

ac fel y caniateir iddynt gael eu hamrywio gan amodau a osodir gan Fwrdd Iechyd Lleol yn rhinwedd rheoliad 38 (cynnwys person yn amodol ar sail addasrwydd),

- (b) yn y Tariff Cyffuriau, i'r graddau y mae'r hawliau a'r atebolrwyddau yn y Tariff Cyffuriau yn ymwneud â fferyllwyr GIG neu gontractwyr cyfarpar GIG ac yn gymwys yn achos y fferylllydd GIG neu'r contractwr cyfarpar GIG, ac
- (c) mewn trefniant a wnaed gan Fwrdd Iechyd Lleol â'r fferylllydd GIG neu'r contractwr cyfarpar GIG ar gyfer darparu unrhyw wasanaethau fferyllol.

(2) Y telerau y cynhwysir person ar eu sail mewn rhestr meddygon fferyllol (ac felly, telerau gwasanaeth y person) yw'r telerau hynny—

- (a) a gynhwysir yn y telerau gwasanaeth ar gyfer meddygon sy'n darparu gwasanaethau fferyllol a nodir yn Atodlen 7,
- (b) sydd yn unol ag unrhyw amodau a osodir ynghylch gohirio neu derfynu darparu gwasanaethau fferyllol i gleifion cymwys a wneir o dan baragraff 6 o Atodlen 3, paragraff 13 o Atodlen 3 neu reoliad 17(6), ac
- (c) sydd yn unol ag unrhyw amodau a osodir mewn perthynas â gallu'r meddyg fferyllol i ddarparu gwasanaethau fferyllol yn rhinwedd rheoliad 9(7) o Reoliadau 1992 neu reoliad 6(4) o Reoliadau 2013 a pharagraff 6 o Atodlen 2 iddynt.

RHAN 4

Penderfynu ardaloedd rheoledig

Ardaloedd sy'n ardaloedd rheoledig

13.—(1) Mae unrhyw ardal a oedd yn ardal reoledig, neu'n rhan o ardal reoledig, at ddibenion Rheoliadau 2013—

- (a) yn union cyn i'r Rheoliadau hyn ddod i rym, neu
- (b) yn dilyn penderfyniad a wnaed yn unol â rheoliad 63(2),

yn parhau i fod yn ardal reoledig, neu'n rhan o ardal reoledig, at ddibenion y Rheoliadau hyn (oni phenderfynir, neu hyd nes y penderfynir, nad yw'r ardal yn ardal reoledig mwyach, neu nad yw'n rhan o ardal reoledig mwyach).

(2) Yn ddarostyngedig i baragraff (3), rhaid i Fwrdd Iechyd Lleol, mewn ymateb i gais a gyflwynir yn ysgrifenedig gan Bwyllgor Meddygol Lleol neu Bwyllgor Fferyllol Lleol, ystyried y cwestiwn pa un a yw unrhyw ardal benodol o fewn yr ardal y sefydlwyd y Bwrdd Iechyd Lleol ar ei chyfer, oherwydd ei chymeriad gwledig, yn ardal reoledig neu'n rhan o ardal reoledig ai peidio; neu caiff y Bwrdd Iechyd Lleol ystyried hynny ar unrhyw adeg arall a benderfynir ganddo.

(3) Pan fo'r cwestiwn ynghylch pa un a yw unrhyw ardal benodol yn ardal reoledig neu'n rhan o ardal reoledig ai peidio wedi ei benderfynu gan Fwrdd Iechyd Lleol neu gan Weinidogion Cymru yn dilyn apêl (pa un a yw hynny o dan y Rheoliadau hyn neu o dan Reoliadau 2013), ni chaniateir ystyried y cwestiwn hwnnw eto mewn perthynas â'r ardal benodol—

- (a) am 5 mlynedd, gan ddechrau ar ddyddiad y penderfyniad gan y Bwrdd Iechyd Lleol neu, os apeliwyd yn erbyn y penderfyniad hwnnw, ddyddiad y penderfyniad ar yr apêl, oni bai
- (b) bod y Bwrdd Iechyd Lleol wedi ei fodloni (o fewn y cyfnod hwnnw o 5 mlynedd) fod newid sylweddol wedi bod yn yr amgylchiadau sy'n effeithio ar yr ardal er pan benderfynwyd y cwestiwn ddiwethaf.

(4) Mae Rhannau 1 a 2 o Atodlen 4 yn pennu'r gweithdrefnau sydd i'w dilyn gan Fwrdd Iechyd Lleol wrth benderfynu pa un a yw ardal yn ardal reoledig o dan y rheoliad hwn ai peidio.

Apelau yn erbyn penderfyniadau o dan Ran 4

14. Mae Rhannau 1 a 2 o Atodlen 4 yn gwneud darpariaeth ar gyfer apelau i Weinidogion Cymru mewn cysylltiad â phenderfyniadau a wneir o dan y Rhan hon.

RHAN 5

Ceisiadau gan fferyllwyr GIG a chontractwyr cyfarpar GIG i gael eu cynnwys mewn rhestrau fferyllol neu i restrau fferyllol gael eu diwygio

Ceisiadau i gynnwys person mewn rhestr fferyllol neu i ddiwygio rhestr fferyllol

15.—(1) Caiff person gyflwyno cais i Fwrdd Iechyd Lleol pan fo'r person hwnnw—

- (a) yn dymuno cael ei gynnwys mewn rhestr fferyllol a gynhelir gan y Bwrdd Iechyd Lleol,
- (b) eisoes wedi ei gynnwys mewn rhestr fferyllol a gynhelir gan y Bwrdd Iechyd Lleol ond yn dymuno, o fewn ardal y Bwrdd Iechyd Lleol—
 - (i) agor mangre ychwanegol er mwyn darparu'r un gwasanaethau fferyllol neu wasanaethau fferyllol gwahanol ohoni,
 - (ii) adleoli i fangre wahanol ac, yn y fangre honno, ddarparu'r un gwasanaethau fferyllol neu wasanaethau fferyllol gwahanol, neu
 - (iii) darparu, o'r fangre restredig, wasanaethau fferyllol o ddisgrifiad gwahanol i'r gwasanaethau fferyllol hynny a restrwyd eisoes mewn perthynas â'r person hwnnw, neu
- (c) eisoes wedi ei gynnwys mewn rhestr fferyllol a gynhelir gan Fwrdd Iechyd Lleol cyfagos, ond yn dymuno adleoli i fangre wahanol yn ardal y Bwrdd Iechyd Lleol y gwneir y cais iddo ac, yn y fangre honno, ddarparu'r un gwasanaethau fferyllol neu wasanaethau fferyllol gwahanol.

(2) Rhaid i gais a wneir i Fwrdd Iechyd Lleol o dan y rheoliad hwn gael ei wneud yn ysgrifenedig, a rhaid iddo ddarparu'r wybodaeth a nodir yn Rhan 1 o Atodlen 2.

(3) Yn ddarostyngedig i reoliad 60 (Bwrdd Iechyd Lleol cartref), rhaid i berson sy'n gwneud cais o dan baragraff (1)(a) ddarparu'r wybodaeth a'r ymgymeriadau a bennir yn Rhan 2 o Atodlen 2.

(4) Os yw Bwrdd Iechyd Lleol yn ystyried nad yw cais yn cynnwys yr holl wybodaeth sy'n ofynnol o dan baragraffau (2) a (3)—

- (a) caiff ofyn i'r ceisydd am yr wybodaeth neu'r ddogfennaeth berthnasol sydd ar goll, a
- (b) rhaid i'r ymgeisydd, o fewn y cyfnod a bennir yn rhesymol gan y Bwrdd Iechyd Lleol yn y cais o dan is-baragraff (a)—
 - (i) darparu unrhyw wybodaeth neu ddogfennaeth y gofynnir amdani'n rhesymol,
 - (ii) hysbysu'r Bwrdd Iechyd Lleol y bydd oedi o ran darparu'r wybodaeth neu'r ddogfennaeth y gofynnwyd amdani, am resymau penodedig, a phennu dyddiad erbyn pryd y mae'r ceisydd yn ymgymryd â darparu'r wybodaeth neu'r ddogfennaeth, neu
 - (iii) os yw'r ceisydd yn ystyried i'r Bwrdd Iechyd Lleol ofyn am unrhyw wybodaeth neu ddogfennaeth yn afresymol, hysbysu'r Bwrdd Iechyd Lleol am hynny a cheisio adolygiad gan y Bwrdd Iechyd Lleol o resymoldeb y cais.

(5) Os yw ceisydd yn gwrthod cydymffurfio â chais o dan baragraff (4)(a)—

- (a) o fewn y cyfnod—
 - (i) a bennir yn rhesymol gan y Bwrdd Iechyd Lleol o dan baragraff (4)(b), neu
 - (ii) sy'n gorffen ar y dyddiad a bennir gan y ceisydd yn unol â pharagraff (4)(b)(ii), os yw'r Bwrdd Iechyd Lleol wedi ei fodloni bod oedi y tu hwnt i'r cyfnod a bennodd, a hyd yr oedi, am reswm da,
- oni bai bod is-baragraff (b) yn gymwys, mae'r cais i'w drin fel pe bai wedi ei dynnu'n ôl;

(b) o dan amgylchiadau pan fo'r ceisydd, yn unol â pharagraff (4)(b)(iii), wedi ceisio adolygiad gan y Bwrdd Iechyd Lleol o resymoldeb y cais, os yw'r adolygiad yn penderfynu, o ran unrhyw wybodaeth neu ddogfennaeth y gofynnir amdani, neu o ran yr holl wybodaeth neu ddogfennaeth y gofynnir amdani—

(i) bod rhaid iddi gael ei darparu wedi'r cyfan, mae'r cais i'w drin fel pe bai wedi ei dynnu'n ôl oni bai bod yr wybodaeth neu'r ddogfennaeth y mae rhaid iddi gael ei darparu o hyd yn cael ei darparu o fewn cyfnod newydd a bennir yn rhesymol gan y Bwrdd Iechyd Lleol ar gyfer darparu'r wybodaeth honno neu'r ddogfennaeth honno, neu

(ii) nad oes rhaid iddi gael ei darparu gan y ceisydd, mae'r cais gan y Bwrdd Iechyd Lleol i'w drin fel pe bai wedi ei dynnu'n ôl i'r graddau y mae'n ymwneud â gwybodaeth neu ddogfennaeth nad oes angen ei darparu.

(6) Caiff y Bwrdd Iechyd Lleol ofyn am wybodaeth neu ddogfennaeth o dan y paragraff hwn ar unrhyw adeg ar ôl iddo gael cais a chyn iddo benderfynu'r cais hwnnw.

(7) Rhaid gwrthod cais gan berson, nad yw eisoes wedi ei gynnwys mewn rhestr fferyllol, i gael ei gynnwys yn y rhestr honno, os yw'r ceisydd yn unigolyn a gymhwysodd yn fferyllol yn y Swistir neu mewn Gwladwriaeth AEE ac eithrio'r Deyrnas Unedig, oni fydd y person hwnnw yn bodloni'r Bwrdd Iechyd Lleol fod ganddo'r lefel o wybodaeth o Saesneg sydd, er budd yr unigolyn hwnnw a'r personau sy'n defnyddio'r gwasanaethau fferyllol y mae'r cais yn ymwneud â hwy, yn angenrheidiol ar gyfer darparu'r gwasanaethau fferyllol hynny yn ardal y Bwrdd Iechyd Lleol.

(8) Bydd yr holl geisiadau a wneir o dan reoliad 15(1) yn cael eu penderfynu yn unol â rheoliad 16 (penderfynu ceisiadau i gynnwys person mewn rhestr fferyllol neu i ddiwygio rhestr fferyllol), ac eithrio ar gyfer ceisiadau y mae—

(a) rheoliad 19 (ceisiadau sy'n ymwneud ag adleoli o fewn ardal Bwrdd Iechyd Lleol),

(b) rheoliad 20 (ceisiadau sy'n ymwneud ag adleoli rhwng ardaloedd Byrddau Iechyd Lleol cyfagos),

(c) rheoliad 21 (ceisiadau sy'n ymwneud ag adleoli dros dro), neu

(d) rheoliad 22 (ceisiadau sy'n ymwneud â newid perchnogaeth),

yn gymwys iddynt ac a benderfynir yn unol â'r rheoliadau hynny.

(9) Mae Rhannau 1 a 3 o Atodlen 3 yn pennu'r gweithdrefnau sydd i'w dilyn gan Fwrdd Iechyd Lleol wrth benderfynu ceisiadau a wneir o dan y Rhan hon.

Penderfynu ceisiadau i gynnwys person mewn rhestr fferyllol neu i ddiwygio rhestr fferyllol

16.—(1) Pan na fo'r fangre a bennir mewn cais mewn ardal reoledig, ni chaiff y Bwrdd Iechyd Lleol ganiatáu'r cais ond os yw wedi ei fodloni y byddai'n diwallu angen am wasanaethau fferyllol, neu am wasanaethau fferyllol o fath penodedig, yn ardal y Bwrdd Iechyd Lleol perthnasol ac sydd wedi eu cynnwys yn asesiad y Bwrdd Iechyd Lleol hwnnw o anghenion fferyllol yn unol ag Atodlen 1.

(2) Pan fo'r fangre a bennir mewn cais mewn ardal reoledig ond nid mewn lleoliad neilltuedig (fel y'i diffinnir yn rheoliad 17(4) a (5)), caiff y Bwrdd Iechyd Lleol—

(a) gwrthod y cais pan fo o'r farn y byddai ei ganiatáu yn niweidio darpariaeth briodol gwasanaethau meddygol sylfaenol, gwasanaethau gweinyddu neu wasanaethau fferyllol yn yr ardal reoledig y mae'r fangre a bennir yn y cais ynddi (y "prawf niweidio"), a

(b) pan na fo'r cais wedi ei wrthod o dan y prawf niweidio, ganiatáu'r cais ond dim ond os yw wedi ei fodloni ei fod yn diwallu angen a nodir yn asesiad y Bwrdd Iechyd Lleol perthnasol o anghenion fferyllol.

(3) Nid yw'r prawf niweidio yn gymwys os yw Bwrdd Iechyd Lleol yn penderfynu cais pan fo'r fangre a bennir yn y cais mewn lleoliad neilltuedig.

(4) Rhaid i Fwrdd Iechyd Lleol wrthod cais nad yw'r ceisydd yn diwallu angen ynddo sydd wedi ei nodi yn asesiad y Bwrdd Iechyd Lleol perthnasol o anghenion fferyllol.

(5) Wrth benderfynu cais o dan y rheoliad hwn, sydd wedi ei wneud yn unol â rheoliad 15(1), (ac eithrio pan fo'r cais wedi ei wneud gan berson y rhoddwyd cydsyniad rhagarweiniol iddo yn unol â rheoliad 18 a bod y cydsyniad rhagarweiniol hwnnw yn ddilys yn unol â rheoliad 18(5)), neu yn unol â rheoliad 18 pan na fo'r ceisydd eisoes wedi ei gynnwys yn rhestr fferyllol y Bwrdd Iechyd Lleol hwnnw, caiff Bwrdd Iechyd Lleol—

- (a) gohirio ystyried y cais ar sail addasrwydd yn unol â rheoliad 36 (gohirio ceisiadau ar sail addasrwydd),
- (b) gwrthod y cais ar sail addasrwydd yn unol â rheoliad 37 (gwrthod ceisiadau ar sail addasrwydd), neu
- (c) gosod amodau ar ganiatáu'r cais yn unol â rheoliad 38 (cynnwys person yn amodol ar sail addasrwydd).

Lleoliadau mewn ardaloedd rheoledig sy'n lleoliadau neilltuedig

17.—(1) Rhaid i Fwrdd Iechyd Lleol benderfynu, o ran mangre a bennir mewn cais a gyflwynir iddo o dan reoliad 15 (ceisiadau i gynnwys person mewn rhestr fferyllol neu i ddiwygio rhestr fferyllol), neu'r fangre neu'r lleoliad perthnasol y mae'r ceisydd yn dymuno darparu gwasanaethau fferyllol ohoni neu ohono, a bennir mewn cais a gyflwynir i'r Bwrdd Iechyd Lleol o dan reoliad 18 (ceisiadau am gydsyniad rhagarweiniol ac effaith cydsyniad rhagarweiniol) sydd mewn ardal reoledig, pa un a yw hefyd mewn lleoliad neilltuedig.

(2) Pan fo penderfyniad wedi ei wneud gan y Bwrdd Iechyd Lleol, neu yn dilyn apêl, gan Weinidogion Cymru (o dan baragraff (1) ac Atodlen 4 yn eu trefn) neu yn unol â rheoliad 11 o Reoliadau 2013 neu Ran 2 o Atodlen 3 iddynt, mewn perthynas â mangre neu leoliad perthnasol y mae gwasanaethau fferyllol i'w darparu ohoni neu ohono neu y darperir gwasanaethau fferyllol ohoni neu ohono, fod y fangre honno neu'r lleoliad perthnasol hwnnw mewn lleoliad neilltuedig, caiff y person sydd wedi ei gynnwys yn y rhestr fferyllol mewn perthynas â'r fangre honno neu'r lleoliad perthnasol hwnnw, wneud cais yn ysgrifenedig i'r Bwrdd Iechyd Lleol, i'r Bwrdd Iechyd Lleol wneud penderfyniad pellach ynghylch pa un a yw'r fangre honno neu'r lleoliad perthnasol hwnnw, ar ddyddiad y cais, mewn lleoliad neilltuedig.

(3) At ddibenion y rheoliad hwn, ystyr y "lleoliad perthnasol", pan fo lleoliad y fangre y mae gwasanaethau fferyllol i'w darparu ohoni wedi ei bennu yn ysgrifenedig gan y ceisydd cyn i'r Bwrdd Iechyd Lleol wneud ei benderfyniad, yw'r lleoliad hwnnw, a phan na fo'r lleoliad hwnnw wedi ei bennu felly, yr amcangyfrif gorau y gall y Bwrdd Iechyd Lleol ei wneud o'r man lle y mae'r fangre honno.

(4) Yn ddarostyngedig i baragraff (5), mae lleoliad neilltuedig yn lleoliad mewn ardal reoledig y mae nifer yr unigolion ar y rhestrau cleifion ar gyfer yr ardal o fewn 1.6 cilometr i'r fangre neu i leoliad y fangre yn llai na 2,750 o bersonau mewn cysylltiad ag ef.

(5) Nid yw lleoliad yn lleoliad neilltuedig o dan baragraff (4) os yw'r Bwrdd Iechyd Lleol yn ystyried, pe bai fferyllfa yn gweithredu o'r lleoliad, y defnyddid hi i raddau tebyg neu i raddau mwy nag y gellid ei disgwyl pe bai nifer yr unigolion ar y rhestrau cleifion ar gyfer yr ardal sydd o fewn 1.6 cilometr i'r fangre neu i'r lleoliad yn hafal i 2,750 o bersonau neu'n fwy na hynny.

(6) Pan fo'r Bwrdd Iechyd Lleol, wrth wneud penderfyniad pellach y gwnaed cais amdano yn unol â pharagraff (2), yn penderfynu nad yw'r fangre honno neu'r lleoliad perthnasol hwnnw mewn lleoliad neilltuedig, neu os oes apêl yn erbyn penderfyniad gan y Bwrdd Iechyd Lleol a phenderfynir yn dilyn apêl nad yw'r fangre, neu nad yw'r lleoliad perthnasol, mewn lleoliad neilltuedig—

- (a) caiff y Bwrdd Iechyd Lleol benderfynu bod y fangre i'w thrin, neu'r lleoliad perthnasol i'w drin, at ddbenion y Rheoliadau hyn fel pe bai mewn lleoliad neilltuedig, pan fo o'r farn y byddai peidio â gwneud hynny yn niweidio darpariaeth briodol gwasanaethau meddygol sylfaenol (ac eithrio'r rheini a ddarperir gan y Bwrdd Iechyd Lleol ei hunan), gwasanaethau gweinyddu neu wasanaethau fferyllol mewn unrhyw ardal reoledig, neu
- (b) os oedd y Bwrdd Iechyd Lleol yn ystyried ei bod yn debygol yr effeithir yn anffafriol ar ddarpariaeth gwasanaethau meddygol sylfaenol gan ddarparwr gwasanaethau meddygol sylfaenol (ac eithrio un a gyflogir gan y Bwrdd Iechyd Lleol), gwasanaethau fferyllol gan fferyllydd GIG neu contractwr cyfarpar GIG, gwasanaethau fferyllol lleol a ddarperir o dan gynllun peilot neu wasanaethau fferyllol a ddarperir gan feddyg, oherwydd penderfyniad nad yw'r fangre mewn lleoliad neilltuedig, caiff y Bwrdd Iechyd Lleol wneud penderfyniad o'r fath ond caiff osod amodau i ohirio, am y cyfnod hwnnw y mae'n meddwl ei fod yn addas, wneud neu derfynu trefniadau o dan reoliad 26 (neu'r hyn sy'n cyfateb iddo o dan y Rheoliadau GMC) ar gyfer darparu gwasanaethau fferyllol neu wasanaethau gweinyddu i gleifion gan feddyg neu contractwr GMC.

Ceisiadau am gydsyniad rhagarweiniol ac effaith cydsyniad rhagarweiniol

18.—(1) Caiff person, sy'n dymuno cael yr hawl i gael ei gynnwys mewn rhestr fferyllol a gynhelir gan y Bwrdd Iechyd Lleol pan gyflwynir cais dilynol gan y person hwnnw o dan reoliad 15(1)(a) neu 15(1)(b)(i) (ceisiadau i gynnwys person mewn rhestr fferyllol neu i ddiwygio rhestr fferyllol), gyflwyno cais i Fwrdd Iechyd Lleol am gydsyniad rhagarweiniol o dan y rheoliad hwn.

(2) Rhaid i gais a wneir o dan y rheoliad hwn gael ei wneud yn ysgrifenedig, a rhaid iddo ddarparu'r wybodaeth a'r ymgymeriadau a nodir yn—

(a) Rhan 1 o Atodlen 2, a

(b) yn ddarostyngedig i reoliad 60 (Bwrdd Iechyd Lleol cartref), Ran 2 o Atodlen 2.

(3) Rhaid i Fwrdd Iechyd Lleol benderfynu cais am gydsyniad rhagarweiniol fel pe bai'n gais a wnaed yn unol â reoliad 15(1)(a) neu 15(1)(b)(i).

(4) Bydd cydsyniad rhagarweiniol yn ddilys am gyfnod o 6 mis o'r dyddiad y'i rhoddir, sef y diweddaraf o naill ai—

(a) 30 o ddiwrnodau ar ôl i'r Bwrdd Iechyd Lleol anfon hysbysiad o benderfyniad y Bwrdd Iechyd Lleol ar y cais, yn unol â pharagraff 14 o Atodlen 3, neu

(b) pan fo apêl wedi ei gwneud yn erbyn penderfyniad y Bwrdd Iechyd Lleol, y dyddiad y mae Gweinidogion Cymru yn rhoi hysbysiad o'u penderfyniad ar yr apêl o dan baragraff 8 o Atodlen 4.

(5) Rhaid i Fwrdd Iechyd Lleol ganiatáu cais dilynol a wneir o dan reoliad 15(1)(a) neu 15(1)(b)(i) gan berson y rhoddwyd cydsyniad rhagarweiniol iddo—

(a) os yw'r dyddiad y daeth y cais i law'r Bwrdd Iechyd Lleol o fewn y cyfnod a bennir ym mharagraff (4),

(b) os yw'r gwasanaethau fferyllol a bennir yn y cais yr un rhai â'r rhai a bennwyd yn y cais am gydsyniad rhagarweiniol, ac

(c) os yw'r fangre a bennir yn y cais yn yr un man â'r fangre neu leoliad sy'n berthnasol i angen a nodir yn asesiad y Bwrdd Iechyd Lleol o anghenion fferyllol.

(6) Pan fo is-baragraffau (a) a (b) mewn cysylltiad â pharagraff (5) wedi eu bodloni, ond bod lleoliad y fangre a bennir yn y cais yn wahanol i'r lleoliad y rhoddwyd cydsyniad rhagarweiniol mewn cysylltiad ag ef, rhaid i'r Bwrdd Iechyd Lleol drin y cais fel pe bai'n gais a wnaed yn unol â rheoliad 15(1)(b)(ii).

(7) Rhaid i'r penderfyniad i ganiatáu cais o dan baragraff (5) fod yn ddarostyngedig i unrhyw amodau a osodwyd gan y Bwrdd Iechyd Lleol, neu gan Weinidogion Cymru yn dilyn apêl, mewn perthynas â'r penderfyniad terfynol i roi'r cydsyniad rhagarweiniol cyfatebol.

(8) Wrth benderfynu cais o dan y rheoliad hwn, gan berson nad yw eisoes wedi ei gynnwys yn rhestr fferyllol y Bwrdd Iechyd Lleol (ac eithrio cais gan berson sydd â chydsyniad rhagarweiniol dilys yn unol â pharagraff (4)), caiff Bwrdd Iechyd Lleol—

- (a) gohirio ystyried y cais ar sail addasrwydd o dan reoliad 36 (gohirio ceisiadau ar sail addasrwydd),
- (b) gwrthod y cais ar sail addasrwydd o dan reoliad 37 (gwrthod ceisiadau ar sail addasrwydd), neu
- (c) gosod amodau ar ganiatáu'r cais o dan reoliad 38 (cynnwys person yn amodol ar sail addasrwydd).

Ceisiadau sy'n ymwneud ag adleoli o fewn ardal Bwrdd Iechyd Lleol

19.—(1) Caiff person sydd wedi gwneud cais o dan reoliad 15(1)(a) (ceisiadau i gynnwys person mewn rhestr fferyllol neu i ddiwygio rhestr fferyllol), ar unrhyw adeg ar ôl gwneud y cais, ond cyn diwedd y cyfnod perthnasol (fel y'i diffinnir yn rheoliad 23 (y weithdrefn ar ôl caniatáu cais)), hysbysu'r Bwrdd Iechyd Lleol ei fod yn dymuno newid y fangre y mae'n bwriadu darparu'r gwasanaethau fferyllol a bennir yn y cais ohoni, a chaiff y Bwrdd Iechyd Lleol ddiwygio'r fangre a bennir yn y cais gwreiddiol os yw'r Bwrdd Iechyd Lleol wedi ei fodloni—

- (a) mai adleoliad yw'r newid,
- (b) y bydd y gwasanaethau fferyllol a bennir yn y cais, ac a fyddai wedi cael eu darparu yn y fangre a bennwyd yn y cais gwreiddiol, yn cael eu darparu yn y fangre newydd, ac
- (c) bod yr adleoliad yn parhau i ddiwallu'r angen am wasanaethau fferyllol, neu am wasanaethau fferyllol o fath penodedig, a nodir yn yr asesiad perthnasol o anghenion fferyllol.

(2) Caiff Bwrdd Iechyd Lleol ganiatáu cais a wneir gan berson o dan reoliad 15(1)(b)(ii) i adleoli o fangre restredig i fangre newydd y mae'r person hwnnw yn bwriadu darparu gwasanaethau fferyllol ynddi, os yw'r Bwrdd Iechyd Lleol wedi ei fodloni—

- (a) bod yr adleoliad er mwyn diwallu angen am wasanaethau fferyllol, neu am wasanaethau fferyllol o fath penodedig, a nodir yn yr asesiad perthnasol o anghenion fferyllol ac—
 - (i) na fydd unrhyw doriad yn narpariaeth gwasanaethau fferyllol (ac eithrio am y cyfnod hwnnw a ganiateir am reswm da gan y Bwrdd Iechyd Lleol),
 - (ii) nad yw'r fangre a bennir yn y cais fel y fangre y mae'r person yn dymuno adleoli ohoni yn fangre y mae'r person wedi adleoli iddi dros dro o dan reoliad 21 (ceisiadau sy'n ymwneud ag adleoli dros dro), a
 - (iii) na fyddai, pe bai'n cael ei ganiatáu, yn achosi newid sylweddol i'r trefniadau sydd yn eu lle ar gyfer darparu gwasanaethau fferyllol (ac eithrio'r rheini a ddarperir gan berson ar restr meddygon fferyllol) mewn unrhyw ran o ardal y Bwrdd Iechyd Lleol, neu mewn ardal reoledig yn ardal Bwrdd Iechyd Lleol cyfagos pan fo'r ardal reoledig honno o fewn 1.6 cilometr i'r fangre newydd, neu
- (b) nad yw'r adleoliad er mwyn diwallu angen am wasanaethau fferyllol, neu am wasanaethau fferyllol o fath penodedig, a nodir yn yr asesiad perthnasol o anghenion fferyllol ond—
 - (i) ar gyfer y cleifion sy'n gyfarwydd â chael mynediad i wasanaethau fferyllol yn y fangre bresennol, nad yw lleoliad y fangre newydd yn llai hygyrch i raddau sylweddol,

- (ii) y darperir yr un gwasanaethau fferyllol yn y fangre newydd ag a ddarperir yn y fangre restredig,
- (iii) na fydd unrhyw doriad yn narpariaeth gwasanaethau fferyllol (ac eithrio am y cyfnod hwnnw a ganiateir am reswm da gan y Bwrdd Iechyd Lleol),
- (iv) nad yw'r fangre a bennir yn y cais fel y fangre y mae'r person yn dymuno adleoli ohoni yn fangre y mae'r person wedi adleoli iddi dros dro o dan reoliad 21 (ceisiadau sy'n ymwneud ag adleoli dros dro), a
- (v) na fyddai, pe bai'n cael ei ganiatáu, yn achosi newid sylweddol i'r trefniadau sydd yn eu lle ar gyfer darparu gwasanaethau fferyllol (ac eithrio'r rheini a ddarperir gan berson ar restr meddygon fferyllol) mewn unrhyw ran o ardal y Bwrdd Iechyd Lleol, neu mewn ardal reoledig yn ardal Bwrdd Iechyd Lleol cyfagos pan fo'r ardal reoledig honno o fewn 1.6 cilometr i'r fangre newydd.

(3) Ni chaiff person, y mae caniatâd wedi ei roi i gais a wnaed ganddo o dan y rheoliad hwn, gyflwyno cais arall am benderfyniad yn unol â'r rheoliad hwn, nac yn unol â rheoliad 20, o fewn 12 mis i ddyddiad caniatáu'r cais (fel y'i diffinnir yn rheoliad 23(3)(a)).

Ceisiadau sy'n ymwneud ag adleoli rhwng ardaloedd Byrddau Iechyd Lleol cyfagos

20.—(1) Caiff Bwrdd Iechyd Lleol ganiatáu cais a wneir gan berson o dan reoliad 15(1)(c) (ceisiadau i gynnwys person mewn rhestr fferyllol neu i ddiwygio rhestr fferyllol), i adleoli o fangre restredig yn ardal Bwrdd Iechyd Lleol cyfagos i fangre newydd yn ardal y Bwrdd Iechyd Lleol y gwneir y cais iddo, ac yn y fangre honno mae'r person yn bwriadu darparu gwasanaethau fferyllol—

- (a) os yw'r Bwrdd Iechyd Lleol y gwneir y cais iddo wedi ei fodloni—
 - (i) bod y newid yn adleoliad er mwyn diwallu angen a nodir yn asesiad perthnasol y Bwrdd Iechyd Lleol o anghenion fferyllol,
 - (ii) ar gyfer y cleifion sy'n gyfarwydd â chael mynediad i wasanaethau fferyllol yn y fangre bresennol, nad yw lleoliad y fangre newydd yn llai hygyrch i raddau sylweddol,
 - (iii) na fydd unrhyw doriad yn narpariaeth gwasanaethau fferyllol (ac eithrio am y cyfnod hwnnw a ganiateir am reswm da gan y Bwrdd Iechyd Lleol),
 - (iv) nad yw'r fangre a bennir yn y cais fel y fangre y mae'r person yn dymuno adleoli ohoni yn fangre y mae'r person wedi adleoli iddi dros dro o dan reoliad 21 (ceisiadau sy'n ymwneud ag adleoli dros dro),
 - (v) na fyddai'r cais, pe bai'n cael ei ganiatáu, yn achosi newid sylweddol i'r trefniadau sydd yn eu lle ar gyfer darparu gwasanaethau fferyllol (ac eithrio'r rheini a ddarperir gan berson ar restr meddygon fferyllol) mewn unrhyw ran o ardal y Bwrdd Iechyd Lleol, neu mewn ardal reoledig yn ardal Bwrdd Iechyd Lleol cyfagos pan fo'r ardal reoledig honno o fewn 1.6 cilometr i'r fangre newydd, a
- (b) os yw'r person yn cydsynio i enw'r fangre gael ei ddileu o'r rhestr fferyllol a gynhelir gan y Bwrdd Iechyd Lleol y mae'r fangre restredig bresennol yn ei ardal, gydag effaith o'r dyddiad y bydd darparu gwasanaethau fferyllol o'r fangre newydd yn cychwyn arno.

(2) Ni chaiff person, y mae caniatâd wedi ei roi i gais a wnaed ganddo yn unol â'r rheoliad hwn, gyflwyno cais arall am benderfyniad o dan y rheoliad hwn, nac o dan reoliad 19, o fewn 12 mis i ddyddiad caniatáu'r cais (fel y'i diffinnir yn rheoliad 23(3)(a)).

Ceisiadau sy'n ymwneud ag adleoli dros dro

21.—(1) Caiff Bwrdd Iechyd Lleol ddiwygio dros dro gofnod mewn rhestr fferyllol drwy ganiatáu cais a wneir gan berson o dan reoliad 15(1)(b)(ii) (ceisiadau i gynnwys person mewn rhestr fferyllol

neu i ddiwygio rhestr fferyllol) i adleoli i fangre wahanol ar sail dros dro, os yw'r Bwrdd Iechyd Lleol wedi ei fodloni—

- (a) bod yr amgylchiadau pan wneir y cais yn ei gwneud yn ofynnol darparu gwasanaethau fferyllol yn hyblyg,
- (b) ar gyfer y cleifion sy'n gyfarwydd â chael mynediad i wasanaethau fferyllol yn y fangre bresennol, nad yw lleoliad y fangre dros dro yn llai hygyrch i raddau sylweddol,
- (c) y darperir yr un gwasanaethau fferyllol yn y fangre dros dro ag a ddarperir yn y fangre restredig, a
- (d) na fydd unrhyw doriad yn narpariaeth gwasanaethau fferyllol (ac eithrio am unrhyw gyfnod a ganiateir am reswm da gan y Bwrdd Iechyd Lleol).

(2) Bydd diwygiad dros dro i gofnod yn y rhestr fferyllol yn cael effaith o'r dyddiad y cymeradwyodd y Bwrdd Iechyd Lleol y cais a wnaed iddo, a bydd yn ddilys am unrhyw gyfnod o hyd at 6 mis ac am unrhyw gyfnodau pellach o hyd at 3 mis y mae'r Bwrdd Iechyd Lleol yn ystyried eu bod yn angenrheidiol.

(3) Caiff person ddychwelyd i'r cofnod a ddisodlwyd yn y rhestr fferyllol a gynhelir gan y Bwrdd Iechyd Lleol cyn diwedd y cyfnod a benderfynir gan y Bwrdd Iechyd Lleol o dan baragraff (2) drwy roi o leiaf 7 niwrnod o rybudd yn ysgrifenedig i'r Bwrdd Iechyd Lleol.

(4) Pan fo cofnod mewn rhestr fferyllol yn cael ei ddisodli gan ddiwygiad dros dro yn unol â'r rheoliad hwn, ni fydd y disodliad hwnnw yn effeithio ar unrhyw achos o ran y trefniadau a ddisodlwyd (er ei bod yn bosibl y bydd angen eu hatal am resymau eraill), ac os bydd angen diwygio'r trefniadau a ddisodlwyd cyn diwedd y diwygiad dros dro o ganlyniad i'r achos hwnnw, bydd rhaid dychwelyd i'r trefniadau gwreiddiol a ddisodlwyd fel y'u diwygiwyd o ganlyniad i'r achos hwnnw.

Ceisiadau sy'n ymwneud â newid perchnogaeth

22.—(1) Rhaid i Fwrdd Iechyd Lleol ganiatáu cais a wneir gan berson o dan reoliad 15(1)(a), (b) (i) neu (ii) (ceisiadau i gynnwys person mewn rhestr fferyllol neu i ddiwygio rhestr fferyllol) sy'n bwriadu darparu gwasanaethau fferyllol mewn mangre y darperir y gwasanaethau hynny ohoni, ar yr adeg y gwneir y cais, gan berson arall sydd wedi ei gynnwys mewn rhestr fferyllol a gynhelir gan y Bwrdd Iechyd Lleol o dan reoliad 10 (llunio a chynnal rhestrau fferyllol) os yw'r Bwrdd Iechyd Lleol wedi ei fodloni—

- (a) bod y fangre wedi ei chynnwys eisoes mewn rhestr fferyllol a gynhelir gan y Bwrdd Iechyd Lleol,
- (b) y bydd yr un gwasanaethau fferyllol yn parhau i gael eu darparu o'r fangre, ac
- (c) na fydd toriad yn narpariaeth gwasanaethau fferyllol (ac eithrio am unrhyw gyfnod a ganiateir am reswm da gan y Bwrdd Iechyd Lleol).

(2) Wrth benderfynu cais o dan y rheoliad hwn, sydd wedi ei wneud o dan reoliad 15(1)(a) (ac eithrio pan fo'r cais wedi ei wneud gan berson y rhoddwyd cydsyniad rhagarweiniol iddo o dan reoliad 18 a bod y cydsyniad rhagarweiniol hwnnw yn ddilys yn unol â rheoliad 18(5)), neu o dan reoliad 18 pan na fo'r ceisydd eisoes wedi ei gynnwys yn rhestr fferyllol y Bwrdd Iechyd Lleol hwnnw, caiff Bwrdd Iechyd Lleol—

- (a) gohirio ystyried y cais ar sail addasrwydd o dan reoliad 36 (gohirio ceisiadau ar sail addasrwydd),
- (b) gwrthod y cais ar sail addasrwydd o dan reoliad 37 (gwrthod ceisiadau ar sail addasrwydd), neu
- (c) gosod amodau ar ganiatáu'r cais o dan reoliad 38 (cynnwys person yn amodol ar sail addasrwydd).

Y weithdrefn ar ôl caniatáu cais

23.—(1) Yn dilyn y dyddiad y caniateir cais a wneir o dan reoliad 15 (ceisiadau i gynnwys person mewn rhestr fferyllol neu i ddiwygio rhestr fferyllol), ni chaiff Bwrdd Iechyd Lleol gynnwys person mewn rhestr fferyllol na diwygio rhestr fferyllol oni fydd—

- (a) yr amod ym mharagraff (2) wedi ei fodloni, a
- (b) gofynion rheoliad 38 (cynnwys person yn amodol ar sail addasrwydd), os oes rhai, wedi eu bodloni o ran gosod amodau ar unrhyw berson.

(2) Bydd person yn cael ei gynnwys yn y rhestr fferyllol berthnasol, neu diwygir y rhestr fferyllol berthnasol fel y bo'n briodol, os bydd y person hwnnw, heb fod yn llai na 14 o ddiwrnodau cyn diwedd y cyfnod perthnasol, yn hysbysu'r Bwrdd Iechyd Lleol yn ysgrifenedig, gan ddarparu'r wybodaeth a bennir yn Rhan 3 o Atodlen 2, y bydd y person hwnnw, o fewn y 14 o ddiwrnodau nesaf, yn cychwyn darparu yn y fangre y gwasanaethau fferyllol a bennwyd yn y cais.

(3) At ddibenion y rheoliad hwn a, phan fo'n berthnasol, reoliad 24—

- (a) “y dyddiad y caniateir cais” yw'r dyddiad diweddaraf o naill ai—
 - (i) 30 o ddiwrnodau ar ôl i'r Bwrdd Iechyd Lleol anfon hysbysiad o benderfyniad y Bwrdd Iechyd Lleol ar y cais, yn unol â pharagraff 14 o Atodlen 3, neu
 - (ii) y dyddiad y penderfynir unrhyw apêl a ddygir yn erbyn penderfyniad y Bwrdd Iechyd Lleol, a
- (b) “y cyfnod perthnasol” yw—
 - (i) y cyfnod o 6 mis o'r dyddiad y caniateir cais, neu
 - (ii) unrhyw gyfnod pellach yn ychwanegol at yr hyn a bennir ym mharagraff (i) nad yw'n hwy na 3 mis y caiff y Bwrdd Iechyd Lleol ei ganiatáu am reswm da.

Cais i estyn y cyfnod perthnasol

24.—(1) Caiff person wneud cais i'r Bwrdd Iechyd Lleol i estyn y cyfnod perthnasol heb fod yn hwyrach na 5 mis ar ôl y dyddiad y caniateir cais.

(2) Yn unol â rheoliad 23(3)(b)(ii) caiff person wneud cais am estyniad o hyd at 3 mis.

(3) Rhaid i gais a wneir i'r Bwrdd Iechyd Lleol o dan y rheoliad hwn fod yn ysgrifenedig, a rhaid iddo ddarparu rhesymau pam y ceisir estyniad o'r cyfnod perthnasol.

(4) Mae Rhannau 1 a 3 o Atodlen 3 yn pennu'r gweithdrefnau sydd i'w dilyn gan Fwrdd Iechyd Lleol wrth benderfynu ceisiadau a wneir o dan y rheoliad hwn.

(5) At ddibenion y rheoliad hwn, ystyr “person” yw'r person y byddai hawlogaeth ganddo i ddarparu hysbysiad i Fwrdd Iechyd Lleol yn unol â rheoliad 23(2) o gychwyn darparu gwasanaethau fferyllol.

Apelau

25.—(1) Mae Atodlen 4 yn gwneud darpariaeth ar gyfer apelau i Weinidogion Cymru mewn cysylltiad â phenderfyniadau a wneir gan Fyrdau Iechyd Lleol o dan y Rhan hon, ac eithrio'r rheoliadau hynny a restrir ym mharagraff (2).

(2) Nid oes hawl i apelio mewn cysylltiad â phenderfyniad gan Fwrdd Iechyd Lleol—

- (a) i ddiwygio dros dro neu beidio â diwygio dros dro, neu i estyn diwygiad dros dro, mewn rhestr fferyllol o dan reoliad 21 (ceisiadau sy'n ymwneud ag adleoli dros dro), neu
- (b) i estyn y cyfnod perthnasol neu beidio ag estyn y cyfnod perthnasol o dan reoliad 24 (cais i estyn y cyfnod perthnasol).

RHAN 6

Ceisiadau gan feddygon i gael eu cynnwys mewn rhestrau meddygon fferyllol neu i restrau meddygon fferyllol gael eu diwygio

Trefniadau ar gyfer darparu gwasanaethau fferyllol gan feddygon

26.—(1) Caiff Bwrdd Iechyd Lleol wneud trefniant â meddyg sy'n dod o fewn paragraff (8) i'r meddyg ddarparu gwasanaethau fferyllol i glaf sydd wedi ei gynnwys ar restr cleifion y meddyg neu restr cleifion darparwr gwasanaethau meddygol sylfaenol y mae'r meddyg wedi ei gyflogi ganddo neu wedi ei gymryd ymlaen ganddo, os bydd yr amodau a ganlyn wedi eu bodloni—

- (a) byddai'r claf yn cael anhawster difrifol i gael unrhyw gyffuriau neu gyfarpar angenrheidiol o fferyllfa oherwydd pellter neu ddulliau cyfathrebu annigonol, ac mae'r amodau ym mharagraff (2) wedi eu bodloni,
- (b) mae'r claf yn preswyllo mewn ardal reoledig, a hynny yn bellter o fwy nag 1.6 cilometr o unrhyw fferyllfa, ac mae'r amodau a bennir ym mharagraff (4) wedi eu bodloni, neu
- (c) mae'r claf yn preswyllo mewn ardal reoledig, a phenderfynwyd bod unrhyw fferyllfa sydd o fewn pellter o 1.6 cilometr i'r man lle y mae'r claf yn byw mewn lleoliad neilltuedig, ac na newidiwyd y penderfyniad hwnnw yn dilyn apêl na thrwy benderfyniad pellach, ac mae'r amodau a bennir ym mharagraff (4) wedi eu bodloni.

(2) Yr amodau y cyfeirir atynt ym mharagraff (1)(a) yw—

- (a) bod y claf wedi gwneud cais ysgrifenedig i'r Bwrdd Iechyd Lleol i'r meddyg ddarparu gwasanaethau fferyllol iddo, am y rhesymau a bennir ym mharagraff (1)(a), a
- (b) bod y Bwrdd Iechyd Lleol wedi ei fodloni y byddai'r claf yn cael anhawster difrifol i gael unrhyw gyffuriau neu gyfarpar angenrheidiol am y rhesymau hynny.

(3) Wrth i'r Bwrdd Iechyd Lleol wneud trefniant â meddyg i'r meddyg ddarparu gwasanaethau fferyllol i glaf o dan baragraff (1)(a) o fangre practis, rhaid i'r Bwrdd Iechyd Lleol roi i'r meddyg yn ysgrifenedig, gyfnod rhesymol o rybudd ynghylch pryd y mae'r trefniant i gymryd effaith, oni fydd y meddyg wedi bodloni'r Bwrdd Iechyd Lleol—

- (a) nad yw'r meddyg fel arfer yn darparu gwasanaethau fferyllol i gleifion, neu
- (b) na fyddai'r claf yn cael anhawster difrifol i gael cyffuriau a chyfarpar o fferyllfa oherwydd pellter neu ddulliau cyfathrebu annigonol.

(4) Yr amodau y cyfeirir atynt ym mharagraff (1)(b) ac (c) yw—

- (a) bod cydsyniad amlinellol wedi ei roi i'r meddyg neu i'r darparwr gwasanaethau meddygol sylfaenol y mae'r meddyg wedi ei gyflogi ganddo neu wedi ei gymryd ymlaen ganddo,
- (b) bod cymeradwyaeth mangre wedi ei rhoi mewn perthynas â'r fangre y bydd y meddyg yn darparu gwasanaethau fferyllol ohoni i'r claf hwnnw,
- (c) bod y cydsyniad amlinellol a'r gymeradwyaeth mangre wedi cymryd effaith o dan reoliad 31 (cydsyniad amlinellol a chymeradwyaeth mangre yn cymryd effaith), a
- (d) bod unrhyw amodau a osodir o dan y Rheoliadau hyn mewn cysylltiad â rhoi cydsyniad amlinellol neu gymeradwyaeth mangre yn rhai sy'n caniatáu i drefniadau gael eu gwneud o dan y rheoliad hwn ar gyfer darparu gwasanaethau fferyllol gan y meddyg hwnnw i gleifion o dan baragraff (1)(b) neu (c).

(5) Mae cyfeiriadau ym mharagraff (4) at gydsyniad amlinellol, cymeradwyaeth mangre ac amodau a osodir yn cynnwys cyfeiriadau at y rheini a oedd yn cael effaith o dan Reoliadau 2013.

(6) Caiff meddyg, y gwnaed trefniant ag ef i ddarparu gwasanaethau fferyllol i glaf o dan y rheoliad hwn, gyda chydysniad y claf, yn hytrach na darparu'r cyffuriau neu'r cyfarpar, archebu'r cyffuriau neu'r cyfarpar drwy ddyroddi presgripsiwn i'r claf.

(7) Pan oedd trefniant i feddyg ddarparu gwasanaethau fferyllol i glaf yn cael effaith yn union cyn i'r Rheoliadau hyn ddod i rym, bydd y trefniant hwnnw yn cael effaith fel pe bai wedi ei wneud o dan y rheoliad hwn er nad yw'r amodau ym mharagraff (4) wedi eu bodloni.

(8) Mae meddyg yn dod o fewn y paragraff hwn os yw—

- (a) yn gontractwr GMC neu'n gontractwr GMDdA,
- (b) wedi ei gymryd ymlaen neu wedi ei gyflogi gan gontractwr GMC neu gontractwr GMDdA, neu
- (c) wedi ei gymryd ymlaen gan Fwrdd Iechyd Lleol at ddibenion darparu gwasanaethau meddygol sylfaenol i bractis GMBILL.

(9) Caiff meddyg apelio i Weinidogion Cymru yn erbyn penderfyniad gan Fwrdd Iechyd Lleol o dan baragraff (3). Rhaid gwneud yr apêl yn ysgrifenedig o fewn 30 o ddiwrnodau gan ddechrau â'r dyddiad yr anfonwyd hysbysiad o'r penderfyniad at y meddyg, a rhaid i'r apêl gynnwys datganiad cryno o'r sail dros yr apêl.

(10) Rhaid i Weinidogion Cymru, ar ôl cael unrhyw hysbysiad o apêl o dan baragraff (9), anfon copi o'r hysbysiad hwnnw i'r Bwrdd Iechyd Lleol a'r contractwr GMC neu'r contractwr GMDdA perthnasol, a chaiff y Bwrdd Iechyd Lleol a'r contractwr GMC neu'r contractwr GMDdA perthnasol, o fewn 30 o ddiwrnodau i'r dyddiad yr anfonodd Gweinidogion Cymru gopi o'r hysbysiad o apêl, gyflwyno sylwadau ysgrifenedig i Weinidogion Cymru.

(11) Caiff Gweinidogion Cymru benderfynu apêl yn unol â pharagraff (9) yn y modd y gwelant yn addas, gan ystyried y materion rhagarweiniol yn Rhan 1 o Atodlen 4.

(12) Rhaid i Weinidogion Cymru, ar ôl iddynt benderfynu unrhyw apêl o dan baragraff (9), roi hysbysiad o'u penderfyniad yn ysgrifenedig, ynghyd â'r rhesymau dros y penderfyniad, i'r apelydd, i'r Bwrdd Iechyd Lleol, ac i'r contractwr GMC neu'r contractwr GMDdA perthnasol.

Gwasanaethau angenrheidiol ar gyfer cleifion dros dro

27. Caiff meddyg, sy'n darparu gwasanaethau fferyllol i gleifion ar restr cleifion drwy drefniant a wneir â Bwrdd Iechyd Lleol o dan reoliad 26 (trefniadau ar gyfer darparu gwasanaethau fferyllol gan feddygon), ddarparu gwasanaethau fferyllol angenrheidiol i berson sydd wedi ei dderbyn gan y meddyg fel claf dros dro.

Darparu gwasanaethau fferyllol ar gyfer rhoi triniaeth ar unwaith neu ar gyfer eu rhoi neu eu defnyddio ar y claf gan y meddyg ei hunan

28.—(1) Yn ddarostyngedig i baragraff (2), caiff meddyg y mae ei enw wedi ei gynnwys mewn rhestr cyflawnwyr meddygol—

- (a) darparu i glaf unrhyw gyfarpar neu gyffur, nad yw'n gyffur Atodlen, pan fo angen darpariaeth o'r fath ar gyfer trin y claf hwnnw ar unwaith, cyn y gellir cael darpariaeth rywfodd arall, a
- (b) darparu i glaf unrhyw gyfarpar neu gyffur, nad yw'n gyffur Atodlen, a roddir i'r claf hwnnw, neu a osodir ar y claf hwnnw, gan y meddyg ei hunan.

(2) Ni chaiff meddyg ddarparu cyfarpar argaeledd cyfyngedig ond ar gyfer person neu at ddiben a bennir yn y Tariff Cyffuriau.

Terfynu trefniadau ar gyfer darparu gwasanaethau fferyllol gan feddygon

29.—(1) Rhaid i Fwrdd Iechyd Lleol roi cyfnod rhesymol o rybudd yn ysgrifenedig i feddyg, i'r perwyl bod rhaid i'r meddyg beidio â pharhau â darparu gwasanaethau fferyllol i glaf o dan drefniant yn unol â rheoliad 26 pan na fo'r claf yn dod o fewn rheoliad 26(1)(a), (b) neu (c) mwyach.

(2) O ran hysbysiad a roddir o dan baragraff (1)—

- (a) mae'n ddarostyngedig i unrhyw ohirio neu derfynu'r trefniadau ar gyfer darparu gwasanaethau fferyllol i'r person hwnnw gan y meddyg hwnnw a wnaed o dan baragraff 6 o Atodlen 3, paragraff 13 o Atodlen 3 neu reoliad 17(6), a
- (b) ni chaniateir ei roi—
 - (i) os oes unrhyw apêl yn yr arfaeth yn erbyn penderfyniad gan y Bwrdd Iechyd Lleol i ohirio gwneud neu derfynu'r trefniant, neu
 - (ii) pan fo paragraff 5 o Atodlen 3 yn gymwys.

Cydsyniad amlinellol a chymeradwyaeth mangre

30.—(1) Rhaid i feddyg, sy'n ddarparwr gwasanaethau meddygol sylfaenol neu sydd wedi ei gymryd ymlaen neu wedi ei gyflogi gan ddarparwr gwasanaethau meddygol sylfaenol ac sy'n dymuno gwneud trefniant â Bwrdd Iechyd Lleol i ddarparu gwasanaethau fferyllol i gleifion o dan reoliad 26(1)(b) neu (c) (trefniadau ar gyfer darparu gwasanaethau fferyllol gan feddygon), gyflwyno cais yn ysgrifenedig i'r Bwrdd Iechyd Lleol am—

- (a) cydsyniad, gan bennu'r ardal y mae'r meddyg yn dymuno darparu gwasanaethau fferyllol ynddi (“cydsyniad amlinellol”), a
- (b) cymeradwyaeth i unrhyw fangre practis y mae'r meddyg yn dymuno gweinyddu ohoni (“cymeradwyaeth mangre”).

(2) Ni chaiff meddyg a chanddo gydsyniad amlinellol sydd wedi cymryd effaith o dan reoliad 31 (cydsyniad amlinellol a chymeradwyaeth mangre yn cymryd effaith), gyflwyno cais am gymeradwyaeth mangre ond mewn perthynas ag—

- (a) mangre practis ychwanegol y bwriedir darparu gwasanaethau fferyllol ohoni, neu
- (b) mangre practis y mae'r meddyg yn dymuno adleoli iddi o fangre restredig.

(3) Rhaid i gais a wneir i Fwrdd Iechyd Lleol o dan y rheoliad hwn gael ei wneud yn ysgrifenedig, a rhaid iddo ddarparu'r wybodaeth a nodir yn Rhan 4 o Atodlen 2.

(4) Rhaid i Fwrdd Iechyd Lleol ddychwelyd cais os nad yw'n cynnwys yr holl wybodaeth sy'n ofynnol o dan baragraff (3).

(5) O ran y Bwrdd Iechyd Lleol—

- (a) rhaid iddo wrthod cydsyniad amlinellol mewn perthynas ag unrhyw ran o'r ardal a bennir yn y cais nad yw mewn ardal reoledig neu sydd o fewn 1.6 cilometr i unrhyw fferyllfa;
- (b) rhaid iddo wrthod cymeradwyaeth mangre mewn perthynas ag unrhyw fangre a bennir yn y cais sydd o fewn 1.6 cilometr i unrhyw fferyllfa;
- (c) rhaid iddo wrthod cais pan fo o'r farn y byddai ei ganiatáu yn niweidio darpariaeth briodol gwasanaethau meddygol sylfaenol, gwasanaethau gweinyddu neu wasanaethau fferyllol yn yr ardal reoledig y mae'r fangre a bennir yn y cais ynddi (“y prawf niweidio”);
- (d) pan na fo cais wedi ei wrthod o dan y prawf niweidio, rhaid iddo wrthod y cais oni bai ei fod wedi ei fodloni y byddai'n diwallu angen am wasanaethau fferyllol, neu wasanaethau fferyllol o fath penodol, o fewn yr ardal berthnasol ac sydd wedi ei gynnwys yn yr asesiad perthnasol o anghenion fferyllol ac y mae'r meddyg wedi gwneud cais am gydsyniad amlinellol yn ei gylch;

(e) pan fo'r Bwrdd Iechyd Lleol wedi ystyried dau neu ragor o geisiadau ar y cyd ac mewn perthynas â'i gilydd, caiff wrthod un neu ragor ohonynt (er y byddai, pe bai'n penderfynu'r ceisiadau fel ceisiadau unigol, yn eu caniatáu) pan fo nifer y ceisiadau yn peri y byddai caniatáu pob un ohonynt neu fwy nag un ohonynt yn niweidio darpariaeth briodol gwasanaethau meddygol sylfaenol, gwasanaethau gweinyddu neu wasanaethau fferyllol mewn unrhyw ardal reoledig.

(6) Caiff unrhyw wrthodiad o gais, fel y'i hamlinellir ym mharagraff (5)(a) i (e), ymwneud â'r ardal gyfan neu unrhyw ran o'r ardal sydd o fewn yr ardal reoledig neu, yn ôl y digwydd, yr holl fangreodd neu rai o'r mangreodd y ceisir cymeradwyaeth ar eu cyfer.

(7) Yn ddarostyngedig i unrhyw ofynion penodol a gynhwysir yn y Rhan hon, mae Rhannau 1 a 3 o Atodlen 3 yn pennu'r gweithdrefnau sydd i'w dilyn gan Fwrdd Iechyd Lleol wrth benderfynu ceisiadau o dan y Rhan hon.

(8) Mae cais o dan y rheoliad hwn yn cael ei ganiatáu ar ba ddyddiad bynnag yw'r diweddaraf o—

- (a) 30 o ddiwrnodau ar ôl i'r Bwrdd Iechyd Lleol anfon hysbysiad o'i benderfyniad ar y cais, yn unol â pharagraff 15 o Atodlen 3, neu
- (b) pan fo apêl wedi ei gwneud yn erbyn penderfyniad y Bwrdd Iechyd Lleol, y dyddiad y rhoddwyd hysbysiad gan Weinidogion Cymru o'u penderfyniad yn dilyn yr apêl o dan baragraff 8 o Atodlen 4.

Cydsyniad amlinellol a chymeradwyaeth mangre yn cymryd effaith

31.—(1) Wrth ganiatáu cais a wneir o dan reoliad 30 (cydsyniad amlinellol a chymeradwyaeth mangre), rhaid i'r Bwrdd Iechyd Lleol benderfynu ar ba ddyddiad y mae'r cydsyniad amlinellol a'r gymeradwyaeth mangre i gymryd effaith.

(2) Pan na fo ceisiadau am fferyllfa yn yr arfaeth (fel y'u diffinnir ym mharagraff (11)), mae'r cydsyniad amlinellol a'r gymeradwyaeth mangre yn cymryd effaith ar y dyddiad y caniateir y cais.

(3) Pan fo ceisiadau am fferyllfa yn yr arfaeth ar y diwrnod cyn y caniateir y cais o dan reoliad 30, mae'r dyddiad y mae'r cydsyniad amlinellol a'r gymeradwyaeth mangre yn cymryd effaith i'w benderfynu yn unol â pharagraffau (4) i (9).

(4) Rhaid i'r Bwrdd Iechyd Lleol, mewn cysylltiad â chais y mae paragraff (3) yn gymwys iddo, hysbysu'r meddyg a wnaeth y cais o dan reoliad 30, a Gweinidogion Cymru os yw'r cais yn destun apêl, am—

- (a) unrhyw geisiadau am fferyllfa sydd yn yr arfaeth,
- (b) tynnu'n ôl unrhyw geisiadau am fferyllfa sydd yn yr arfaeth,
- (c) y dyddiad dros dro (fel y'i diffinnir ym mharagraff (11)) pan gaiff y meddyg ofyn i'r Bwrdd Iechyd Lleol benderfynu y dylai'r cydsyniad amlinellol a'r gymeradwyaeth mangre gymryd effaith, a
- (d) cais y meddyg am gydsyniad amlinellol a chymeradwyaeth mangre sy'n darford os cychwynnir darparu gwasanaethau fferyllol, cyn y dyddiad dros dro, o'r fangre a oedd yn destun cais am fferyllfa yn yr arfaeth sydd wedi ei ganiatáu.

(5) Ar y dyddiad dros dro, neu cyn gynted ag y bo'n rhesymol ymarferol ar ôl y dyddiad dros dro, rhaid i'r Bwrdd Iechyd Lleol hysbysu'r meddyg a wnaeth y cais o dan reoliad 30—

- (a) y caiff y meddyg, o fewn 3 mis i hysbysiad y Bwrdd Iechyd Lleol, gyflwyno cais yn ysgrifenedig i'r Bwrdd Iechyd Lleol sy'n gofyn iddo benderfynu a ddylai'r cydsyniad amlinellol a'r gymeradwyaeth mangre gymryd effaith, a
- (b) bod rhaid i'r Bwrdd Iechyd Lleol benderfynu'r cais cyn gynted ag y bo'n ymarferol ac yn unol â pharagraffau (6) a (7).

(6) Pan fo'r fangre y ceisir cymeradwyaeth mangre mewn cysylltiad â hi, yn fangre practis ar ddyddiad y penderfyniad o dan baragraff (5), rhaid i'r Bwrdd Iechyd Lleol benderfynu y bydd y cydsyniad amlinellol a'r gymeradwyaeth mangre mewn cysylltiad â'r fangre honno yn cael effaith ar y dyddiad hwnnw.

(7) Pan na fo'r fangre y ceisir cymeradwyaeth mangre mewn cysylltiad â hi, yn fangre practis ar ddyddiad y penderfyniad o dan baragraff (5), bydd y cydsyniad amlinellol a'r gymeradwyaeth mangre yn darfod.

(8) Rhaid i'r Bwrdd Iechyd Lleol roi hysbysiad o'i benderfyniad o dan baragraff (5) i'r ceisydd ac i'r personau hynny yr oedd yn ofynnol rhoi hysbysiad iddynt o'r cais o dan reoliad 30, o dan baragraff 8 o Atodlen 3.

(9) Pan fo'r Bwrdd Iechyd Lleol wedi penderfynu y bydd y cydsyniad amlinellol a'r gymeradwyaeth mangre yn darfod yn rhinwedd paragraff (7) neu fod y dyddiad dros dro i'w estyn o dan baragraff (11), caiff y meddyg a wnaeth y cais o dan reoliad 30 apelio i Weinidogion Cymru.

(10) O dan yr amgylchiadau a amlinellir ym mharagraff (9), os cyflwynir hysbysiad o apêl i Weinidogion Cymru, bydd Rhan 1 o Atodlen 4 a'r paragraffau a ganlyn o Atodlen 4 yn gymwys—

- (a) 6(3)(b) ac (c),
- (b) 7(1) a (3), ac
- (c) 8,

fel pe bai'r hysbysiad o apêl wedi ei gyflwyno o dan baragraff 6(1) o Atodlen 4.

(11) Yn y rheoliad hwn—

ystyr “cais am fferyllfa yn yr arfaeth” (“*outstanding pharmacy application*”) yw cais a wneir o dan reoliad 15 (ceisiadau i gynnwys person mewn rhestr fferyllol neu i ddiwygio rhestr fferyllol) neu reoliad 18 (ceisiadau am gydsyniad rhagarweiniol ac effaith cydsyniad rhagarweiniol)—

- (a) pan fo'r fangre a bennir yn y cais hwnnw o fewn 1.6 cilometr i'r fangre y ceisiwyd cymeradwyaeth mangre ar ei chyfer, a
- (b) sydd naill ai—
 - (i) wedi ei wneud ond heb ei benderfynu eto, gan gynnwys yn dilyn apêl, neu
 - (ii) wedi ei ganiatáu fel y'i diffinnir yn rheoliad 23 (y weithdrefn ar ôl caniatáu cais) ond nid yw darparu gwasanaethau fferyllol o'r fangre honno wedi cychwyn eto;

ystyr “dyddiad dros dro” (“*provisional date*”) yw'r diwrnod ar ôl diwedd cyfnod o 1 flwyddyn, neu unrhyw gyfnod pellach nad yw'n hwy na 3 mis a benderfynir gan y Bwrdd Iechyd Lleol (a rhaid iddo hysbysu'r meddyg a wnaeth y cais o dan reoliad 30 am unrhyw estyniad) gan ddechrau â'r dyddiad y caniateir y cais yn unol â rheoliad 30(9).

Cydsyniad amlinellol a chymeradwyaeth mangre yn darfod

32.—(1) Bydd y cydsyniad amlinell yn peidio â chael effaith—

- (a) pan na fo darparu gwasanaethau gweinyddu wedi cychwyn o fewn 12 mis i gydsyniad amlinellol neu gymeradwyaeth mangre gymryd effaith o dan reoliad 31 (cydsyniad amlinellol a chymeradwyaeth mangre yn cymryd effaith),
- (b) pan fo mwy na 12 mis wedi mynd heibio er pan ddarparwyd gwasanaethau gweinyddu ddiwethaf,
- (c) pan fo practisau yn cyfuno ac ar ôl cyfuno nid oes mangre practis sydd â chymeradwyaeth mangre, neu
- (d) pan fo cydsyniad amlinellol wedi darfod o dan reoliad 31.

- (2) Bydd cymeradwyaeth mangre yn peidio â chael effaith mewn perthynas ag—
- (a) mangre restredig sydd wedi peidio â bod yn fangre practis yn barhaol,
 - (b) mangre restredig nas defnyddiwyd ar gyfer gweinyddu gan unrhyw feddyg sydd wedi ei awdurdodi i weinyddu o'r fangre honno am 6 mis neu unrhyw gyfnod hwy a ganiateir am reswm da gan y Bwrdd Iechyd Lleol,
 - (c) mangre restredig pan fo'r meddyg y mae'r fangre honno wedi ei rhestru o dan ei enw yn y rhestr meddygon fferyllol wedi hysbysu'r Bwrdd Iechyd Lleol fod yr holl feddygon a chanddynt awdurdod i weinyddu o'r fangre honno wedi peidio â gwneud hynny,
 - (d) mangre restredig pan na fo meddyg a chanddo gymeradwyaeth mangre mewn cysylltiad â'r fangre honno sy'n parhau i fod ar y rhestr meddygon fferyllol, neu
 - (e) mangre restredig y caniatwyd cymeradwyaeth mangre iddi o dan reoliad 35(3), pan na fo cyfuno practisau yn digwydd o fewn y cyfnod a bennir yn rheoliad 35(7).
- (3) Bydd cymeradwyaeth mangre yn peidio â chael effaith pan fo'r cydsyniad amlinellol cysylltiedig yn peidio â chael effaith.

Cymeradwyaeth mangre: newid mangre cyn i'r cydsyniad amlinellol gymryd effaith

33.—(1) Pan—

- (a) bo cydsyniad amlinellol wedi ei roi ond nad yw eto wedi cymryd effaith o dan reoliad 31 (cydsyniad amlinellol a chymeradwyaeth mangre yn cymryd effaith), a
- (b) cyn y dyddiad dros dro a ddiffinnir yn rheoliad 31(11), fo'r meddyg yn bwriadu newid y fangre practis y mae'n dymuno darparu gwasanaethau fferyllol ohoni,

caiff y meddyg wneud cais yn ysgrifenedig i'r Bwrdd Iechyd Lleol, gan ddarparu'r wybodaeth a nodir yn Rhan 4 o Atodlen 2, i'r Bwrdd Iechyd Lleol benderfynu a ddylid rhoi cymeradwyaeth mangre mewn perthynas â'r fangre newydd, a rhaid i'r Bwrdd Iechyd Lleol wneud y penderfyniad yn unol â pharagraff (2).

(2) Os yw'r Bwrdd Iechyd Lleol wedi ei fodloni mai mân adleoliad yw'r newid mangre, caiff ganiatáu'r gymeradwyaeth mangre ar gyfer y fangre newydd honno, ond os nad yw wedi ei fodloni felly, rhaid gwrthod cymeradwyaeth mangre ar gyfer y fangre newydd.

(3) Rhaid i'r Bwrdd Iechyd Lleol hysbysu'r personau hynny yr oedd yn ofynnol rhoi hysbysiad iddynt o'r cais a wnaed o dan reoliad 30 (cydsyniad amlinellol a chymeradwyaeth mangre) am ei benderfyniad o dan baragraff (2).

(4) Caiff y ceisydd apelio i Weinidogion Cymru yn erbyn penderfyniad y Bwrdd Iechyd Lleol o dan baragraff (2).

(5) O dan yr amgylchiadau a amlinellir ym mharagraff (4), os cyflwynir hysbysiad o apêl i Weinidogion Cymru, bydd Rhan 1 o Atodlen 4 a'r paragraffau a ganlyn o Atodlen 4 yn gymwys—

- (a) 6(3)(b) ac (c),
- (b) 7(1) a (3), ac
- (c) 8,

fel pe bai'r hysbysiad o apêl wedi ei gyflwyno o dan baragraff 6(1) o Atodlen 4.

(6) Yn y rheoliad hwn—

ystyr “mân adleoliad” yw adleoli mangre practis pan—

- (a) bydd y gwasanaethau fferyllol a bennir yn y cais a fyddai wedi cael eu darparu yn y fangre practis a bennir yn y cais gwreiddiol yn cael eu darparu yn y fangre practis newydd, a
- (b) na fyddai lleoliad y fangre practis newydd yn llai hygrych i raddau sylweddol ar gyfer y cleifion sy'n cael mynediad i'r fangre practis a bennir yn y cais gwreiddiol.

Cymeradwyaeth mangre: mangreoedd ychwanegol a mangreoedd newydd ar ôl i'r cydsyniad amlinellol gymryd effaith

34.—(1) Caiff meddyg a chanddo gydsyniad amlinellol sydd wedi cymryd effaith ac sy'n dymuno cael cymeradwyaeth mangre ar gyfer mangre yn ychwanegol at y fangre honno y rhoddwyd cymeradwyaeth mangre mewn cysylltiad â hi (“mangre ychwanegol”) wneud cais ysgrifenedig, gan ddarparu'r wybodaeth a nodir yn Rhan 4 o Atodlen 2, i bob un o'r Byrddau Iechyd Lleol priodol, a bydd y cais yn cael ei benderfynu gan y Bwrdd Iechyd Lleol perthnasol yn unol â pharagraff (2).

(2) Rhaid i gais am fangre ychwanegol gael ei benderfynu gan y Bwrdd Iechyd Lleol perthnasol yn unol â rheoliad 30 (cydsyniad amlinellol a chymeradwyaeth mangre) a rheoliad 31 (cydsyniad amlinellol a chymeradwyaeth mangre yn cael effaith).

(3) At ddibenion y rheoliad hwn—

- (a) y “Byrddau Iechyd Lleol priodol” yw'r Byrddau Iechyd Lleol hynny sy'n cadw'r rhestrau meddygol fferyllol y mae'r meddyg sy'n gwneud y cais wedi ei gynnwys ynddynt, a
- (b) y “Bwrdd Iechyd Lleol perthnasol” yw'r Bwrdd Iechyd Lleol y mae'r fangre ychwanegol yn ei ardal.

(4) Caiff meddyg sy'n dymuno cael cymeradwyaeth mangre mewn perthynas â mangre (“mangre newydd”) lle y mae'r meddyg yn dymuno gweinyddu, yn lle mangre restredig, wneud cais, gan ddarparu'r wybodaeth a nodir yn Rhan 4 o Atodlen 2, i bob un o'r Byrddau Iechyd Lleol priodol, a bydd y cais yn cael ei benderfynu gan y Bwrdd Iechyd Lleol perthnasol yn unol â pharagraffau (5) a (6).

(5) Yn achos cais am fangre newydd, rhaid i'r Bwrdd Iechyd Lleol perthnasol roi hysbysiad o'r cais yn unol â pharagraff 9 o Atodlen 3 a rhaid i gynnwys yr hysbysiad gydymffurfio â pharagraff 10 o'r Atodlen honno.

(6) Yn achos cais am fangre newydd, rhaid i'r Bwrdd Iechyd Lleol perthnasol—

- (a) caniatáu'r cais, pan fo wedi ei fodloni—
 - (i) ar gyfer y cleifion sy'n gyfarwydd â chael mynediad i wasanaethau fferyllol yn y fangre bresennol, nad yw lleoliad y fangre newydd yn llai hygyrch i raddau sylweddol, a
 - (ii) na fyddai caniatáu'r cais yn achosi newid sylweddol yn y trefniadau ar gyfer darparu gwasanaethau fferyllol neu wasanaethau gweinyddu i unrhyw ran o'r ardal reoledig y mae'r fangre newydd ynddi, neu
- (b) mewn unrhyw achos, benderfynu'r cais fel pe bai'n gais am gymeradwyaeth mangre a wneir o dan reoliad 30(1)(b).

(7) Rhaid i Fwrdd Iechyd Lleol, oni fydd ganddo reswm da dros beidio â gwneud hynny, wrthod cais o dan baragraff (1) neu (4) os yw cais a wnaed gan y meddyg wedi ei ganiatáu o dan baragraff (6)(a) yn ystod y 12 mis cyn cyflwyno'r cais o dan baragraff (1) neu (4).

(8) Rhaid i'r Bwrdd Iechyd Lleol roi hysbysiad o'i benderfyniad o dan baragraff (2) neu baragraff (6)(b) i'r personau y mae'n ofynnol rhoi hysbysiad o'r cais iddynt yn unol â rheoliad 30 a pharagraff 8 o Atodlen 3.

(9) Rhaid i'r Bwrdd Iechyd Lleol roi hysbysiad o'i benderfyniad o dan baragraff (6)(a) i'r personau hynny y mae'n ofynnol rhoi hysbysiad iddynt yn unol â pharagraff 15 o Atodlen 3.

(10) Caiff y personau a restrir ym mharagraff 6(1) o Atodlen 4 apelio i Weinidogion Cymru yn erbyn penderfyniad gan y Bwrdd Iechyd Lleol o dan baragraff (2), (6)(a) neu (6)(b).

(11) Yn ddarostyngedig i baragraff (12), bydd y gymeradwyaeth mangre ar gyfer y fangre ychwanegol neu'r fangre newydd yn cymryd effaith o ddyddiad yr hysbysiad o ganiatáu'r gymeradwyaeth mangre, sef—

- (a) pan na fo apêl wedi ei gwneud yn erbyn penderfyniad y Bwrdd Iechyd Lleol, y dyddiad ar ôl diwedd y cyfnod o 30 o ddiwrnodau gan ddechrau â'r dyddiad y rhoddir hysbysiad o'r penderfyniad hwnnw o dan baragraff (8) neu baragraff (9), neu
- (b) pan fo apêl o'r fath wedi ei gwneud, y dyddiad y mae Gweinidogion Cymru yn rhoi hysbysiad o'u penderfyniad ar yr apêl honno.

(12) Pan—

- (a) bo'r gymeradwyaeth mangre wedi ei rhoi mewn perthynas â mangre ychwanegol, a
- (b) mewn perthynas â'r fangre y mae'r gymeradwyaeth wedi ei rhoi ar ei chyfer, ar y dyddiad pan roddir y gymeradwyaeth, fo ceisiadau am fferyllfa yn yr arfaeth (fel y'u diffinnir yn rheoliad 31(11)),

bydd y gymeradwyaeth mangre yn cymryd effaith ar y dyddiad sy'n ddiwrnod ar ôl diwedd cyfnod o 1 flwyddyn, neu unrhyw gyfnod pellach (nad yw'n hwy na 3 mis) y caiff y Bwrdd Iechyd Lleol ei ganiatáu am reswm da, ar ôl penderfynu'n derfynol unrhyw gais am fferyllfa yn yr arfaeth.

(13) Caiff y Bwrdd Iechyd Lleol roi cymeradwyaeth mangre dros dro i feddyg a chanddo gydsyniad amlinellol a chymeradwyaeth mangre mewn perthynas â mangre ychwanegol neu fangre newydd pan fo'r Bwrdd Iechyd Lleol yn ystyried y byddai'n diwallu angen am wasanaethau fferyllol, neu am wasanaethau fferyllol o fath penodedig, o fewn yr ardal berthnasol ac sydd wedi ei gynnwys yn yr asesiad perthnasol o anghenion fferyllol ac y mae'r meddyg wedi gwneud cais am gydsyniad amlinellol mewn cysylltiad â hi, ac adnewyddu unrhyw gymeradwyaeth dros dro o'r fath a roddir, a phan fo'n gwneud hynny, rhaid iddo—

- (a) hysbysu'r personau hynny yr oedd yn ofynnol, o dan baragraff 8 o Atodlen 3, roi hysbysiad o'r cais iddynt o dan reoliad 30 (cydsyniad amlinellol a chymeradwyaeth mangre) a'r ceiswyr mewn perthynas â'r ceisiadau am fferyllfa yn yr arfaeth,
- (b) datgan am ba gyfnod y mae'r gymeradwyaeth mangre dros dro i fod yn gymwys, ac
- (c) cynnwys y fangre honno yn y rhestr meddygon fferyllol mewn perthynas â'r meddyg hwnnw.

(14) Caniateir rhoi cymeradwyaeth mangre dros dro am gyfnod nad yw'n hwy na 12 mis, a chaniateir ei hadnewyddu am gyfnod pellach nad yw'n hwy na 3 mis.

(15) Caiff y ceisydd apelio i Weinidogion Cymru yn erbyn penderfyniad gan y Bwrdd Iechyd Lleol o dan baragraff (13).

(16) O dan yr amgylchiadau a amlinellir ym mharagraff (15), os cyflwynir hysbysiad o apêl i Weinidogion Cymru, bydd Rhan 1 o Atodlen 4 a'r paragraffau a ganlyn o Atodlen 4 yn gymwys—

- (a) 6(3)(b) ac (c),
- (b) 7(1) a (3), ac
- (c) 8,

fel pe bai'r hysbysiad o apêl wedi ei gyflwyno o dan baragraff 6(1) o Atodlen 4.

Cymeradwyaeth mangre: cyfuno practisau

35.—(1) Mae cyfuno practisau yn digwydd pan fo dau neu ragor o ddarparwyr gwasanaethau meddygol sylfaenol yn cyfuno fel darparwr gwasanaethau meddygol sylfaenol sengl, ac o ganlyniad, mae dwy neu ragor o restrau cleifion yn cael eu cyfuno.

(2) Yn dilyn cyfuno practisau, os yw pob un o fangreoedd practis y darparwr gwasanaethau meddygol sylfaenol sengl yn fangreoedd a oedd, yn union cyn cyfuno'r practisau, yn fangreoedd rhestredig, bydd y cymeradwyaethau mangre ar gyfer y mangreoedd hynny a'r cydsyniadau amlinellol cysylltiedig yn parhau i gael effaith.

(3) Yn dilyn cyfuno practisau, os nad yw paragraff (2) yn gymwys ond yr oedd gan un neu ragor o'r meddygon a ymunodd â'i gilydd fel y darparwr gwasanaethau meddygol sylfaenol sengl, yn union cyn cyfuno, gymeradwyaeth mangre ar gyfer mangreoedd—

(a) os daw unrhyw un neu ragor o'r mangreoedd hynny yn fangreoedd practis y darparwr gwasanaethau meddygol sylfaenol sengl—

(i) bydd y cymeradwyaethau mangre ar gyfer y mangreoedd a'r cydsyniadau amlinellol cysylltiedig yn parhau i gael effaith, a

(ii) rhaid trin unrhyw geisiadau am gymeradwyaethau mangre ar gyfer mangreoedd practis eraill fel pe baent yn geisiadau am fangreoedd ychwanegol o dan reoliad 34 (cymeradwyaeth mangre: mangreoedd ychwanegol a mangreoedd newydd ar ôl i'r cydsyniad amlinellol gymryd effaith);

(b) os na ddaw yr un o'r mangreoedd hynny yn fangre practis y darparwr gwasanaethau meddygol sylfaenol sengl—

(i) caiff meddyg gyflwyno cais am gymeradwyaeth mangre ar gyfer mangre o dan reoliad 30 (cydsyniad amlinellol a chymeradwyaeth mangre) a chael trin y cais hwnnw fel adleoliad o fangre restredig meddyg a oedd yn rhan o'r cyfuno practisau, a

(ii) mae unrhyw geisiadau am gymeradwyaeth mangre mewn cysylltiad â mangreoedd practis eraill y darparwr gwasanaethau meddygol sylfaenol sengl i'w trin fel pe baent yn geisiadau am fangreoedd ychwanegol o dan reoliad 34.

(4) Caniateir gwneud cais a grybwyllir ym mharagraff (3) cyn neu ar ôl cyfuno'r practisau, a phan fo cyfuno'r practisau yn cymryd effaith cyn i'r cais gael ei benderfynu'n derfynol—

(a) bydd unrhyw gymeradwyaeth mangre sydd mewn effaith ar ddyddiad cyfuno'r practisau yn cael effaith o ddyddiad y cyfuno ymlaen fel pe bai'n gymeradwyaeth mangre dros dro o dan reoliad 34(13) am gyfnod a ddatgenir gan y Bwrdd Iechyd Lleol nad yw'n hwy nag 1 flwyddyn, a

(b) bydd y practis newydd yn cael cymeradwyaeth mangre dros dro o ddyddiad cyfuno'r practisau ymlaen i weinyddu o unrhyw fangre a grybwyllir yn y cais am gyfnod a ddatgenir gan y Bwrdd Iechyd Lleol nad yw'n hwy nag 1 flwyddyn.

(5) Pan fo'r cyfuno practisau yn cymryd effaith, rhaid i'r meddygon hysbysu'r holl Fyrddau Iechyd Lleol y mae'r practis cyfunedig yn eu hardaloedd fod y cyfuno practisau wedi digwydd.

(6) Yn ddarostyngedig i baragraff (7), pan fo cais a wnaed o dan baragraff (3) wedi ei ganiatáu cyn i'r cyfuno practisau ddigwydd, bydd y gymeradwyaeth mangre yn cymryd effaith o ddyddiad cyfuno'r practisau ymlaen.

(7) Pan fo cais wedi ei wneud o dan baragraff (3) cyn i'r cyfuno practisau ddigwydd, ac nad yw'r cyfuno practisau wedi digwydd cyn diwedd cyfnod o 1 flwyddyn gan ddechrau â'r dyddiad y rhoddwyd cymeradwyaeth mangre o dan y paragraff hwnnw, bydd y gymeradwyaeth mangre honno yn darfod.

(8) Pan fo cais o dan baragraff (3) am gymeradwyaeth mangre wedi ei wrthod, naill ai ar gyfer pob mangre neu unrhyw un neu ragor o'r mangreoedd a bennir yn y cais, pa un ai cyn neu ar ôl i'r cyfuno practisau ddigwydd, bydd gan y meddygon yr oedd ganddynt gymeradwyaeth mangre cyn gwneud y cais, ac unrhyw feddyg arall yn y practis newydd ar ôl y dyddiad hwnnw, gymeradwyaeth mangre weddilliol.

(9) At ddibenion y rheoliad hwn, ystyr "cymeradwyaeth mangre weddilliol" yw cymeradwyaeth mangre i ddarparu gwasanaethau fferyllol—

(a) o fangre yr oedd gan y meddyg, neu feddyg arall yn y practis, gymeradwyaeth mangre mewn cysylltiad â hi ar yr adeg y gwnaed y cais mewn perthynas â chyfuno practisau, a

- (b) i glaf sy'n dod o fewn rheoliad 26(1) y mae'r meddyg sy'n gwneud y cais yn darparu gwasanaethau fferyllol iddo, ond gan eithrio unrhyw glaf o'r fath sy'n peidio â bod yn glaf a grybwyllir yn rheoliad 26(1)(b) neu (c).
- (10) At ddiobenion paragraff (9), mae rheoliad 26(1)(b) neu (c) i'w ddarllen fel pe bai'r geiriau “, ac mae'r amodau a bennir ym mharagraff (4) wedi eu bodloni” wedi eu hepgor.
- (11) Pan fo Bwrdd Iechyd Lleol wedi penderfynu cais am gymeradwyaeth mangre o dan baragraff (3), penderfynir ar y personau a gaiff wneud apêl i Weinidogion Cymru yn unol ag—
- (a) rheoliad 34 mewn cysylltiad â chais o dan baragraff (3)(a)(ii) neu (b)(ii), neu
- (b) rheoliad 30 mewn cysylltiad â chais o dan baragraff (3)(b)(i).
- (12) Pan fo Bwrdd Iechyd Lleol wedi penderfynu cais o dan baragraff (4), caiff y ceisydd wneud apêl i Weinidogion Cymru.
- (13) O dan yr amgylchiadau a amlinellir ym mharagraff (12), os cyflwynir hysbysiad o apêl i Weinidogion Cymru, bydd Rhan 1 o Atodlen 4 a'r paragraffau a ganlyn o Atodlen 4 yn gymwys—
- (a) 6(3)(b),
- (b) 7(1) a (3), ac
- (c) 8,
- fel pe bai'r hysbysiad o apêl wedi ei gyflwyno o dan baragraff 6(1) o Atodlen 4.

RHAN 7

Seiliau addasrwydd, cynnwys enw person mewn rhestrau fferyllol a dileu enw person o restrau fferyllol

Gohirio ceisiadau ar sail addasrwydd

- 36.—(1) Mae'r rheoliad hwn yn gymwys i geisiadau a wneir o dan—
- (a) rheoliad 15(1)(a) (ceisiadau i gynnwys person mewn rhestr fferyllol neu i ddiwygio rhestr fferyllol), ac eithrio pan wneir y cais gan berson a chanddo gydsyniad rhagarweiniol dilys yn unol â rheoliad 18(5), a
- (b) rheoliad 18 (ceisiadau am gydsyniad rhagarweiniol) pan na fo'r ceisydd eisoes wedi ei gynnwys yn rhestr fferyllol y Bwrdd Iechyd Lleol hwnnw.
- (2) Caiff Bwrdd Iechyd Lleol ohirio ystyried neu benderfynu cais pan—
- (a) bo achos troseddol yn y Deyrnas Unedig neu achos yn rhywle arall yn y byd sy'n ymwneud ag ymddygiad a fyddai, yn y Deyrnas Unedig, yn drosedd, mewn cysylltiad ag—
- (i) y ceisydd (a phan fo'r ceisydd yn gorff corfforedig, mewn cysylltiad â'r ceisydd neu gyfarwyddwr neu uwcharolygydd y ceisydd), neu
- (ii) corff corfforedig y mae'r ceisydd yn gyfarwyddwr neu'n uwcharolygydd ohono, neu wedi bod yn gyfarwyddwr neu'n uwcharolygydd ohono yn y 6 mis blaenorol, neu a oedd ar adeg y digwyddiadau cychwynnol yn gyfarwyddwr neu'n uwcharolygydd ohono, a fyddai, pe bai'n arwain at euogfarn, neu'r hyn sy'n cyfateb i euogfarn, yn debygol o arwain at ddileu enw'r ceisydd o restr fferyllol y Bwrdd Iechyd Lleol, pe bai'r ceisydd wedi ei gynnwys ynddi;
- (b) bo ymchwiliad mewn unrhyw le yn y byd gan gorff sy'n trwyddedu neu'n rheoleiddio'r ceisydd (neu pan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), neu unrhyw ymchwiliad arall (gan gynnwys ymchwiliad gan Fwrdd Iechyd Lleol arall neu gorff cyfatebol) sy'n ymwneud â gallu proffesiynol y

- ceisydd, a fyddai, pe bai'r canlyniad yn anffafriol, yn debygol o arwain at ddileu enw'r ceisydd o restr fferyllol y Bwrdd Iechyd Lleol, pe bai'r ceisydd wedi ei gynnwys ynddi;
- (c) bo'r ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) wedi ei atal dros dro o restr berthnasol;
- (d) bo corff corfforedig yr oedd y ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), ar adeg y digwyddiadau cychwynnol, yn gyfarwyddwr neu'n uwcharolygydd ohono, wedi ei atal dros dro o restr berthnasol;
- (e) bo'r Tribiwnlys yn ystyried apêl gan y ceisydd (neu pan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) yn erbyn penderfyniad gan Fwrdd Iechyd Lleol neu gorff cyfatebol—
- (i) i wrthod cais gan y ceisydd i'w gynnwys mewn rhestr berthnasol,
 - (ii) i gynnwys y ceisydd yn amodol mewn rhestr berthnasol, neu i ddileu enw'r ceisydd neu ddileu enw'r ceisydd yn ddigwyddiadol o restr berthnasol, neu
 - (iii) i wrthod cais gan y ceisydd am gydsyniad rhagarweiniol i'w gynnwys mewn rhestr fferyllol a gedwir gan Fwrdd Iechyd Lleol neu gorff cyfatebol,
- a phe bai'r apêl honno yn aflwyddiannus, byddai'r Bwrdd Iechyd Lleol yn debygol o ddileu enw'r ceisydd o'r rhestr fferyllol pe bai'r ceisydd wedi ei gynnwys ynddi;
- (f) bo'r Tribiwnlys yn ystyried apêl gan gorff corfforedig yr oedd y ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), ar adeg y digwyddiadau cychwynnol, neu yn ystod y 6 mis blaenorol, yn gyfarwyddwr neu'n uwcharolygydd ohono, yn erbyn penderfyniad gan Fwrdd Iechyd Lleol neu gorff cyfatebol—
- (i) i wrthod cais gan y corff corfforedig hwnnw i'w gynnwys mewn rhestr berthnasol,
 - (ii) i wrthod cais gan y corff corfforedig hwnnw am gydsyniad rhagarweiniol i'w gynnwys mewn rhestr fferyllol a gedwir gan Fwrdd Iechyd Lleol neu gorff cyfatebol, neu
 - (iii) i'w gynnwys yn amodol mewn unrhyw restr berthnasol, neu i ddileu enw'r ceisydd neu ddileu enw'r ceisydd yn ddigwyddiadol o unrhyw restr berthnasol,
- a phe bai'r apêl honno yn aflwyddiannus, byddai'r Bwrdd Iechyd Lleol yn debygol o ddileu enw'r ceisydd o'r rhestr fferyllol pe bai'r ceisydd wedi ei gynnwys ynddi;
- (g) bo'r ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) yn destun ymchwiliad mewn perthynas ag unrhyw dwyll, ac y byddai'r canlyniad, pe bai'n anffafriol, yn debygol o arwain at ddileu enw'r ceisydd o'r rhestr fferyllol pe bai'r ceisydd wedi ei gynnwys ynddi;
- (h) bo corff corfforedig yr oedd y ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), ar adeg y digwyddiadau cychwynnol, yn gyfarwyddwr neu'n uwcharolygydd ohono, yn destun ymchwiliad mewn perthynas â thwyll, ac y byddai'r canlyniad, pe bai'n anffafriol, yn debygol o arwain at ddileu enw'r ceisydd o'r rhestr fferyllol pe bai'r corff corfforedig wedi ei gynnwys ynddi;
- (i) bo'r Tribiwnlys yn ystyried cais gan Fwrdd Iechyd Lleol neu gorff cyfatebol am anghymhwysiad cenedlaethol o'r ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) neu o gorff corfforedig yr oedd y ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) ar adeg y digwyddiadau cychwynnol, yn gyfarwyddwr neu'n uwcharolygydd ohono;
- (j) bo Bwrdd Iechyd Lleol neu gorff cyfatebol, am reswm sy'n ymwneud â thwyll, anaddasrwydd neu effeithlonrwydd darpariaeth gwasanaethau—

- (i) yn ystyried dileu enw'r ceisydd (ac eithrio ei ddileu yn wirfoddol) neu ddileu enw'r ceisydd yn ddigwyddiadol o restr berthnasol, neu
- (ii) wedi gwneud penderfyniad i ddileu enw'r ceisydd (ac eithrio ei ddileu yn wirfoddol) neu ddileu enw'r ceisydd yn ddigwyddiadol o restr berthnasol ond nad yw'r penderfyniad hwnnw eto wedi cymryd effaith.

(3) Ni chaiff Bwrdd Iechyd Lleol ohirio penderfyniad o dan baragraff (2) ond hyd nes bod yr achos, yr ymchwiliadau neu'r ceisiadau a grybwyllir yn y paragraff hwnnw wedi eu cwblhau neu hyd nes nad yw'r rheswm dros ohirio yn bodoli mwyach.

(4) Rhaid i Fwrdd Iechyd Lleol, cyn gynted ag y bo'n ymarferol, hysbysu'r ceisydd yn ysgrifenedig am benderfyniad i ohirio ystyried neu benderfynu'r cais, ac am y rhesymau dros hyn.

(5) Unwaith y bydd yr achos, yr ymchwiliadau neu'r ceisiadau a grybwyllir ym mharagraff (2) wedi eu cwblhau, rhaid i'r Bwrdd Iechyd Lleol hysbysu'r ceisydd—

- (a) bod rhaid i'r ceisydd, o fewn 30 o ddiwrnodau i ddyddiad yr hysbysiad (neu unrhyw gyfnod hwy a gytunir gan y Bwrdd Iechyd Lleol), gadarnhau yn ysgrifenedig ei fod yn dymuno bwrw ymlaen â'r cais, a
- (b) y caiff y ceisydd ddiweddarau'r cais, os yw'n dymuno gwneud hynny, o fewn 30 o ddiwrnodau i ddyddiad yr hysbysiad (neu unrhyw gyfnod hwy a gytunir gan y Bwrdd Iechyd Lleol).

(6) Os nad yw'r ceisydd yn cadarnhau ei fod yn dymuno bwrw ymlaen â'r cais yn unol â pharagraff (5), rhaid i'r Bwrdd Iechyd Lleol farnu bod y cais wedi ei dynnu'n ôl gan y ceisydd.

Gwrthod ceisiadau ar sail addasrwydd

37.—(1) Mae'r rheoliad hwn yn gymwys i geisiadau a wneir o dan—

- (a) rheoliad 15(1)(a) (ceisiadau i gynnwys person mewn rhestr fferyllol neu i ddiwygio rhestr fferyllol), ac eithrio pan fo'r cais wedi ei wneud gan berson a chanddo gydsyniad rhagarweiniol dilys yn unol â rheoliad 18(5), a
- (b) rheoliad 18 (ceisiadau am gydsyniad rhagarweiniol ac effaith cydsyniad rhagarweiniol) pan na fo'r ceisydd eisoes wedi ei gynnwys yn rhestr fferyllol y Bwrdd Iechyd Lleol hwnnw.

(2) Caiff Bwrdd Iechyd Lleol wrthod caniatáu cais pan fo'r Bwrdd Iechyd Lleol—

- (a) ar ôl ystyried yr wybodaeth a'r ymgymeriadau sy'n ofynnol gan Ran 2 o Atodlen 2 ac unrhyw wybodaeth arall sydd yn ei feddiant mewn perthynas â'r cais, yn ystyried bod y ceisydd yn anaddas i'w gynnwys yn ei restr fferyllol,
- (b) ar ôl cysylltu â'r canolwyr a enwebwyd gan y ceisydd yn unol â Rhan 2 o Atodlen 2, heb ei fodloni gan y geirdaon a roddwyd,
- (c) ar ôl gwirio gydag Awdurdod Gwasanaethau Busnes y GIG ynghylch unrhyw ffeithiau y mae'r Bwrdd Iechyd Lleol yn ystyried eu bod yn berthnasol mewn perthynas ag ymchwiliadau i dwyll, ar hyn o bryd neu yn y gorffennol, sy'n ymwneud â'r ceisydd neu sy'n gysylltiedig ag ef (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), ac ar ôl ystyried y ffeithiau hyn ac unrhyw ffeithiau eraill sydd yn ei feddiant mewn perthynas â thwyll sy'n ymwneud â'r ceisydd neu sy'n gysylltiedig ag ef (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), yn ystyried eu bod yn cyfiawnhau gwrthodiad o'r fath,
- (d) ar ôl gwirio gyda Gweinidogion Cymru ynghylch unrhyw ffeithiau y maent yn ystyried eu bod yn berthnasol mewn perthynas ag ymchwiliadau neu achosion, ar hyn o bryd neu yn y gorffennol, sy'n ymwneud â'r ceisydd neu sy'n gysylltiedig ag ef (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), ac ar ôl ystyried

y ffeithiau hyn ac unrhyw ffeithiau eraill sydd yn ei feddiant sy'n ymwneud â'r ceisydd neu sy'n gysylltiedig ag ef (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), yn ystyried eu bod yn cyfiawnhau gwrthodiad o'r fath, neu

- (e) yn ystyried y byddai derbyn y ceisydd i'r rhestr yn niweidio effeithlonrwydd y gwasanaeth fferyllol y byddai'r ceisydd yn ymgymryd â'i ddarparu.

(3) Rhaid i Fwrdd Iechyd Lleol wrthod caniatáu cais pan—

- (a) bo'r ceisydd (neu pan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) wedi ei euogfarnu yn y Deyrnas Unedig o lofruddiaeth,
- (b) bo'r ceisydd (neu pan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) wedi ei euogfarnu yn y Deyrnas Unedig o drosedd, ac eithrio llofruddiaeth, a gyflawnwyd ar ôl y dyddiad y daw'r Rheoliadau hyn i rym, ac wedi ei ddedfrydu i gyfnod hwy na 6 mis o garchar,
- (c) bo'r ceisydd yn destun anghymhwysiad cenedlaethol, neu
- (d) bo'r Tribiwnlys, yn dilyn apêl, yn penderfynu y caniateir cynnwys y ceisydd yn y rhestr fferyllol yn ddarostyngedig i amodau ond nad yw'r ceisydd, o fewn 30 o ddiwrnodau i'r penderfyniad hwnnw, wedi hysbysu'r Bwrdd Iechyd Lleol ei fod yn cytuno i'r amodau gael eu gosod.

(4) Pan fo'r Bwrdd Iechyd Lleol yn ystyried gwrthod cais o dan baragraff (2), rhaid iddo ystyried yr holl ffeithiau y mae'n ymddangos iddo eu bod yn berthnasol, ac yn benodol, mewn perthynas â pharagraff (2)(a), (c) a (d), rhaid iddo ystyried—

- (a) natur unrhyw drosedd, ymchwiliad neu ddigwyddiad,
- (b) yr amser a aeth heibio ers unrhyw drosedd, digwyddiad, euogfarn neu ymchwiliad,
- (c) a oes unrhyw droseddau, digwyddiadau neu ymchwiliadau eraill i'w hystyried,
- (d) unrhyw gamau gweithredu a gymerwyd neu gosb a osodwyd gan unrhyw gorff trwyddedu neu reoleiddio, gan yr heddlu neu'r llysoedd o ganlyniad i unrhyw drosedd, digwyddiad neu ymchwiliad o'r fath,
- (e) pa mor berthnasol yw unrhyw drosedd, ymchwiliad neu ddigwyddiad i'r ddarpariaeth gan y ceisydd o wasanaethau fferyllol ac unrhyw risg debygol i ddefnyddwyr gwasanaethau fferyllol neu i arian cyhoeddus,
- (f) a oedd unrhyw drosedd yn drosedd rywiol y mae Rhan 2 o Ddeddf Troseddau Rhywiol 2003(32) yn gymwys iddi, neu a fyddai wedi bod yn gymwys pe bai'r drosedd wedi ei chyflawni yng Nghymru a Lloegr,
- (g) a yw'r ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) wedi ei wrthod rhag ei gynnwys mewn unrhyw restr neu restr gyfatebol, neu wedi ei gynnwys ynddi yn amodol, neu a yw enw'r ceisydd wedi ei ddileu ohoni, neu wedi ei ddileu ohoni yn ddigwyddiadol, neu a yw'r ceisydd ar hyn o bryd wedi ei atal oddi arni dros dro, ar sail addasrwydd i ymarfer, ac os felly, y ffeithiau mewn perthynas â'r mater a arweiniodd at weithredu felly, a'r rhesymau a roddwyd gan y Bwrdd Iechyd Lleol neu gorff cyfatebol dros weithredu felly, neu
- (h) a fu'r ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) ar adeg y digwyddiadau cychwynnol, neu yn ystod y 6 mis blaenorol, yn gyfarwyddwr neu'n uwcharolygydd corff corfforedig y gwrthodwyd ei gynnwys mewn unrhyw restr neu restr gyfatebol, neu a gynhwyswyd yn amodol mewn rhestr o'r fath, neu y dilëwyd ei enw neu y dilëwyd ei enw yn ddigwyddiadol o unrhyw restr neu restr gyfatebol, neu sydd ar hyn o bryd wedi ei atal oddi arni dros dro, ar sail

addasrwydd i ymarfer, ac os felly, beth oedd y ffeithiau ym mhob achos o'r fath, a'r rhesymau a roddwyd gan y Bwrdd Iechyd Lleol neu'r corff cyfatebol ym mhob achos.

(5) Pan fo'r Bwrdd Iechyd Lleol yn ystyried y materion a nodir ym mharagraff (4), rhaid iddo ystyried effaith gyffredinol y materion sy'n cael eu hystyried.

(6) Os yw Bwrdd Iechyd Lleol yn gwrthod cais y mae'r rheoliad hwn yn gymwys iddo, ar sail ym mharagraff (2) neu (3), rhaid i'r Bwrdd Iechyd Lleol hysbysu'r ceisydd am y penderfyniad hwnnw, a chynnwys gyda'r hysbysiad esboniad o'r canlynol—

- (a) y rhesymau dros y penderfyniad,
- (b) hawl y ceisydd i apelio i'r Tribiwnlys yn erbyn y penderfyniad, ac
- (c) o fewn pa derfyn amser, yn unol â Rheolau Gweithdrefn y Tribiwnlysoedd (Tribiwnlys yr Haen Gyntaf) (Y Siambr Iechyd, Addysg a Gofal Cymdeithasol) 2008(33), y mae rhaid anfon hysbysiad o'r cais i'r Tribiwnlys os bwriedir dwyn apêl.

Cynnwys person yn amodol ar sail addasrwydd

38.—(1) Caiff Bwrdd Iechyd Lleol sy'n cael cais gan berson—

- (a) o dan reoliad 15(1)(a) (ceisiadau i gynnwys person mewn rhestr fferyllol neu i ddiwygio rhestr fferyllol), ac eithrio pan fo'r cais wedi ei wneud gan berson y rhoddwyd cydsyniad rhagarweiniol iddo o dan reoliad 18 (ceisiadau am gydsyniad rhagarweiniol ac effaith cydsyniad rhagarweiniol) a bod y cydsyniad rhagarweiniol yn ddilys yn unol â rheoliad 18(5), neu
- (b) o dan reoliad 18 pan na fo'r ceisydd eisoes wedi ei gynnwys yn rhestr fferyllol y Bwrdd Iechyd Lleol hwnnw,

benderfynu y bydd y person, tra ei fod wedi ei gynnwys yn y rhestr fferyllol neu tra bo ei gydsyniad rhagarweiniol yn ddilys, yn ddarostyngedig i osod amodau gan roi sylw i ofynion adran 104 (cynnwys yn amodol mewn rhestrau offthalmig a fferyllol) o Ddeddf 2006.

(2) Caiff Bwrdd Iechyd Lleol amrywio'r telerau gwasanaeth y cynhwysir person yn unol â hwy yn y rhestr fferyllol at ddiben paragraff (1).

(3) Rhaid i amod a osodir o dan baragraff (1) fod yn amod a osodir gyda'r bwriad o—

- (a) rhwystro unrhyw niwed i effeithlonrwydd y gwasanaethau fferyllol, neu unrhyw un neu ragor o'r gwasanaethau, y mae'r person wedi ymgymryd â'u darparu, neu
- (b) rhwystro unrhyw weithred neu anweithred o fewn adran 107(3)(a) o Ddeddf 2006 (anghymhwysio ymarferwyr).

(4) Os yw Bwrdd Iechyd Lleol yn penderfynu caniatáu cais yn ddarostyngedig i amod a osodir o dan baragraff (1), rhaid iddo hysbysu'r person am y penderfyniad hwnnw a rhaid iddo gynnwys gyda'r hysbysiad esboniad o'r canlynol—

- (a) y rhesymau dros y penderfyniad,
- (b) hawl y person i apelio i'r Tribiwnlys yn erbyn ei benderfyniad,
- (c) o fewn pa derfyn amser, yn unol â Rheolau Gweithdrefn y Tribiwnlysoedd (Tribiwnlys yr Haen Gyntaf) (Y Siambr Iechyd, Addysg a Gofal Cymdeithasol) 2008, y mae rhaid anfon hysbysiad o'r cais i'r Tribiwnlys os bwriedir dwyn apêl, a
- (d) effaith paragraff (5).

(5) Os yw'r person, yn unol â rheoliad 23(2), yn darparu hysbysiad o gychwyn cyn bo'r Tribiwnlys wedi penderfynu apêl yn erbyn amod a osodwyd o dan baragraff (1), mae'r person hwnnw

(33) O.S. 2008/2699 (Cyfr. 16), gweler rheol 19 o'r Rheolau hynny.

i'w gynnwys yn y rhestr fferyllol yn ddarostyngedig i'r amod, ond dim ond hyd nes canlyniad yr apêl os bydd yr apêl yn llwyddiannus.

(6) Mae'r apêl i fod ar ffurf ailbenderfynu—

- (a) penderfyniad y Bwrdd Iechyd Lleol i osod yr amod, a
- (b) os yw'r person, ar yr adeg y penderfynir yr apêl, wedi ei gynnwys yn y rhestr fferyllol, unrhyw benderfyniad o dan baragraff (2) i amrywio telerau gwasanaeth y person hwnnw at ddiben gosod yr amod neu mewn cysylltiad â'i osod.

(7) Os nad yw'r person wedi ei gynnwys yn y rhestr fferyllol ar yr adeg y penderfynir yr apêl a bod y Tribiwnlys—

- (a) yn cadarnhau penderfyniad y Bwrdd Iechyd Lleol, neu
- (b) yn gosod amod gwahanol,

rhaid i'r person, o fewn 30 o ddiwrnodau i gael ei hysbysu am benderfyniad y Tribiwnlys, hysbysu'r Bwrdd Iechyd Lleol ynghylch pa un a yw'r person yn dymuno tynnu ei gais yn ôl ai peidio.

(8) Os yw'r person, o dan yr amgylchiadau a ddisgrifir ym mharagraff (7), yn methu â hysbysu'r Bwrdd Iechyd Lleol o fewn y cyfnod hwnnw o 30 o ddiwrnodau nad yw'n dymuno tynnu ei gais yn ôl, mae'r penderfyniad i ganiatáu cais y person hwnnw yn darfod.

(9) Pan fo person yn dymuno tynnu'n ôl o restr fferyllol, rhaid i'r person hwnnw hysbysu'r Bwrdd Iechyd Lleol o leiaf 30 o ddiwrnodau cyn y dyddiad hwnnw—

- (a) os yw amod wedi ei osod o dan baragraff (1),
- (b) os yw'r person yn apelio i'r Tribiwnlys yn erbyn yr amod hwnnw,
- (c) os yw'r Tribiwnlys, yn dilyn apêl, yn cadarnhau'r penderfyniad i osod yr amod hwnnw neu'n gosod amod arall, a
- (d) os yw'r person, o fewn 30 o ddiwrnodau i gael gwybod am benderfyniad y Tribiwnlys, yn hysbysu'r Bwrdd Iechyd Lleol ei fod yn dymuno tynnu'n ôl o restr fferyllol y Bwrdd Iechyd Lleol,

oni bai ei bod yn anymarferol i'r person wneud hynny, ac os felly, rhaid i'r person hysbysu'r Bwrdd Iechyd Lleol cyn gynted ag y bo'n ymarferol iddo wneud hynny.

Dileu enw person o restr fferyllol am dorri amodau ar sail addasrwydd neu osod neu amrywio neu osod amodau newydd o dan adran 108 o Ddeddf 2006

39.—(1) Pan fo Bwrdd Iechyd Lleol yn ystyried—

- (a) dileu enw person o'r rhestr fferyllol o dan adran 107 (datgymhwyso ymarferwyr) o Ddeddf 2006, ac eithrio mewn achosion a bennir yn rheoliad 40 (dileu enw person o restr fferyllol am resymau eraill),
- (b) dileu enw person yn ddigwyddiadol o'r rhestr fferyllol o dan adran 108 (dileu yn ddigwyddiadol) o Ddeddf 2006,
- (c) dileu enw person o'r rhestr fferyllol am dorri amod a osodwyd o dan adran 108 o Ddeddf 2006,
- (d) gosod unrhyw amod penodol o dan adran 108 o Ddeddf 2006, neu amrywio unrhyw amod neu osod amod gwahanol o dan yr adran honno, neu amrywio telerau gwasanaeth person o dan adran 108(4) o Ddeddf 2006, neu
- (e) dileu enw person o'r rhestr fferyllol am dorri amod o dan reoliad 38 (cynnwys person yn amodol ar sail addasrwydd),

ar sail addasrwydd, rhaid i'r Bwrdd Iechyd Lleol ddilyn y weithdrefn a nodir yn y rheoliad hwn.

(2) Cyn cymryd cam gweithredu a bennir ym mharagraff (1), rhaid i'r Bwrdd Iechyd Lleol roi i'r person—

- (a) hysbysiad o unrhyw honiad a wnaed yn ei erbyn,
- (b) hysbysiad o'r camau gweithredu y mae'r Bwrdd Iechyd Lleol yn ystyried eu cymryd, ac ar ba sail,
- (c) y cyfle i gyflwyno sylwadau ysgrifenedig o fewn 30 o ddiwrnodau gan ddechrau ar y dyddiad y rhoddir yr hysbysiad o dan y paragraff hwn, a
- (d) y cyfle i gyflwyno ei achos mewn gwrandawriad llafar gerbron y Bwrdd Iechyd Lleol, os yw'r person yn gofyn am hynny o fewn y cyfnod o 30 o ddiwrnodau a grybwyllir yn is-baragraff (c).

(3) Os yw'r Bwrdd Iechyd Lleol yn cael sylwadau neu gais am wrandawriad llafar o fewn y cyfnod a bennir ym mharagraff (2)(c), rhaid iddo ystyried y sylwadau neu gynnal y gwrandawriad, yn ôl y digwydd, cyn gwneud ei benderfyniad.

(4) Unwaith y bydd y Bwrdd Iechyd Lleol wedi gwneud penderfyniad, rhaid iddo hysbysu'r person am y penderfyniad hwnnw, a chynnwys gyda'r hysbysiad esboniad o'r canlynol—

- (a) y rhesymau dros y penderfyniad,
- (b) hawl y person i apelio i'r Tribiwnlys yn erbyn ei benderfyniad, ac
- (c) o fewn pa derfyn amser, yn unol â Rheolau Gweithdrefn y Tribiwnlysoedd (Tribiwnlys yr Haen Gyntaf) (Y Siambr Iechyd, Addysg a Gofal Cymdeithasol) 2008, y mae rhaid anfon hysbysiad o'r cais i'r Tribiwnlys os bwriedir dwyn apêl.

(5) Pan fo'r Bwrdd Iechyd Lleol wedi penderfynu dileu enw person yn ddigwyddiadol, rhaid iddo roi gwybod i'r person am ei hawl i gael adolygiad o'r penderfyniad yn unol ag adran 113 (adolygu penderfyniadau) o Ddeddf 2006.

(6) Ni chaiff y Bwrdd Iechyd Lleol ddileu enw person o'r rhestr fferyllol, na dileu ei enw yn ddigwyddiadol, hyd nes bod yr amser ar gyfer dwyn apêl wedi dod i ben neu, pan fo apêl wedi ei gwneud, hyd nes bod yr apêl wedi ei phenderfynu gan y Tribiwnlys.

(7) Pan fo'r Tribiwnlys yn hysbysu Bwrdd Iechyd Lleol bod y Tribiwnlys wedi ystyried—

- (a) apêl gan berson yn erbyn dileu enw yn ddigwyddiadol a bod y Tribiwnlys wedi penderfynu, yn hytrach, ddileu enw'r person o'r rhestr fferyllol, neu
- (b) apêl gan berson sy'n ddarostyngedig i amodau o dan reoliad 38, a bod y Tribiwnlys wedi penderfynu peidio â chynnwys y person yn y rhestr fferyllol honno,

rhaid i'r Bwrdd Iechyd Lleol ddileu enw'r person o'i restr fferyllol a hysbysu'r person ar unwaith ei fod wedi gwneud hynny.

Dileu enw person o restr fferyllol am resymau eraill

40.—(1) Yn ddarostyngedig i baragraff (2), rhaid i Fwrdd Iechyd Lleol ddileu enw person o restr fferyllol a gynhelir ganddo pan fo'n dod yn ymwybodol bod y person (a phan fo'r person yn gorff corfforedig, unrhyw gyfarwyddwr neu uwcharolygydd i'r corff hwnnw)—

- (a) wedi ei euogfarnu yn y Deyrnas Unedig o lofruddiaeth,
- (b) wedi ei euogfarnu yn y Deyrnas Unedig o drosedd a gyflawnwyd ar ôl y dyddiad y daw'r Rheoliadau hyn i rym, ac wedi ei ddeddfrydu i gyfnod o garchar sy'n hwy na 6 mis, neu
- (c) yn ddarostyngedig i anghymhwysiad cenedlaethol.

(2) Pan fo Bwrdd Iechyd Lleol yn ystyried dileu enw person o'i restr fferyllol ar sail a gynhwysir ym mharagraff (1), rhaid i'r Bwrdd Iechyd Lleol, cyn gwneud ei benderfyniad—

- (a) hysbysu'r person am y camau gweithredu y mae'n ystyried eu cymryd a'r sail dros ystyried cymryd y camau gweithredu hynny, a
 - (b) fel rhan o'r hysbysiad hwnnw—
 - (i) rhoi gwybod i'r person am unrhyw honiad a wnaed yn ei erbyn, a
 - (ii) rhoi gwybod i'r person y caiff—
 - (aa) cyflwyno sylwadau ysgrifenedig i'r Bwrdd Iechyd Lleol ynghylch y camau gweithredu hynny ar yr amod bod y Bwrdd Iechyd Lleol yn cael y sylwadau hynny o fewn 30 o ddiwrnodau gan ddechrau â dyddiad yr hysbysiad gan y Bwrdd Iechyd Lleol, a
 - (bb) cyflwyno sylwadau llafar i'r Bwrdd Iechyd Lleol o ran y camau gweithredu hynny, ar yr amod bod y person yn hysbysu'r Bwrdd Iechyd Lleol am ei ddymuniad i gyflwyno sylwadau llafar o fewn 30 o ddiwrnodau gan ddechrau â dyddiad yr hysbysiad gan y Bwrdd Iechyd Lleol, a bod y person (neu gynrychiolydd) yn bresennol yn y gwrandawriad y mae'r Bwrdd Iechyd Lleol yn ei drefnu at ddibenion clywed y sylwadau hynny, ac
 - (c) mewn achos y mae paragraff (1)(a) neu (b) yn gymwys iddo, os yw'r person yn gorff corfforedig, roi gwybod iddo na fydd y Bwrdd Iechyd Lleol yn dileu enw'r corff corfforedig o'i restr fferyllol o ganlyniad i baragraff (1)(a) neu (b) (heb ragfarnu unrhyw gam gweithredu arall y caiff y Bwrdd Iechyd Lleol ei gymryd), ar yr amod—
 - (i) bod y cyfarwyddwr neu'r uwcharolygydd o dan sylw yn peidio â bod yn gyfarwyddwr neu'n uwcharolygydd i'r corff corfforedig o fewn y cyfnod o 30 o ddiwrnodau gan ddechrau â dyddiad yr hysbysiad, a
 - (ii) bod y corff corfforedig yn hysbysu'r Bwrdd Iechyd Lleol, o fewn y cyfnod hwnnw, am y dyddiad y mae'r cyfarwyddwr neu'r uwcharolygydd wedi peidio â bod, neu y dyddiad y bydd yn peidio â bod, yn gyfarwyddwr neu'n uwcharolygydd i'r corff corfforedig.
- (3) Rhaid i Fwrdd Iechyd Lleol ddileu enw person o restr fferyllol—
- (a) os nad yw'r person, yn ystod y 6 mis blaenorol, wedi darparu gwasanaethau fferyllol o'r fangre y mae'r person wedi ei gynnwys yn y rhestr fferyllol mewn cysylltiad â hi (ond wrth gyfrifo'r cyfnod o 6 mis, nid yw unrhyw gyfnod pan oedd y person wedi ei atal dros dro yn cyfrif), neu
 - (b) os bu farw'r person, ond nid os yw cynrychiolydd y person hwnnw yn cynnal ei fusnes ar ôl ei farwolaeth o dan adran 72 o Ddeddf Meddyginiaethau 1968 (cynrychiolydd fferyllol mewn achos o farwolaeth neu anabledd) cyn belled â bod y cynrychiolydd yn cynnal y busnes yn unol â darpariaethau'r Ddeddf honno, ac yn cytuno i gael ei rwymo gan y telerau gwasanaeth, neu
 - (c) os nad yw'r person yn fferyllol cofrestredig mwyach.
- (4) Cyn dileu enw person o restr fferyllol o dan baragraff (3) rhaid i'r Bwrdd Iechyd Lleol—
- (a) rhoi i'r person, neu i gynrychiolydd y person a grybwyllir o dan baragraff (3)(b), 30 o ddiwrnodau o rybudd o'i fwriad i ddileu enw'r person o'r rhestr fferyllol,
 - (b) rhoi'r cyfle i'r person, neu i gynrychiolydd y person a grybwyllir o dan baragraff (3)(b), gyflwyno sylwadau ysgrifenedig neu, os yw'n dymuno hynny, eu cyflwyno'n bersonol yn ystod y cyfnod hwnnw, ac
 - (c) ymgynghori â'r Pwyllgor Fferyllol Lleol.
- (5) Unwaith y bydd y Bwrdd Iechyd Lleol wedi gwneud penderfyniad i ddileu enw'r person o'r rhestr fferyllol ar sail a gynhwysir ym mharagraff (1), rhaid iddo hysbysu'r person am y penderfyniad hwnnw, a chynnwys gyda'r hysbysiad esboniad o'r canlynol—

- (a) y rhesymau dros y penderfyniad,
 - (b) hawl y person i apelio i'r Tribiwnlys yn erbyn ei benderfyniad, ac
 - (c) o fewn pa derfyn amser, yn unol â Rheolau Gweithdrefn y Tribiwnlysoedd (Tribiwnlys yr Haen Gyntaf) (Y Siambr Iechyd, Addysg a Gofal Cymdeithasol) 2008, y mae rhaid anfon hysbysiad o'r cais i'r Tribiwnlys os bwriedir dwyn apêl.
- (6) Rhaid i'r Bwrdd Iechyd Lleol hysbysu'r person ar unwaith yn ysgrifenedig am ei benderfyniad o dan baragraff (3) i ddileu enw'r person o'r rhestr fferyllol, ac am hawl y person i apelio o dan baragraff (7).
- (7) Caiff person a hysbysir o dan baragraff (6), o fewn 30 o ddiwrnodau i gael yr hysbysiad, apelio yn erbyn y penderfyniad drwy roi hysbysiad ysgrifenedig i Weinidogion Cymru gan nodi'r sail dros yr apêl.
- (8) Ar ôl cael apêl o dan baragraff (7), rhaid i Weinidogion Cymru hysbysu'r Bwrdd Iechyd Lleol fod apêl wedi ei chael.
- (9) Caiff Gweinidogion Cymru benderfynu'r apêl, y rhoddwyd hysbysiad dilys o apêl mewn cysylltiad â hi yn unol â pharagraff (7), mewn unrhyw fodd (gan gynnwys o ran gweithdrefnau) y mae Gweinidogion Cymru yn meddwl ei fod yn addas.
- (10) Wrth benderfynu apêl o dan baragraff (9), caiff Gweinidogion Cymru—
- (a) cadarnhau penderfyniad y Bwrdd Iechyd Lleol, neu
 - (b) yn lle'r penderfyniad hwnnw, gwneud unrhyw benderfyniad y gallai'r Bwrdd Iechyd Lleol fod wedi ei wneud pan wnaeth y penderfyniad hwnnw.
- (11) Ni chaiff Bwrdd Iechyd Lleol ddileu enw'r person o'r rhestr fferyllol—
- (a) os na wneir apêl, hyd nes bod y cyfnod ar gyfer dwyn apêl yn erbyn y penderfyniad wedi dod i ben, neu
 - (b) os gwneir apêl, hyd nes bod yr apêl wedi ei phenderfynu.
- (12) Pan fo apêl yn cael ei chadarnhau, ni chaiff y Bwrdd Iechyd Lleol ddileu enw'r person o'r rhestr fferyllol.

Atal dros dro o restr fferyllol

- 41.**—(1) Cyn gwneud penderfyniad o dan adran 110(1) (atal dros dro) neu adran 111(2) (atal dros dro wrth aros am apêl) o Ddeddf 2006, rhaid i'r Bwrdd Iechyd Lleol roi i'r person—
- (a) hysbysiad o unrhyw honiad a wnaed yn ei erbyn,
 - (b) hysbysiad o'r camau gweithredu y mae'r Bwrdd Iechyd Lleol yn ystyried eu cymryd, ac ar ba sail,
 - (c) y cyfle i gyflwyno sylwadau ysgrifenedig o fewn 30 o ddiwrnodau gan ddechrau â'r dyddiad y rhoddir yr hysbysiad o dan y paragraff hwn, a
 - (d) y cyfle i gyflwyno sylwadau mewn gwrandawriad llafar gerbron y Bwrdd Iechyd Lleol, ar yr amod bod y person yn hysbysu'r Bwrdd Iechyd Lleol ei fod yn dymuno cyflwyno sylwadau o fewn cyfnod penodedig (heb fod yn llai na 24 awr).
- (2) Rhaid i'r Bwrdd Iechyd Lleol ystyried unrhyw sylwadau a gyflwynir gan y person cyn gwneud ei benderfyniad.
- (3) Rhaid i'r Bwrdd Iechyd Lleol, unwaith y bydd wedi gwneud penderfyniad, hysbysu'r person yn ysgrifenedig am y penderfyniad hwnnw, cyn gynted ag y bo'n rhesymol ymarferol, gan roi'r rhesymau dros y penderfyniad (gan gynnwys unrhyw ffeithiau y dibynnwyd arnynt).
- (4) Pan fo'r Bwrdd Iechyd Lleol wedi atal dros dro berson o'r rhestr fferyllol, rhaid i'r Bwrdd Iechyd Lleol roi gwybod i'r person am y rhesymau dros y penderfyniad ac, yn achos ataliad dros

dro o dan adran 110(1) o Ddeddf 2006, am hawl y person hwnnw i gael adolygiad o'r penderfyniad yn unol ag adran 113 (adolygu penderfyniadau) o Ddeddf 2006.

(5) Caiff y Bwrdd Iechyd Lleol, ar unrhyw adeg, ddirymu'r ataliad dros dro a hysbysu'r person am ei benderfyniad.

Hysbysiad o benderfyniad i osod amodau

42.—(1) Pan fo Bwrdd Iechyd Lleol yn penderfynu—

- (a) gwrthod caniatáu cais gan berson o dan reoliad 37,
- (b) gosod amodau o dan reoliad 38,
- (c) dileu enw person o'i restr fferyllol o dan reoliad 39 neu 40,
- (d) atal person dros dro o'i restr fferyllol o dan reoliad 41,
- (e) gosod neu amrywio amod o dan reoliad 43, neu
- (f) gosod neu amrywio amod o dan reoliad 44,

rhaid iddo hysbysu'r personau a'r cyrff a bennir ym mharagraff (2) ac yn ychwanegol, hysbysu'r rheini a bennir ym mharagraff (3), os gofynnir iddo wneud hynny gan y personau hynny neu'r cyrff hynny yn ysgrifenedig (gan gynnwys yn electronig), am y materion a nodir ym mharagraff (4).

(2) Y personau sydd i'w hysbysu yw—

- (a) Gweinidogion Cymru,
- (b) unrhyw Fwrdd Iechyd Lleol arall neu gorff cyfatebol sydd, hyd eithaf gwybodaeth y Bwrdd Iechyd Lleol sy'n hysbysu, wedi cynnwys y ceisydd mewn rhestr berthnasol,
- (c) Gweinidogion yr Alban,
- (d) yr Ysgrifennydd Gwladol,
- (e) Gweithrediaeth Gogledd Iwerddon,
- (f) y Cyngor Fferyllol Cyffredinol, Cymdeithas Fferyllol Gogledd Iwerddon neu unrhyw gorff rheoleiddio priodol arall,
- (g) y Pwyllgor Fferyllol Lleol ar gyfer ardal y Bwrdd Iechyd Lleol,
- (h) Bwrdd Comisiynu'r Gwasanaeth Iechyd Gwladol, ac
- (i) yn achos twyll, Awdurdod Gwasanaethau Busnes y GIG.

(3) Y personau neu'r cyrff y caniateir iddynt ofyn i gael eu hysbysu yn ychwanegol yn unol â pharagraff (1) yw—

- (a) personau neu gyrff a all gadarnhau—
 - (i) eu bod, neu y buont, yn cyflogi'r person, yn defnyddio neu wedi defnyddio ei wasanaethau (neu pan fo'r person yn gorff corfforedig, wedi defnyddio gwasanaethau unrhyw gyfarwyddwr neu uwcharolygydd i'r corff corfforedig hwnnw) mewn swyddogaeth broffesiynol, neu
 - (ii) eu bod yn ystyried cyflogi neu ddefnyddio gwasanaethau'r person (neu pan fo'r person yn gorff corfforedig, defnyddio gwasanaethau unrhyw gyfarwyddwr neu uwcharolygydd i'r corff corfforedig hwnnw) mewn swyddogaeth broffesiynol, a
- (b) partneriaeth y mae unrhyw un neu ragor o'i haelodau yn darparu neu'n cynorthwyo i ddarparu gwasanaethau fferyllol, ac sy'n gallu cadarnhau bod y person, neu y bu'r person, yn aelod o'r bartneriaeth, neu fod y bartneriaeth yn ystyried ei wahodd i fod yn aelod.

(4) Y materion y cyfeirir atynt ym mharagraff (1) yw—

- (a) pan fo'r person yn unigolyn neu'n bartneriaeth—

- (i) enw, cyfeiriad a dyddiad geni'r person neu bob aelod o'r bartneriaeth,
 - (ii) rhif cofrestru proffesiynol y person neu bob aelod o'r bartneriaeth,
 - (iii) dyddiad penderfyniad y Bwrdd Iechyd Lleol a chopi o'r penderfyniad, a
 - (iv) enw person cyswllt yn y Bwrdd Iechyd Lleol ar gyfer ymholiadau pellach.
- (b) pan fo'r person yn gorff corfforedig—
- (i) enw'r corff corfforedig, ei rif cofrestru cwmni a chyfeiriad ei swyddfa gofrestredig,
 - (ii) rhif cofrestru proffesiynol uwcharolygydd y corff corfforedig a rhif cofrestru proffesiynol unrhyw gyfarwyddwr i'r corff corfforedig sy'n fferylllydd cofrestredig,
 - (iii) dyddiad penderfyniad y Bwrdd Iechyd Lleol a chopi o'r penderfyniad, a
 - (iv) enw person cyswllt yn y Bwrdd Iechyd Lleol ar gyfer ymholiadau pellach.
- (5) Rhaid i'r Bwrdd Iechyd Lleol anfon copi at y person o unrhyw wybodaeth a ddarperir amdano i'r personau neu'r cyrff a bennir ym mharagraffau (2) a (3), ac unrhyw ohebiaeth gyda'r personau neu'r cyrff hynny sy'n ymwneud â'r wybodaeth honno.
- (6) Pan fo'r Bwrdd Iechyd Lleol wedi hysbysu unrhyw un neu ragor o'r personau neu'r cyrff a bennir ym mharagraff (2) neu (3) am y materion a nodir ym mharagraff (4), caiff y Bwrdd Iechyd Lleol, yn ychwanegol, os gofynnir iddo wneud hynny gan y person hwnnw neu'r corff hwnnw, hysbysu'r person hwnnw neu'r corff hwnnw am unrhyw dystiolaeth a ystyriwyd, gan gynnwys sylwadau a gyflwynwyd gan y person.
- (7) Pan fo Bwrdd Iechyd Lleol yn cael ei hysbysu gan y Tribiwnlys fod y Tribiwnlys wedi gosod anghymhwysiad cenedlaethol ar berson y mae'r Bwrdd Iechyd Lleol wedi dileu ei enw o'i restr fferyllol, rhaid i'r Bwrdd Iechyd Lleol hysbysu'r personau neu'r cyrff a bennir ym mharagraff (2) (b), (g), (h) ac (i) a pharagraff (3).
- (8) Pan fo penderfyniad yn cael ei newid o ganlyniad i adolygiad neu apêl, neu pan fo ataliad dros dro yn darford, rhaid i'r Bwrdd Iechyd Lleol hysbysu unrhyw berson neu gorff, a hysbyswyd am y penderfyniad gwreiddiol, ynghylch y penderfyniad diweddarach neu ynghylch y ffaith bod yr ataliad dros dro wedi darford.

Adolygu penderfyniad i osod ataliad dros dro o dan adran 110 o Ddeddf 2006 neu i ddileu enw person yn digwyddiadol o dan adran 108 o Ddeddf 2006

- 43.**—(1) Pan fo rhaid i Fwrdd Iechyd Lleol, yn unol ag adran 113 (adolygu penderfyniadau) o Ddeddf 2006, adolygu ei benderfyniad i ddileu enw person yn ddigwyddiadol o'r rhestr fferyllol neu i atal dros dro berson o'r rhestr fferyllol o dan adran 110 (atal dros dro) o Ddeddf 2006, neu pan fo Bwrdd Iechyd Lleol yn penderfynu adolygu penderfyniad o'r fath, rhaid iddo roi i'r person hwnnw—
- (a) hysbysiad o'i fwriad i adolygu ei benderfyniad,
 - (b) hysbysiad o'r penderfyniad y mae'n ystyried ei wneud o ganlyniad i'r adolygiad, a'r rhesymau dros y penderfyniad,
 - (c) y cyfle i gyflwyno sylwadau ysgrifenedig i'r Bwrdd Iechyd Lleol o fewn y cyfnod o 30 o ddiwrnodau gan ddechrau â dyddiad yr hysbysiad o dan is-baragraff (a), a
 - (d) y cyfle i gyflwyno ei achos mewn gwrandawriad llafar gerbron y Bwrdd Iechyd Lleol, os yw'r person yn gofyn am hynny o fewn y cyfnod o 30 o ddiwrnodau a grybwyllir yn is-baragraff (c).
- (2) Yn dilyn adolygiad o'r fath, caiff y Bwrdd Iechyd Lleol—
- (a) cadarnhau dileu enw'r person yn ddigwyddiadol neu gadarnhau'r ataliad dros dro,
 - (b) yn achos ataliad dros dro, ei derfynu, neu

- (c) yn achos dileu enw person yn ddigwyddiadol, amrywio'r amodau, gosod amodau gwahanol, dirymu dileu enw'r person yn ddigwyddiadol, neu ddileu enw'r person o'r rhestr.
- (3) Ni chaiff person sydd wedi ei atal dros dro o restr fferyllol o dan adran 110 o Ddeddf 2006 neu y mae ei enw wedi ei ddileu yn ddigwyddiadol o restr fferyllol o dan adran 108 o Ddeddf 2006 ofyn am adolygiad cyn diwedd—
- (a) cyfnod o 3 mis gan ddechrau â dyddiad penderfyniad y Bwrdd Iechyd Lleol i ddileu enw'r person yn ddigwyddiadol, neu
- (b) cyfnod o 6 mis gan ddechrau â dyddiad y penderfyniad ar yr adolygiad blaenorol.
- (4) Os yw'r Bwrdd Iechyd Lleol yn cael sylwadau neu gais am wrandawriad llafar o fewn y cyfnod a bennir ym mharagraff (1)(c), rhaid iddo ystyried y sylwadau neu gynnal y gwrandawriad llafar, yn ôl y digwydd, cyn gwneud ei benderfyniad.
- (5) Unwaith y bydd y Bwrdd Iechyd Lleol wedi gwneud penderfyniad o dan adran 113(3) o Ddeddf 2006, rhaid iddo hysbysu'r person am ei benderfyniad, a chynnwys gyda'r hysbysiad o'i benderfyniad esboniad o'r canlynol—
- (a) y rhesymau dros y penderfyniad,
- (b) os oes hawl gan y person i apelio mewn perthynas â'r penderfyniad—
- (i) yr hawl sydd gan y person i apelio mewn perthynas â'r penderfyniad hwnnw o dan adran 114 o Ddeddf 2006 (apelau)(34), a
- (ii) o fewn pa derfyn amser, yn unol â Rheolau Gweithdrefn y Tribiwnlysoedd (Tribiwnlys yr Haen Gyntaf) (Y Siambr Iechyd, Addysg a Gofal Cymdeithasol) 2008, y bydd rhaid anfon hysbysiad o'r cais i'r Tribiwnlys os bwriedir dwyn apêl, ac
- (c) os yw'r person wedi ei atal dros dro neu os yw enw'r person wedi ei ddileu yn ddigwyddiadol neu os yw'r sefyllfa yn parhau felly, y trefniadau ar gyfer adolygu'r ataliad dros dro neu'r amodau o dan adran 113(1) o Ddeddf 2006.

Adolygu penderfyniad i osod amodau

44.—(1) Pan fo Bwrdd Iechyd Lleol wedi gwneud penderfyniad i osod amodau yn unol â rheoliad 38, caiff adolygu penderfyniad o'r fath, naill ai o'i ddewis ei hunan neu os gofynnir iddo wneud hynny gan y person y caniatawyd ei gais yn ddarostyngedig i amodau.

(2) Ni chaiff person y caniatawyd ei gais yn ddarostyngedig i amodau ofyn am adolygiad o benderfyniad Bwrdd Iechyd Lleol cyn diwedd cyfnod o 3 mis gan ddechrau â'r dyddiad y mae'r Bwrdd Iechyd Lleol—

- (a) yn cynnwys enw'r person ar ei restr fferyllol, neu
- (b) yn caniatáu cydsyniad rhagarweiniol i'r person,

ac ni chaiff ofyn am adolygiad o fewn 6 mis i benderfyniad ar adolygiad blaenorol.

(3) Rhaid i Fwrdd Iechyd Lleol roi i'r person y caniatawyd ei gais yn ddarostyngedig i amodau—

- (a) hysbysiad o'i fwriad i adolygu ei benderfyniad,
- (b) hysbysiad o'r penderfyniad y mae'n ystyried ei wneud o ganlyniad i'r adolygiad, a'r rhesymau dros y penderfyniad,
- (c) y cyfle i gyflwyno sylwadau ysgrifenedig i'r Bwrdd Iechyd Lleol o fewn y cyfnod o 30 o ddiwrnodau gan ddechrau â dyddiad yr hysbysiad o dan is-baragraff (a), a

(34) Noder nad oes hawl i apelio i'r Tribiwnlys yn erbyn penderfyniad i atal dros dro ymarferydd neu i adolygu penderfyniad ar atal dros dro. Fodd bynnag, mae hawl i apelio i'r Tribiwnlys yn erbyn unrhyw benderfyniad gan Fwrdd Iechyd Lleol ar adolygiad o ddileu enw person yn ddigwyddiadol o dan adran 113 o Ddeddf 2006. *Gweler* adran 114 o Ddeddf 2006.

- (d) y cyfle i gyflwyno ei achos mewn gwrandawriad llafar gerbron y Bwrdd Iechyd Lleol, os yw'r person yn gofyn am hynny, o fewn y cyfnod o 30 o ddiwrnodau a grybwyllir yn is-baragraff (c).
- (4) Os yw'r Bwrdd Iechyd Lleol yn cael sylwadau neu gais am wrandawriad llafar o fewn y cyfnod a bennir ym mharagraff (3)(c), rhaid iddo ystyried y sylwadau neu gynnal y gwrandawriad llafar, yn ôl y digwydd, cyn gwneud ei benderfyniad.
- (5) Yn dilyn adolygiad, caiff y Bwrdd Iechyd Lleol—
- (a) cadw'r amodau cyfredol,
 - (b) gosod amodau newydd,
 - (c) amrywio telerau gwasanaeth y person,
 - (d) amrywio'r amodau, neu
 - (e) pan fo'r person wedi torri amod, dileu enw'r person o'r rhestr fferyllol.
- (6) Cyn gynted ag y bo'n ymarferol ar ôl gwneud penderfyniad, rhaid i'r Bwrdd Iechyd Lleol hysbysu'r person am ei benderfyniad, a rhaid iddo gynnwys gyda'r hysbysiad o'i benderfyniad esboniad o'r canlynol—
- (a) y rhesymau dros y penderfyniad,
 - (b) yr hawl sydd gan y person i apelio i'r Tribiwnlys, ac
 - (c) o fewn pa derfyn amser, yn unol â Rheolau Gweithdrefn y Tribiwnlysoedd (Tribiwnlys yr Haen Gyntaf) (Y Siambr Iechyd, Addysg a Gofal Cymdeithasol) 2008, y mae rhaid anfon hysbysiad o'r cais i'r Tribiwnlys os bwriedir dwyn apêl.

Apelau

45.—(1) Pan fo person, ac eithrio person a hysbysir o dan reoliad 42, sydd wedi ei hysbysu am benderfyniad gan Fwrdd Iechyd Lleol ei fod —

- (a) yn bwriadu—
 - (i) gwrthod caniatáu cais y mae rheoliad 37 (gwrthod ceisiadau ar sail addasrwydd) yn gynnwys iddo ar sail a gynhwysir ym mharagraff (2) neu (3) o'r rheoliad hwnnw,
 - (ii) gosod amodau ar y person yn rhinwedd rheoliad 38 (cynnwys person yn amodol ar sail addasrwydd), neu amrywio telerau gwasanaeth y person yn unol â'r rheoliad hwnnw,
 - (iii) yn unol â rheoliad 39 (dileu enw person o restr fferyllol am dorri amodau ar sail addasrwydd neu osod neu amrywio neu osod amodau newydd o dan adran 108 o Ddeddf 2006)—
 - (aa) dileu enw'r person o'r rhestr fferyllol o dan adran 107 (anghymhwysu ymarferwyr) o Ddeddf 2006;
 - (bb) dileu enw'r person o'r rhestr fferyllol yn ddigwyddiadol o dan adran 108 (dileu enw person yn ddigwyddiadol) o Ddeddf 2006;
 - (cc) dileu enw'r person o'r rhestr fferyllol am dorri amod a osodwyd o dan adran 108 o Ddeddf 2006;
 - (dd) gosod unrhyw amod penodol o dan adran 108 o Ddeddf 2006, amrywio unrhyw amod, gosod amod gwahanol neu amrywio telerau gwasanaeth y person o dan yr adran honno;
 - (ee) dileu enw'r person o'r rhestr fferyllol am dorri amod a osodwyd o dan reoliad 38, neu
 - (iv) dileu enw'r person o'r rhestr fferyllol ar sail a gynhwysir yn rheoliad 40(1), neu

- (b) wedi adolygu penderfyniad i osod amodau o dan reoliad 44 (adolygu penderfyniad i osod amodau) ac wedi penderfynu cymryd unrhyw un neu ragor o'r camau gweithredu yn rheoliad 44(5), neu
- (c) wedi adolygu penderfyniad i ddileu enw'r person yn ddigwyddiadol o restr fferyllol yn rhinwedd rheoliad 43 (adolygu penderfyniad i osod ataliad dros dro o dan adran 110 o Ddeddf 2006 neu i ddileu enw person yn ddigwyddiadol o dan adran 108 o Ddeddf 2006) ac wedi—
- (i) cadarnhau dileu enw'r person yn ddigwyddiadol,
 - (ii) amrywio'r amodau sydd ynghlwm wrth ddileu'r enw yn ddigwyddiadol neu wedi gosod amodau gwahanol, neu
 - (iii) wedi dileu enw'r person o'r rhestr fferyllol,
- caiff y person apelio i'r Tribiwnlys yn erbyn y penderfyniad hwnnw.
- (2) Rhaid gwneud apêl o dan baragraff (1) yn ysgrifenedig, gan nodi'r sail dros wneud yr apêl, a rhaid ei chyflwyno i'r Tribiwnlys o fewn y terfyn amser, yn unol â Rheolau Gweithdrefn y Tribiwnlysoedd (Tribiwnlys yr Haen Gyntaf) (Y Siambr Iechyd, Addysg a Gofal Cymdeithasol) 2008 y mae rhaid anfon hysbysiad o'r cais i'r Tribiwnlys os bwriedir dwyn apêl.
- (3) Caiff y Tribiwnlys, wrth benderfynu apêl, wneud unrhyw benderfyniad y gallai'r Bwrdd Iechyd Lleol ei wneud o dan y Rhan hon.

RHAN 8

Cynnwys enw person yn amodol mewn rhestrau fferyllol: amodau penodol nad ydynt yn ymwneud ag addasrwydd na pherfformiad

Amodau o ran oriau agor craidd

- 46.**—(1) Pan, yng nghwrs gwneud cais y mae rheoliad 15, 19, 20 neu 22 yn gymwys iddo—
- (a) i gynnwys enw person mewn rhestr fferyllol fel y'i crybwyllir yn rheoliad 10(1)(a), neu gan berson sydd eisoes wedi ei gynnwys mewn rhestr o'r fath i adleoli i fangre fferyllol wahanol neu i agor, o fewn ardal y Bwrdd Iechyd Lleol perthnasol, fangre fferyllol ychwanegol—
 - (i) bo fferyllydd GIG wedi ymgymryd â darparu gwasanaethau fferyllol yn y fangre fferyllol arfaethedig am nifer penodedig o oriau agor craidd bob wythnos sy'n fwy na 40,
 - (ii) bo'r fferyllydd GIG a'r Bwrdd Iechyd Lleol wedi cytuno bod gwasanaethau fferyllol i'w darparu yn y fangre fferyllol arfaethedig yn ystod yr oriau agor ychwanegol a bennir (hynny yw, yr oriau sy'n cyfateb i'r gwahaniaeth rhwng cyfanswm yr oriau a bennir a 40) ar adegau penodol ac ar ddiwrnodau penodol, a
 - (iii) bo'r cais wedi ei ganiatáu gan roi sylw i'r ymgymeriad hwnnw a'r cytundeb hwnnw, pan fydd yn cynnwys y fangre mewn rhestr fferyllol, rhaid i'r Bwrdd Iechyd Lleol gyfarwyddo bod y person a restrir mewn perthynas â'r fangre i ddarparu gwasanaethau fferyllol yn y fangre honno am y nifer penodedig o oriau agor craidd yr ymgymeryd â gwneud hynny, ac yn ystod yr oriau agor ychwanegol ar yr adegau penodol ac ar y diwrnodau penodol y cytunwyd arnynt;
 - (b) i gynnwys enw person mewn rhestr fferyllol fel y'i crybwyllir yn rheoliad 10(1)(b), neu gan berson sydd eisoes wedi ei gynnwys mewn rhestr o'r fath i adleoli i fangre contractwr

cyfarpar wahanol neu i agor, o fewn ardal y Bwrdd Iechyd Lleol perthnasol, fangre contractwr cyfarpar ychwanegol—

(i) bo contractwr cyfarpar GIG wedi ymgymryd â darparu gwasanaethau fferyllol yn y fangre contractwr cyfarpar arfaethedig am nifer penodedig o oriau agor craidd bob wythnos sy'n fwy na 30,

(ii) bo'r contractwr cyfarpar GIG a'r Bwrdd Iechyd Lleol wedi cytuno bod gwasanaethau fferyllol i'w darparu ym mangre'r contractwr cyfarpar yn ystod yr oriau agor ychwanegol a bennir (hynny yw, yr oriau sy'n cyfateb i'r gwahaniaeth rhwng cyfanswm yr oriau a bennir a 30) ar adegau penodol ac ar ddiwrnodau penodol, a

(iii) bo'r cais wedi ei ganiatáu gan roi sylw i'r ymgymriad hwnnw a'r cytundeb hwnnw, pan fydd yn cynnwys y fangre mewn rhestr fferyllol, rhaid i'r Bwrdd Iechyd Lleol gyfarwyddo bod y person a restrir mewn perthynas â'r fangre i ddarparu gwasanaethau fferyllol yn y fangre honno am y nifer penodedig o oriau agor craidd yr ymgymeryd â gwneud hynny, ac yn ystod yr oriau agor ychwanegol ar yr adegau penodol ac ar y diwrnodau penodol y cytunwyd arnynt.

(2) Pan fo Bwrdd Iechyd Lleol—

(a) wedi gwahodd fferylllydd GIG neu gontractwr cyfarpar GIG i gynyddu cyfanswm nifer yr oriau agor craidd y mae'r fferylllydd GIG neu'r contractwr cyfarpar GIG i ddarparu gwasanaethau fferyllol mewn mangre restredig, a

(b) wedi cytuno ar ôl hynny â'r fferylllydd GIG neu'r contractwr cyfarpar GIG—

(i) nifer uwch o oriau agor craidd, a

(ii) yn achos fferylllydd GIG, bod gwasanaethau fferyllol i'w darparu yn y fangre fferyllol yn ystod unrhyw oriau agor ychwanegol (hynny yw, yr oriau sy'n cyfateb i'r gwahaniaeth rhwng cyfanswm yr oriau a bennir a 40) ar adegau penodol ac ar ddiwrnodau penodol, neu

(iii) yn achos contractwr cyfarpar GIG, bod gwasanaethau fferyllol i'w darparu ym mangre'r contractwr cyfarpar yn ystod unrhyw oriau agor ychwanegol (hynny yw, yr oriau sy'n cyfateb i'r gwahaniaeth rhwng cyfanswm yr oriau a bennir a 30) ar adegau penodol ac ar ddiwrnodau penodol,

rhaid i'r Bwrdd Iechyd Lleol gyfarwyddo bod y person a restrir mewn perthynas â'r fangre i ddarparu gwasanaethau fferyllol yn y fangre honno am y nifer penodedig o oriau agor craidd yr ymgymeryd â gwneud hynny, ac yn ystod unrhyw oriau agor ychwanegol ar yr adegau penodol ac ar y diwrnodau penodol y cytunwyd arnynt.

(3) Ac eithrio fel y darperir ar ei gyfer o dan baragraff (2) ac yn ddarostyngedig i baragraff (4), ni chaiff y Bwrdd Iechyd Lleol amrywio cyfarwyddyd a roddir o dan baragraff (1) neu (2) ond yn unol â pharagraff 25 neu 26 o Atodlen 5 neu baragraff 15 neu 16 o Atodlen 6.

(4) Ni caniateir i gyfarwyddyd a roddir o dan baragraff (1) neu (2) gael ei amrywio o fewn 3 blynedd iddo gael ei roi.

Amodau sy'n ymwneud â darparu gwasanaethau cyfeiriedig

47.—(1) Pan ymgymrodd fferylllydd GIG neu gontractwr cyfarpar GIG, yng nghwrs gwneud cais o dan y Rheoliadau hyn neu o dan Reoliadau 2013—

(a) â darparu'r gwasanaethau cyfeiriedig a grybwyllir yn y cais, os comisynnodd y Bwrdd Iechyd Lleol y gwasanaethau o fewn 3 blynedd naill ai i ddyddiad caniatáu'r cais neu, os yw'n hwyrach, i ddyddiad y rhestrriad mewn perthynas â'r ceisydd o'r fangre y mae'r cais yn ymwneud â hi,

(b) os comisiynwyd y gwasanaethau cyfeiriedig, â darparu'r gwasanaethau yn unol â manyleb gwasanaeth y cytunir arni, ac

(c) â pheidio ag atal cytundeb ar fanyleb gwasanaeth yn afresymol,

mae cynnwys, yn y rhestr fferyllol, enw'r person a restrir mewn perthynas â'r fangre a restrwyd o ganlyniad i'r cais hwnnw yn ddarostyngedig i'r amod a nodir ym mharagraff (2).

(2) Yr amod yw bod rhaid i'r person a restrir mewn perthynas â'r fangre—

(a) darparu'r gwasanaethau cyfeiriedig a grybwyllir yn y cais (pa un ai'r ceisydd oedd y person a restrir ai peidio), a

(b) peidio ag atal cytundeb ar fanyleb gwasanaeth i'r gwasanaethau cyfeiriedig hynny yn afresymol,

os yw'r Bwrdd Iechyd Lleol yn comisiynu'r gwasanaethau o'r person a restrir mewn perthynas â'r fangre o fewn 3 blynedd naill ai i ddyddiad caniatáu'r cais neu, os yw'n hwyrach, i ddyddiad y rhestrriad mewn perthynas â'r ceisydd o'r fangre y mae'r cais yn ymwneud â hi, oni bai bod y Bwrdd Iechyd Lleol ar ôl hynny yn peidio â chomisiynu'r gwasanaethau (os yw wedi eu comisiynu).

(3) Pan fo Bwrdd Iechyd Lleol yn pennu bod gofyniad i ddarparu gwasanaethau cyfeiriedig sy'n deillio o amod a osodir yn rhinwedd y rheoliad hwn i gymryd effaith erbyn dyddiad penodedig, mae'r gofyniad yn cymryd effaith—

(a) ar y dyddiad hwnnw, neu

(b) ar y dyddiad y cychwynnir darparu'r gwasanaeth cyfeiriedig.

(4) Ni chaiff y Bwrdd Iechyd Lleol amrywio neu ddileu'r amod a osodir yn rhinwedd paragraff (2).

Amodau sy'n ymwneud â datrys yn lleol anghydfodau ynghylch y telerau gwasanaeth

48.—(1) Un o'r amodau ar gyfer cynnwys pob fferyllydd GIG neu contractwr cyfarpar GIG mewn rhestr fferyllol gan y Bwrdd Iechyd Lleol yw y gwnaiff y fferyllydd GIG neu'r contractwr cyfarpar GIG bob ymdrech resymol i gyfathrebu â'r Bwrdd Iechyd Lleol gyda golwg ar ddatrys unrhyw anghydfod rhwng naill ai'r fferyllydd GIG neu'r contractwr cyfarpar GIG a'r Bwrdd Iechyd Lleol sy'n ymwneud â chydymffurfio â'r telerau gwasanaeth y darperir gwasanaethau fferyllol odanynt.

(2) Ni chaiff y Bwrdd Iechyd Lleol amrywio neu ddileu'r amod a osodir yn rhinwedd paragraff (1).

RHAN 9

Sancsiynau sy'n ymwneud â pherfformiad ac Ymadael â'r Farchnad

Datrys anghydfodau yn lleol cyn cyflwyno hysbysiadu adfer neu hysbysiadu torri

49.—(1) Yn ddarostyngedig i baragraff (3), cyn dyroddi hysbysiad o dan reoliad 50 neu 51, rhaid i'r Bwrdd Iechyd Lleol wneud pob ymdrech resymol i gyfathrebu a chydweithredu â fferyllydd GIG neu contractwr cyfarpar GIG gyda golwg ar ddatrys unrhyw anghydfod rhwng y fferyllydd GIG neu'r contractwr cyfarpar GIG a'r Bwrdd Iechyd Lleol sy'n ymwneud â cydymffurfedd gan y fferyllydd GIG neu'r contractwr cyfarpar GIG â'r telerau gwasanaeth.

(2) Pan fo fferyllydd GIG neu contractwr cyfarpar GIG yn gwahodd Pwyllgor Fferyllol Lleol i gymryd rhan yn yr ymdrechion i ddatrys yr anghydfod, rhaid i'r Bwrdd Iechyd Lleol wneud pob ymdrech resymol i gyfathrebu a chydweithredu â'r Pwyllgor yn ei ymdrechion i gynorthwyo i ddatrys yr anghydfod.

- (3) Nid yw paragraffau (1) a (2) yn gymwys pan fo'r Bwrdd Iechyd Lleol wedi ei fodloni—
- (a) bod yr anghydfod yn ymwneud â mater sydd eisoes wedi bod yn destun datrys anghydfod rhwng y Bwrdd Iechyd Lleol a'r fferylllydd GIG neu'r contractwr cyfarpar GIG ac nad oes unrhyw faterion newydd o sylwedd sy'n cyfiawnhau oedi wrth ddyroddi hysbysiad o dan reoliad 50 neu 51, neu
 - (b) ei bod yn briodol mynd ati ar unwaith i ddyroddi hysbysiad o dan reoliad 50 neu 51—
 - (i) oherwydd nad yw'r fangre restredig ar agor, neu nad yw wedi bod ar agor, yn ystod oriau agor craidd neu oriau agor atodol heb reswm da,
 - (ii) er mwyn gwarchod diogelwch unrhyw bersonau y caiff fferylllydd GIG neu gontractwr cyfarpar GIG ddarparu gwasanaethau fferyllol iddynt, neu
 - (iii) er mwyn gwarchod y Bwrdd Iechyd Lleol rhag colled ariannol perthnasol.

Torri'r telerau gwasanaeth: hysbysiadau adfer

50.—(1) Pan fo fferylllydd GIG neu gontractwr cyfarpar GIG yn torri un o'r telerau gwasanaeth ac y gellir unioni'r toriad, caiff y Bwrdd Iechyd Lleol, drwy hysbysiad (“hysbysiad adfer”), ei gwneud yn ofynnol i'r fferylllydd GIG neu'r contractwr cyfarpar GIG unioni'r toriad.

- (2) Er mwyn bod yn ddilys, rhaid i'r hysbysiad adfer gynnwys—
- (a) natur y toriad,
 - (b) y camau y mae rhaid i'r fferylllydd GIG neu'r contractwr cyfarpar GIG eu cymryd, er boddhad y Bwrdd Iechyd Lleol, er mwyn unioni'r toriad,
 - (c) y cyfnod (“y cyfnod rhybudd”) pan fo rhaid cymryd y camau, a
 - (d) esboniad o sut y caniateir i hawliau'r fferylllydd GIG, neu hawliau'r contractwr cyfarpar GIG, i apelio o dan reoliad 54(1)(a) gael eu harfer.
- (3) Ni chaiff y cyfnod rhybudd fod yn llai na 30 o ddiwrnodau, oni bai bod y Bwrdd Iechyd Lleol wedi ei fodloni bod cyfnod byrrach yn briodol—
- (a) er mwyn gwarchod diogelwch unrhyw bersonau y caiff y fferylllydd GIG neu'r contractwr cyfarpar GIG ddarparu gwasanaethau fferyllol iddynt, neu
 - (b) er mwyn gwarchod y Bwrdd Iechyd Lleol rhag colled ariannol perthnasol.
- (4) Os yw'r toriad yn ymwneud â methiant i ddarparu, neu fethiant i ddarparu i safon resymol, wasanaeth fferyllol y mae'n ofynnol i fferylllydd GIG neu gontractwr cyfarpar GIG ei ddarparu, caiff yr hysbysiad adfer ddarparu—
- (a) o ran y cyfnod pan oedd methiant i ddarparu'r gwasanaeth hwnnw, neu fethiant i'w ddarparu i safon resymol, mae'r Bwrdd Iechyd Lleol i gadw'n ôl yr holl dâl, neu ran ohono, sy'n ddyledus i'r fferylllydd GIG neu'r contractwr cyfarpar GIG mewn cysylltiad â'r cyfnod hwnnw o dan y Tariff Cyffuriau neu benderfyniad fel y'i crybwyllir yn rheoliad 56(2)(b);
 - (b) wrth aros i'r fferylllydd GIG neu'r contractwr cyfarpar GIG gymryd y camau y mae rhaid i'r naill neu'r llall eu cymryd, er boddhad y Bwrdd Iechyd Lleol, er mwyn unioni'r toriad, mae'r Bwrdd Iechyd Lleol i gadw'n ôl yr holl dâl, neu ran ohono, sy'n ddyledus i'r fferylllydd GIG neu'r contractwr cyfarpar GIG o dan y Tariff Cyffuriau neu benderfyniad fel y'i crybwyllir yn rheoliad 56(2)(b), ac o dan yr amgylchiadau hyn—
 - (i) o ran unrhyw gyfnod pa fo'r fferylllydd GIG neu'r contractwr cyfarpar GIG yn parhau i dorri'r telerau, mae unrhyw cadw'n ôl sydd i'w briodoli i'r cyfnod hwnnw i fod yn barhaol, a
 - (ii) unwaith bod y fferylllydd GIG neu'r contractwr cyfarpar GIG wedi cymryd y camau sy'n ofynnol, er boddhad y Bwrdd Iechyd Lleol, mae unrhyw cadw'n ôl sydd

wedi digwydd, y gellir ei briodoli i gyfnod pan nad yw'r fferyllydd GIG neu'r contractwr cyfarpar GIG yn torri'r telerau mwyach, i gael ei adfer, ar yr amod bod y fferyllydd GIG neu'r contractwr cyfarpar GIG yn cyflwyno hawliad, yn unol â'r Tariff Cyffuriau neu benderfyniad fel y'i crybwyllir yn rheoliad 56(2)(b), i adfer y tâl a gadwyd yn ôl sydd i'w briodoli i'r cyfnod hwnnw.

(5) Ni chaiff yr hysbysiad adfer ond darparu ar gyfer cadw'n ôl yr holl dâl, neu ran ohono, sy'n daladwy o dan benderfyniad fel y'i crybwyllir yn rheoliad 56(2)(b) pan fo'r toriad yn ymwneud â methiant i ddarparu gwasanaeth fferyllol, neu fethiant i'w ddarparu i safon resymol.

(6) Caniateir i'r cyfnod y cyfeirir ato ym mharagraff (4)(b)(i) fod yn gyfnod hwy na'r cyfnod rhybudd.

(7) Os bydd y Bwrdd Iechyd Lleol yn gwrthod adfer yr holl dâl a gadwyd yn ôl, neu ran ohono, sy'n cael ei hawlio o dan baragraff (4)(b)(ii), rhaid iddo hysbysu'r fferyllydd GIG neu'r contractwr cyfarpar GIG am y penderfyniad hwnnw cyn gynted ag y bo'n ymarferol, a rhaid i'r hysbysiad hwnnw gynnwys—

- (a) datganiad o'r rhesymau dros y penderfyniad, a
- (b) esboniad o sut y caniateir i hawliau'r fferyllydd GIG neu hawliau'r contractwr cyfarpar GIG i apelio o dan reoliad 54(1)(b) gael eu harfer.

(8) Caiff Bwrdd Iechyd Lleol amrywio neu ddirymu hysbysiad adfer a ddyroddir yn unol â'r rheoliad hwn ar unrhyw adeg ar ôl iddo gael ei ddyroddi.

Torri'r telerau gwasanaeth: hysbysiau torri

51.—(1) Pan fo fferyllydd GIG neu gontractwr cyfarpar GIG yn torri un o'r telerau gwasanaeth ac na ellir unioni'r toriad, caiff y Bwrdd Iechyd Lleol, drwy hysbysiad (“hysbysiad torri”), ei gwneud yn ofynnol i'r fferyllydd GIG neu'r contractwr cyfarpar GIG beidio ag ailadrodd y toriad.

(2) Er mwyn bod yn ddilys, rhaid i'r hysbysiad torri gynnwys—

- (a) natur y toriad, a
- (b) esboniad o sut y caniateir i hawliau'r fferyllydd GIG neu hawliau'r contractwr cyfarpar GIG i apelio o dan reoliad 54(1)(c) gael eu harfer.

(3) Os yw'r toriad yn ymwneud â methiant i ddarparu gwasanaeth fferyllol y mae'n ofynnol i fferyllydd GIG neu gontractwr cyfarpar GIG ei ddarparu, neu fethiant i'w ddarparu i safon resymol, caiff yr hysbysiad torri ddarparu, o ran y cyfnod pan oedd methiant i ddarparu'r gwasanaeth hwnnw, neu fethiant i'w ddarparu i safon resymol, fod y Bwrdd Iechyd Lleol i gadw'n ôl yr holl dâl, neu ran ohono, sy'n ddyledus i'r fferyllydd GIG neu'r contractwr cyfarpar GIG o dan y Tariff Cyffuriau neu benderfyniad fel y'i crybwyllir yn rheoliad 56(2)(b) mewn cysylltiad â'r cyfnod hwnnw.

(4) Ni chaiff yr hysbysiad torri ond darparu ar gyfer cadw'n ôl yr holl dâl, neu ran ohono, sy'n daladwy o dan benderfyniad fel y'i crybwyllir yn rheoliad 56(2)(b) pan fo'r toriad yn ymwneud â methiant i ddarparu gwasanaeth fferyllol, neu fethiant i ddarparu gwasanaeth fferyllol i safon resymol.

(5) Caiff Bwrdd Iechyd Lleol amrywio neu ddirymu hysbysiad torri a ddyroddir yn unol â'r rheoliad hwn ar unrhyw adeg ar ôl iddo gael ei ddyroddi.

Cadw taliadau yn ôl: materion atodol

52.—(1) Ni chaiff hysbysiad adfer na hysbysiad torri ond darparu ar gyfer cadw'n ôl yr holl dâl, neu unrhyw ran ohono, i fferyllydd GIG neu gontractwr cyfarpar GIG—

- (a) os yw'r Bwrdd Iechyd Lleol wedi ei fodloni nad oes rheswm da dros y toriad y mae'r cadw'n ôl yn ymwneud ag ef, neu yr oedd yn ymwneud ag ef;

- (b) os oes modd cyfiawnhau'r swm a gadwyd yn ôl a'i fod yn gymesur, gan roi sylw i natur a difrifoldeb y toriad a'r rhesymau drosto;
- (c) os yw'r Bwrdd Iechyd Lleol yn cynnwys yn yr hysbysiad ei resymau, sydd wedi eu cyfiawnhau'n briodol, dros y penderfyniad i gadw tâl yn ôl a'r symiau sydd wedi eu cadw'n ôl, a (phan fo'n gymwys) y symiau sydd i'w cadw'n ôl.

(2) Nid oes rhaid i'r Bwrdd Iechyd Lleol ystyried y rhesymau dros y toriad, yn unol â pharagraff (1)(b), os yw wedi gwneud pob ymdrech resymol i gyfathrebu â'r fferylllydd GIG neu'r contractwr cyfarpar GIG i ganfod y rhesymau ond ei fod wedi methu â'u canfod.

(3) Nid yw cadw'n ôl daliadau y darperir ar eu cyfer mewn hysbysiadau adfer a hysbysiadau torri yn rhagfarnu'r trefniadau sydd yn eu lle ar gyfer adennill gordaliadau o dan reoliad 57 a'r Tariff Cyffuriau.

(4) At ddibenion rheoliadau 50(4) ac 51(3), mae tâl sydd wedi ei benderfynu gan Weinidogion Cymru, neu gan y Bwrdd Iechyd Lleol sy'n gweithredu fel yr awdurdod penderfynu yn unol â rheoliad 56(2)(b), yn dâl sy'n ddyledus i'r fferylllydd GIG neu'r contractwr cyfarpar GIG o dan y Tariff Cyffuriau.

Dileu enwau personau o restrau: achosion sy'n ymwneud â hysbysiadau adfer a hysbysiadau torri

53.—(1) Caiff y Bwrdd Iechyd Lleol ddileu enw fferylllydd GIG neu gontractwr cyfarpar GIG o restr fferyllol, neu ddileu'r rhestrriad ar gyfer mangre restredig benodol mewn perthynas â'r fferylllydd GIG neu'r contractwr cyfarpar GIG, os yw'r fferylllydd GIG neu'r contractwr cyfarpar GIG—

- (a) yn methu â chymryd y camau a nodir mewn hysbysiad adfer, er boddhad y Bwrdd Iechyd Lleol, er mwyn unioni'r toriad, ac mae'r Bwrdd Iechyd Lleol wedi ei fodloni ei bod yn angenrheidiol dileu enw'r fferylllydd GIG neu'r contractwr cyfarpar GIG o'r rhestr fferyllol, neu ddileu'r rhestrriad ar gyfer mangre restredig benodol mewn perthynas â'r fferylllydd GIG neu'r contractwr cyfarpar GIG—
 - (i) er mwyn gwarchod diogelwch unrhyw bersonau y caiff y fferylllydd GIG neu'r contractwr cyfarpar GIG ddarparu gwasanaethau fferyllol iddynt, neu
 - (ii) er mwyn gwarchod y Bwrdd Iechyd Lleol rhag colled ariannol perthnasol, neu
- (b) wedi torri'r telerau gwasanaeth ar gyfer fferyllwyr GIG a chontractwyr cyfarpar GIG, ac—
 - (i) mae hysbysiadau adfer neu hysbysiadau torri (neu'r ddau) wedi cael eu dyroddi'n fynych iddo mewn perthynas â'r telerau gwasanaeth perthnasol,
 - (ii) mae hysbysiad adfer neu hysbysiad torri wedi cael ei ddyroddi iddo o'r blaen mewn perthynas â'r telerau gwasanaeth perthnasol, ac mae'r Bwrdd Iechyd Lleol wedi ei fodloni bod y fferylllydd GIG neu'r contractwr cyfarpar GIG yn debygol o barhau i dorri'r telerau gwasanaeth heb reswm da, neu
 - (iii) mae hysbysiadau adfer neu hysbysiadau torri (neu'r ddau) wedi cael eu dyroddi'n fynych iddo mewn perthynas â thelerau gwasanaeth gwahanol, ac mae'r Bwrdd Iechyd Lleol wedi ei fodloni bod y fferylllydd GIG neu'r contractwr cyfarpar GIG yn debygol o barhau i dorri ei delerau gwasanaeth heb reswm da.

(2) At ddiben paragraff (1), ni chaiff y Bwrdd Iechyd Lleol ond dileu—

- (a) enw mangre benodol o restrriad fferylllydd GIG neu restrriad contractwr cyfarpar GIG mewn rhestr fferyllol os yw'r holl doriadau perthnasol yn ymwneud â'r fangre benodol honno, neu

- (b) enw fferylllydd GIG neu contractwr cyfarpar GIG o restr fferyllol benodol os yw'r holl doriadau perthnasol yn ymwneud â mangre restredig sydd yr unig fangre a restrir yn yr rhestr fferyllol honno mewn perthynas â'r fferylllydd GIG neu'r contractwr cyfarpar GIG.
- (3) Ni chaiff y Bwrdd Iechyd Lleol ond dileu enw fferylllydd GIG neu contractwr cyfarpar GIG, neu ddileu enw mangre a restrir mewn perthynas â fferylllydd GIG neu contractwr cyfarpar GIG, o restr fferyllol o dan baragraff (1)—
- (a) os oes modd cyfiawnhau dileu'r enw a'i fod yn gymesur, gan roi sylw i natur a difrifoldeb y toriadau (neu'r toriadau tebygol) a'r rhesymau drostynt, a
- (b) os yw'r Bwrdd Iechyd Lleol, pan fydd yn hysbysu'r fferylllydd GIG neu'r contractwr cyfarpar GIG am y penderfyniad, yn cynnwys yn yr hysbysiad ei resymau, sydd wedi eu cyfiawnhau'n briodol, dros y penderfyniad.
- (4) Nid oes rhaid i'r Bwrdd Iechyd Lleol ystyried y rhesymau dros y toriadau (neu'r toriadau tebygol), yn unol â pharagraff (3)(a), os yw wedi gwneud pob ymdrech resymol i gyfathrebu â'r fferylllydd GIG neu'r contractwr cyfarpar GIG i ganfod y rhesymau ond ei fod wedi methu â'u canfod.
- (5) Pan fo'r Bwrdd Iechyd Lleol yn ystyried dileu enw fferylllydd GIG neu contractwr cyfarpar GIG, neu ddileu'r rhestrriad ar gyfer mangre benodol a restrir mewn perthynas â fferylllydd GIG neu contractwr cyfarpar GIG, o restr fferyllol o dan baragraff (1), rhaid iddo—
- (a) rhoi hysbysiad i'r fferylllydd GIG neu'r contractwr cyfarpar GIG, o leiaf 30 o ddiwrnodau cyn gwneud y penderfyniad, fod y Bwrdd Iechyd Lleol â'i fryd ar ddileu enw'r fferylllydd GIG, y contractwr cyfarpar GIG, neu'r fangre o restr fferyllol,
- (b) fel rhan o'r hysbysiad hwnnw, roi gwybod i'r fferylllydd GIG neu'r contractwr cyfarpar GIG y caiff gyflwyno—
- (i) sylwadau ysgrifenedig i'r Bwrdd Iechyd Lleol o ran y cam gweithredu hwnnw, ar yr amod bod y fferylllydd GIG neu'r contractwr cyfarpar GIG yn hysbysu'r Bwrdd Iechyd Lleol gyda'r sylwadau hynny o fewn 30 o ddiwrnodau gan ddechrau â dyddiad yr hysbysiad gan y Bwrdd Iechyd Lleol, a
- (ii) sylwadau llafar i'r Bwrdd Iechyd Lleol o ran y cam gweithredu hwnnw, ar yr amod—
- (aa) bod y fferylllydd GIG neu'r contractwr cyfarpar GIG yn hysbysu'r Bwrdd Iechyd Lleol o ddymuniad y fferylllydd GIG neu'r contractwr cyfarpar GIG i wneud hynny o fewn 30 o ddiwrnodau gan ddechrau â dyddiad yr hysbysiad gan y Bwrdd Iechyd Lleol, a
- (bb) bod y fferylllydd GIG neu'r contractwr cyfarpar GIG (neu gynrychiolydd) yn bresennol yn y gwrandawriad y mae'r Bwrdd Iechyd Lleol yn ei drefnu at ddiben clywed y sylwadau hynny, y mae rhaid i'r Bwrdd Iechyd Lleol roi gyfnod rhesymol o rybudd ohono i'r fferylllydd GIG neu'r contractwr cyfarpar GIG, ac
- (c) ymgynghori ag unrhyw Bwyllgor Fferyllol Lleol y mae ei ardal yn cynnwys y fangre rhestredig benodol neu unig fangre'r fferylllydd GIG neu'r contractwr cyfarpar GIG ar y rhestr fferyllol honno.
- (6) Os yw'r Bwrdd Iechyd Lleol yn penderfynu dileu enw fferylllydd GIG neu contractwr cyfarpar GIG, neu ddileu'r rhestrriad ar gyfer mangre benodol a restrir mewn perthynas â'r fferylllydd GIG neu'r contractwr cyfarpar GIG, o restr fferyllol o dan baragraff (1), rhaid iddo, pan fo'n hysbysu'r fferylllydd GIG neu'r contractwr cyfarpar GIG am y penderfyniad hwnnw, gynnwys yn yr hysbysiad hwnnw—
- (a) datganiad o'r rhesymau dros y penderfyniad, a
- (b) esboniad o sut y caniateir i hawliau'r fferylllydd GIG neu hawliau'r contractwr cyfarpar GIG i apelio o dan reoliad 54(1)(d) gael eu harfer.

Apelau yn erbyn penderfyniadau o dan Ran 9

54.—(1) Caiff fferylludd GIG neu contractwr cyfarpar GIG apelio yn erbyn y penderfyniadau a ganlyn gan y Bwrdd Iechyd Lleol—

- (a) dyroddi hysbysiad adfer o dan reoliad 50, gan gynnwys—
 - (i) y camau penodedig y mae rhaid i fferylludd GIG neu contractwr cyfarpar GIG eu cymryd sydd yn yr hysbysiad,
 - (ii) hyd y cyfnod rhybudd yn yr hysbysiad,
 - (iii) unrhyw benderfyniad i ddarparu ar gyfer cadw tâl yn ôl a gynhwysir yn yr hysbysiad, a
 - (iv) swm unrhyw gadw yn ôl;
- (b) penderfyniad i beidio ag adfer tâl i'r fferylludd GIG neu'r contractwr cyfarpar GIG, fel y darperir ar ei gyfer mewn hysbysiad adfer yn unol â rheoliad 50(4)(b)(ii), neu i adfer swm llai na'r swm y mae'r fferylludd GIG neu'r contractwr cyfarpar GIG yn ystyried y dylid ei adfer;
- (c) dyroddi hysbysiad torri o dan reoliad 51, gan gynnwys—
 - (i) unrhyw benderfyniad i ddarparu ar gyfer cadw tâl yn ôl a gynhwysir yn yr hysbysiad, a
 - (ii) swm unrhyw gadw yn ôl;
- (d) penderfyniad i ddileu enw fferylludd GIG neu contractwr cyfarpar GIG o restr fferyllol, neu ddileu'r rhestriad ar gyfer mangre restredig benodol mewn perthynas â'r fferylludd GIG neu'r contractwr cyfarpar GIG o dan reoliad 53(1);

ar yr amod bod fferylludd GIG neu contractwr cyfarpar GIG yn hysbysu Gweinidogion Cymru gyda hysbysiad o apel dilys o fewn 30 o ddiwrnodau i'r dyddiad yr hysbyswyd y fferylludd GIG neu'r contractwr cyfarpar GIG am y penderfyniad sy'n cael ei apelio.

(2) Nid yw hysbysiad o dan baragraff (1) ond yn ddilys os yw'n cynnwys datganiad cryno a rhesymedig o'r sail dros yr apel.

(3) Ni chaiff y Bwrdd Iechyd Lleol ddileu enw fferylludd GIG, enw contractwr cyfarpar GIG neu'r rhestriad ar gyfer mangre restredig benodol mewn perthynas â fferylludd GIG neu contractwr cyfarpar GIG (yn ôl y digwydd) o restr fferyllol o dan reoliad 53(1)—

- (a) os na chaiff apel ei dwyn yn erbyn y penderfyniad i ddileu'r enw neu'r rhestriad, hyd nes bod y cyfnod ar gyfer dwyn yr apel wedi dod i ben, neu
- (b) os caiff apel ei dwyn yn erbyn y penderfyniad i ddileu'r enw neu'r rhestriad ond ei bod yn aflwyddiannus, cyn i'r apel gael ei benderfynu gan Weinidogion Cymru.

(4) Mae Atodlen 4 yn cael effaith mewn perthynas ag apelau i Weinidogion Cymru yn erbyn penderfyniadau o dan y Rhan hon.

RHAN 10

Taliadau i fferyllwyr GIG a chontractwyr cyfarpar GIG

Y Tariff Cyffuriau a thâl ar gyfer fferyllwyr GIG a chontractwyr cyfarpar GIG

55.—(1) Y Tariff Cyffuriau y cyfeirir ato yn adran 81(4) o Ddeddf 2006 (trefniadau ar gyfer gwasanaethau fferyllol ychwanegol) yw swm cyfanredol y canlynol—

- (a) y penderfyniadau ar dâl a wneir gan Weinidogion Cymru, wrth iddynt weithredu fel awdurdod penderfynu, o dan adran 88 o Ddeddf 2006 (tâl ar gyfer personau sy'n darparu gwasanaethau fferyllol), a
- (b) unrhyw offerynnau eraill y mae'n ofynnol i Weinidogion Cymru, yn rhinwedd y Rheoliadau hyn neu Ddeddf 2006, eu cyhoeddi, neu y maent yn eu cyhoeddi, ynghyd â'r penderfyniadau hynny,

yn y cyhoeddiad a elwir y Tariff Cyffuriau a gyhoeddir gan Weinidogion Cymru yn y fformat y maent yn meddwl ei fod yn addas.

(2) O ran penderfyniadau gan Weinidogion Cymru o dan adran 88 o Ddeddf 2006—

- (a) caniateir iddynt gael eu gwneud drwy gyfeirio at raddfeydd, mynegeion neu fformiwlâu o unrhyw fath, a phan fo penderfyniad yn un sydd i'w gwneud drwy gyfeirio at unrhyw raddfa, mynegai neu fformiwla o'r fath, caiff y penderfyniad ddarparu bod cyfrifo'r pris perthnasol i'w gwneud drwy gyfeirio at y raddfa, y mynegai neu'r fformiwla sydd—
 - (i) ar y ffurf sy'n gyfredol ar yr adeg y gwneir y penderfyniad, a
 - (ii) ar unrhyw ffurf ddilynol sy'n cymryd effaith ar ôl yr adeg honno, a
- (b) cânt gymryd effaith o ran tâl mewn cysylltiad â chyfnod sy'n dechrau ar neu ar ôl y dyddiad a bennir yn y penderfyniad, a gaiff fod yn ddyddiad y penderfyniad neu'n ddyddiad cynharach neu ddiweddarach, ond ni chaiff fod yn ddyddiad cynharach ond os nad yw'r penderfyniad, o'i gymryd yn ei gyfanrwydd, yn anffafriol i'r personau y mae'r penderfyniad yn ymwneud â'u tâl.

(3) Pan na fo penderfyniad a gynhwysir yn y Tariff Cyffuriau yn pennu dyddiad fel y'i crybwyllir ym mharagraff (2)(b), bydd yn cael effaith mewn perthynas â thâl mewn cysylltiad â'r cyfnod sy'n dechrau ar y dyddiad y cyhoeddir y newid i'r Tariff Cyffuriau yn unol â pharagraff (4).

(4) Rhaid i ddiwygiadau y caniateir iddynt gael eu gwneud i'r Tariff Cyffuriau ar yr adegau y mae Gweinidogion Cymru yn meddwl eu bod yn addas, gael eu cyhoeddi gan Weinidogion Cymru mewn fersiwn wedi ei chydgrynhoi o'r Tariff Cyffuriau sy'n cynnwys y diwygiadau.

(5) Rhaid cynnal yr ymgynghoriad y mae Gweinidogion Cymru yn ymgymryd ag ef o dan adran 89(1) o Ddeddf 2006 (adran 88: atodol) cyn cynnwys neu cyn newid pris cyffur neu bris cyfarpar sydd i fod yn rhan o gyfrifiad ar gyfer tâl drwy ymgynghori ynghylch y broses ar gyfer penderfynu'r pris sydd i'w gynnwys neu ei newid, ac nid ynghylch y pris arfaethedig ei hunan (oni bai ei bod yn amhosibl cynnal ymgynghoriad effeithiol mewn unrhyw ffordd arall).

(6) Rhaid i daliadau o dan y Tariff Cyffuriau gael eu gwneud—

- (a) gan y Bwrdd Iechyd Lleol sy'n gyfrifol am wneud y taliad, a
- (b) yn unol â threfniadau ar gyfer hawlio a gwneud taliadau sydd i'w nodi yn y Tariff Cyffuriau ond yn ddarostyngedig, fel y bo'n briodol, i unrhyw ddiwydiad o dâl ar gyfer fferylllydd GIG neu contractwr cyfarpar GIG y caniateir iddo gael ei wneud, neu y mae rhaid iddo gael ei wneud, o dan y Rheoliadau hyn neu unrhyw reoliadau eraill o dan Ddeddf 2006.

Byrddau Iechyd Lleol fel awdurdodau penderfynu

56.—(1) Caiff Gweinidogion Cymru ddatgan yn y Tariff Cyffuriau mai'r awdurdod penderfynu ar gyfer ffi benodol, lwfans penodol neu dâl arall fydd Bwrdd Iechyd Lleol y fferylllydd GIG neu'r contractwr cyfarpar GIG y mae'r tâl yn ymwneud ag ef.

(2) Pan fo Bwrdd Iechyd Lleol wedi ei awdurdodi i fod yn awdurdod penderfynu, rhaid i'r Bwrdd Iechyd Lleol—

- (a) ymgynghori â'r Pwyllgor Fferyllol Lleol perthnasol cyn gwneud unrhyw benderfyniad,
- (b) cyhoeddi'r penderfyniad yn y modd y mae'n meddwl ei fod yn briodol ar gyfer ei ddwyn i sylw'r personau sydd wedi eu cynnwys yn ei restrau fferyllol, ac

(c) rhoi'r penderfyniad ar gael ar gyfer edrych arno.

(3) Rhaid i benderfyniad a wneir gan Fwrdd Iechyd Lleol gynnwys y trefniadau ar gyfer hawlio a thalu'r tâl ac—

- (a) rhaid i hawliadau gan fferyllwyr GIG a chontractwyr cyfarpar GIG gael eu gwneud yn unol â'r trefniadau, a
- (b) rhaid gwneud taliadau o'r tâl yn unol â'r trefniadau yn ddarostyngedig, fel y bo'n briodol, i unrhyw ddiwydriad o'r tâl y caniateir iddo gael ei wneud, neu y mae rhaid iddo gael ei wneud, o dan y Rheoliadau hyn neu unrhyw reoliadau eraill o dan Ddeddf 2006.

Gordaliadau

57.—(1) Pan fo Bwrdd Iechyd Lleol yn ystyried bod taliad wedi ei wneud i fferyllwydd GIG neu gontractwr cyfarpar GIG fel y'i crybwyllir yn rheoliad 55(6) neu 56(3) o dan amgylchiadau pan nad oedd y taliad yn ddyledus, rhaid i'r Bwrdd Iechyd Lleol dynnu sylw'r fferyllwydd GIG neu'r contractwr cyfarpar GIG at y gordaliad ac—

- (a) pan fo'r fferyllwydd GIG neu'r contractwr cyfarpar GIG yn cydnabod bod gordaliad wedi ei wneud, neu
- (b) pan na fo'r fferyllwydd GIG neu'r contractwr cyfarpar GIG yn cydnabod bod gordaliad wedi ei wneud ond mae'r Bwrdd Iechyd Lleol neu, yn dilyn apêl, Weinidogion Cymru o dan reoliad 9(1)(c) o Reoliadau'r Gwasanaeth Iechyd Gwladol (Pwyllgorau Gwasanaethau a'r Tribiwnlys) 1992, yn penderfynu bod gordaliad wedi ei wneud,

bydd y swm a ordalwyd yn adenilladwy, naill ai drwy ei ddiwydnu o dâl y fferyllwydd GIG neu'r contractwr cyfarpar GIG neu rywfodd arall.

(2) Nid yw adennill gordaliad o dan y rheoliad hwn yn rhagfarnu'r ymchwiliad i doriad honedig o'r telerau gwasanaeth.

Cynllun gwobrwyo

58.—(1) Bydd fferyllwydd GIG y cyflwynir archeb iddo o dan baragraff 5 o Atodlen 5, neu gontractwr cyfarpar GIG y cyflwynir archeb iddo o dan baragraff 4 o Atodlen 6, yn gymwys i hawlio taliad gan y Bwrdd Iechyd Lleol, yn unol â'r Tariff Cyffuriau—

- (a) os, yn unol â pharagraff 10 o Atodlen 5 neu baragraff 9 o Atodlen 6, gwrthododd y fferyllwydd GIG neu'r contractwr cyfarpar GIG ddarparu'r cyffuriau neu'r meddyginiaethau neu'r cyfarpar rhestredig a archebwyd, ac os rhoddodd wybod i'r Bwrdd Iechyd Lleol am y weithred hon cyn gynted ag y bo'n ymarferol, neu
- (b) os darparwyd y cyffuriau neu'r cyfarpar rhestredig gan y fferyllwydd GIG neu'r contractwr cyfarpar GIG, ond bod rheswm ganddo ar y pryd neu'n ddiweddarach dros gredu nad oedd yr archeb yn archeb ddilys ar gyfer y person a enwir ar y ffurflen bresgripsiwn neu'r ffurflen bresgripsiwn amlroddadwy, a bod y fferyllwydd GIG neu'r contractwr cyfarpar GIG wedi rhoi gwybod i'r Bwrdd Iechyd Lleol am y gred honno cyn gynted ag y bo'n ymarferol ac, yn y naill achos neu'r llall, bod y fferyllwydd GIG neu'r contractwr cyfarpar GIG wedi anfon yr archeb y cyfeirir ati yn y paragraff hwn i'r Bwrdd Iechyd Lleol a bod y Bwrdd Iechyd Lleol wedi cadarnhau nad oedd yr archeb y cyfeirir ati yn y paragraff hwn yn archeb ddilys ar gyfer y person a enwir ar y ffurflen bresgripsiwn neu'r ffurflen bresgripsiwn amlroddadwy.

(2) Rhaid i'r Bwrdd Iechyd Lleol, mewn cysylltiad ag unrhyw hawliad o dan baragraff (1), wneud unrhyw daliad sy'n ddyledus i'r fferyllwydd GIG neu'r contractwr cyfarpar GIG a gyfrifir yn y modd a bennir yn y Tariff Cyffuriau.

(3) Yn y rheoliad hwn, mae "archeb" yn cynnwys archeb honedig.

Taliadau i fferyllwyr GIG a chontractwyr cyfarpar GIG sydd wedi eu hatal dros dro

59.—(1) Rhaid i'r Bwrdd Iechyd Lleol wneud taliadau i unrhyw fferyllwydd GIG neu gontractwr cyfarpar GIG sydd wedi ei atal dros dro o restr fferyllol, yn unol â phenderfyniad Gweinidogion Cymru mewn perthynas â thaliadau o'r fath.

(2) Rhaid i Weinidogion Cymru wneud y penderfyniad yn unol â pharagraff (3), ar ôl ymgynghori â'r sefydliadau hynny a gydnabyddir ganddynt fel rhai sy'n cynrychioli fferyllwyr GIG a chontractwyr cyfarpar GIG y mae trefniadau eisoes yn bodoli â hwy ar gyfer darparu gwasanaethau fferyllol, a rhaid i Weinidogion Cymru gyhoeddi'r penderfyniad yn y Tariff Cyffuriau.

(3) Caiff Gweinidogion Cymru ddiwygio'r penderfyniad o bryd i'w gilydd ar ôl ymgynghori â'r sefydliadau y cyfeirir atynt ym mharagraff (2), a rhaid cyhoeddi unrhyw ddiwygiadau hefyd gyda'r Tariff Cyffuriau.

(4) Caiff penderfyniad Gweinidogion Cymru gynnwys darpariaeth nad yw taliadau yn unol â'r penderfyniad i fod yn fwy na swm penodedig mewn unrhyw gyfnod penodedig.

RHAN 11**Amrywiol****Bwrdd Iechyd Lleol cartref**

60.—(1) Caiff ceisydd sy'n gorff corfforedig y mae'n ofynnol iddo ddarparu'r wybodaeth a bennir yn Rhan 2 o Atodlen 2 wneud cais i Fwrdd Iechyd Lleol i'r Bwrdd Iechyd Lleol hwnnw weithredu fel ei Fwrdd Iechyd Lleol cartref.

(2) Pan fo Bwrdd Iechyd Lleol wedi cytuno â chais a wneir o dan baragraff (1), caiff ceisydd y mae'n ofynnol iddo ddarparu, fel rhan o gais, yr wybodaeth a bennir yn Rhan 2 o Atodlen 2, ddarparu'r wybodaeth honno i'w Fwrdd Iechyd Lleol cartref yn lle hynny, a rhoi gwybod i'r Bwrdd Iechyd Lleol y gwneir y cais iddo fod yr wybodaeth honno eisoes ym meddiant y Bwrdd Iechyd Lleol cartref.

(3) Rhaid i'r Bwrdd Iechyd Lleol cartref drosglwyddo'r wybodaeth a gafwyd gan geisydd o dan y rheoliad hwn i unrhyw Fwrdd Iechyd Lleol y mae'r ceisydd yn gwneud cais iddo yn ddiweddarach, a rhaid iddo wneud hynny o fewn 30 o ddiwrnodau i gael cais am yr wybodaeth honno gan y Bwrdd Iechyd Lleol arall.

(4) Rhaid i'r ceisydd naill ai—

- (a) cadarnhau wrth y Bwrdd Iechyd Lleol y gwneir y cais iddo fod yr wybodaeth yn gyfredol, neu
- (b) diweddarau'r wybodaeth drwy ei hanfon i'r Bwrdd Iechyd Lleol cartref.

Cyhoeddi manylion

61.—(1) Rhaid i Fwrdd Iechyd Lleol gyhoeddi'r canlynol, yn y modd y gwêl yn addas, a rhoi copïau o'r canlynol ar gael yn ei swyddfeydd ar gyfer edrych arnynt—

- (a) ei asesiad o anghenion fferyllol,
- (b) ei restr fferyllol,
- (c) ei restr meddygon fferyllol,
- (d) map sy'n amlinellu ffiniau unrhyw ardaloedd rheoledig a lleoliadau neilltuedig sydd wedi eu penderfynu,

- (e) manylion am unrhyw benderfyniadau a wnaed gan y Bwrdd Iechyd Lleol o dan y Rheoliadau hyn yn ystod y 3 blynedd flaenorol,
 - (f) y telerau gwasanaeth ar gyfer fferyllwyr GIG yn Atodlen 5,
 - (g) y telerau gwasanaeth ar gyfer contractwyr cyfarpar GIG yn Atodlen 6,
 - (h) y telerau gwasanaeth ar gyfer meddygon sy'n darparu gwasanaethau fferyllol yn Atodlen 7, ac
 - (i) y Tariff Cyffuriau.
- (2) Caiff Bwrdd Iechyd Lleol—
- (a) rhoi unrhyw un neu ragor o'r dogfennau y cyfeirir atynt ym mharagraff (1) ar gael i edrych arnynt mewn unrhyw lleoedd eraill yn yr ardal y sefydlwyd y Bwrdd Iechyd Lleol ar ei chyfer ac yr ymddengys i'r Bwrdd Iechyd Lleol eu bod yn gyfleus er mewn rhoi gwybod i bob person a chanddo fuddiant, neu
 - (b) cyhoeddi, mewn lleoedd o'r fath yn yr ardal y sefydlwyd y Bwrdd Iechyd Lleol ar ei chyfer, hysbysiad o'r lleoedd a'r amseroedd y gellir gweld copïau o'r dogfennau hynny.
- (3) Rhaid i Fwrdd Iechyd Lleol anfon copi o'i asesiad o anghenion fferyllol, ei restrau fferyllol a'i restr meddygon fferyllol at Weinidogion Cymru, y Pwyllgor Meddygol Lleol a'r Pwyllgor Fferyllol Lleol, a rhaid iddo, o fewn 14 o ddiwrnodau i unrhyw newid i'r rhestrau hynny, roi gwybod iddynt yn ysgrifenedig am y newidiadau hynny.

Arfer yr hawl i ddewis mewn achosion penodol

62. Caniateir gwneud cais i fferyllydd GIG neu gontractwr cyfarpar GIG am wasanaethu fferyllol —

- (a) ar ran unrhyw blentyn gan y naill riant neu'r llall neu, yn absenoldeb y ddau riant, gan y gwarcheidwad neu berson arall a chanddo ofal dros y plentyn,
- (b) ar ran unrhyw berson o dan 18 mlwydd oed sydd—
 - (i) yng ngofal awdurdod y'i traddodwyd i'w ofal o dan ddarpariaethau Deddf Plant 1989(35), gan berson sydd wedi ei awdurdodi'n briodol gan yr awdurdod hwnnw, neu
 - (ii) yng ngofal sefydliad gwirfoddol, gan y sefydliad hwnnw neu berson sydd wedi ei awdurdodi'n briodol gan y sefydliad,
- (c) ar ran unrhyw oedolyn nad oes ganddo'r gallu i wneud cais o'r fath neu i awdurdodi gwneud cais o'r fath ar ei ran, gan berthynas, neu'r prif ofalwr i'r person hwnnw, neu
- (d) ar ran unrhyw berson arall, gan unrhyw berson sydd wedi ei awdurdodi'n briodol.

Darpariaethau trosiannol

63.—(1) Rhaid i unrhyw gais a wneir o dan Reoliadau 2013 a gafwyd gan Fwrdd Iechyd Lleol ar neu cyn 30 Medi 2021 gael ei benderfynu yn unol â darpariaethau Rheoliadau 2013, hyd nes y bydd y cais hwnnw yn cael ei benderfynu'n derfynol.

(2) Rhaid i unrhyw benderfyniad arfaethedig gan Fwrdd Iechyd Lleol o dan reoliad 6(2) o Reoliadau 2013 (ardaloedd sy'n ardaloedd rheoledig) ar neu cyn 30 Medi 2020 gael ei benderfynu yn unol â darpariaethau Rheoliadau 2013, hyd nes bod y cais hwnnw wedi cael ei benderfynu'n derfynol.

(3) Rhaid i unrhyw apêl o dan Reoliadau 2013—

- (a) a ddaw i law Gweinidogion Cymru ar neu cyn 30 Medi 2020, neu

(b) a wneir ar ôl i'r Rheoliadau hyn ddod i rym, mewn cysylltiad â chais a benderfynwyd yn unol â pharagraff (1), neu benderfyniad a wnaed o dan baragraff (2), gael ei phenderfynu yn unol â darpariaethau Rheoliadau 2013.

(4) Pan fo hawlogaeth gan berson, cyn 30 Medi 2020 neu o ganlyniad i baragraff (1) neu (3), ar sail penderfyniad (pa un a yw'n benderfyniad gan Fwrdd Iechyd Lleol neu'n dilyn apêl)—

(a) i gael ei gynnwys mewn rhestr fferyllol neu restr meddygon fferyllol, ond nad yw wedi ei gynnwys yn y rhestr honno, neu

(b) i gael rhestru mangre mewn perthynas â'i gofnod mewn rhestr fferyllol neu restr meddygon fferyllol, ac nad yw'r fangre wedi ei rhestru mewn perthynas â'r person,

mae'r trefniadau ar gyfer rhestru'r person hwnnw neu'r fangre honno, a'r amgylchiadau pan fydd y penderfyniad hwnnw yn darfod, fel y'u nodir yn Rheoliadau 2013.

(5) Mewn cysylltiad â phenderfyniad a wneir o dan baragraff (2), y weithdrefn y mae rhaid ei dilyn yw'r weithdrefn honno yn rheoliad 6(4) o Reoliadau 2013 ac yn Rhannau 1 a 2 o Atodlen 2 iddynt.

(6) Pan roddwyd cydsyniad rhagarweiniol o dan reoliad 12 o Reoliadau 2013 (ceisiadau am gydsyniad rhagarweiniol ac effaith cydsyniad rhagarweiniol) ac nad oedd cais wedi ei wneud o dan reoliad 12(6) o Reoliadau 2013 cyn 30 Medi 2020, bydd rheoliad 18 (ceisiadau am gydsyniad rhagarweiniol ac effaith cydsyniad rhagarweiniol) yn gymwys fel pe bai'r cydsyniad rhagarweiniol wedi ei roi o dan y rheoliad hwnnw.

(7) Pan fo paragraff (6) yn gymwys, mae rheoliad 12(6) o Reoliadau 2013 wedi ei roi yn lle rheoliad 18(5).

(8) Os nad yw penderfyniad o dan reoliad 6 o Reoliadau 2013 wedi cael ei benderfynu'n derfynol cyn 30 Medi 2020 ("penderfyniad sydd yn yr arfaeth"), rhaid i Fwrdd Iechyd Lleol ohirio ystyried unrhyw gais a gyflwynir iddo o dan Rannau 5 a 6 o'r Rheoliadau hyn pe gallai penderfyniad sydd yn yr arfaeth effeithio ar y cais hwnnw, hyd nes bod y penderfyniad sydd yn yr arfaeth wedi ei benderfynu'n derfynol.

(9) At ddibenion y rheoliad hwn, nid yw cais neu benderfyniad i'w drin fel pe bai wedi ei benderfynu'n derfynol tan ddiwedd y cyfnod ar gyfer dwyn apêl yn erbyn y cais hwnnw neu'r penderfyniad hwnnw, neu hyd nes bod unrhyw apêl o'r fath wedi ei phenderfynu, pa un bynnag yw'r diweddaraf.

Mân ddiwygiadau a diwygiadau canlyniadol

64. Mae'r Rheoliadau a restrir yn Atodlen 8 wedi eu diwygio fel y'i nodir yn yr Atodlen honno.

Dirymu

65.—(1) Mae Rheoliadau'r Gwasanaeth Iechyd Gwladol (Gwasanaethau Fferyllol) (Cymru) 2013 wedi eu dirymu yn unol â pharagraffau (2) i (5).

(2) Ar 1 Hydref 2020—

(a) Rhannau 1 i 3, a

(b) Rhannau 7 ac 8.

(3) Ar 31 Mawrth 2021—

(a) yn Rhan 4, rheoliad 8(1)(a), a

(b) yn Rhan 5, rheoliad 20.

(4) Ar 1 Hydref 2021—

(a) yn Rhan 4, rheoliad 8(1)(b) i (7), a rheoliadau 9 i 19,

(b) yn Rhan 5, rheoliadau 21 i 30, ac

(c) Rhan 6.

(5) I'r graddau nad ydynt wedi eu dirymu gan baragraffau (2) i (4), mae Rheoliadau 2013 wedi eu dirymu ar 1 Hydref 2021.

29 Medi 2020

Vaughan Gething
Y Gweinidog Iechyd a Gwasanaethau
Cymdeithasol, un o Weinidogion Cymru

ATODLEN 1

Rheoliad 4

Yr wybodaeth sydd i'w chynnwys mewn asesiadau o anghenion fferyllol

Darpariaeth gyfredol gwasanaethau fferyllol

1. Datganiad o'r gwasanaethau fferyllol y mae'r Bwrdd Iechyd Lleol wedi eu nodi yn wasanaethau a ddarperir—

- (a) yn ardal y Bwrdd Iechyd Lleol ac sy'n angenrheidiol i ddiwallu'r angen am wasanaethau fferyllol yn ei ardal,
- (b) y tu allan i ardal y Bwrdd Iechyd Lleol ond sydd, er hynny, yn cyfrannu at ddiwallu'r angen am wasanaethau fferyllol yn ei ardal (os yw'r Bwrdd Iechyd Lleol wedi nodi gwasanaethau o'r fath), neu
- (c) yn ardal y Bwrdd Iechyd Lleol neu y tu allan iddi ac sydd, er nad ydynt yn wasanaethau o'r mathau a ddisgrifir yn is-baragraff (a) neu (b), yn effeithio ar asesiad y Bwrdd Iechyd Lleol o'r angen am wasanaethau fferyllol yn ei ardal.

Gwasanaethau GIG eraill

2. Datganiad o unrhyw wasanaethau GIG a ddarperir neu a drefnir gan y Bwrdd Iechyd Lleol, Bwrdd Iechyd Lleol arall, meddyg fferyllol neu Ymddiriedolaeth GIG y mae'r Bwrdd Iechyd Lleol wedi rhoi sylw iddynt yn ei asesiad, sy'n effeithio ar yr angen am wasanaethau fferyllol, neu wasanaethau fferyllol o fath penodedig, yn ei ardal.

Bylechau yn y gwasanaethau fferyllol a ddarperir

3. Datganiad o'r gwasanaethau fferyllol y mae'r Bwrdd Iechyd Lleol wedi eu nodi (os yw wedi eu nodi) yn wasanaethau nas darperir yn ardal y Bwrdd Iechyd Lleol ond y mae'r Bwrdd Iechyd Lleol wedi ei fodloni—

- (a) bod angen eu darparu (pa un a ydynt yn ardal y Bwrdd Iechyd Lleol ai peidio) er mwyn diwallu angen am wasanaethau fferyllol, neu wasanaethau fferyllol o fath penodedig, yn ei ardal ar hyn o bryd;
- (b) y bydd angen eu darparu o dan amgylchiadau penodedig yn y dyfodol (pa un a ydynt yn ardal y Bwrdd Iechyd Lleol ai peidio) er mwyn diwallu angen am wasanaethau fferyllol, neu wasanaethau fferyllol o fath penodedig, yn ei ardal yn y dyfodol.

Sut y cynhaliwyd yr asesiad

4. Esboniad o sut y cynhaliwyd yr asesiad, ac yn benodol—

- (a) sut y mae wedi penderfynu beth yw'r ardaloedd lleol yn ei ardal,
- (b) sut y mae wedi ystyried (pan fo'n gymwys)—
 - (i) anghenion gwahanol ardaloedd lleol gwahanol yn ei ardal, a
 - (ii) anghenion gwahanol aelodau o grwpiau gwahanol yn ei ardal sy'n rhannu priodoledd gyffredin mewn cysylltiad ag un, neu fwy nag un, o'r nodweddion a ganlyn—
 - (aa) oed,
 - (bb) rhywedd,
 - (cc) ailbennu rhywedd arfaethedig, a gychwynnwyd neu a gwblhawyd,
 - (dd) anabled,dd,
 - (ee) hil,

- (ff) crefydd neu gred, ac
- (gg) cyfeiriadedd rhywiol;
- (c) adroddiad ar yr ymgynghoriad y mae wedi ymgymryd ag ef.

Map o ddarpariaeth

5. Map sy'n nodi'r mangreoedd y darperir gwasanaethau fferyllol a gwasanaethau gweinyddu ynddynt yn ardal y Bwrdd Iechyd Lleol.

ATODLEN 2

Rheoliadau 15, 18, 23, 30, 33 a 34

Yr wybodaeth sydd i'w chynnwys mewn ceisiadau i ddarparu gwasanaethau fferyllol

RHAN 1

Cais i gynnwys person mewn rhestr fferyllol neu i ddiwygio rhestr fferyllol

Yr wybodaeth sy'n ofynnol gan bob ceisydd

Manylion y cais

1. Enw'r Bwrdd Iechyd Lleol y gwneir y cais iddo.
2. Y math o gydsyniad y gwneir cais amdano (llawn neu ragarweiniol).
3. Y math o gais (er enghraifft: cynnwys o'r newydd; adleoli o fewn ardal Bwrdd Iechyd Lleol; adleoli rhwng ardaloedd Byrddau Iechyd Lleol cyfagos; adleoli; newid perchnogaeth; cydsyniad rhagarweiniol).

Manylion y ceisydd

4. Enw a chyfeiriad y ceisydd.
5. Os yw'r ceisydd yn unigolyn neu'n bartneriaeth sy'n cynnal busnes fferyllfa fanwerthu, rhif cofrestru'r ceisydd neu rif cofrestru pob partner yng nghofrestr y Cyngor Fferyllol Cyffredinol.
6. Os yw'r ceisydd yn gorff corfforedig sy'n cynnal busnes fferyllfa fanwerthu, enw a rhif cofrestru uwcharolygydd y ceisydd yng nghofrestr y Cyngor Fferyllol Cyffredinol.

Manylion y fangre a'r oriau agor

7. Cyfeiriad y fangre y mae'r ceisydd yn gwneud cais i ddarparu gwasanaethau fferyllol ohoni; neu leoliad y fangre y mae'r ceisydd yn bwriadu darparu gwasanaethau fferyllol ohoni os yw'r cais yn gais am gydsyniad rhagarweiniol.
8. A yw'r fangre ym meddiant y ceisydd ar hyn o bryd neu, er enghraifft, a yw'r fangre yn cael ei hadeiladu neu'n destun negodi.
9. Ar ba ddiwrnodau y bydd y fferyllfa ar agor ar gyfer darparu gwasanaethau fferyllol, a'r oriau agor ar y diwrnodau hynny.

Y gwasanaethau fferyllol sydd i'w darparu

10. Cadarnhad y bydd yr holl wasanaethau hanfodol yn cael eu darparu ac, os yw'n gymwys, pa gyfarpar y mae'r ceisydd yn ymgymryd â'i gyflenwi.

11. Manylion y gwasanaethau cyfeiriedig y mae'r ceisydd yn gwneud cais i'w darparu.

12. Os yw'r cais i ddarparu gwasanaethau fferyllol o ddisgrifiad gwahanol i'r rheini a ddarperir ar hyn o bryd yn y fangre restredig, manylion y gwasanaethau hynny.

*Gwybodaeth mewn perthynas â cheisiadau i gynnwys
person mewn rhestr fferyllol neu i ddiwygio rhestr fferyllol*

13. Pan fo rheoliad 16 yn gymwys i benderfynu cais, rhaid i'r ceisydd ddatgan y rhesymau pam y mae'r ceisydd yn ystyried y bydd y cais yn diwallu angen a nodir yn yr asesiad perthnasol o anghenion fferyllol gan y Bwrdd Iechyd Lleol y mae'r fangre a bennir yn y cais ynddo.

Gwybodaeth mewn perthynas â'r prawf niweidio

14. Pan fo'r prawf niweidio yn rheoliad 16 yn gymwys i benderfynu cais, rhaid i'r ceisydd ddatgan y rhesymau pam y mae'n ystyried na fydd caniatáu'r cais yn niweidio darpariaeth briodol gwasanaethau meddygol sylfaenol, gwasanaethau gweinyddu neu wasanaethau fferyllol yn yr ardal reoledig y mae'r fangre a bennir yn y cais ynddi.

Gwybodaeth mewn perthynas â cheisiadau sy'n ymwneud ag adleoliadau

15. Pan fo'r ceisydd yn gwneud cais i adleoli (pa un ai o fewn ardal y Bwrdd Iechyd Lleol o dan reoliad 19, rhwng ardaloedd Byrddau Iechyd Lleol cyfagos o dan reoliad 20 neu dros dro o dan reoliad 21), rhaid i'r ceisydd ddarparu manylion yr adleoliad arfaethedig, gan gynnwys cyfeiriad mangre restredig bresennol y ceisydd.

16. Pan fo'r cais yn ymwneud ag adleoliad rhwng ardaloedd Byrddau Iechyd Lleol cyfagos o dan reoliad 20, rhaid i'r ceisydd ddatgan—

- (a) enw'r Bwrdd Iechyd Lleol y mae'r fangre bresennol ynddo,
- (b) bod y ceisydd yn cydsynio i'w enw gael ei ddileu o'r rhestr fferyllol a gynhelir gan y Bwrdd Iechyd Lleol y mae'r fangre bresennol yn ei ardal, ac mewn cysylltiad â'r fangre restredig bresennol honno, gydag effaith o'r dyddiad y bydd darpariaeth gwasanaethau fferyllol o'r fangre newydd yn dechrau, ac
- (c) sut y mae'r ceisydd yn bwriadu diwallu angen a nodir yn yr asesiad o anghenion fferyllol gan y Bwrdd Iechyd Lleol cyfagos, os yw'r cais yn ymwneud ag adleoliad i ddiwallu angen o'r fath.

17. Rhaid i'r ceisydd ddarparu manylion fel a ganlyn—

- (a) a yw lleoliad y fangre newydd yn llai hygyrch i raddau sylweddol, ar gyfer y cleifion sy'n gyfarwydd â chael mynediad i wasanaethau fferyllol yn y fangre bresennol,
- (b) a ddarperir yr un gwasanaethau fferyllol yn y fangre newydd ag a ddarperir yn y fangre restredig, ac
- (c) a barheir i ddarparu'r gwasanaethau fferyllol yn ddi-dor, ynteu a fydd toriad, a'r rhesymau dros unrhyw doriad.

18. Os yw'r cais yn gais am adleoliad dros dro, rhaid i'r ceisydd ddatgan yr amgylchiadau sy'n gwneud adleoli dros dro yn ofynnol.

Gwybodaeth mewn perthynas â cheisiadau sy'n ymwneud â newid perchnogaeth

19. Enw'r person sydd wedi ei gynnwys yn y rhestr fferyllol ac sydd, ar hyn o bryd, yn darparu gwasanaethau fferyllol o'r fangre.

20. Rhaid i'r ceisydd ddarparu manylion fel a ganlyn—

- (a) a barheir i ddarparu'r un gwasanaethau fferyllol o'r fangre, a
- (b) a barheir i ddarparu'r gwasanaethau fferyllol yn ddi-dor, ynteu a fydd toriad, a'r rhesymau dros unrhyw doriad.

Ymgynniad y ceisydd

21. Rhaid i'r ceisydd roi ymgynniad y bydd y ceisydd, os caniateir y cais, yn darparu'r gwasanaethau fferyllol, ac yn darparu'r cyfarpar os yw'n gymwys, yn y fangre y caniateir y cais mewn cysylltiad â hi, yn unol â'r telerau gwasanaethu sy'n gymwys.

RHAN 2

Gwybodaeth ac ymgynniadau ar gyfer ceisiadau i gynnwys person mewn rhestr fferyllol

Manylion y ceisydd

22.—(1) Rhaid i geisydd (ac eithrio ceisydd sy'n gorff corfforedig) ddarparu'r wybodaeth a ganlyn—

- (a) enw llawn,
 - (b) rhywedd,
 - (c) dyddiad geni,
 - (d) cyfeiriad a rhif ffôn,
 - (e) datganiad ei fod yn fferylllydd cofrestredig, ac
 - (f) rhif cofrestru proffesiynol a'r dyddiad y'i cofrestrwyd gyntaf yn y gofrestr.
- (2) Rhaid i geisydd sy'n gorff corfforedig ddarparu'r wybodaeth a ganlyn—
- (a) enw llawn,
 - (b) rhif cofrestru cwmni,
 - (c) swyddfa gofrestrdig a rhif ffôn y swyddfa honno,
 - (d) datganiad ei fod yn berson sydd, neu a fydd, yn cynnal busnes fferyllfa fanwerthu yn gyfreithlon yn unol ag adran 69 o Ddeddf Meddyginiaethau 1968,
 - (e) rhif cofrestru yn y Gofrestr o Fangreoedd a gynhelir gan y Cyngor Fferyllol Cyffredinol, ac
 - (f) manylion unrhyw restr berthnasol y dilëwyd ei enw ohoni, neu y'i dilëwyd yn ddigwyddiadol ohoni, neu y gwrthodwyd ei dderbyn iddi, neu y'i cynhwyswyd yn amodol ynddi, ar sail addasrwydd, ynghyd ag esboniad o'r rhesymau dros hynny.

Ymchwiliad, achosion llys ac euogfarnau

23. Rhaid i geisydd gyflenwi gwybodaeth ysgrifenedig o ran pa un a yw, neu pan fo'r ceisydd yn gorff corfforedig, a yw unrhyw un neu ragor o'i gyfarwyddwyr neu ei uwcharolygydd—

- (a) wedi ei euogfarnu o unrhyw drosedd yn y Deyrnas Unedig,

- (b) wedi ei rwymo yn dilyn euogfarn droseddol yn y Deyrnas Unedig,
- (c) wedi derbyn rhybuddiad gan yr heddlu yn y Deyrnas Unedig,
- (d) mewn achos diannod yn yr Alban mewn cysylltiad â throredd, wedi bod yn destun gorchymyn i'w ryddhau'n ddiamod (heb fynd ymlaen at euogfarn),
- (e) wedi derbyn cynnig amodol o dan adran 302 o Ddeddf Gweithdrefn Droseddol (Yr Alban) 1995 (cosb benodedig: cynnig amodol gan y procuradur ffisgal) neu wedi cytuno i dalu cosb o dan adran 115A o Ddeddf Gweinyddu Nawdd Cymdeithasol 1992 (cosb fel dewis arall yn lle erlyn),
- (f) wedi ei euogfarnu yn rhywle arall o droredd, neu'r hyn a fyddai'n droredd pe bai wedi ei chyflawni yng Nghymru a Lloegr, neu'n ddarostyngedig i gosb a fyddai'n cyfateb i rwymo neu rhybuddiad,
- (g) ar hyn o bryd yn destun unrhyw achos a allai arwain at euogfarn o'r fath, ac nad yw'r Bwrdd Iechyd Lleol wedi ei hysbysu amdano eto,
- (h) wedi bod yn destun unrhyw ymchwiliad i'w ymddygiad proffesiynol gan unrhyw gorff trwyddedu, corff rheoleiddio neu gorff arall, gyda chanlyniad a oedd yn anffafriol,
- (i) ar hyn o bryd yn destun unrhyw ymchwiliad i'w ymddygiad proffesiynol gan unrhyw gorff trwyddedu, corff rheoleiddio neu gorff arall,
- (j) ar hyn o bryd, neu wedi bod, gyda chanlyniad anffafriol, yn destun unrhyw ymchwiliad i'w ymddygiad proffesiynol mewn cysylltiad ag unrhyw gyflogaeth gyfredol neu flaenorol,
- (k) yn destun unrhyw ymchwiliad gan Fwrdd Iechyd Lleol arall neu gorff cyfatebol, a allai arwain at ddileu ei enw o unrhyw restr berthnasol,
- (l) ar hyn o bryd, neu wedi bod, gyda chanlyniad anffafriol, yn destun unrhyw ymchwiliad gan Awdurdod Gwasanaethau Busnes y GIG mewn perthynas â thwyll,
- (m) wedi ei ddileu neu ei ddileu yn ddigwyddiadol o unrhyw restr berthnasol a gedwir gan Fwrdd Iechyd Lleol arall neu gorff cyfatebol, neu y gwrthodwyd ei dderbyn iddi neu y'i cynhwyswyd yn amodol ynddi, neu a yw wedi ei atal dros dro, ar hyn o bryd neu yn y gorffennol, o restr o'r fath ar sail addasrwydd ac os felly, pam ac enw'r Bwrdd Iechyd Lleol hwnnw neu'r corff cyfatebol hwnnw, neu
- (n) ar hyn o bryd neu erioed wedi bod yn ddarostyngedig i anghymhwysiad cenedlaethol ac os felly, rhaid i'r ceisydd roi manylion, gan gynnwys y dyddiadau yn fras, neu os cynhaliwyd neu os cynhelir unrhyw ymchwiliad neu achos cyfreithiol, natur yr ymchwiliad hwnnw neu'r achos hwnnw ac unrhyw ganlyniad.

24. Os yw'r ceisydd (a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd), neu os bu, yn y 6 mis blaenorol, neu os oedd ar adeg y digwyddiadau cychwynnol, yn gyfarwyddwr neu'n uwcharolygydd i gorff corfforedig, rhaid iddo, yn ychwanegol, gyflenwi gwybodaeth ysgrifenedig i'r Bwrdd Iechyd Lleol ynghylch pa un a yw'r corff corfforedig—

- (a) wedi ei euogfarnu o unrhyw droredd yn y Deyrnas Unedig,
- (b) wedi ei euogfarnu yn rhywle arall o droredd, neu'r hyn a fyddai'n droredd pe bai wedi ei chyflawni yng Nghymru a Lloegr,
- (c) ar hyn o bryd yn destun unrhyw achos a allai arwain at euogfarn o'r fath, ac nad yw'r Bwrdd Iechyd Lleol wedi ei hysbysu amdano eto,
- (d) wedi bod yn destun unrhyw ymchwiliad i'w ddarpariaeth o wasanaethau proffesiynol gan unrhyw gorff trwyddedu, corff rheoleiddio neu gorff arall, gyda chanlyniad a oedd yn anffafriol,
- (e) ar hyn o bryd yn destun unrhyw ymchwiliad i'w ddarpariaeth o wasanaethau proffesiynol gan unrhyw gorff trwyddedu, corff rheoleiddio neu gorff arall,

- (f) yn destun unrhyw ymchwiliad gan Fwrdd Iechyd Lleol arall neu gorff cyfatebol, a allai arwain at ddileu o unrhyw restr berthnasol,
- (g) ar hyn o bryd, neu wedi bod, gyda chanlyniad anffafriol, yn destun unrhyw ymchwiliad gan Awdurdod Gwasanaethau Busnes y GIG mewn perthynas â thwyll,
- (h) wedi ei ddileu neu ei ddileu yn ddigwyddiadol o unrhyw restr berthnasol, neu y gwrthodwyd ei dderbyn iddi neu y'i cynhwyswyd yn amodol ynddi, neu a yw wedi ei atal dros dro, ar hyn o bryd neu yn y gorffennol, o restr o'r fath ar sail addasrwydd, neu
- (i) ar hyn o bryd neu erioed wedi bod yn ddarostyngedig i anghymhwysiad cenedlaethol ac os felly, rhaid i'r ceisydd roi enw a swyddfa gofrestredig y corff corfforedig a manylion, gan gynnwys y dyddiadau yn fras, neu os cynhaliwyd neu os cynhelir unrhyw ymchwiliad neu achos cyfreithiol, natur yr ymchwiliad hwnnw neu'r achos hwnnw ac unrhyw ganlyniad.

Cymwysterau fferyllol, canolwyr etc.

25. Pan fo'r ceisydd (neu pan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) yn fferyllydd cofrestredig, rhaid i'r ceisydd gyflenwi manylion ei gymwysterau fferyllol (gan gynnwys lle y'u cafwyd) a manylion cronolegol ei brofiad proffesiynol (gan gynnwys dyddiadau dechrau a gorffen pob penodiad), ynghyd ag esboniad am unrhyw fylchau rhwng y penodiadau a pham y'i diswyddwyd o unrhyw swydd.

26. Pan fo'r ceisydd (neu pan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd) yn fferyllydd cofrestredig, rhaid i'r ceisydd gyflenwi enwau a chyfeiriadau dau ganolwr sy'n fodlon darparu geiradaon mewn cysylltiad â dwy swydd ddiweddar (caniateir cynnwys unrhyw swydd gyfredol) fel fferyllydd, a barhaodd am 3 mis o leiaf heb doriad sylweddol, neu, pan na fo hynny'n bosibl, esboniad llawn a chanolwyr eraill.

27. Pan fo'r ceisydd yn gorff corfforedig, rhaid cyflenwi enw a chyfeiriad pob cyfarwyddwr ac uwcharolygydd i'r corff corfforedig.

28. Rhaid i'r ceisydd gyflenwi enw unrhyw Fwrdd Iechyd Lleol (neu gorff cyfatebol) y mae'r ceisydd, a phan fo'r ceisydd yn gorff corfforedig, unrhyw gyfarwyddwr neu uwcharolygydd i'r ceisydd, wedi ei gynnwys yn ei restr fferyllol, a manylion unrhyw geisiadau yn yr arfaeth (gan gynnwys ceisiadau gohiriedig) i gynnwys ceisydd mewn unrhyw restr fferyllol sydd gan Fwrdd Iechyd Lleol (neu gorff cyfatebol), neu am gydsyniad rhagarweiniol ar gyfer cynnwys ceisydd mewn unrhyw restr o'r fath, ynghyd ag enw'r Bwrdd Iechyd Lleol (neu'r corff) o dan sylw.

29. Os yw'r ceisydd yn gyfarwyddwr neu'n uwcharolygydd i gorff corfforedig sydd wedi ei gynnwys mewn unrhyw restr berthnasol, neu sydd â chais yn yr arfaeth (gan gynnwys cais gohiriedig) i'w gynnwys mewn unrhyw restr berthnasol, rhaid i'r ceisydd gyflenwi enw'r Bwrdd Iechyd Lleol neu'r corff cyfatebol o dan sylw, ac enw a swyddfa gofrestredig unrhyw gorff corfforedig o'r fath.

Ymgymeriadau

30.—(1) Rhaid i'r ceisydd roi ymgymeriad ysgrifenedig i hysbysu'r Bwrdd Iechyd Lleol o fewn 7 niwrnod i unrhyw newidiadau perthnasol yn yr wybodaeth a ddarparwyd yn y cais—

- (a) hyd nes y cofnodir ei enw ar y rhestr fferyllol;
- (b) hyd nes y bydd y cyfnod wedi dod i ben, a bennir yn rheoliad 23(2) iddo hysbysu'r Bwrdd Iechyd Lleol y bydd yn cychwyn darparu'r gwasanaethau fferyllol y gwnaed y cais mewn cysylltiad â hwy,
- (c) hyd nes y bydd yn tynnu'r cais yn ôl, neu

- (d) yn achos ceisydd y rhoddwyd cydsyniad rhagarweiniol iddo o dan reoliad 18, hyd nes y bydd y cyfnod pan fo'r cydsyniad rhagarweiniol yn cael effaith yn unol â rheoliad 18(5) wedi dod i ben.
- (2) Rhaid i'r ceisydd roi ymgymeriad ysgrifenedig i hysbysu'r Bwrdd Iechyd Lleol os caiff ei gynnwys, neu os bydd yn gwneud cais i gael ei gynnwys, mewn rhestr berthnasol.

RHAN 3

Hysbysiad o'r dyddiad cychwyn

Gwybodaeth sydd i'w darparu cyn cychwyn darparu gwasanaethau fferyllol

- 31. Rhaid i'r ceisydd ddarparu'r wybodaeth a ganlyn—
 - (a) enw'r ceisydd,
 - (b) dyddiad caniatáu'r cais,
 - (c) y fangre a bennir yn y cais ac y darperir y gwasanaethau fferyllol ohoni,
 - (d) cadarnhad bod y fangre wedi ei chofrestru â'r Cyngor Fferyllol Cyffredinol (gan gynnwys y cyfeirnod),
 - (e) manylion y gwasanaethau fferyllol sydd i'w darparu,
 - (f) y dyddiad y bydd darparu gwasanaethau fferyllol yn cychwyn,
 - (g) enw a rhif cofrestru'r fferylllydd cofrestredig a chanddo gyfrifoldeb yn y fangre, ac
 - (h) ymgymeriad y bydd y ceisydd, yn unol â'r cais a ganiatawyd gan y Bwrdd Iechyd Lleol, yn darparu'r gwasanaethau fferyllol o'r fangre yn unol â'r telerau gwasanaethu.

RHAN 4

Ceisiadau am gydsyniad amlinellol a chymeradwyaeth mangre

Manylion y cais

- 32. Enw'r Bwrdd Iechyd Lleol y gwneir y cais iddo.
- 33. Y math o gais (cydsyniad amlinellol, cymeradwyaeth mangre neu'r ddau).

Manylion y ceisydd

- 34. Enw a chyfeiriad y ceisydd.
- 35. Cyfeirnod y Cyngor Meddygol Cyffredinol y mae'r ceisydd wedi ei gynnwys odano yn y Rhestr o Ymarferwyr Meddygol Cofrestredig a gynhelir gan y Cyngor Meddygol Cyffredinol.

Cais am gydsyniad amlinellol

- 36. Disgrifiad a map o'r ardal y mae'r ceisydd yn dymuno darparu gwasanaethau fferyllol ynddi.
- 37. Cyfeiriad unrhyw fferyllfa yn yr ardal a ddisgrifir ac a amlinellir o dan baragraff 36.

Cais am gymeradwyaeth mangre

38. Cyfeiriad y fangre practis y mae'r ceisydd yn gwneud cais i ddarparu gwasanaethau fferyllol ohoni, ac a yw'r fangre practis honno yn fangre restredig mewn perthynas ag ardal wahanol.

39. Y pellter rhwng y fangre honno a'r fferyllfa agosaf (a chyfeiriad y fferyllfa honno).

40. A yw'r cais yn gais am gymeradwyaeth mangre ar gyfer mangre ychwanegol ynteu i adleoli i fangre newydd (ac os yr olaf, y pellter o'r fangre newydd i'r fangre y mae gan y ceisydd gymeradwyaeth mangre mewn cysylltiad â hi ar hyn o bryd).

41. A yw'r cais yn codi oherwydd bod cyfuno practisiau wedi digwydd neu y bydd yn digwydd, ac os felly, enwau'r meddygol neu'r contractwyr sy'n cymryd rhan yn y cyfuno.

42. Os oes cydsyniad amlinellol wedi ei roi eisoes, disgrifiad a map o'r ardal y rhoddwyd y cydsyniad mewn cysylltiad â hi.

43. Manylion unrhyw fangre practis meddygol arall y rhoddwyd cymeradwyaeth mangre iddi, neu y mae cais wedi ei wneud mewn cysylltiad â hi eisoes ond nad yw'r Bwrdd Iechyd Lleol wedi ei benderfynu eto.

Y gwasanaethau fferyllol sydd i'w darparu

44. Y gwasanaethau fferyllol sydd i'w darparu a'r oriau agor a'r diwrnodau y darperir y gwasanaethau hynny.

Y prawf niweidio

45. Y rhesymau pam y mae'r ceisydd yn ystyried na fydd caniatáu'r cais yn niweidio darpariaeth briodol gwasanaethau meddygol sylfaenol, gwasanaethau gweinyddu neu wasanaethau fferyllol yn yr ardal reoledig y mae'r fangre a bennir yn y cais ynddi.

Diwallu anghenion a nodir

46. Y rhesymau pam y mae'r ceisydd yn ystyried bod angen caniatáu'r cais er mwyn diwallu angen a nodir mewn asesiad perthnasol o anghenion fferyllol.

Ymgymriad y ceisydd

47. Rhaid i'r ceisydd roi ymgymriad, os caniateir y cais a bod cydsyniad amlinellol a chymeradwyaeth mangre mewn effaith, y bydd y ceisydd yn darparu'r gwasanaethau fferyllol o'r fangre practis y caniateir y cais mewn cysylltiad â hi, yn unol â'r telerau gwasanaeth.

ATODLEN 3

Rheoliadau 13, 15 a 30

Y gweithdrefnau sydd i'w dilyn gan Fyrddau Iechyd
Lleol i benderfynu ceisiadau o dan y Rheoliadau

RHAN 1

Materion rhagarweiniol

Egwyddorion cyffredinol

1.—(1) Ac eithrio i'r graddau y mae'r Rheoliadau hyn yn darparu i'r gwrthwyneb, caiff Bwrdd Iechyd Lleol benderfynu cais a gyflwynir iddo yn y modd y mae'n meddwl ei fod yn addas.

(2) Rhaid i Fwrdd Iechyd Lleol ddilyn y weithdrefn yn rheoliad 15(4) mewn cysylltiad â chais a gyflwynir iddo nad yw'n cynnwys yr holl wybodaeth y mae'n ofynnol i geisydd ei darparu yn unol ag Atodlen 2.

(3) Caiff Bwrdd Iechyd Lleol, os yw'n meddwl ei bod yn addas, ystyried dau neu ragor o geisiadau ar y cyd ac mewn perthynas â'i gilydd, ond pan fo'n bwriadu gwneud hynny rhaid iddo roi hysbysiad ysgrifenedig o'r bwriad hwnnw i'r canlynol—

- (a) pob ceisydd unigol, a
- (b) pan fo'r cais yn un y mae rhaid rhoi hysbysiad mewn cysylltiad ag ef o dan baragraff 8, unrhyw berson arall y mae rhaid rhoi hysbysiad o'r cais hwnnw iddo.

(4) Pan fo Bwrdd Iechyd Lleol, yn unol ag is-baragraff (3), yn ystyried dau neu ragor o geisiadau y mae rheoliad 16(2) yn gymwys iddynt ar y cyd ac mewn perthynas â'i gilydd, caiff wrthod cais (er y byddai, pe bai'n penderfynu'r cais fel cais unigol ar ei ben ei hunan, yn ei ganiatáu) pan fo nifer y ceisiadau, neu'r amgylchiadau y'u gwneir odanynt, yn peri y byddai caniatáu pob un, neu fwy nag un, ohonynt yn niweidio darpariaeth briodol gwasanaethau meddygol sylfaenol, gwasanaethau fferyllol neu wasanaethau gweinyddu yn yr ardal reoledig y mae'r fangre a bennir yn y cais ynddi.

Yr amserlen ar gyfer penderfynu ceisiadau

2. Rhaid i Fwrdd Iechyd Lleol ymdrechu i benderfynu cais cyn gynted ag y bo'n ymarferol ar ôl ei gael.

Personau a waherddir rhag cymryd rhan mewn penderfyniadau ar geisiadau

3.—(1) Nid yw unrhyw berson i gymryd rhan mewn penderfynu cais os yw—

- (a) yn berson sydd wedi ei gynnwys yn y rhestr fferyllol neu restr meddygon fferyllol a gynhelir gan y Bwrdd Iechyd Lleol neu'n gyflogai i berson o'r fath,
- (b) yn gyfranddaliwr, yn gyfarwyddwr neu'n ysgrifennydd i gwmni sy'n cynnal busnes fferyllfa fanwerthu yn ardal y Bwrdd Iechyd Lleol,
- (c) yn ddarparwr gwasanaethau meddygol sylfaenol yn ardal y Bwrdd Iechyd Lleol,
- (d) yn gontractwr GMDdA yn ardal y Bwrdd Iechyd Lleol, neu'n swyddog, yn ymddiriedolwr neu'n berson arall sy'n ymwneud â rheoli cwmni, cymdeithas neu sefydliad gwirfoddol neu gorff arall sy'n gontractwr GMDdA, neu sydd wedi ei gyflogi neu wedi ei gymryd ymlaen ymlaen gan gontractwr GMDdA o'r fath, neu
- (e) yn gyflogedig, neu wedi ei gymryd ymlaen, gan y Bwrdd Iechyd Lleol at ddibenion darparu gwasanaethau meddygol sylfaenol o fewn practis GMBILL.

(2) Nid yw unrhyw berson arall i gymryd rhan mewn penderfynu cais pe bai ei gyfranogiad, oherwydd buddiant neu gysylltiad sydd ganddo, neu oherwydd pwysau y gellid ei roi arno, yn peri amheuaeth resymol o ragfarn.

RHAN 2

Penderfynu ardaloedd lleol rheoledig

Hysbysu ynghylch bwriad i wneud penderfyniad mewn cysylltiad ag ardaloedd rheoledig

4.—(1) Os yw Bwrdd Iechyd Lleol, yn rhinwedd rheoliad 13(3) (ardaloedd sy'n ardaloedd rheoledig), yn penderfynu na ellir ystyried cais gan Bwyllgor Meddygol Lleol neu Bwyllgor Fferyllol Lleol, rhaid i'r Bwrdd Iechyd Lleol beidio â chymryd unrhyw gam gweithredu mewn perthynas â'r cais hwnnw, ac eithrio hysbysu'r ceisydd am y ffaith honno ac am ei hawl i apelio yn erbyn y penderfyniad hwnnw o dan reoliad 14 (apelau).

(2) Ym mhob achos arall, cyn gwneud penderfyniad o dan reoliad 13(2), rhaid i Fwrdd Iechyd Lleol roi hysbysiad ysgrifenedig o'i fwriad i wneud penderfyniad i'r canlynol—

- (a) y Pwyllgor Meddygol Lleol yn ei ardal,
- (b) y Pwyllgor Fferyllol Lleol yn ei ardal,
- (c) y Cyngor Iechyd Cymuned ar gyfer yr ardal, a
- (d) unrhyw berson sydd wedi ei gynnwys mewn rhestr fferyllol a gynhelir gan y Bwrdd Iechyd Lleol ac unrhyw ddarparwr gwasanaethau fferyllol lleol o dan gynllun peilot neu unrhyw ddarparwr gwasanaethau meddygol sylfaenol yn yr ardal y sefydlwyd y Bwrdd Iechyd Lleol ar ei chyfer, y gall y penderfyniad effeithio arno ym marn y Bwrdd Iechyd Lleol.

(3) Rhaid i hysbysiad o fwriad i wneud penderfyniad roi gwybod i'r person a hysbysir fod hawl ganddo i gyflwyno sylwadau (neu, os hysbysir Pwyllgor Meddygol Lleol neu Bwyllgor Fferyllol Lleol a wnaeth gais am y penderfyniad, unrhyw sylwadau pellach) yn ysgrifenedig ynglŷn â'r penderfyniad arfaethedig, o fewn 30 o ddiwrnodau i'r dyddiad yr anfonwyd yr hysbysiad ato.

Gohirio ceisiadau

5. Pan fo Bwrdd Iechyd Lleol wedi dyroddi hysbysiad o fwriad i wneud penderfyniad, rhaid iddo ohirio ystyried unrhyw gais a gyflwynwyd o dan Ran 5 neu Ran 6 o'r Rheoliadau hyn ond nas penderfynwyd ganddo, os yw'r cais yn un y gallai'r bwriad i wneud penderfyniad effeithio arno—

- (a) hyd nes iddo benderfynu a yw'r ardal leol yn ardal reoledig neu'n rhan o ardal reoledig ai peidio, a bod y cyfnod ar gyfer dwyn apêl yn erbyn y penderfyniad hwnnw wedi dod i ben, neu
- (b) dyddiad penderfynu unrhyw apêl o'r fath.

Gosod amodau

6. Pan fo Bwrdd Iechyd Lleol yn penderfynu a yw unrhyw ardal benodol, o fewn yr ardal y'i sefydlwyd ar ei chyfer, oherwydd ei chymeriad gwledig, yn ardal reoledig neu'n rhan o ardal reoledig ai peidio—

- (a) rhaid iddo ystyried a yw'n debygol yr effeithir yn andwyol ar ddarpariaeth—
 - (i) gwasanaethau meddygol sylfaenol gan ddarparwr gwasanaethau o'r fath (ac eithrio'r Bwrdd Iechyd Lleol ei hunan),
 - (ii) gwasanaethau fferyllol gan fferyllydd GIG neu gontractwr cyfarpar GIG,

- (iii) gwasanaethau fferyllol lleol a ddarperir o dan gynllun peilot, neu
 - (iv) gwasanaethau fferyllol gan feddyg,
- o ganlyniad i'r penderfyniad hwnnw, a
- (b) caiff, pan fo o'r farn ei bod yn debygol yr effeithir yn andwyol ar unrhyw un neu ragor o'r gwasanaethau hynny, osod amodau i ohirio, am unrhyw gyfnod y mae'n meddwl ei fod yn addas, wneud neu derfynu trefniadau o dan reoliad 26 (trefniadau ar gyfer darparu gwasanaethau fferyllol gan feddygon), neu ddarpariaeth gyfatebol o dan y Rheoliadau GMC ar gyfer darparu gwasanaethau fferyllol neu wasanaethau gweinyddu gan feddyg neu gontractwr GMC i gleifion ar y rhestr cleifion berthnasol.

Hysbysu ynghylch penderfyniadau a gweithredu yn dilyn penderfyniadau

7.—(1) Unwaith y bydd Bwrdd Iechyd Lleol wedi penderfynu'r cwestiwn o ran pa un a yw unrhyw ardal benodol, o fewn yr ardal y'i sefydlwyd ar ei chyfer, oherwydd ei chymeriad gwledig, yn ardal reoledig neu'n rhan o ardal reoledig ai peidio, rhaid iddo—

- (a) cyn gynted ag y bo'n ymarferol ar ôl gwneud penderfyniad, roi hysbysiad ysgrifenedig i'r rheini a hysbyswyd o dan baragraff 4(2) i roi gwybod iddynt am y canlynol—
 - (i) y penderfyniad a'r rhesymau drosto,
 - (ii) unrhyw amodau a osodwyd ganddo o dan baragraff 6, a
 - (iii) unrhyw hawliau i apelio o dan Atodlen 4, a
 - (b) cyn gynted ag y bo'n ymarferol ar ôl y dyddiad perthnasol—
 - (i) amlinellu ffiniau'r ardal reoledig yn fanwl gywir ar fap, neu ddileu'r amlinelliad o ffin ardal leol sydd wedi peidio â bod yn ardal reoledig,
 - (ii) rhoi cyfnod rhesymol o rybudd i feddyg yr effeithir arno ynghylch unrhyw amodau sydd wedi eu gosod o dan baragraff 6 o ganlyniad i'r penderfyniad, a
 - (iii) mynd ymlaen i benderfynu unrhyw geisiadau sydd wedi eu gohirio o dan baragraff 5.
- (2) At ddibenion y paragraff hwn, “y dyddiad perthnasol” yw'r diweddaraf o'r canlynol—
- (a) y dyddiad y mae'r cyfnod ar gyfer dwyn apêl yn erbyn y penderfyniad yn dod i ben, neu
 - (b) dyddiad penderfynu unrhyw apêl o'r fath.

RHAN 3

Ceisiadau i gynnwys person mewn rhestrau fferyllol a
rhestrau meddygon fferyllol, neu i ddiwygio rhestrau o'r fath

Hysbysu ynghylch ceisiadau penodol

- 8.—(1) Mae'r paragraff hwn yn gymwys i geisiadau i—
- (a) cynnwys person yn y canlynol, neu ddiwygio'r canlynol—
 - (i) rhestr fferyllol a wnaed o dan Ran 5 o'r Rheoliadau hyn, ac eithrio ceisiadau o dan reoliad 22 (ceisiadau sy'n ymwneud â newid perchnogaeth), a
 - (ii) rhestr meddygon fferyllol a wnaed o dan Ran 6 o'r Rheoliadau hyn;
 - (b) estyn y cyfnod perthnasol o dan reoliad 24, ac
 - (c) penderfyniad pellach o ran a yw mangre neu leoliad perthnasol mewn lleoliad neilltuedig o dan reoliad 17(2).

(2) Rhaid i'r Bwrdd Iechyd Lleol y cyflwynwyd y cais iddo roi hysbysiad ysgrifenedig o'r cais yn unol â pharagraff 9.

(3) Caiff y rheini a hysbyswyd am gais, o fewn 30 o ddiwrnodau i'r dyddiad yr anfonwyd yr hysbysiad atynt, gyflwyno sylwadau ysgrifenedig ar y cais i'r Bwrdd Iechyd Lleol y cyflwynwyd y cais iddo, ac eithrio ceisiadau a wnaed yn unol â rheoliad 21 (ceisiadau sy'n ymwneud ag adleoli dros dro).

Personau a chyrrff sydd i'w hysbysu

9.—(1) Y personau a'r cyrrff y mae rhaid i Fwrdd Iechyd Lleol eu hysbysu yw—

- (a) y Pwyllgor Fferyllol Lleol,
- (b) y Pwyllgor Meddygol Lleol,
- (c) unrhyw berson—
 - (i) sydd wedi ei gynnwys mewn rhestr fferyllol a gynhelir ganddo, neu
 - (ii) y rhoddwyd cydsyniad rhagarweiniol iddo i'w gynnwys mewn rhestr fferyllol, y gallai caniatáu'r cais, ym marn y Bwrdd Iechyd Lleol, effeithio'n sylweddol ar ei fuddiannau,
- (d) unrhyw ddarparwr gwasanaethau fferyllol lleol o dan gynllun peilot yn yr ardal y sefydlwyd y Bwrdd Iechyd Lleol ar ei chyfer, y gallai caniatáu'r cais, ym marn y Bwrdd Iechyd Lleol, effeithio'n sylweddol ar ei fuddiannau,
- (e) unrhyw Gyngor Iechyd Cymuned sy'n gwasanaethu ardal y Bwrdd Iechyd Lleol,
- (f) unrhyw grŵp cleifion, grŵp defnyddwyr neu grŵp cymunedol yn ardal y Bwrdd Iechyd Lleol y mae'n ystyried ei fod â buddiant sylweddol yn narpariaeth gwasanaethau fferyllol yn yr ardal,
- (g) pan fo'r fangre a bennir yn y cais mewn ardal reoledig, unrhyw berson (ac eithrio'r Bwrdd Iechyd Lleol ei hunan) sy'n ddarparwr gwasanaethau meddygol sylfaenol o fewn ardal y Bwrdd Iechyd Lleol, neu sydd wedi ei gynnwys yn y rhestr meddygon fferyllol a gynhelir gan y Bwrdd Iechyd Lleol, ac y gallai caniatáu'r cais, ym marn y Bwrdd Iechyd Lleol, effeithio'n sylweddol ar ei fuddiannau,
- (h) unrhyw Fwrdd Iechyd Lleol neu gorff cyfatebol sydd ag unrhyw ran o'i ardal o fewn 2 gilometr i'r fangre, neu i leoliad y fangre, a bennir yn y cais, ac
- (i) yn achos cais a wnaed o dan reoliad 20 (ceisiadau sy'n ymwneud ag adleoli rhwng ardaloedd Byrddau Iechyd Lleol cyfagos), y Bwrdd Iechyd Lleol y mae'r ceisydd yn dymuno adleoli o'i ardal.

(2) Rhaid i Fwrdd Iechyd Lleol a ddarparodd yr hysbysiad o dan is-baragraff (1)(h)—

- (a) o fewn 14 o ddiwrnodau i gael yr hysbysiad, roi hysbysiad ysgrifenedig i'r personau a'r cyrrff a bennir yn is-baragraff (1)(a) i (g) sydd o fewn yr ardal y sefydlwyd y Bwrdd Iechyd Lleol ar ei chyfer, neu sy'n gwasanaethu'r ardal honno, a
- (b) hysbysu'r Bwrdd Iechyd lleol a ddarparodd yr hysbysiad o dan is-baragraff (1) ei fod wedi darparu'r hysbysiad sy'n ofynnol gan is-baragraff (2)(a).

(3) Caiff corff cyfatebol a hysbysir o dan is-baragraff (1)(h) ofyn i'r Bwrdd Iechyd Lleol roi hysbysiad i'r personau hynny, yn yr ardal y sefydlwyd y corff cyfatebol ar ei chyfer, y gallai caniatáu'r cais, ym marn y corff cyfatebol, effeithio'n sylweddol ar eu buddiannau, a rhaid i'r Bwrdd Iechyd Lleol gydymffurfio ag unrhyw ofyniad o'r fath.

Cynnwys hysbysiad

10. Rhaid i hysbysiad o gais o dan baragraff 8—

- (a) rhoi gwybod i'r person neu'r corff a hysbysir—
 - (i) am ei hawl i gyflwyno sylwadau ar y cais o dan baragraff 8(3),
 - (ii) am yr amgylchiadau y caiff y Bwrdd Iechyd Lleol ei gwneud yn ofynnol i wrandawriad llafar gael ei gynnal odanynt o dan baragraff 11, a
 - (iii) os yw'r Bwrdd Iechyd Lleol yn bwriadu ystyried y cais ar y cyd ag unrhyw gais arall ac mewn perthynas ag unrhyw gais arall, am y bwriad hwnnw,
- (b) darparu copi o'r cais a gyflwynwyd gan y ceisydd, i alluogi'r person neu'r corff a hysbysir i gyflwyno sylwadau gwybodus o ran pa un a ddylid caniatáu'r cais ai peidio, ac
- (c) pan fo rheoliad 17(1) yn gymwys i gais o dan baragraff 8(1)(a), roi gwybod i'r person neu'r corff a hysbysir y bydd y Bwrdd Iechyd Lleol yn penderfynu a yw'r fangre neu'r lleoliad perthnasol, a bennwyd yn y cais ac sydd mewn ardal reoledig, hefyd mewn lleoliad neilltuedig.

Gwrandawriadau llafar

11.—(1) Yn achos cais sy'n dod o fewn paragraff 8, caiff Bwrdd Iechyd Lleol ei gwneud yn ofynnol i wrandawriad llafar gael ei gynnal os yw'n ystyried bod angen clywed sylwadau llafar cyn penderfynu cais o'r fath.

- (2) Os yw'r Bwrdd Iechyd Lleol yn penderfynu cynnal gwrandawriad llafar, rhaid iddo—
 - (a) rhoi dim llai na 14 o ddiwrnodau o rybudd o amser a lleoliad y gwrandawriad i'r canlynol—
 - (i) y ceisydd, a
 - (ii) unrhyw berson sydd wedi cyflwyno sylwadau ar y cais o dan baragraff 8(3),
 - (b) rhoi gwybod i'r ceisydd pwy y rhoddwyd hysbysiad iddo o'r gwrandawriad, ac
 - (c) rhoi gwybod i'r rheini a hysbysir y cânt gyflwyno sylwadau llafar yn y gwrandawriad, ynglŷn â'r cais.

(3) Caniateir i unrhyw berson a grybwyllir yn is-baragraff (2), sy'n dymuno cyflwyno sylwadau llafar yn y gwrandawriad, gael ei gynorthwyo i gyflwyno ei sylwadau gan berson arall a chael ei gynrychioli yn y gwrandawriad gan y person arall hwnnw, gan gynnwys pan na fo'r person a hysbysir o dan is-baragraff (2) yn gallu bod yn bresennol ei hunan yn y gwrandawriad.

(4) Caiff Bwrdd Iechyd Lleol benderfynu'r weithdrefn sydd i'w dilyn yn y gwrandawriad llafar.

(5) Nid yw Bwrdd Iechyd Lleol wedi ei rwymo gan unrhyw argymhellion sy'n codi o wrandawriad llafar.

Gwybodaeth y mae rhaid i Fwrdd Iechyd Lleol roi sylw iddi

12. Wrth benderfynu cais sy'n dod o fewn paragraff 8, rhaid i Fwrdd Iechyd Lleol roi sylw, yn benodol, i'r canlynol—

- (a) unrhyw sylwadau a gaiff y Bwrdd Iechyd Lleol o dan baragraff 8(3),
- (b) unrhyw argymhellion sy'n codi o wrandawriad llafar, os cynhelir un o dan baragraff 11,
- (c) yr asesiad perthnasol o anghenion fferyllol a'r ardal leol berthnasol, a
- (d) unrhyw wybodaeth arall sydd ar gael i'r Bwrdd Iechyd Lleol ac sydd, yn ei farn, yn berthnasol i'r ystyriaeth o'r cais.

Gosod amodau

13.—(1) Mae'r is-baragraff hwn yn gymwys pan fo Bwrdd Iechyd Lleol yn penderfynu caniatáu cais sy'n dod o fewn—

- (a) paragraff 8(1)(a)(i) pan fo'r fangre a bennir yn y cais mewn ardal reoledig, neu
 - (b) paragraff 8(1)(a)(ii).
- (2) Pan fo is-baragraff (1) yn gymwys—
- (a) rhaid i Fwrdd Iechyd Lleol ystyried a yw'n debygol yr effeithir yn andwyol ar ddarpariaeth—
 - (i) gwasanaethau meddygol sylfaenol gan ddarparwr gwasanaethau o'r fath (ac eithrio'r Bwrdd Iechyd Lleol ei hunan),
 - (ii) gwasanaethau fferyllol gan fferyllydd GIG neu gontractwr cyfarpar GIG,
 - (iii) gwasanaethau fferyllol lleol a ddarperir o dan gynllun pilot, neu
 - (iv) gwasanaethau fferyllol gan feddyg,o ganlyniad i'w benderfyniad i ganiatáu'r cais, a
 - (b) pan fo'r Bwrdd Iechyd Lleol o'r farn ei bod yn debygol yr effeithir yn andwyol ar ddarpariaeth unrhyw un neu ragor o'r gwasanaethau hynny a restrir yn is-baragraff (2) (a), caiff osod amodau i ohirio, am unrhyw gyfnod y mae'n meddwl ei fod yn addas, wneud neu derfynu trefniadau o dan reoliad 26 (trefniadau ar gyfer darparu gwasanaethau fferyllol gan feddygon) neu ddarpariaeth gyfatebol gan feddyg neu gontractwr GMC o wasanaethau fferyllol neu wasanaethau gweinyddu i gleifion ar y rhestr berthnasol.

Hysbysu ynghylch penderfyniadau: ceisiadau i gynnwys person mewn rhestr fferyllol neu i ddiwygio rhestr fferyllol

14.—(1) Rhaid i Fwrdd Iechyd Lleol, cyn gynted ag y bo'n ymarferol ar ôl gwneud penderfyniad ar gais sy'n dod o fewn paragraff 8(1)(a)(i), roi hysbysiad ysgrifenedig o'i benderfyniad (gan gynnwys y cwestiynau o ran gosod amodau o dan baragraff 13 a'r penderfyniad ynghylch lleoliad neilltuedig o dan reoliad 17(1))—

- (a) i'r ceisydd, a
- (b) i unrhyw berson a gyflwynodd sylwadau ar y cais i'r Bwrdd Iechyd Lleol yn unol â pharagraff 8(3).

(2) Yn achos cais a benderfynir o dan reoliad 22 (ceisiadau sy'n ymwneud â newid perchnogaeth), rhaid i Fwrdd Iechyd Lleol, cyn gynted ag y bo'n ymarferol ar ôl gwneud penderfyniad, roi hysbysiad ysgrifenedig yn unol â pharagraff 9.

(3) Rhaid i hysbysiad o benderfyniad o dan y paragraff hwn gynnwys datganiad o'r rhesymau dros y penderfyniad ac o unrhyw hawliau i apelio.

Hysbysu ynghylch penderfyniadau: ceisiadau i gynnwys person mewn rhestrau meddygon fferyllol neu i ddiwygio rhestrau meddygon fferyllol

15.—(1) Rhaid i Fwrdd Iechyd Lleol, cyn gynted ag y bo'n ymarferol ar ôl gwneud penderfyniad ar gais sy'n dod o fewn paragraff 8(1)(a)(ii), roi hysbysiad ysgrifenedig o'i benderfyniad (gan gynnwys y cwestiwn o ran gosod amodau o dan baragraff 13)—

- (a) i'r ceisydd, a
- (b) i unrhyw berson a gyflwynodd sylwadau ar y cais i'r Bwrdd Iechyd Lleol yn unol â pharagraff 8(3).

(2) Rhaid i hysbysiad o benderfyniad o dan y paragraff hwn gynnwys datganiad o'r rhesymau dros y penderfyniad ac o unrhyw hawliau i apelio.

Hysbysu ynghylch penderfyniadau: ceisiadau o dan reoliad 24 i estyn y cyfnod perthnasol

16.—(1) Rhaid i Fwrdd Iechyd Lleol, cyn gynted ag y bo'n ymarferol ar ôl gwneud penderfyniad ar gais sy'n dod o fewn paragraff 8(1)(b), roi hysbysiad ysgrifenedig o'i benderfyniad—

- (a) i'r ceisydd, a
- (b) i unrhyw berson a gyflwynodd sylwadau ar y cais i'r Bwrdd Iechyd Lleol yn unol â pharagraff 8(3).

(2) Rhaid i unrhyw hysbysiad o benderfyniad o dan y paragraff hwn gynnwys datganiad o'r rhesymau dros y penderfyniad.

Hysbysu ynghylch penderfyniadau: ceisiadau o dan reoliad 17(2)

17.—(1) Rhaid i Fwrdd Iechyd Lleol, cyn gynted ag y bo'n ymarferol ar ôl gwneud penderfyniad ar gais sy'n dod o fewn paragraff 8(1)(c), roi hysbysiad ysgrifenedig o'i benderfyniad—

- (a) i'r ceisydd, a
- (b) i unrhyw berson a gyflwynodd sylwadau ar y cais i'r Bwrdd Iechyd Lleol yn unol â pharagraff 8(3).

(2) Rhaid i hysbysiad o benderfyniad o dan y paragraff hwn gynnwys datganiad o'r rhesymau dros y penderfyniad ac o unrhyw hawliau i apelio.

Gweithredu yn dilyn penderfyniad mewn cysylltiad â lleoliadau neilltuedig

18.—(1) Ar ôl penderfynu cais o dan reoliad 17(2) neu wneud penderfyniad yn unol â rheoliad 17(1), cyn gynted ag y bo'n ymarferol ar ôl y dyddiad perthnasol, rhaid i'r Bwrdd Iechyd Lleol amlinellu yn fanwl gywir ar fap ffiniau unrhyw leoliad neilltuedig a benderfynwyd ganddo, neu ddileu'r amlinelliad o ffin lleoliad sydd wedi peidio â bod yn lleoliad neilltuedig, yn ôl y digwydd.

(2) At ddibenion y paragraff hwn, “y dyddiad perthnasol” yw'r diweddaraf o'r canlynol—

- (a) y dyddiad y mae'r cyfnod ar gyfer dwyn apêl yn erbyn y penderfyniad yn dod i ben, neu
- (b) dyddiad penderfynu unrhyw apêl o'r fath.

ATODLEN 4

Rheoliadau 14, 25, 35 a 54

Apelau i Weinidogion Cymru

RHAN 1**Materion rhagarweiniol****Egwyddorion cyffredinol**

1. Ac eithrio i'r graddau y mae'r Rheoliadau hyn yn darparu i'r gwrthwyneb, caiff Gweinidogion Cymru benderfynu apêl a gyflwynir iddynt yn y modd y maent yn meddwl ei fod yn addas, ac yn benodol, cânt—

- (a) ystyried yr holl wybodaeth sydd ar gael iddynt ac sydd, yn eu barn hwy, yn berthnasol i benderfynu apêl;
- (b) ystyried dwy neu ragor o apelau ar y cyd ac mewn perthynas â'i gilydd (ond nid oes rhwymedigaeth arnynt i wneud hynny pan fo'r Bwrdd Iechyd Lleol wedi penderfynu dau

neu ragor o geisiadau ar y cyd ac mewn perthynas â'i gilydd), ond pan fônt yn bwriadu gwneud hynny, rhaid iddynt roi hysbysiad o'r bwriad hwnnw i bob apelydd ac i'r rheini y rhoddir hysbysiad iddynt o bob apêl yn unol â'r Atodlen hon;

- (c) pan fo Gweinidogion Cymru, yn unol ag is-baragraff (b), yn ystyried dwy neu ragor o apelau y mae rheoliad 15(2) yn gymwys iddynt ar y cyd ac mewn perthynas â'i gilydd, cânt wrthod apêl (er y byddent, pe baent yn penderfynu'r apêl fel apêl unigol ar ei phen ei hun, yn ei chaniatáu) pan fo nifer yr apelau, neu'r amgylchiadau y'u gwneir odanynt, yn peri y byddai caniatáu pob un, neu fwy nag un ohonynt, yn niweidio darpariaeth briodol gwasanaethau meddygol sylfaenol, gwasanaethau fferyllol neu wasanaethau gweinyddu yn yr ardal reoledig y mae'r fangre a bennir yn yr apêl ynddi;
- (d) anfon yn ôl apêl a gyflwynwyd iddynt i Fwrdd Iechyd Lleol i'w aillbenderfynu, mewn achosion pan oedd yr wybodaeth y mae'n ofynnol i'r ceisydd ei darparu yn unol ag Atodlen 2 yn anghyflawn;
- (e) gwrthod apêl os ydynt o'r farn o ran yr hysbysiad o apêl—
 - (i) nad yw'n ddilys oherwydd nad yw'n cydymffurfio â gofynion yr Atodlen hon,
 - (ii) nad yw'n datgelu unrhyw sail resymol dros apelio, neu
 - (iii) ei fod fel arall yn flinderus neu'n wacsaw.

Gwrandawiadau llafar

2.—(1) Caiff Gweinidogion Cymru ei gwneud yn ofynnol i wrandawiad llafar gael ei gynnal os ydynt yn ystyried bod angen clywed sylwadau llafar cyn penderfynu apêl a gyflwynwyd iddynt.

(2) Os yw Gweinidogion Cymru yn penderfynu cynnal gwrandawiad llafar, rhaid iddynt—

- (a) penodi un neu ragor o bersonau i wrando'r apêl ac i adrodd wrthynt ar yr apêl,
- (b) rhoi dim llai na 14 o ddiwrnodau o rybudd o amser a lleoliad y gwrandawiad i'r apelydd ac i unrhyw berson yr anfonwyd copi o'r hysbysiad o apêl ato o dan baragraff 4 neu 7,
- (c) rhoi gwybod i'r apelydd i bwy y rhoddyd hysbysiad o'r gwrandawiad, a
- (d) rhoi gwybod i'r rheini a hysbysir y cânt gyflwyno sylwadau llafar yn y gwrandawiad, ynglŷn â'r apêl.

(3) Caniateir i unrhyw berson a grybwyllir yn is-baragraff (2), sy'n dymuno cyflwyno sylwadau llafar yn y gwrandawiad, gael ei gynorthwyo i gyflwyno ei sylwadau gan berson arall a chael ei gynrychioli yn y gwrandawiad gan y person arall hwnnw, gan gynnwys pan na fo'r person a hysbysir o dan is-baragraff (2) yn gallu bod yn bresennol ei hunan yn y gwrandawiad.

(4) Caiff y person neu'r personau a benodir gan Weinidogion Cymru i wrando'r apêl benderfynu'r weithdrefn sydd i'w dilyn yn y gwrandawiad.

(5) Nid yw Gweinidogion Cymru wedi eu rhwymo gan unrhyw argymhellion sy'n codi o wrandawiad llafar.

RHAN 2

Apelau yn erbyn penderfyniadau sy'n penderfynu ardaloedd rheoledig

Hawl i apelio i Weinidogion Cymru

3.—(1) Pan fo Bwrdd Iechyd Lleol wedi penderfynu, yn rhinwedd rheoliad 13(3) (ardaloedd sy'n ardaloedd rheoledig), na ellir ystyried cais gan Bwyllgor Meddygol Lleol neu Bwyllgor Fferyllol

Lleol, caiff y ceisydd gyflwyno hysbysiad o apêl i Weinidogion Cymru yn erbyn y penderfyniad hwnnw.

(2) Pan fo Bwrdd Iechyd Lleol wedi penderfynu, o dan reoliad 13(2), pa un a yw unrhyw ardal benodol o fewn yr ardal y'i sefydlwyd ar ei chyfer, oherwydd ei chymeriad gwledig, yn ardal leol reoledig neu'n rhan o ardal reoledig ai peidio, y personau sydd â hawlogaeth i gyflwyno hysbysiad o apêl i Weinidogion Cymru yn erbyn y penderfyniad hwnnw yw—

- (a) y Pwyllgor Meddygol Lleol,
- (b) y Pwyllgor Fferyllol Lleol, ac
- (c) unrhyw berson sydd wedi ei gynnwys mewn rhestr fferyllol a gynhelir gan y Bwrdd Iechyd Lleol, unrhyw ddarparwr gwasanaethau fferyllol lleol o dan gynllun peilot neu unrhyw ddarparwr gwasanaethau meddygol sylfaenol, yn yr ardal y sefydlwyd y Bwrdd Iechyd Lleol ar ei chyfer ac y rhoddwyd hysbysiad o'r penderfyniad iddynt gan y Bwrdd Iechyd Lleol o dan baragraff 7(1) o Atodlen 3.

(3) Pan fo Bwrdd Iechyd Lleol wedi penderfynu y dylai neu na ddylai ohirio gwneud neu derfynu trefniadau, fel y'i crybwyllir ym mharagraff 6(b) o Atodlen 3, y rheini a gaiff gyflwyno hysbysiad o apêl i Weinidogion Cymru yn erbyn y penderfyniad hwnnw yw—

- (a) y Pwyllgor Meddygol Lleol,
 - (b) y Pwyllgor Fferyllol Lleol, ac
 - (c) unrhyw berson sydd wedi ei gynnwys mewn rhestr fferyllol a gynhelir gan y Bwrdd Iechyd Lleol, unrhyw ddarparwr gwasanaethau fferyllol lleol o dan gynllun peilot neu unrhyw ddarparwr gwasanaethau meddygol sylfaenol, yn yr ardal y sefydlwyd y Bwrdd Iechyd Lleol ar ei chyfer ac y rhoddwyd hysbysiad o'r penderfyniad iddynt gan y Bwrdd Iechyd Lleol o dan baragraff 7(1) o Atodlen 3.
- (4) Mae hysbysiad o apêl yn ddilys—
- (a) os y'i cyflwynir gan berson a chanddo'r hawl i apelio o dan is-baragraff (1), (2) neu (3),
 - (b) os y'i hanfonir at Weinidogion Cymru o fewn 30 o ddiwrnodau i'r dyddiad yr anfonodd y Bwrdd Iechyd Lleol yr hysbysiad o'r penderfyniad yr apelir yn ei erbyn at y person sy'n gwneud yr apêl, ac
 - (c) os yw'n cynnwys datganiad o'r sail dros yr apêl.

Hysbysu ynghylch apelau

4.—(1) Rhaid i Weinidogion Cymru, ar ôl cael hysbysiad o apêl a gyflwynwyd o dan baragraff 3(1), anfon copi o'r hysbysiad i'r Bwrdd Iechyd Lleol.

(2) Rhaid i Weinidogion Cymru, ar ôl cael hysbysiad o apêl a gyflwynwyd o dan baragraff 3(2) neu 3(3), anfon copi o'r hysbysiad i—

- (a) y Bwrdd Iechyd Lleol, a
- (b) y personau hynny y rhoddodd y Bwrdd Iechyd Lleol hysbysiad o'i benderfyniad iddynt o dan baragraff 7(1) o Atodlen 3.

(3) Ar yr un pryd, rhaid i Weinidogion Cymru roi gwybod i'r rheini yr anfonwyd copi o'r hysbysiad o apêl atynt o dan is-baragraffau (1) i (3)—

- (a) y cânt gyflwyno sylwadau ysgrifenedig i Weinidogion Cymru ynglŷn â'r apêl, o fewn 30 o ddiwrnodau i'r dyddiad yr anfonwyd yr hysbysiad o apêl atynt, a
- (b) am yr amgylchiadau y caiff Gweinidogion Cymru ei gwneud yn ofynnol i wrandawriad llafar gael ei gynnal odanynt.

Penderfynu apelau

5.—(1) Rhaid i Weinidogion Cymru, ar ôl gwneud penderfyniad ar apêl a gyflwynwyd o dan baragraff 3, roi hysbysiad ysgrifenedig o'u penderfyniad, ynghyd â'r rhesymau drosto, i'r personau yr anfonwyd copi o'r hysbysiad o apêl atynt o dan baragraff 4.

(2) O ran Gweinidogion Cymru—

- (a) rhaid iddynt, pan fônt yn caniatáu apêl yn erbyn penderfyniad gan Fwrdd Iechyd Lleol na ellir ystyried cais yn rhinwedd rheoliad 13(3), naill ai—
 - (i) penderfynu eu hunain y cwestiwn o ran pa un a yw'r ardal leol benodol yn ardal reoledig neu'n rhan o ardal reoledig ai peidio, neu
 - (ii) anfon y cwestiwn yn ôl i'r Bwrdd Iechyd Lleol ar gyfer ei benderfynu,
- (b) pan fo'r Bwrdd Iechyd Lleol, wrth benderfynu'r cais, wedi ystyried gosod amodau o dan baragraff 6 o Atodlen 3, cânt ystyried eu hunain pa un ai i osod amodau,
- (c) pan na fo'r Bwrdd Iechyd Lleol, wrth benderfynu'r cais, wedi ystyried gosod amodau o dan baragraff 6 o Atodlen 3, cânt naill ai—
 - (i) ystyried eu hunain pa un ai i osod amodau, neu
 - (ii) anfon y cwestiwn yn ôl i'r Bwrdd Iechyd Lleol ar gyfer ei benderfynu,
- (d) pan fo'r Bwrdd Iechyd Lleol, wrth benderfynu'r cais, wedi ystyried y cwestiwn o ran pa un ai i ohirio gwneud neu ohirio terfynu trefniadau o dan reoliad 26 (neu ddarpariaeth gyfatebol o dan y Rheoliadau GMC) ar gyfer darparu gwasanaethau fferyllol neu wasanaethau gweinyddu i gleifion gan feddyg neu gontractwr GMC, cânt eu hunain ohirio gwneud neu ohirio terfynu trefniadau o'r fath am unrhyw gyfnod y maent yn meddwl ei fod yn addas, neu
- (e) pan na fo'r Bwrdd Iechyd Lleol wedi ystyried y cwestiwn o ran pa un ai i ohirio gwneud neu ohirio terfynu trefniadau o dan reoliad 26 (neu ddarpariaeth gyfatebol o dan y Rheoliadau GMC) ar gyfer darparu gwasanaethau fferyllol neu wasanaethau gweinyddu i gleifion gan feddyg neu gontractwr GMC, rhaid iddynt anfon y cwestiwn yn ôl i'r Bwrdd Iechyd Lleol ar gyfer ei benderfynu.

RHAN 3

Apelau yn erbyn penderfyniadau i gynnwys person mewn rhestrau fferyllol a rhestrau meddygion fferyllol, neu i ddiwygio rhestrau o'r fath

Hawl i apelio i Weinidogion Cymru

6.—(1) Ar gyfer ceisiadau y mae paragraff 8(1)(a) ac (c) o Atodlen 3 yn gymwys iddynt, y personau a chanddynt hawlogaeth i gyflwyno hysbysiad o apêl i Weinidogion Cymru yn erbyn penderfyniad y Bwrdd Iechyd Lleol yw—

- (a) y ceisydd;
- (b) unrhyw un neu ragor o'r canlynol a gyflwynodd sylwadau ar y cais i'r Bwrdd Iechyd Lleol o dan baragraff 8(3) o Atodlen 3—
 - (i) unrhyw berson sydd wedi ei gynnwys mewn rhestr fferyllol,
 - (ii) unrhyw berson y rhoddwyd iddo gydsyniad rhagarweiniol ar gyfer ei gynnwys mewn rhestr fferyllol,
 - (iii) unrhyw ddarparwr gwasanaethau fferyllol lleol o dan gynllun peilot, a

(iv) pan fo'r fangre a bennir mewn cais mewn ardal reoledig, unrhyw berson sy'n ddarparwr gwasanaethau meddygol sylfaenol neu sydd wedi ei gynnwys yn y rhestr meddygon fferyllol.

(2) Yn achos cais a benderfynwyd o dan reoliad 22 (ceisiadau sy'n ymwneud â newid perchnogaeth), y personau a chanddynt hawlogaeth i gyflwyno hysbysiad o apêl i Weinidogion Cymru yw—

- (a) y ceisydd, a
- (b) unrhyw un neu ragor o'r canlynol, y rhoddwyd iddo hysbysiad, o dan baragraff 14(2) o Atodlen 3, o benderfyniad y Bwrdd Iechyd Lleol ar y cais—
 - (i) unrhyw berson sydd wedi ei gynnwys mewn rhestr fferyllol,
 - (ii) unrhyw berson y rhoddwyd iddo gydsyniad rhagarweiniol ar gyfer ei gynnwys mewn rhestr fferyllol,
 - (iii) unrhyw ddarparwr gwasanaethau fferyllol lleol o dan gynllun peilot, a
 - (iv) pan fo'r fangre a bennir yn y cais mewn ardal reoledig, unrhyw berson sy'n ddarparwr gwasanaethau meddygol sylfaenol neu sydd wedi ei gynnwys yn y rhestr meddygon fferyllol.

(3) Mae hysbysiad o apêl yn ddilys—

- (a) os y'i cyflwynir gan berson a chanddo'r hawl i apelio o dan is-baragraff (1) neu (2),
- (b) os y'i hanfonir at Weinidogion Cymru o fewn 30 o ddiwrnodau i'r dyddiad yr anfonodd y Bwrdd Iechyd Lleol yr hysbysiad o'r penderfyniad yr apelir yn ei erbyn at y person sy'n gwneud yr apêl, ac
- (c) os yw'n cynnwys datganiad o'r sail dros apelio nad yw'n golygu herio cyfreithlondeb na rhesymoldeb asesiad o anghenion fferyllol, na thegwch y broses a ddefnyddiodd y Bwrdd Iechyd Lleol i ymgymryd â'r asesiad hwnnw.

Hysbysu ynghylch apelau

7.—(1) Rhaid i Weinidogion Cymru, ar ôl cael hysbysiad o apêl a gyflwynwyd o dan baragraff 6(1), anfon copi o'r hysbysiad—

- (a) at y ceisydd, os nad y ceisydd a gyflwynodd yr hysbysiad o apêl,
- (b) i'r Bwrdd Iechyd Lleol, ac
- (c) at y rheini a hysbyswyd am y cais ac a gyflwynodd sylwadau arno o dan baragraff 8(3) o Atodlen 3.

(2) Rhaid i Weinidogion Cymru, ar ôl cael hysbysiad o apêl a gyflwynwyd o dan baragraff 6(2), anfon copi o'r hysbysiad—

- (a) at y ceisydd, os nad y ceisydd a gyflwynodd yr hysbysiad o apêl,
- (b) i'r Bwrdd Iechyd Lleol, ac
- (c) at y rheini y rhoddwyd iddynt hysbysiad o benderfyniad y Bwrdd Iechyd Lleol o dan baragraff 14(2) o Atodlen 3.

(3) Ar yr un pryd, rhaid i Weinidogion Cymru roi gwybod i'r personau yr anfonwyd copi o'r hysbysiad o apêl atynt o dan y paragraff hwn—

- (a) y cânt, o fewn 30 o ddiwrnodau i'r dyddiad yr anfonwyd yr hysbysiad o apêl atynt, gyflwyno sylwadau ysgrifenedig i Weinidogion Cymru ynglŷn â'r apêl,
- (b) am yr amgylchiadau y caiff Gweinidogion Cymru ei gwneud yn ofynnol i wrandawriad llafar gael ei gynnal odanynt, ac

- (c) pan fo Gweinidogion Cymru yn bwriadu ystyried dwy neu ragor o apelau ar y cyd ac mewn perthynas â'i gilydd, am y bwriad hwnnw.

Penderfynu apelau

- 8.—(1) Rhaid i Weinidogion Cymru, wrth benderfynu apêl a wnaed o dan baragraff 6, naill ai—
- (a) caniatáu'r apêl, neu
 - (b) cadarnhau penderfyniad y Bwrdd Iechyd Lleol.
- (2) Mewn achos pan fo'r fangre a bennir mewn cais, sydd yn destun apêl, mewn ardal reoledig—
- (a) pan fo'r Bwrdd Iechyd Lleol, wrth benderfynu'r cais, wedi ystyried pa un ai i osod amodau o dan baragraff 13 o Atodlen 3 neu reoliad 17(6)(b), caiff Gweinidogion Cymru eu hunain ystyried pa un ai i osod amodau i ohirio gwneud neu i ohirio terfynu trefniadau o'r fath, am unrhyw gyfnod y maent yn meddwl ei fod yn addas, neu
 - (b) pan na fo'r Bwrdd Iechyd Lleol, wrth benderfynu'r cais, wedi ystyried pa un ai i osod amodau o dan baragraff 13 o Atodlen 2 neu reoliad 17(6)(b), rhaid i Weinidogion Cymru naill ai—
 - (i) ystyried eu hunain pa un ai i osod amodau, neu
 - (ii) anfon y cwestiwn yn ôl i'r Bwrdd Iechyd Lleol ar gyfer ei benderfynu.

(3) Rhaid i Weinidogion Cymru, ar ôl gwneud penderfyniad ar apêl, gan gynnwys gosod amodau o dan is-baragraff (2), roi hysbysiad ysgrifenedig o'u penderfyniad ynghyd â'r rhesymau drosto i'r personau hynny yr anfonwyd copi o'r hysbysiad o apêl atynt o dan baragraff 7.

Effaith penderfyniadau gan Weinidogion Cymru

9. At ddibenion y Rheoliadau hyn, mae penderfyniad Gweinidogion Cymru yn dod yn benderfyniad y Bwrdd Iechyd Lleol ar y mater (ond nid yw apêl bellach i Weinidogion Cymru ar y penderfyniad hwnnw yn bosibl, oni chaiff penderfyniad Gweinidogion Cymru ei wrthdroi gan lys).

ATODLEN 5

Rheoliad 12

Telerau gwasanaeth ar gyfer fferyllwyr GIG sy'n darparu gwasanaethau fferyllol, yn benodol drwy ddarparu cyffuriau

RHAN 1

Cyffredinol

Dehongli

1. Yn yr Atodlen hon, mae cyffuriau neu gyfarpar i'w hystyried fel pe bai person wedi gofyn amdanynt, neu fel pe baent wedi eu darparu, yn unol â phresgripsiwn amlroddadwy, hyd yn oed os nad yw'r person sy'n dymuno cael gwasanaethau fferyllol yn cyflwyno'r presgripsiwn hwnnw, cyhyd ag—

- (a) bod y presgripsiwn hwnnw gan y fferyllydd GIG yn ei feddiant, a
- (b) bod y person hwnnw yn cyflwyno swp-ddyroddiad cysylltiedig, neu fod gan y fferyllydd GIG swp-ddyroddiad cysylltiedig yn ei feddiant.

Corffori darpariaethau

2. Mae unrhyw ddarpariaethau o'r canlynol sy'n effeithio ar hawliau a rhwymedigaethau fferyllwyr GIG sy'n darparu gwasanaethau fferyllol yn ffurfio rhan o'r telerau gwasanaeth—

- (a) y Rheoliadau,
- (b) y Tariff Cyffuriau i'r graddau y mae'n rhestru cyffuriau a chyfarpar at ddibenion adran 80 o Ddeddf 2006 (trefniadau ar gyfer gwasanaethau fferyllol),
- (c) cymaint o Ran 2 o Reoliadau'r Gwasanaeth Iechyd Gwladol (Pwyllgorau Gwasanaethau a'r Tribiwnlys) 1992 ag sy'n ymwneud â'r canlynol—
 - (i) ymchwiliadau a wneir gan y pwyllgor disgyblu fferyllol a'r cyd-bwyllgor disgyblu a chamau gweithredu y caiff y Bwrdd Iechyd Lleol eu cymryd o ganlyniad i ymchwiliadau o'r fath, a
 - (ii) apelau i Weinidogion Cymru yn erbyn penderfyniadau'r Bwrdd Iechyd Lleol, a
- (d) cymaint o reoliad 29 o Reoliadau Cynghorau Iechyd Cymuned (Cyfansoddiad, Aelodaeth a Gweithdrefnau) (Cymru) 2010(36) (mynd i mewn i fangreoedd a'u harchwilio) ag sy'n ymwneud â mynd i mewn i fangreoedd y mae'r fferyllwyr GIG naill ai'n berchen arnynt neu'n eu rheoli neu'n darparu gwasanaethau fferyllol ynddynt, ac archwilio'r mangreoedd hynny.

RHAN 2**Gwasanaethau hanfodol****Gwasanaethau hanfodol**

3. At ddibenion yr Atodlen hon, ystyr "gwasanaethau hanfodol" yw—

- (a) y gwasanaethau a ddisgrifir yn y Rhan hon, a
- (b) y gweithgareddau a ddisgrifir yn y Rhan hon sydd i'w cyflawni mewn cysylltiad â'r gwasanaethau hynny.

Gwasanaethau gweinyddu

4. Rhaid i fferyllwyr GIG, i'r graddau sy'n ofynnol gan baragraffau 5 i 9 ac yn y modd a ddisgrifir yn y paragraffau hynny, ddarparu cyffuriau a chyfarpar priodol a digonol i bersonau sy'n cyflwyno presgripsiwn am y cyffur hwnnw neu'r cyfarpar hwnnw, wedi ei lofnodi gan ragnodydd yn unol â'i swyddogaethau yn y gwasanaeth iechyd yng Nghymru, Lloegr, yr Alban neu Ogledd Iwerddon.

Gweinyddu cyffuriau a chyfarpar

5.—(1) Yn ddarostyngedig i'r darpariaethau a ganlyn o'r Rhan hon, pan fo person yn cyflwyno ar ffurflen bresgripsiwn—

- (a) archeb am gyffuriau nad ydynt yn gyffuriau Atodlen, neu am gyfarpar nad yw'n gyfarpar argaeledd cyfyngedig, wedi ei lofnodi gan ragnodydd,
- (b) archeb am gyffur a bennir yn Atodlen 2 i'r Rheoliadau Rhagnodi Cyffuriau (cyffuriau neu feddyginiaethau sydd i'w harchebu o dan amgylchiadau penodol yn unig), wedi ei lofnodi a'i harnodi ar ei hwyneb gyda'r cyfeirnod "SLS" gan ragnodydd, neu

- (c) archeb am gyfarpar argaeledd cyfyngedig, wedi ei llofnodi a'i harnodi ar ei hwyneb gyda'r cyfeirnod "SLS" gan ragnodydd,

rhaid i fferyllydd GIG, yn rhesymol brydlon ac yn unol ag unrhyw gyfarwyddydau a roddir gan y rhagnodydd ar y ffurflen bresgripsiwn, ddarparu'r cyffuriau a archebir felly, a'r cyfarpar hwnnw a archebir felly y mae'n ei gyflenwi yng nghwrs arferol ei fusnes.

- (2) Yn ddarostyngedig i'r darpariaethau a ganlyn o'r Rhan hon, pan fo unrhyw berson—

- (a) yn cyflwyno presgripsiwn amlroddadwy anelectronig sy'n cynnwys—

- (i) archeb am gyffuriau nad ydynt yn gyffuriau Atodlen, nac yn gyffuriau rheoledig o fewn ystyr "controlled drug" yn Neddf Camddefnyddio Cyffuriau 1971(37), ac eithrio cyffur a bennir am y tro yn Atodlen 4 neu 5 i Reoliadau Camddefnyddio Cyffuriau 2001(38) (sy'n ymwneud â chyffuriau rheoledig a eithriwyd o waharddiadau penodol o dan y Rheoliadau), wedi ei llofnodi gan ragnodydd amlroddadwy,
- (ii) archeb am gyfarpar nad yw'n gyfarpar argaeledd cyfyngedig, wedi ei llofnodi gan ragnodydd amlroddadwy, neu
- (iii) archeb am gyfarpar argaeledd cyfyngedig, wedi ei llofnodi a'i harnodi ar ei hwyneb gyda'r cyfeirnod "SLS" gan ragnodydd amlroddadwy,

a hefyd yn cyflwyno swp-ddyroddiad cysylltiedig; neu

- (b) yn gofyn i gyffuriau gael eu darparu neu i gyfarpar gael ei ddarparu yn unol â phresgripsiwn amlroddadwy electronig sy'n cynnwys archeb o fath a bennir ym mharagraff (a)(i) i (iii),

rhaid i fferyllydd GIG, yn rhesymol brydlon ac yn unol ag unrhyw gyfarwyddydau a roddir gan y rhagnodydd amlroddadwy yn y presgripsiwn amlroddadwy, ddarparu'r cyffuriau a archebir felly, a'r cyfarpar hwnnw a archebir felly y mae'n ei gyflenwi yng nghwrs arferol ei fusnes.

- (3) At ddibenion y paragraff hwn, mae presgripsiwn amlroddadwy anelectronig am gyffuriau neu gyfarpar i'w ystyried fel pe bai wedi ei gyflwyno, hyd yn oed os nad yw'r person sy'n dymuno cael y cyffuriau neu'r cyfarpar yn cyflwyno'r presgripsiwn hwnnw—

- (a) pan fo'r presgripsiwn hwnnw gan y fferyllydd GIG yn ei feddiant, a
- (b) pan fo'r person hwnnw yn cyflwyno swp-ddyroddiad cysylltiedig, neu pan fo gan y fferyllydd GIG swp-ddyroddiad cysylltiedig yn ei feddiant.

Cyflenwi yn unol â PPD

- 6.—(1) Mae'r is-baragraff hwn yn gymwys pan—

- (a) bo person yn gofyn i fferyllydd GIG am gyffur neu gyfarpar yn unol â ffurflen bresgripsiwn neu bresgripsiwn amlroddadwy a
- (b) bo PPD yn cael effaith mewn cysylltiad ag—
- (i) y cyffur neu'r cyfarpar y gofynnir amdano, neu
- (ii) cyffuriau neu gyfarpar o ddisgrifiad penodedig, a bod y cyffur neu'r cyfarpar y gofynnir amdano o'r disgrifiad hwnnw.

(2) Pan fo is-baragraff (1) yn gymwys, rhaid i'r fferyllydd GIG ystyried a yw'n rhesymol ac yn briodol cyflenwi yn unol â'r PPD yn hytrach nag yn unol â'r ffurflen bresgripsiwn neu'r presgripsiwn amlroddadwy.

(37) 1971 p. 38. Gweler adran 2(1)(a) o'r Ddeddf honno sy'n diffinio "controlled drug" at ddibenion y Ddeddf honno.

(38) O.S. 2001/3998.

(3) Pan fo is-baragraff (1) yn gymwys, caiff y fferyllydd GIG ddarparu cynnyrch gwahanol neu swm gwahanol o gynnyrch i'r cynnyrch neu swm y cynnyrch a archebwyd ar y ffurflen bresgripsiwn neu'r presgripsiwn amlroddadwy, pan—

- (a) bo'r fferyllydd GIG yn gallu gwneud hynny yn rhesymol brydlon,
- (b) bo gwneud hynny yn unol â'r PPD, ac
- (c) bo cyflenwi cynnyrch gwahanol neu swm gwahanol o gynnyrch i'r hyn a archebwyd gan y rhagnodydd wedi ei wneud gan fferyllydd cofrestredig neu o dan oruchwyliaeth uniongyrchol fferyllydd cofrestredig sydd o'r farn, wrth arfer ei sgil proffesiynol a'i farn broffesiynol, fod cyflenwi cynnyrch gwahanol neu swm gwahanol o gynnyrch i'r hyn a archebwyd gan y rhagnodydd yn rhesymol ac yn briodol.

(4) Pan fo fferyllydd GIG, yn unol ag is-baragraff (3), yn darparu cynnyrch gwahanol neu swm gwahanol o gynnyrch i'r hyn a archebwyd gan y rhagnodydd—

- (a) rhaid i'r fferyllydd cofrestredig a grybwyllir yn is-baragraff (3)(c) arnodi'r presgripsiwn neu'r swp-ddyddiad cysylltiedig yn unol â hynny (os yw'r Tariff Cyffuriau yn darparu ar gyfer y modd arnodi, yn y modd hwnnw y darperir ar ei gyfer yn y Tariff Cyffuriau), ac mae'r presgripsiwn neu'r swp-ddyddiad cysylltiedig fel y'i harnodir felly yn cael ei drin fel y presgripsiwn at ddibenion ad-dalu cost y cynnyrch (er nad yw'r cyflenwi yn unol â'r presgripsiwn hwnnw), a
- (b) os yw'r claf y mae'r cynnyrch wedi ei ddarparu iddo neu ar ei gyfer ar restr cleifion, ac—
 - (i) yn rhinwedd rheoliad 226A(5)(c)(iii) o Reoliadau Meddyginiaethau Dynol 2012 (gwerthiant etc. gan fferyllydd yn unol â phrotocol prinder difrifol), os meddyginiaeth a roddir ar bresgripsiwn yn unig sy'n wahanol i'r cynnyrch a archebwyd gan y rhagnodydd ond sy'n cael effaith therapiwtig debyg iddo sy'n cael ei chyflenwi, neu
 - (ii) os yw unrhyw fath arall o gynnyrch yn cael ei gyflenwi, a bod Gweinidogion Cymru a'r person sydd, am y tro, yn berson yr ymgynghorir ag ef o dan adran 89(1)(a) o Ddeddf 2006 mewn cysylltiad â thâl fferyllol ar gyfer fferyllwyr GIG, gan weithredu ar y cyd, wedi dyroddi argymhelliad ac wedi rhoi cyhoeddusrwydd i'r argymhelliad hwnnw, yn y modd y gwelant ei fod yn addas, i'r perwyl, am resymau clinigol, yn achos cyflenwi cynnyrch o'r math hwnnw, y dylid hysbysu darparwyr gwasanaethau meddygol sylfaenol bod cynnyrch wedi ei gyflenwi i glaf ar eu rhestr cleifion yn unol â PPD yn hytrach nag yn unol â ffurflen bresgripsiwn neu bresgripsiwn amlroddadwy,

rhaid i'r fferyllydd GIG hysbysu'r darparwr gwasanaethau meddygol sylfaenol y mae'r claf ar ei restr cleifion, am y cyflenwi yn unol â'r PPD yn hytrach nag yn unol â'r ffurflen bresgripsiwn neu'r presgripsiwn amlroddadwy.

(5) Pan—

- (a) bo is-baragraff (1) yn gymwys,
- (b) bo fferyllydd cofrestredig o'r farn, wrth arfer ei sgil proffesiynol a'i farn broffesiynol, fod cyflenwi cynnyrch gwahanol neu swm gwahanol o gynnyrch i'r hyn a archebwyd gan y rhagnodydd yn afresymol neu'n amhriodol, ac
- (c) bo'r fferyllydd GIG yn gallu cyflenwi'r cynnyrch neu swm y cynnyrch a archebwyd gan y rhagnodydd o fewn amserlen resymol ond nid yn rhesymol brydlon,

mae'r gofynion i weithredu'n rhesymol brydlon ym mharagraff 5(1) a (2) i'w darllen fel pe baent yn ofynion i weithredu o fewn amserlen resymol.

Cyflenwi ar frys heb bresgripsiwn

7.—(1) Mae'r paragraff hwn yn gymwys pan fo rhagnodydd, mewn achos brys, yn gofyn i fferyllydd GIG ddarparu cyffur neu gyfarpar.

(2) Caiff y fferyllydd GIG ddarparu'r cyffur neu'r cyfarpar y gofynnir amdano cyn cael ffurflen bresgripsiwn neu bresgripsiwn amlroddadwy mewn cysylltiad â'r cyffur hwnnw neu'r cyfarpar hwnnw, ar yr amod—

- (a) yn achos cais am gyffur, nad yw'r cyffur—
 - (i) yn gyffur Atodlen, na
 - (ii) yn gyffur rheoledig o fewn ystyr “controlled drug” yn Neddf Camddefnyddio Cyffuriau 1971, ac eithrio cyffur a bennir am y tro yn Atodlen 4 neu 5 i Reoliadau Camddefnyddio Cyffuriau 2001, a
- (b) yn achos cais am gyffur neu am gyfarpar, fod y rhagnodydd yn ymgymryd ag—
 - (i) rhoi i'r fferyllydd GIG ffurflen bresgripsiwn anelectronig neu bresgripsiwn amlroddadwy anelectronig mewn cysylltiad â'r cyffur neu'r cyfarpar o fewn 72 o oriau ar ôl i'r cais gael ei wneud, neu
 - (ii) rhoi i'r fferyllydd GIG ffurflen bresgripsiwn electronig neu bresgripsiwn amlroddadwy electronig sy'n cydymffurfio â'r gwasanaeth TPE o fewn 72 o oriau ar ôl i'r cais gael ei wneud.

Materion rhagarweiniol cyn darparu cyffuriau neu gyfarpar a archebwyd

8.—(1) Os yw'r person sy'n cyflwyno'r ffurflen bresgripsiwn neu'r presgripsiwn amlroddadwy, neu sy'n gofyn i gyffuriau gael eu darparu neu i gyfarpar gael eu ddarparu yn unol â phresgripsiwn amlroddadwy, yn gofyn i'r fferyllydd GIG wneud hynny—

- (a) rhaid i'r fferyllydd GIG roi amcangyfrif o'r amser pan fydd y cyffuriau neu'r cyfarpar yn barod, a
- (b) os na fyddant yn barod erbyn hynny, rhaid i'r fferyllydd GIG roi amcangyfrif diwygiedig o'r amser pan fyddant yn barod (ac ati).

(2) Cyn darparu unrhyw gyffuriau neu gyfarpar yn unol â ffurflen bresgripsiwn neu bresgripsiwn amlroddadwy—

- (a) rhaid i'r fferyllydd GIG ofyn i unrhyw berson sy'n gwneud datganiad nad oes rhaid i'r person a enwir ar y ffurflen bresgripsiwn neu'r presgripsiwn amlroddadwy dalu'r ffioedd a bennir yn rheoliad 3(1) o'r Rheoliadau Ffioedd (cyflenwi cyffuriau a chyfarpar gan fferyllwyr), yn rhinwedd naill ai—
 - (i) hawlogaeth i gael esemptiad o dan reoliad 8(1) (esemptiadau) o'r Rheoliadau Ffioedd, neu
 - (ii) hawlogaeth i beidio â thalu ffioedd o'r fath o dan reoliad 5 o'r Rheoliadau Peidio â Chodi Tâl (ffioedd GIG y gellir peidio â'u codi),

gyflwyno tystiolaeth foddhaol o'r hawlogaeth honno, oni bai bod y datganiad mewn cysylltiad â hawlogaeth i gael esemptiad gan reoliad 8(1) o'r Rheoliadau Ffioedd neu mewn cysylltiad â hawlogaeth i beidio â thalu yn rhinwedd is-baragraffau (a) i (dd) o reoliad 5(2) o'r Rheoliadau Peidio â Chodi Tâl, a bod tystiolaeth o'r fath eisoes ar gael i'r fferyllydd GIG ar yr adeg gwneud y datganiad, a

- (b) os na chyflwynir tystiolaeth foddhaol i'r fferyllydd GIG, fel sy'n ofynnol gan baragraff (a), rhaid i'r fferyllydd GIG arnodi'r ffurflen y gwneir y datganiad arni i'r perwyl hwnnw.

(3) Mae is-baragraff (2) yn gymwys i ddarparu cyffur neu gyfarpar yn unol â PPD fel y mae'n gymwys i ddarparu cyffur neu gyfarpar yn unol â ffurflen bresgripsiwn neu bresgripsiwn

amlroddadwy (neu swp-ddyddiad cysylltiedig), ac at y dibenion hyn, mae'r presgripsiwn at ddibenion ad-dalu cost y cynnyrch, fel y'i crybwyllir ym mharagraff 6(4)(a), yn cael ei drin fel y presgripsiwn y darperir y cyffur neu'r cyfarpar yn unol ag ef (er nad yw'r cyflenwi yn unol â'r presgripsiwn hwnnw).

Darparu cyffuriau neu gyfarpar a archebwyd

9.—(1) Pan fo ffurflen bresgripsiwn neu bresgripsiwn amlroddadwy yn cael ei chyflwyno neu ei gyflwyno i fferylllydd GIG, ni chaiff y fferyllfa GIG ddarparu'r cyffuriau neu'r cyfarpar a archebir felly ond—

- (a) os yw'r ffurflen bresgripsiwn neu'r presgripsiwn amlroddadwy wedi ei llofnodi neu ei lofnodi a'i harnodi neu ei arnodi yn briodol, fel y'i disgrifir ym mharagraff 5(1) neu (2), a
- (b) yn unol â'r archeb ac unrhyw gyfarwyddydau a roddwyd gan y rhagnodydd ar y ffurflen bresgripsiwn neu'r presgripsiwn amlroddadwy,

yn ddarostyngedig i unrhyw reoliadau sydd mewn grym o dan Ddeddf Pwysau a Mesurau 1985(39) a'r darpariaethau a ganlyn o'r Rhan hon.

(2) Rhaid i gyffuriau neu gyfarpar a archebir felly gael eu darparu naill ai gan fferylllydd cofrestredig neu o dan oruchwyliaeth uniongyrchol fferylllydd cofrestredig.

(3) Pan fo'r fferylllydd y cyfeirir ato yn is-baragraff (2) wedi ei gyflogi gan fferylllydd GIG, ni chaniateir i'r fferylllydd cofrestredig fod yn rhywun—

- (a) sydd wedi ei anghymhwyso rhag ei gynnwys mewn rhestr berthnasol, neu
- (b) sydd wedi ei atal dros dro o Gofrestr y Cyngor Fferyllol Cyffredinol.

(4) Os yw'r archeb yn archeb am fath o gyfarpar y mae'n ofynnol ei fesur a'i ffitio (er enghraifft, gwasgrwym) neu os yw cynnyrch sydd i'w ddarparu yn unol â PPD yn fath o'r cyfarpar hwnnw, rhaid i'r fferylllydd GIG wneud yr holl drefniadau angenrheidiol—

- (a) ar gyfer mesur y person a enwir ar y ffurflen bresgripsiwn neu'r presgripsiwn amlroddadwy ar gyfer y cyfarpar, a
- (b) ar gyfer ffitio'r cyfarpar.

(5) Os yw'r archeb yn archeb am gyffur neu gyfarpar sydd wedi ei gynnwys yn y Tariff Cyffuriau, Fformiwlari Cenedlaethol Prydain (gan gynnwys unrhyw Atodiad a gyhoeddwyd fel rhan o'r Fformiwlari hwnnw), Fformiwlari'r Ymarferydd Deintyddol, y Cyffurlyfr Ewropeaidd neu Godecs Fferyllol Prydain neu os yw cynnyrch sydd i'w ddarparu yn unol â PPD yn gyffur neu gyfarpar o'r fath, rhaid i'r cyffur neu'r cyfarpar a ddarperir gydymffurfio â'r safon neu'r fformiwlari a bennir yno.

(6) Os yw'r archeb—

- (a) yn archeb am gyffur, ond
- (b) nad yw'n archeb am gyffur rheoledig o fewn ystyr “controlled drug” yn Neddf Camddefnyddio Cyffuriau 1971, ac eithrio cyffur a bennir am y tro yn Atodlen 4 neu 5 i Reoliadau Camddefnyddio Cyffuriau 2001,

ac nad yw'n rhagnodi ei swm, ei gryfder na'r dogn, caiff fferylllydd GIG ddarparu'r cyffur yn y cryfder a'r dogn y mae'n ystyried eu bod yn briodol drwy arfer ei sgil, ei wybodaeth a'i ofal proffesiynol ac, yn ddarostyngedig i is-baragraff (7), yn y swm y mae'n ystyried ei fod yn briodol ar gyfer cwrs o driniaeth am gyfnod nad yw'n hwy na 5 niwrnod.

(7) Pan fo archeb y mae is-baragraff (6) yn gymwys iddi yn archeb am—

- (a) sylwedd atal cenhedlu geneuol,

(39) 1985 p. 72.

- (b) cyffur nad yw ar gael i'w gyflenwi fel rhan o wasanaethau fferyllol ac eithrio ar y cyd ag un neu ragor o gyffuriau eraill, neu
- (c) gwrthfotig ar ffurf hylif sydd i'w roi drwy'r geg, pan fo'n ofynnol, am resymau fferyllol mewn cysylltiad ag ef, ei ddarparu mewn pecyn heb ei agor,

nad yw ar gael i'w ddarparu fel rhan o wasanaethau fferyllol ac eithrio mewn pecynnau pan fo'r maint lleiaf sydd ar gael yn cynnwys swm priodol ar gyfer cwrs o driniaeth am gyfnod sy'n hwy na 5 niwrnod, caiff y fferyllydd GIG ddarparu pecyn o'r maint lleiaf sydd ar gael.

(8) Pan fo unrhyw gyffur y mae'r paragraff hwn yn gymwys iddo (hynny yw, cyffur nad yw Deddf Camddefnyddio Cyffuriau 1971 yn gymwys iddo, onid yw'n gyffur a bennir am y tro yn Atodlen 4 neu 5 i Reoliadau Camddefnyddio Cyffuriau 2001), a archebwyd gan ragnodydd ar ffurflen bresgripsiwn neu bresgripsiwn amlroddadwy, ar gael ar gyfer ei ddarparu gan fferyllydd GIG mewn pecyn mewn swm gwahanol i'r swm a archebwyd felly, a'r cyffur hwnnw—

- (a) yn ddi-haint,
- (b) yn eferw neu'n hygrogopig,
- (c) yn gymysgedd hylifol i'w ychwanegu at ddŵr bath,
- (d) yn gymysgedd col-tar,
- (e) yn gymysgedd gludiog, neu
- (f) wedi ei becynnu ar adeg ei weithgynhyrchu mewn pecyn calendr neu gynhwysydd arbennig,

rhaidd i'r fferyllydd GIG ddarparu'r cyffur yn y pecyn sydd o'r swm agosaf i'r swm a archebwyd felly.

(9) Yn y paragraff hwn, ystyr "cynhwysydd arbennig" yw unrhyw gynhwysydd sydd â'r modd o roi'r cynnwys yn rhan integrol ohono, neu nad yw'n ymarferol ei ddefnyddio i weinyddu swm cywir o'r cynnwys.

(10) Pan fo rhagnodydd yn archebu cyffur, neu pan fo cyffur sydd i'w ddarparu yn unol â PPD, mewn swm, neu luosrif o swm, sydd ar gael yn hwylus fel maint pecyn a weithgynhyrchir i ddeiliad awdurdodiad marchnata ar gyfer y cyffur, rhaid i'r fferyllydd GIG ddarparu'r cyffur mewn pecyn gwreiddiol (neu mewn pecynnau gwreiddiol) o'r maint hwnnw sydd wedi eu cydosod gan weithgynhyrchydd o'r cyffur ar gyfer y deiliad awdurdodiad marchnata hwnnw, oni bai—

- (a) nad yw'n bosibl i'r fferyllydd GIG gael pecyn (neu becynnau) o'r fath yn rhesymol brydlon yng nghwrs arferol busnes, neu
- (b) nad yw'n ymarferol i'r fferyllydd GIG ddarparu pecyn (neu becynnau) o'r fath wrth ymateb i'r archeb (er enghraifft oherwydd anghenion y claf neu'r dull o roi'r cyffur).

(11) Ac eithrio fel y'i darperir yn is-baragraff (12), ni chaiff fferyllydd GIG ddarparu cyffur Atodlen wrth ymateb i archeb sy'n cyfeirio ato wrth ei enw, ei fformiwla neu ddisgrifiad arall ar ffurflen bresgripsiwn neu bresgripsiwn amlroddadwy.

(12) Pan fo gan gyffur enw amherchnogol priodol a phan fo'n cael ei archebu ar ffurflen bresgripsiwn neu bresgripsiwn amlroddadwy, naill ai wrth yr enw hwnnw neu wrth ei fformiwla, caiff fferyllydd GIG ddarparu cyffur sydd â'r un fanyleb, hyd yn oed pan fo'r cyffur hwnnw yn gyffur Atodlen, ar yr amod pan fo cyffur Atodlen mewn pecyn sy'n cynnwys cyffur mewn mwy nag un cryfder, nad yw darparu felly yn golygu cyflenwi rhan o'r pecyn yn unig.

(13) Pan fo cyffur a archebir fel y'i pennir yn is-baragraff (12) yn gyfuniad o fwy nag un cyffur, nid yw'r is-baragraff hwnnw yn gymwys ond os oes gan y cyfuniad enw amherchnogol priodol, pa un a oes gan y cyffuriau unigol yn y cyfuniad enwau o'r fath ai peidio.

(14) Rhaid i fferyllydd GIG ddarparu unrhyw gyffur y mae'n ofynnol iddo ei ddarparu o dan baragraff 5, neu unrhyw gyffur y mae'n ei ddarparu o dan baragraff 6, mewn cynhwysydd addas.

(15) Pan fo fferyllydd GIG yn darparu cyffur neu gyfarpar o dan baragraff 6, rhaid i'r fferyllydd GIG gynnwys yn y label gweinyddu ar ddeunydd pecynnu'r cynnyrch, er budd y claf, wybodaeth i'r perwyl bod y cynnyrch yn cael ei gyflenwi yn unol â PPD, gan nodi'r PPD penodol.

Gwrthod darparu cyffuriau neu gyfarpar a archebwyd

10.—(1) Caiff fferyllydd GIG wrthod darparu'r cyffuriau neu'r cyfarpar a archebwyd ar ffurflen bresgripsiwn neu bresgripsiwn amlroddadwy—

- (a) pan fo'r fferyllydd GIG yn credu, yn rhesymol, nad yw'n archeb ddilys ar gyfer y person a enwir ar y ffurflen bresgripsiwn neu'r presgripsiwn amlroddadwy (er enghraifft, oherwydd ei fod yn credu, yn rhesymol, fod y ffurflen wedi ei ddwyn neu ei ffugio),
- (b) pan fo'n ymddangos i'r fferyllydd GIG fod camgymeriad ar y ffurflen bresgripsiwn neu ar y presgripsiwn amlroddadwy neu ei swp-ddyroddiad cysylltiedig (gan gynnwys camgymeriad clinigol a wnaed gan y rhagnodydd) neu y byddai darparu'r cyffuriau neu'r cyfarpar, o dan yr amgylchiadau, yn groes i farn glinigol y fferyllydd GIG,
- (c) pan fo'r fferyllydd GIG neu bersonau eraill yn y fangre yn dioddef trais neu'n cael eu bygwth â thrais gan y person sy'n cyflwyno'r ffurflen bresgripsiwn neu'r presgripsiwn amlroddadwy, neu gan unrhyw berson sydd yng nghwmni'r person hwnnw, neu
- (d) pan fo'r person sy'n cyflwyno'r ffurflen bresgripsiwn neu'r presgripsiwn amlroddadwy, neu unrhyw berson arall sydd yng nghwmni'r person hwnnw, yn cyflawni neu'n bygwth cyflawni trosedd.

(2) Rhaid i fferyllydd GIG wrthod darparu cyffur a archebwyd ar ffurflen bresgripsiwn neu bresgripsiwn amlroddadwy pan fo'r archeb yn archeb am feddyginiaeth a roddir ar bresgripsiwn yn unig, ac nad oedd hawlogaeth gan y rhagnodydd i'w rhagnodi.

(3) Rhaid i fferyllydd GIG wrthod darparu cyffur neu gyfarpar a archebir ar ffurflen bresgripsiwn neu bresgripsiwn amlroddadwy—

- (a) pan fo PPD yn cael effaith mewn cysylltiad ag—
 - (i) y cyffur neu'r cyfarpar y gofynnir amdano, neu
 - (ii) cyffuriau neu gyfarpar o ddisgrifiad penodedig, a bod y cyffur neu'r cyfarpar y gofynnir amdano o'r disgrifiad hwnnw, a
- (b) pan fo darpariaeth amgen eisoes wedi digwydd yn unol â'r PPD.

(4) Caiff fferyllydd GIG wrthod darparu cyffur neu gyfarpar a archebir ar ffurflen bresgripsiwn neu bresgripsiwn amlroddadwy—

- (a) pan fo PPD yn cael effaith mewn cysylltiad ag—
 - (i) y cyffur neu'r cyfarpar y gofynnir amdano, neu
 - (ii) cyffuriau neu gyfarpar o ddisgrifiad penodedig, a bod y cyffur neu'r cyfarpar y gofynnir amdano o'r disgrifiad hwnnw,
- (b) pan fo fferyllydd cofrestredig o'r farn, wrth arfer ei sgil proffesiynol a'i farn broffesiynol, fod cyflenwi cynnyrch gwahanol neu swm gwahanol o gynnyrch i'r hyn a archebwyd gan y rhagnodydd yn afresymol neu'n amhriodol, ac
- (c) pan na fo'r fferyllydd GIG yn gallu darparu'r cyffur neu'r cyfarpar o fewn amserlen resymol,

ond os yw'r fferyllydd GIG yn gwrthod gwneud hynny, rhaid iddo ddarparu cyngor priodol, fel y bo'n angenrheidiol, i'r claf neu i'r person sy'n gofyn am y cyffur neu'r cyfarpar ar ran y claf ynghylch dychwelyd i'r rhagnodydd er mwyn i'r rhagnodydd adolygu triniaeth y claf.

(5) Rhaid i fferyllydd GIG wrthod darparu cyffuriau neu gyfarpar a archebwyd ar bresgripsiwn amlroddadwy—

- (a) pan na fo gan y fferyllydd GIG gofnod o'r presgripsiwn hwnnw,
 - (b) pan na fo gan y fferyllydd GIG, yn achos presgripsiwn amlroddadwy anelectronig, unrhyw swp-ddyroddiad cysylltiedig a phan na fo swp-ddyroddiad o'r fath wedi ei gyflwyno iddo,
 - (c) pan na fo wedi ei lofnodi gan ragnodydd amlroddadwy,
 - (d) pan fyddai gwneud hynny yn anghyson ag unrhyw ysbeidiau a bennir yn y presgripsiwn,
 - (e) pan hwnnw fyddai'r tro cyntaf i gyffur neu gyfarpar gael ei ddarparu yn unol â'r presgripsiwn, a phan fo'r presgripsiwn wedi ei lofnodi fwy na 6 mis yn gynharach,
 - (f) pan fo'r presgripsiwn amlroddadwy wedi ei lofnodi fwy nag 1 flwyddyn yn gynharach,
 - (g) pan fo'r dyddiad dod i ben ar y presgripsiwn amlroddadwy wedi mynd heibio, neu
 - (h) pan fo'r rhagnodydd amlroddadwy wedi rhoi gwybod i'r fferyllydd GIG nad oes angen y presgripsiwn mwyach.
- (6) Pan fo claf yn gofyn i gyffuriau neu gyfarpar a archebwyd ar bresgripsiwn amlroddadwy (ac eithrio'r tro cyntaf y mae'n gofyn felly) gael eu cyflenwi neu ei gyflenwi, ni chaiff fferyllydd GIG ddarparu'r cyffuriau a'r cyfarpar a archebwyd felly oni bai ei fod wedi ei fodloni—
- (a) o ran y claf yr ysgrifennwyd y presgripsiwn mewn cysylltiad ag ef—
 - (i) ei fod yn cymryd neu'n defnyddio'r cyffur neu'r cyfarpar yn briodol, ac yn debygol o barhau i'w gymryd neu ei ddefnyddio felly, a
 - (ii) nad yw'n dioddef unrhyw un neu ragor o sgil effeithiau'r driniaeth sy'n dangos bod angen, neu ei bod yn ddymunol, adolygu triniaeth y claf,
 - (b) nad yw trefn feddyginiaethol y claf yr ysgrifennwyd y presgripsiwn mewn cysylltiad ag ef, neu'r modd y defnyddir y cyfarpar gan y claf hwnnw, wedi newid mewn ffordd sy'n dangos bod angen, neu ei bod yn ddymunol, adolygu triniaeth y claf, ac
 - (c) nad oes unrhyw newidiadau wedi bod yn iechyd y claf yr ysgrifennwyd y presgripsiwn mewn cysylltiad ag ef, sy'n dangos bod angen, neu ei bod yn ddymunol, adolygu triniaeth y claf.

Gweithgareddau pellach sydd i'w cyflawni mewn cysylltiad â darparu gwasanaethau gweinyddu

11.—(1) Mewn cysylltiad â'r gwasanaethau a ddarperir o dan baragraff 4, rhaid i fferyllydd GIG—

- (a) sicrhau y rhoddir cyngor priodol i gleifion ynghylch unrhyw gyffuriau neu gyfarpar a ddarperir iddynt—
 - (i) i'w galluogi i ddefnyddio'r cyffuriau neu'r cyfarpar yn briodol, a
 - (ii) i ddiwallu anghenion rhesymol y claf am wybodaeth gyffredinol ynglŷn â'r cyffuriau neu'r cyfarpar,
- (b) darparu cyngor priodol i bersonau y mae'n darparu cyffuriau neu gyfarpar iddynt ynghylch—
 - (i) cadw'r cyffuriau neu'r cyfarpar yn ddiogel, neu
 - (ii) dychwelyd unrhyw gyffuriau neu gyfarpar diangen i'r fferyllfa i'w dinistrio'n ddiogel,
- (c) wrth ddarparu cyffuriau i gleifion yn unol â phresgripsiwn amlroddadwy, ddarparu cyngor priodol, yn benodol ar bwysigrwydd dim ond gofyn am yr eitemau hynny y mae eu hangen arnynt mewn gwirionedd,
- (d) wrth ddarparu cyfarpar i gleifion yn unol â ffurflen bresgripsiwn neu bresgripsiwn amlroddadwy—

- (i) darparu cyngor priodol, yn benodol ar bwysigrwydd dim ond gofyn am yr eitemau hynny y mae eu hangen arnynt mewn gwirionedd, a
 - (ii) at y dibenion hynny, roi sylw i'r manylion a gynhwysir yn y cofnodion a gynhelir o dan baragraff (f) mewn cysylltiad â darparu cyfarpar a'r patrwm rhagnodi sy'n ymwneud â'r claf o dan sylw,
 - (e) darparu i glaf nodyn ysgrifenedig o unrhyw gyffur neu gyfarpar sy'n ddyledus iddo, a rhoi gwybod i'r claf pan ddaw'r cyffur neu'r cyfarpar ar gael,
 - (f) cadw a chynnal cofnodion—
 - (i) o'r cyffuriau a'r cyfarpar a ddarperir, pan fo'n angenrheidiol neu'n ddymunol gwneud hynny er mwyn hwyluso parhad gofal y claf,
 - (ii) mewn achosion priodol, o'r cyngor a roddir ac unrhyw ymyriadau neu atgyfeiriadau a wneir (yn benodol ymyriadau o arwyddocâd clinigol mewn achosion sy'n ymwneud â phresgripsiynau amlroddadwy), a
 - (iii) o nodiadau a ddarperir o dan baragraff (e),
 - (g) ymgymryd â hyfforddiant priodol mewn cysylltiad â rhagnodi amlroddadwy, gan roi sylw i unrhyw argymhellion mewn cysylltiad â'r hyfforddiant hwnnw a nodir yn y Tariff Cyffuriau,
 - (h) os yw'n cymryd meddiant o bresgripsiwn amlroddadwy neu swp-ddyroddiad cysylltiedig, storio'r presgripsiwn amlroddadwy hwnnw neu'r swp-ddyroddiad cysylltiedig hwnnw yn ddiogel,
 - (i) cynnal cofnodion o bresgripsiynau amlroddadwy ar ffurf a fydd yn darparu trywydd archwilio eglur o'r cyflenwadau o dan y presgripsiwn amlroddadwy (gan gynnwys dyddiadau a'r symiau a gyflenwir),
 - (j) dinistrio unrhyw swp-ddyroddiadau dros ben sy'n ymwneud â chyffuriau neu gyfarpar—
 - (i) nad oes eu hangen, neu
 - (ii) y gwrthodwyd eu darparu neu ei ddarparu i glaf yn unol â pharagraff 10,
 - (k) sicrhau, pan wrthodir darparu cyffuriau neu gyfarpar i berson yn unol â pharagraff 10(1) (b), (2), (3) neu (4), yr atgyfeirir y claf yn ôl at y rhagnodydd am gyngor pellach,
 - (l) pan fo cyffuriau wedi eu darparu neu gyfarpar wedi ei ddarparu i glaf o dan bresgripsiwn amlroddadwy, hysbysu'r rhagnodydd am unrhyw faterion o arwyddocâd clinigol sy'n codi mewn cysylltiad â'r presgripsiwn a chadw cofnod o'r hysbysiad hwnnw,
 - (m) hysbysu'r rhagnodydd am unrhyw wrthodiad i ddarparu cyffuriau neu gyfarpar yn unol â pharagraff 10(4),
 - (n) wrth ddarparu cyfarpar, ddarparu nodyn ysgrifenedig i glaf o enw, cyfeiriad a rhif ffôn y fferylllydd GIG, ac
 - (o) wrth ddarparu cyfarpar penodedig, gydymffurfio â'r gofynion ychwanegol a nodir ym mharagraff 12.
- (2) Pan na fo fferylllydd GIG, wrth i ffurflen bresgripsiwn neu bresgripsiwn amlroddadwy gael ei chyflwyno neu ei gyflwyno mewn cysylltiad â gwasanaethau gweinyddu o dan baragraff 4, yn gallu darparu cyfarpar (gan roi sylw i unrhyw PPD perthnasol), neu pan fo angen addasu cyfarpar stoma ac na fo'r fferylllydd GIG yn gallu darparu'r addasiad, rhaid i'r fferylllydd GIG—
- (a) os yw'r claf yn cydsynio, atgyfeirio'r ffurflen bresgripsiwn neu'r presgripsiwn amlroddadwy at fferylllydd GIG arall neu at gontractwr cyfarpar GIG, neu
 - (b) os nad yw'r claf yn cydsynio i atgyfeirio, ddarparu i'r claf fanylion cyswllt o leiaf ddau berson sy'n fferyllwyr GIG neu'n gontractwyr cyfarpar GIG sy'n gallu darparu'r cyfarpar

neu addasu'r cyfarpar stoma (yn ôl y digwydd), os yw'r manylion hyn yn hysbys i'r fferylllydd GIG.

Gofynion ychwanegol mewn perthynas â chyfarpar penodedig

12.—(1) Mae'r paragraff hwn yn nodi'r gofynion ychwanegol y cyfeirir atynt ym mharagraff 11(1)(o) sy'n ymwneud â darparu cyfarpar penodedig.

(2) Rhaid i fferylllydd GIG sy'n gweinyddu cyfarpar penodedig yng nghwrs arferol busnes ddarparu gwasanaeth danfon i gartrefi mewn cysylltiad â'r cyfarpar hwnnw ac, fel rhan o'r gwasanaeth hwnnw—

- (a) rhaid i'r fferylllydd GIG gynnig danfon y cyfarpar penodedig i gartref y claf,
- (b) os yw'r claf yn derbyn y cynnig hwnnw, rhaid gwneud y danfoniad yn rhesymol brydlon ac ar yr adeg y cytunir arni â'r claf,
- (c) rhaid danfon y cyfarpar penodedig mewn pecyn nad yw'n arddangos unrhyw ysgrifen neu farciau eraill a allai ddangos ei gynnwys, a
- (d) ni chaiff y modd y danfonir y pecyn ac unrhyw eitemau atodol sy'n ofynnol gan is-baragraff (3) gyfleu'r math o gyfarpar a ddanfonir.

(3) Mewn unrhyw achos pan fo cyfarpar penodedig yn cael ei ddarparu (drwy ei ddanfon i'r cartref neu fel arall), rhaid i'r fferylllydd GIG ddarparu cyflenwad rhesymol o eitemau atodol priodol (megis clytiau tafladwy a bagiau gwaredu) ac—

- (a) rhaid iddo sicrhau y caiff y claf, os yw'r claf yn dymuno, ymgynghori â pherson i gael cyngor clinigol arbenigol ynglŷn â'r cyfarpar, neu
- (b) os yw'r fferylllydd GIG yn credu ei bod yn briodol gwneud hynny, rhaid iddo—
 - (i) atgyfeirio'r claf at ragnodydd, neu
 - (ii) cynnig gwasanaeth adolygu defnyddio cyfarpar i'r claf.

(4) Os na all y fferylllydd GIG ddarparu gwasanaeth adolygu defnyddio cyfarpar yn unol ag is-baragraff (3)(b)(ii), rhaid i'r fferylllydd GIG roi i'r claf fanylion cyswllt o leiaf ddau berson sy'n fferyllwyr GIG neu'n gontractwyr cyfarpar GIG sy'n gallu trefnu i'r gwasanaeth gael ei ddarparu, os yw'r manylion hyn yn hysbys i'r fferylllydd GIG.

(5) Pan fo fferylllydd GIG yn darparu llinell gofal ffôn mewn cysylltiad â gweinyddu unrhyw gyfarpar penodedig, rhaid i'r fferylllydd GIG sicrhau, yn ystod cyfnodau y tu allan i oriau—

- (a) bod cyngor yn cael ei roi ar gael i gleifion drwy'r llinell gofal ffôn honno, neu
- (b) bod rhif ffôn Galw Iechyd Cymru, neu gyfeiriad gwefan Galw Iechyd Cymru(40), yn cael ei roi ar gael i gleifion drwy'r llinell gofal ffôn honno.

(6) At ddibenion y paragraff hwn—

ystyr “cyfnodau y tu allan i oriau” (“*out of hours periods*”), mewn perthynas â fferyllfa, yw'r cyfnodau y tu allan i'r cyfnodau pan fo'r fferylllydd GIG—

- (a) o dan rwymedigaeth i ddarparu gwasanaethau fferyllol yn y fferyllfa yn rhinwedd paragraff 22(1) neu 26(1), neu
- (b) yn darparu gwasanaethau fferyllol yn y fferyllfa yn unol â hysbysiad o dan baragraff 22(2);

ystyr “cyngor clinigol arbenigol” (“*expert clinical advice*”), mewn perthynas â chyfarpar penodedig, yw cyngor a roddir gan berson sydd wedi ei hyfforddi'n addas ac sydd â phrofiad perthnasol mewn cysylltiad â'r cyfarpar.

(40) Rhif ffôn Galw Iechyd Cymru 0845 46 47, cyfeiriad gwefan www.nhsdirect.wales.nhs.uk.

Gwasanaeth gwaredu mewn cysylltiad â chyffuriau diangen

13. Rhaid i fferyllydd GIG, i'r graddau y mae paragraff 14 yn ei gwneud yn ofynnol ac yn y modd a ddisgrifir yn y paragraff hwnnw, dderbyn a gwaredu cyffuriau diangen a ddarperir i'r fferyllydd GIG i'w gwaredu.

Gweithdrefn sylfaenol mewn cysylltiad â chyffuriau diangen

14.—(1) Yn ddarostyngedig i is-baragraff (2), pan fo person yn cyflwyno i fferyllydd GIG, neu i unrhyw un neu ragor o staff y fferyllydd GIG, unrhyw gyffuriau a ddarparwyd ar gyfer claf sydd—

- (a) ar aelwyd breifat, neu
- (b) mewn cartref gofal preswyl,

a'r cyffuriau wedi eu cadw yn un o'r manau hynny, rhaid i'r fferyllydd GIG dderbyn y cyffuriau a'u gwaredu yn unol ag is-baragraff (3).

(2) Ni chaniateir ei gwneud yn ofynnol i fferyllydd GIG dderbyn unrhyw gyffuriau ar gyfer eu gwaredu oni bai bod y Bwrdd Iechyd Lleol y mae'r fferyllydd GIG wedi ei gynnwys yn ei restr fferyllol wedi gwneud trefniadau â'r fferyllydd GIG ar gyfer casglu a gwaredu cyffuriau o'r disgrifiad hwnnw.

(3) Ar ôl cael y cyffuriau, rhaid i'r fferyllydd GIG—

- (a) os gofynnir iddo wneud hynny gan y Bwrdd Iechyd Lleol, neu gan contractwr gwaredu gwastraff y defnyddir ei wasanaeth gan y Bwrdd Iechyd Lleol, wahanu'r cyffuriau solet neu'r ampylau, yr hylifau a'r aerosolau oddi wrth ei gilydd,
- (b) storio'r cyffuriau mewn cynwysyddion a ddarperir gan y Bwrdd Iechyd Lleol, neu gan contractwr gwaredu gwastraff y defnyddir ei wasanaeth gan y Bwrdd Iechyd Lleol at ddiben storio cyffuriau o'r disgrifiad hwnnw, ac
- (c) cydymffurfio ag unrhyw ofynion statudol eraill mewn cysylltiad â storio neu waredu cyffuriau o'r disgrifiad hwnnw (mae bodloni'r gofynion hynny, felly, yn wasanaeth hanfodol at ddibenion y Rheoliadau hyn),

a rhaid iddo gydweithredu ag unrhyw drefniadau addas sydd gan y Bwrdd Iechyd Lleol yn eu lle ar gyfer casglu'r cyffuriau yn rheolaidd o fangre'r fferyllydd GIG, gan y Bwrdd Iechyd Lleol neu ar ei ran.

Gweithgareddau pellach sydd i'w cyflawni mewn cysylltiad â gwaredu cyffuriau diangen

15. Mewn cysylltiad â'r gwasanaethau a ddarperir o dan baragraff 13, rhaid i fferyllydd GIG—

- (a) sicrhau ei fod ef ac unrhyw aelodau o'i staff yn ymwybodol o'r risgiau sy'n gysylltiedig â thrin cyffuriau gwastraff ac o'r gweithdrefnau cywir sydd i'w dilyn er mwyn lleihau'r risgiau hynny, a
- (b) sicrhau bod cyfarpar diogelu priodol, gan gynnwys menyg, oferôls a deunyddiau i ymdrin â gollyngiadau, ar gael yn hwylus iddo ef ac i unrhyw aelodau o'i staff, ac wrth law unrhyw fan lle y caiff cyffuriau gwastraff eu storio.

Hybu ffyrdd iach o fyw

16. Rhaid i fferyllydd GIG, i'r graddau y mae paragraffau 17 a 18 yn ei gwneud yn ofynnol, ac yn y modd a nodir yn y paragraffau hynny, hybu negeseuon iechyd y cyhoedd i'r cyhoedd.

Ymyrryd mewn cysylltiad â phresgripsiwn

17.—(1) Pan fo person sy'n defnyddio fferyllfa—

- (a) yn cyflwyno ffurflen bresgripsiwn neu bresgripsiwn amlroddadwy i fferylllydd GIG, a
- (b) pan fo'n ymddangos i'r fferylllydd GIG fod y person—

- (i) yn dioddef o ddiabetes,
- (ii) mewn perygl o ddioddef clefyd coronaidd y galon neu bwysedd gwaed uchel, neu
- (iii) yn ysmegu neu'n pwyso gormod,

rhaidd i'r fferylllydd GIG, fel y bo'n briodol, ddarparu cyngor i'r person hwnnw, gyda'r nod o ychwanegu at wybodaeth y person hwnnw a'i ddealltwriaeth o'r materion iechyd sy'n berthnasol i amgylchiadau personol y person hwnnw.

(2) Caniateir ategu'r cyngor a roddir o dan is-baragraff (1), fel y bo'n briodol—

- (a) drwy ddarparu deunydd ysgrifenedig (er enghraifft, taflenni), a
- (b) drwy atgyfeirio'r person i ffynonellau eraill o wybodaeth neu gyngor.

(3) Rhaid i fferylllydd GIG, mewn achosion priodol, gadw a chynnal cofnod o'r cyngor a roddir yn unol â'r paragraff hwn, a rhaid i'r cofnod hwnnw fod ar ffurf sy'n hwyluso—

- (a) archwilio'r gwasanaethau fferyllol a ddarperir gan y fferylllydd GIG, a
- (b) gofal dilynol i'r person y rhoddwyd y cyngor iddo.

Ymgyrchoedd iechyd y cyhoedd

18. Rhaid i fferylllydd GIG, ar gais y Bwrdd Iechyd Lleol y mae'r fferylllydd GIG wedi ei gynnwys ar ei restr fferyllol, sicrhau—

- (a) ei fod ef, ac unrhyw aelodau o'i staff, yn cymryd rhan, yn y modd y gofynnir amdano'n rhesymol gan y Bwrdd Iechyd Lleol, mewn hyd at chwe ymgyrch ym mhob blwyddyn galendr i hybu negeseuon iechyd y cyhoedd i ddefnyddwyr fferyllfa'r fferylllydd GIG, a
- (b) pan fo'r Bwrdd Iechyd Lleol yn gofyn iddo wneud hynny, gofnodi nifer y bobl y darparwyd gwybodaeth iddynt fel rhan o un o'r ymgyrchoedd hynny.

Cyfeirio defnyddwyr

19. Rhaid i fferylllydd GIG, i'r graddau y mae paragraff 20 yn ei gwneud yn ofynnol, ac yn y modd a nodir yn y paragraff hwnnw, ddarparu gwybodaeth i ddefnyddwyr fferyllfa'r fferylllydd GIG ynghylch darparwyr iechyd a gofal cymdeithasol eraill a sefydliadau cymorth.

Amlinelliad o'r gwasanaeth mewn cysylltiad â chyfeirio defnyddwyr

20.—(1) Pan fo'n ymddangos i fferylllydd GIG neu aelod o'i staff, gan roi sylw i'r angen i leihau'r defnydd amhriodol o wasanaethau iechyd a gofal cymdeithasol a gwasanaethau cymorth, fod ar berson sy'n defnyddio fferyllfa'r fferylllydd GIG—

- (a) angen cyngor, triniaeth neu gymorth na all y fferylllydd GIG ei ddarparu neu ei darparu, ond
- (b) bod darparwr arall gwasanaethau iechyd neu ofal cymdeithasol neu wasanaethau cymorth, y mae'r fferylllydd GIG yn ymwybodol ohono, yn debygol o allu darparu'r cyngor hwnnw, y driniaeth honno neu'r cymorth hwnnw,

rhaidd i'r fferylllydd GIG ddarparu manylion cyswllt y darparwr hwnnw i'r person hwnnw ac, mewn achosion priodol, rhaid iddo atgyfeirio'r person hwnnw at y darparwr hwnnw.

(2) Pan na fo fferylllydd GIG, pan gyflwynir ffurflen bresgripsiwn neu bresgripsiwn amlroddadwy, yn gallu darparu cyfarpar, neu addasu cyfarpar stoma, oherwydd nad yw darparu'r cyfarpar neu'r addasu yng nghwrs busnes arferol y fferylllydd GIG, rhaid i'r fferylllydd GIG—

- (a) os yw'r claf yn cydsynio, atgyfeirio'r ffurflen bresgripsiwn neu'r presgripsiwn amlroddadwy at fferylllydd GIG arall neu at gontractwr cyfarpar GIG, neu
 - (b) os nad yw'r claf yn cydsynio i atgyfeirio, cdarparu i'r claf fanylion cyswllt o leiaf ddau berson sy'n fferyllwyr GIG neu'n gontractwyr cyfarpar GIG sy'n gallu darparu'r cyfarpar neu addasu'r cyfarpar stoma (yn ôl y digwydd), os yw'r manylion hyn yn hysbys i'r fferylllydd GIG.
- (3) Pan fo'n briodol, caniateir defnyddio nodyn atgyfeirio ysgrifenedig i wneud atgyfeiriad o dan y paragraff hwn.
- (4) Rhaid i'r fferylllydd GIG, mewn achosion priodol, gadw a chynnal cofnod o unrhyw wybodaeth a roddir, neu unrhyw atgyfeiriad a wneir, o dan y paragraff hwn, a rhaid i'r cofnod hwnnw fod ar ffurf sy'n hwyluso—
- (a) archwilio'r gwasanaethau fferyllol a ddarperir gan y fferylllydd GIG, a
 - (b) gofal dilynol i'r person y rhoddwyd yr wybodaeth iddo neu y gwnaed yr atgyfeiriad mewn cysylltiad ag ef.

Cymorth ar gyfer hunanofal

21. Rhaid i fferylllydd GIG, i'r graddau y mae paragraff 22 yn ei gwneud yn ofynnol, ac yn y modd a nodir yn y paragraff hwnnw, ddarparu cyngor a chymorth i bobl sy'n gofalu amdanynt eu hunain neu eu teuluoedd.

Amlinelliad o'r gwasanaeth mewn cysylltiad â chymorth ar gyfer hunanofal

22.—(1) Pan fo'n ymddangos i fferylllydd GIG neu aelod o'i staff, gan roi sylw i'r angen i leihau'r defnydd amhriodol o wasanaethau iechyd a gofal cymdeithasol, y byddai person sy'n defnyddio fferyllfa'r fferylllydd GIG yn cael budd o gyngor gan y fferylllydd GIG i helpu'r person i reoli cyflwr meddygol (gan gynnwys, yn achos gofalwr, i helpu'r gofalwr i gynorthwyo i reoli cyflwr meddygol person arall), rhaid i'r fferylllydd GIG ddarparu cyngor i'r person sy'n defnyddio'r fferyllfa ynglŷn â rheoli'r cyflwr meddygol gan gynnwys, fel y bo'n briodol, gyngor—

- (a) ar y dewis o driniaethau, gan gynnwys cyngor ar ddethol a defnyddio cyffuriau priodol nad ydynt yn feddyginiaethau a roddir ar bresgripsiwn yn unig, a
- (b) ar newidiadau yn ffordd y claf o fyw.

(2) Rhaid i'r fferylllydd GIG, mewn achosion priodol, gadw a chynnal cofnod o unrhyw gyngor a roddir o dan is-baragraff (1), a rhaid i'r cofnod hwnnw fod ar ffurf sy'n hwyluso—

- (a) archwilio'r gwasanaethau fferyllol a ddarperir gan y fferylllydd GIG, a
- (b) gofal dilynol i'r person y rhoddwyd y cyngor iddo neu mewn cysylltiad ag ef.

RHAN 3

Oriau agor fferyllfa

Oriau agor fferyllfa: cyffredinol

23.—(1) Rhaid i fferylllydd GIG sicrhau y darperir gwasanaethau fferyllol ym mhob un o'r mangroedd y mae'r fferylllydd GIG wedi ymgymryd â darparu gwasanaethau fferyllol ohonynt—

- (a) am ddim llai na 40 awr bob wythnos, neu
- (b) os yw'r Bwrdd Iechyd Lleol y mae'r fferylllydd GIG wedi ei gynnwys yn ei restr fferyllol, neu Weinidogion Cymru yn dilyn apêl, wedi cyfarwyddo y caiff y fferylllydd GIG ddarparu

gwasanaethau fferyllol yn y fangre am lai na 40 awr yr wythnos ar yr amod bod y fferylllydd GIG yn darparu'r gwasanaethau hynny ar amseroedd penodol ac ar ddiwrnodau penodol, ar yr amseroedd ac ar y diwrnodau a bennwyd felly, neu

- (c) os yw'r Bwrdd Iechyd Lleol y mae'r fferylllydd GIG wedi ei gynnwys yn ei restr fferyllol, neu Weinidogion Cymru yn dilyn apêl, wedi cyfarwyddo bod rhaid i'r fferylllydd GIG ddarparu gwasanaethau fferyllol yn y fangre am fwy na 40 awr yr wythnos ar amseroedd penodol ac ar ddiwrnodau penodol, ar yr amseroedd ac ar y diwrnodau a bennwyd felly, neu
- (d) os yw'r Bwrdd Iechyd Lleol y mae'r fferylllydd GIG wedi ei gynnwys yn ei restr fferyllol, neu Weinidogion Cymru yn dilyn apêl, wedi cyfarwyddo bod rhaid i'r fferylllydd GIG ddarparu gwasanaethau fferyllol yn y fangre am fwy na 40 awr yr wythnos—
 - (i) am y cyfanswm oriau bob wythnos sy'n ofynnol yn rhinwedd y cyfarwyddyd hwnnw, a
 - (ii) o ran yr oriau ychwanegol y mae'n ofynnol i'r fferylllydd GIG ddarparu gwasanaethau fferyllol yn rhinwedd y cyfarwyddyd hwnnw, ar y diwrnodau ac ar yr amseroedd y mae'n ofynnol i'r fferylllydd GIG ddarparu gwasanaethau fferyllol yn ystod yr oriau ychwanegol hynny, fel y'i nodir yn y cyfarwyddyd hwnnw,

ond caiff Bwrdd Iechyd Lleol, o dan amgylchiadau priodol, gytuno i atal gwasanaethau fferyllol dros dro am gyfnod penodol, pan fo wedi cael 3 mis o rybudd gan y fferylllydd GIG o'r bwriad i atal y gwasanaethau dros dro.

(2) Rhaid i fferylllydd GIG hysbysu'r Bwrdd Iechyd Lleol y mae'r fferylllydd GIG wedi ei gynnwys yn ei restr fferyllol am oriau eraill y bydd y fangre y mae'r fferylllydd GIG wedi ymgymryd â darparu gwasanaethau fferyllol ohoni ar agor, sef oriau sy'n ychwanegol at yr oriau y mae'r fferyllfa o dan rwymedigaeth i agor yn rhinwedd is-baragraff (1) (ac y cyfeirir atynt yn y Rheoliadau hyn fel "oriau agor atodol").

(3) Ym mhob un o'r mangreoedd y mae fferylllydd GIG wedi ymgymryd â darparu gwasanaethau fferyllol ohonynt, rhaid i'r fferylllydd GIG arddangos—

- (a) hysbysiad sy'n pennu'r amseroedd y mae'r fangre ar agor ar gyfer darparu cyffuriau a chyfarpar, a
- (b) ar yr amseroedd nad yw'r fangre ar agor, hysbysiad sy'n seiliedig ar wybodaeth a ddarperir gan y Bwrdd Iechyd Lleol ac sy'n ddarllenadwy o'r tu allan i'r fangre, sy'n pennu cyfeiriadau fferyllwyr GIG eraill sydd wedi eu cynnwys yn y rhestr fferyllol a'r amseroedd y gellir cael cyffuriau a chyfarpar o'r cyfeiriadau hynny.

(4) Rhaid i fferylllydd GIG, ar gais, gyflwyno datganiad i'r Bwrdd Iechyd Lleol y mae'r fferylllydd GIG wedi ei gynnwys ar ei restr fferyllol, sy'n nodi—

- (a) yr amseroedd y darperir gwasanaethau fferyllol ym mhob un o'r mangreoedd y mae'r fferylllydd GIG wedi ymgymryd â darparu gwasanaethau fferyllol ohonynt (gan gynnwys yr amseroedd y mae'r fferylllydd GIG yn darparu gwasanaethau fferyllol pan nad yw o dan rwymedigaeth i wneud hynny yn rhinwedd is-baragraff (1)), a
- (b) y gwasanaethau fferyllol y mae'r fferylllydd GIG fel arfer yn eu darparu ym mhob un o'r mangreoedd hynny.

(5) Pan fo fferylllydd GIG yn newid—

- (a) y diwrnodau neu'r amseroedd y mae'r gwasanaethau fferyllol i'w darparu mewn mangre y mae'r fferylllydd GIG wedi ymgymryd â darparu gwasanaethau fferyllol ohoni, neu
- (b) y gwasanaethau fferyllol y mae'r fferylllydd GIG fel arfer i'w darparu yn y fangre honno,

rhaid i'r fferylllydd GIG gyflenwi, i'r Bwrdd Iechyd Lleol y mae'r fferylllydd GIG wedi ei gynnwys ar ei restr fferyllol, ddatganiad sy'n rhoi gwybod iddo am y newid.

(6) Pan fo fferylllydd GIG wedi cyflwyno datganiad o dan is-baragraff (4) neu (5) mewn cysylltiad ag unrhyw fangre, neu pan fo'r fferylllydd GIG wedi nodi, mewn cais o dan y Rheoliadau hyn i gael ei gynnwys yn y rhestr fferyllol, y diwrnodau a'r amseroedd y darperir gwasanaethau fferyllol yn y fangre y mae'r cais yn ymwneud â hi os caniateir y cais—

- (a) rhaid i'r fferylllydd GIG sicrhau y darperir gwasanaethau fferyllol yn y fangre y mae'r datganiad neu'r cais yn ymwneud â hi ar y diwrnodau ac ar yr amseroedd a nodir yn y datganiad neu'r cais (oni bai bod y datganiad neu'r cais wedi ei ddisodli gan ddatganiad, neu ddatganiad pellach, o dan is-baragraff (5)), a
- (b) ni chaiff y fferylllydd GIG newid—
 - (i) y diwrnodau na'r amseroedd y mae gwasanaethau fferyllol i'w darparu yn y fangre honno, neu
 - (ii) y gwasanaethau fferyllol y mae'r fferylllydd GIG i'w darparu fel arfer yn y fangre honno,

fel y'u nodir yn y datganiad hwnnw neu'r cais hwnnw, am gyfnod o 3 mis o leiaf ar ôl i'r Bwrdd Iechyd Lleol gael y datganiad hwnnw neu'r cais hwnnw.

(7) Pan fo fferylllydd GIG wedi ei rwystro gan salwch neu achos rhesymol arall rhag cydymffurfio â'i rwymedigaethau o dan is-baragraff (1), rhaid iddo, pan fo'n ymarferol, wneud trefniadau ag un neu ragor o fferyllwyr GIG eraill y mae eu mangreodded yn y gymdogaeth ar gyfer darparu gwasanaethau fferyllol yn ystod y cyfnod hwnnw.

(8) Pan fo darpariaeth gwasanaethau fferyllol wedi ei hatal dros dro am reswm sydd y tu hwnt i reolaeth y fferylllydd GIG, ni fydd y fferylllydd GIG wedi torri is-baragraffau (1), (2) a (3) ar yr amod—

- (a) bod y fferylllydd GIG yn hysbysu'r Bwrdd Iechyd Lleol y mae'r fferylllydd GIG wedi ei gynnwys ar ei restr fferyllol am yr ataliad hwnnw cyn gynted ag y bo'n ymarferol, a
- (b) bod y fferylllydd GIG yn gwneud pob ymdrech resymol i ailddechrau darparu gwasanaethau fferyllol cyn gynted ag y bo'n ymarferol.

(9) Nid yw gwaith a gynlluniwyd ymlaen llaw i ailwampio fferyllfa yn "achos rhesymol" at ddibenion is-baragraff (7) nac yn "rheswm sydd y tu hwnt i reolaeth y fferylllydd GIG" at ddibenion is-baragraff (8).

(10) At ddibenion cyfrifo nifer yr oriau y mae fferyllfa ar agor yn ystod wythnos sy'n cynnwys Dydd Nadolig, Dydd Gwener y Groglith, Sul y Pasg neu ŵyl banc, rhaid barnu bod y fferyllfa ar agor ar y diwrnod hwnnw ar yr amseroedd y byddai wedi bod ar agor fel arfer ar y diwrnod hwnnw o'r wythnos.

(11) Yn y Rhan hon—

ystyr "cyfarwyddyd presennol" ("*existing direction*") yw cyfarwyddyd a wnaed yn unol â'r Rhan hon neu gyfarwyddyd a oedd yn bodoli ar y dyddiad y daeth y Rheoliadau hyn i rym;

ystyr "oriau ychwanegol" ("*additional hours*") y mae i fod yn ofynnol i fferylllydd GIG ddarparu gwasanaethau fferyllol yw'r oriau hynny pan na fyddai'r fferylllydd GIG yn darparu gwasanaethau fferyllol, pe bai'r fferylllydd GIG yn ddarostyngedig i'r amod a nodir yn is-baragraff (1)(a) ac nid yr amod a nodir yn is-baragraff (1)(d).

Materion i'w hystyried wrth ddyroddi cyfarwyddydau mewn cysylltiad ag oriau agor fferyllfa

24.—(1) Pan fo Bwrdd Iechyd Lleol yn dyroddi cyfarwyddyd sy'n pennu unrhyw amseroedd neu ddiwrnodau o dan y Rhan hon, rhaid iddo, wrth wneud hynny, geisio sicrhau bod yr oriau y mae mangre ar agor ar gyfer darparu gwasanaethau fferyllol yn rhai sy'n sicrhau y darperir y gwasanaethau fferyllol ar y diwrnodau hynny ac ar yr amseroedd hynny sy'n angenrheidiol er

mwyn diwallu anghenion pobl yn y gymdogaeth, neu ddefnyddwyr tebygol eraill y fferyllfa, am wasanaethau fferyllol.

(2) Wrth ystyried y materion a grybwyllir yn is-baragraff (1), caiff y Bwrdd Iechyd Lleol roi sylw i unrhyw wasanaethau fferyllol a ddarperir yn y gymdogaeth honno o dan amgylchiadau pan na fo'r fferylllydd GIG o dan rwymedigaeth i ddarparu'r gwasanaethau hynny.

(3) Ni chaiff y Bwrdd Iechyd Lleol gyfarwyddo y caiff fferylllydd GIG ddarparu gwasanaethau fferyllol yn y fangre am lai na 40 awr yn ystod unrhyw wythnos, oni bai ei fod wedi ei fodloni bod darpariaeth gwasanaethau fferyllol yn y gymdogaeth yn debygol o fod yn ddigonol i ddiwallu'r angen am wasanaethau o'r fath ar yr amseroedd pan nad yw'r fferylllydd GIG yn darparu gwasanaethau fferyllol.

(4) Ni chaiff y Bwrdd Iechyd Lleol gyfarwyddo bod rhaid i fferylllydd GIG ddarparu gwasanaethau fferyllol yn y fangre am fwy na 40 awr yn ystod unrhyw wythnos, oni bai ei fod wedi ei fodloni y bydd y fferylllydd GIG yn cael tâl rhesymol mewn cysylltiad â'r oriau ychwanegol y mae'n ofynnol iddo ddarparu gwasanaethau fferyllol (ac mae unrhyw dâl ychwanegol sy'n daladwy yn unol â phenderfyniad a wneir o ganlyniad i reoliad 42 mewn cysylltiad â'r oriau hynny yn "tâl rhesymol" at y dibenion hyn).

Penderfyniad a ysgogir gan y Bwrdd Iechyd Lleol ynghylch oriau agor fferyllfa

25.—(1) Pan fo'n ymddangos i'r Bwrdd Iechyd Lleol y mae'r fferylllydd GIG wedi ei gynnwys yn ei restr fferyllol, ar ôl ymgynghori â'r Pwyllgor Fferyllol Lleol neu ar ôl ystyried y mater ar gais y Pwyllgor hwnnw, nad yw'r amseroedd y mae, neu y bydd, fferyllfa ar agor ar gyfer darparu gwasanaethau fferyllol yn diwallu anghenion y canlynol mwyach, neu na fydd yr amseroedd hynny yn diwallu anghenion y canlynol—

- (a) pobl yn y gymdogaeth, neu
- (b) defnyddwyr tebygol eraill y fferyllfa honno,

am wasanaethau fferyllol, caiff asesu pa un ai i ddyroddi cyfarwyddyd i'w gwneud yn ofynnol i'r fferylllydd GIG sy'n berchen ar y fferyllfa ddarparu gwasanaethau fferyllol yn y fferyllfa ar amseroedd penodol ac ar ddiwrnodau penodol (a all gynnwys Dydd Nadolig, Dydd Gwener y Groglith, Sul y Pasg a gwyliau banc).

(2) Cyn cwblhau'r asesiad o dan is-baragraff (1), rhaid i'r Bwrdd Iechyd Lleol—

- (a) rhoi hysbysiad i'r fferylllydd GIG o unrhyw newidiadau arfaethedig yn yr amseroedd neu'r diwrnodau y mae'r fferyllfa i fod ar agor, a
- (b) caniatáu cyfnod o 30 o ddiwrnodau i'r fferylllydd GIG ar gyfer cyflwyno sylwadau ysgrifenedig i'r Bwrdd Iechyd Lleol ynghlŷn â'r newidiadau arfaethedig.

(3) Ar ôl ystyried unrhyw sylwadau a gyflwynir yn unol ag is-baragraff (2)(b), rhaid i'r Bwrdd Iechyd Lleol—

- (a) dyroddi cyfarwyddyd (a fydd yn disodli unrhyw gyfarwyddyd presennol) sy'n bodloni gofynion is-baragraffau (4) a (5),
- (b) cadarnhau unrhyw gyfarwyddyd presennol sy'n pennu'r diwrnodau a'r amseroedd y mae rhaid i'r fferylllydd GIG ddarparu gwasanaethau fferyllol yn y fferyllfa, ar yr amod y byddai'r cyfarwyddyd presennol yn bodloni gofynion is-baragraffau (4) a (5) pe dyroddid ef o dan y paragraff hwn, neu
- (c) naill ai—
 - (i) dirymu (heb ei amnewid) unrhyw gyfarwyddyd presennol sy'n pennu'r amseroedd neu'r diwrnodau y mae rhaid i'r fferylllydd GIG ddarparu gwasanaethau fferyllol yn y fferyllfa, neu

(ii) mewn achos pan na fo cyfarwyddyd presennol, beidio â dyroddi unrhyw gyfarwyddyd, ac mewn achos o'r fath, yn rhinwedd paragraff 23(1)(a), rhaid i'r fferyllfa fod ar agor am ddim llai na 40 awr bob wythnos.

(4) Pan fo Bwrdd Iechyd Lleol yn dyroddi cyfarwyddyd o dan is-baragraff (3), mewn cysylltiad â fferyllfa y mae'n ofynnol iddi fod ar agor—

(a) am fwy na 40 awr bob wythnos, rhaid iddo, yn y cyfarwyddyd hwnnw, nodi—

(i) cyfanswm nifer yr oriau bob wythnos y mae rhaid i'r fferylllydd GIG ddarparu gwasanaethau fferyllol yn y fferyllfa, a

(ii) ynglŷn â'r oriau ychwanegol y mae'r fferylllydd GIG i ddarparu gwasanaethau fferyllol, y diwrnodau a'r amseroedd y mae'n ofynnol i'r fferylllydd GIG ddarparu'r gwasanaethau hynny yn ystod yr oriau ychwanegol hynny,

ond ni chaiff, yn y cyfarwyddyd hwnnw, nodi'r diwrnodau neu'r amseroedd y mae'r fferylllydd GIG i ddarparu gwasanaethau fferyllol yn ystod oriau nad ydynt yn oriau ychwanegol, neu

(b) am lai na 40 awr bob wythnos, rhaid iddo, yn y cyfarwyddyd hwnnw, nodi'r diwrnodau a'r amseroedd y mae gwasanaethau fferyllol i'w darparu yn y fferyllfa honno.

(5) Ni chaiff y Bwrdd Iechyd Lleol ddyroddi cyfarwyddyd o dan is-baragraff (3) os ei effaith, yn syml, yw ei gwneud yn ofynnol i fferyllfa fod ar agor am 40 awr bob wythnos ar ddiwrnodau penodol ac amseroedd penodol (hynny yw, rhaid i'r cyfarwyddyd gael yr effaith o'i gwneud yn ofynnol i fferyllfa fod ar agor am naill ai mwy neu lai na 40 awr bob wythnos).

(6) Rhaid i'r Bwrdd Iechyd Lleol hysbysu'r fferylllydd GIG yn ysgrifenedig am unrhyw gyfarwyddyd a ddyroddir, neu unrhyw gam gweithredu arall a gymerir, o dan is-baragraff (3), a phan fo'n pennu diwrnodau newydd neu amseroedd newydd y mae'r fferylllydd GIG i ddarparu gwasanaethau fferyllol yn y fferyllfa, rhaid iddo gynnwys gyda'r hysbysiad ddatganiad ysgrifenedig o'r canlynol—

(a) y rhesymau dros y newid, a

(b) hawl y fferylllydd GIG i apelio o dan is-baragraff (7).

(7) Caiff fferylllydd GIG, o fewn 30 o ddiwrnodau i gael hysbysiad o dan is-baragraff (6), apelio'n ysgrifenedig i Weinidogion Cymru yn erbyn unrhyw gyfarwyddyd a ddyroddwyd neu unrhyw gam gweithredu arall a gymerwyd o dan is-baragraff (3), sy'n pennu diwrnodau newydd neu amseroedd newydd y mae'r fferylllydd GIG i ddarparu gwasanaethau fferyllol.

(8) Caiff Gweinidogion Cymru, wrth benderfynu apêl, naill ai cadarnhau'r cam gweithredu a gymerwyd gan y Bwrdd Iechyd Lleol neu gymryd unrhyw gam gweithredu y gallai'r Bwrdd Iechyd Lleol fod wedi ei gymryd o dan is-baragraff (3).

(9) Rhaid i Weinidogion Cymru hysbysu'r fferylllydd GIG yn ysgrifenedig am eu penderfyniad a rhaid iddynt, ym mhob achos, gynnwys gyda'r hysbysiad ddatganiad ysgrifenedig o'r rhesymau dros y penderfyniad.

(10) Os yw'r amseroedd neu'r diwrnodau y mae fferylllydd GIG i ddarparu gwasanaethau fferyllol mewn fferyllfa wedi eu newid yn unol â'r paragraff hwn, rhaid i'r fferylllydd GIG gyflwyno'r newidiadau—

(a) os nad yw wedi apelio o dan is-baragraff (7), ddim hwyrach nag 8 wythnos ar ôl y dyddiad y mae'n cael hysbysiad o dan is-baragraff (6), neu

(b) os yw wedi apelio o dan is-baragraff (7), ddim hwyrach nag 8 wythnos ar ôl y dyddiad y mae'n cael hysbysiad o dan is-baragraff (9).

Penderfyniad a ysgogir gan y fferylllydd GIG ynghylch oriau agor fferyllfa

26.—(1) Caiiff fferylllydd GIG wneud cais i Fwrdd Iechyd Lleol y mae'r fferylllydd GIG wedi ei gynnwys ar ei restr fferyllol iddo newid y diwrnodau neu'r amseroedd y mae'r fferylllydd GIG o dan rwymedigaeth i ddarparu gwasanaethau fferyllol yn fferyllfa'r fferylllydd GIG, mewn ffordd—

- (a) sy'n lleihau cyfanswm nifer yr oriau y mae'r fferylllydd GIG o dan rwymedigaeth i ddarparu gwasanaethau fferyllol bob wythnos, neu
- (b) sy'n cadw cyfanswm nifer yr oriau yn ddigynnewid.

(2) Pan fo fferylllydd GIG yn gwneud cais o dan is-baragraff (1), rhaid i'r fferylllydd GIG, fel rhan o'r cais hwnnw, ddarparu i'r Bwrdd Iechyd Lleol unrhyw wybodaeth y mae'r Bwrdd Iechyd Lleol yn gofyn yn rhesymol amdani mewn cysylltiad ag unrhyw newidiadau yn anghenion pobl yn y gymdogaeth, neu ddefnyddwyr tebygol eraill y fferyllfa, am wasanaethau fferyllol sy'n berthnasol i'r cais.

(3) Rhaid i'r Bwrdd Iechyd Lleol benderfynu cais o dan is-baragraff (1) o fewn 60 niwrnod i'w gael (gan gynnwys unrhyw wybodaeth sy'n ofynnol gan y ceisydd yn unol ag is-baragraff (2)).

(4) Wrth benderfynu'r cais, rhaid i'r Bwrdd Iechyd Lleol—

- (a) dyroddi cyfarwyddyd (a fydd yn disodli unrhyw gyfarwyddyd presennol) sy'n bodloni gofynion is-baragraffau (5) a (6) ac yn cael yr effaith naill ai o ganiatáu'r cais o dan y paragraff hwn neu ei ganiatáu'n rhannol yn unig,
- (b) cadarnhau unrhyw gyfarwyddyd presennol sy'n pennu'r diwrnodau a'r amseroedd y mae rhaid i'r fferylllydd GIG ddarparu gwasanaethau fferyllol yn y fferyllfa, ar yr amod y byddai'r cyfarwyddyd presennol yn bodloni gofynion is-baragraffau (5) a (6), neu
- (c) naill ai—

- (i) dirymu (heb ei amnewid) unrhyw gyfarwyddyd presennol mewn cysylltiad â'r amseroedd neu'r diwrnodau y mae rhaid i'r fferylllydd GIG ddarparu gwasanaethau fferyllol yn y fferyllfa, pan fo hyn yn cael yr effaith o ganiatáu'r cais o dan y paragraff hwn neu ei ganiatáu'n rhannol yn unig, neu

- (ii) mewn achos pan na fo cyfarwyddyd presennol, beidio â dyroddi unrhyw gyfarwyddyd, ac mewn achos o'r fath, yn rhinwedd paragraff 23(1)(a), rhaid i'r fferyllfa fod ar agor am ddim llai na 40 awr bob wythnos.

(5) Pan fo Bwrdd Iechyd Lleol yn dyroddi cyfarwyddyd o dan is-baragraff (4) mewn cysylltiad â fferyllfa y mae'n ofynnol iddi fod ar agor—

(a) am fwy na 40 awr bob wythnos, rhaid iddo, yn y cyfarwyddyd hwnnw, nodi—

- (i) cyfanswm nifer yr oriau bob wythnos y mae'n ofynnol i'r fferylllydd GIG ddarparu gwasanaethau fferyllol yn y fferyllfa, a
 - (ii) ynglŷn â'r oriau ychwanegol y mae'r fferylllydd GIG i ddarparu gwasanaethau fferyllol, y diwrnodau a'r amseroedd y mae'n ofynnol i'r fferylllydd GIG ddarparu'r gwasanaethau hynny yn ystod yr oriau ychwanegol hynny,

ond ni chaiff, yn y cyfarwyddyd hwnnw, nodi'r diwrnodau neu'r amseroedd y mae'r fferylllydd GIG i ddarparu gwasanaethau fferyllol yn ystod oriau nad ydynt yn oriau ychwanegol, neu

(b) am lai na 40 awr bob wythnos, rhaid iddo, yn y cyfarwyddyd hwnnw, nodi'r diwrnodau a'r amseroedd y mae gwasanaethau fferyllol i'w darparu yn y fferyllfa honno.

(6) Ni chaiff y Bwrdd Iechyd Lleol ddyroddi cyfarwyddyd o dan is-baragraff (4) os ei effaith, yn syml, yw ei gwneud yn ofynnol i fferyllfa fod ar agor am 40 awr bob wythnos ar ddiwrnodau penodol ac amseroedd penodol (hynny yw, rhaid i'r cyfarwyddyd gael yr effaith o'i gwneud yn ofynnol i fferyllfa fod ar agor am naill ai mwy neu lai na 40 awr bob wythnos).

(7) Pan fo'r Bwrdd Iechyd Lleol yn ystyried gweithredu o dan is-baragraff (4)(a) neu (c)(i), rhaid iddo ymgynghori â'r Pwyllgor Fferyllol Lleol cyn penderfynu'r cais.

(8) Rhaid i Fwrdd Iechyd Lleol hysbysu'r fferylllydd GIG yn ysgrifenedig am unrhyw gyfarwyddyd a ddyroddir, neu unrhyw gam gweithredu arall a gymerir, o dan is-baragraff (4), a phan fo hyn yn cael yr effaith o wrthod cais o dan y paragraff hwn, neu ei ganiatáu'n rhannol, rhaid iddo anfon at y fferylllydd GIG ddatganiad ysgrifenedig sy'n nodi—

(a) y rhesymau dros y gwrthodiad neu, yn ôl y digwydd, dros ganiatáu'r cais yn rhannol yn unig, a

(b) hawl y fferylllydd GIG i apelio o dan is-baragraff (9).

(9) Caiff fferylllydd GIG, o fewn 30 o ddiwrnodau i gael hysbysiad yn unol ag is-baragraff (8), apelio'n ysgrifenedig i Weinidogion Cymru yn erbyn unrhyw gam gweithredu o dan is-baragraff (4) sy'n cael yr effaith o wrthod cais o dan y paragraff hwn neu ei ganiatáu'n rhannol yn unig.

(10) Caiff Gweinidogion Cymru, wrth benderfynu apêl, naill ai cadarnhau'r cam gweithredu a gymerwyd gan y Bwrdd Iechyd Lleol neu gymryd unrhyw gam gweithredu y gallai'r Bwrdd Iechyd Lleol fod wedi ei gymryd o dan is-baragraff (4).

(11) Rhaid i Weinidogion Cymru hysbysu'r fferylllydd GIG yn ysgrifenedig am eu penderfyniad a rhaid iddynt, ym mhob achos, gynnwys gyda'r hysbysiad ddatganiad ysgrifenedig o'r rhesymau dros y penderfyniad.

(12) Os yw'r diwrnodau neu'r amseroedd y mae fferylllydd GIG i ddarparu gwasanaethau fferyllol mewn fferyllfa wedi eu newid yn unol â'r paragraff hwn, rhaid i'r fferylllydd GIG gyflwyno'r newidiadau—

(a) os nad yw wedi apelio o dan is-baragraff (9), ddim cynharach na 30 o ddiwrnodau ar ôl y dyddiad y mae'n cael hysbysiad o dan is-baragraff (8), neu

(b) os yw wedi apelio o dan is-baragraff (9), ddim cynharach na 30 o ddiwrnodau ar ôl y dyddiad y mae'n cael hysbysiad o dan is-baragraff (11).

Oriau agor dros dro a chyfnodau cau yn ystod argyfwng, sy'n ei gwneud yn ofynnol darparu gwasanaethau fferyllol yn hyblyg

27.—(1) Er gwaethaf darpariaethau'r Atodlen hon, yn ystod argyfwng sy'n ei gwneud yn ofynnol darparu gwasanaethau fferyllol mewn ffordd hyblyg, caiff y Bwrdd Iechyd Lleol y mae'r fferylllydd GIG wedi ei gynnwys yn ei restr fferyllol, os gwneir cais gan y fferylllydd GIG, ganiatáu i'r fferylllydd GIG newid dros dro y diwrnodau neu'r amseroedd y mae'r fferylllydd GIG o dan rwymedigaeth i ddarparu gwasanaethau fferyllol yn y fangre y mae'r fferylllydd GIG wedi ymgymryd â darparu gwasanaethau fferyllol ohoni, neu ganiatáu cau'r fangre honno dros dro—

(a) os yw'r fferylllydd GIG yn rhoi o leiaf 24 awr o rybudd o'r newid neu'r cau, a

(b) os yw'r rhesymau a roddir gan y fferylllydd GIG dros wneud y cais yn rhesymau digonol ym marn y Bwrdd Iechyd Lleol.

(2) Nid oes angen i'r Bwrdd Iechyd Lleol gymeradwyo'r cais cyn y newid neu'r cau, ac os nad yw'n gwneud hynny ond yn penderfynu yn ddiweddarach nad yw rhesymau'r fferylllydd GIG, yn ei farn, yn rhesymau digonol, yna mae'r diwrnodau neu'r amseroedd y mae'r fferylllydd GIG o dan rwymedigaeth i ddarparu gwasanaethau fferyllol yn y fangre i ddychwelyd i'r hyn a oeddent cyn eu disodli, o'r diwrnod ar ôl y dyddiad y rhoddir y penderfyniad hwnnw i'r fferylllydd GIG.

RHAN 4

Llywodraethu clinigol a chwynion

Llywodraethu clinigol

28.—(1) Rhaid i fferylllydd GIG, mewn cysylltiad â'r holl wasanaethau fferyllol y mae'r fferylllydd GIG yn eu darparu, gymryd rhan mewn system dderbyniol o lywodraethu clinigol, yn y modd sy'n rhesymol ofynnol gan y Bwrdd Iechyd Lleol y mae'r fferylllydd GIG wedi ei gynnwys ar ei restr fferyllol.

(2) Mae system o lywodraethu clinigol yn “dderbyniol” os yw'n darparu ar gyfer—

- (a) cydymffurfio â'r cydrannau llywodraethu clinigol a nodir yn is-baragraff (3), a
- (b) cyflwyno humanasesiad blynyddol o'r cydymffurfedd (hyd at lefel gymeradwy) â'r cydrannau llywodraethu clinigol hynny, drwy gyfrwng trefniadau cyflwyno data cymeradwy sy'n caniatáu i'r Bwrdd Iechyd Lleol gael mynediad i'r asesiad hwnnw.

(3) Y cydrannau llywodraethu clinigol yw'r canlynol—

- (a) rhaglen ar gyfer cynnwys y cleifion a'r cyhoedd, sy'n cynnwys—
 - (i) gofyniad y dylai'r fferylllydd GIG lunio, mewn modd cymeradwy, daflen ymarfer mewn cysylltiad â fferyllfa'r fferylllydd GIG a rhoi'r daflen ar gael mewn modd priodol,
 - (ii) gofyniad bod y fferylllydd GIG yn rhoi cyhoeddusrwydd i'r gwasanaethau GIG sydd ar gael yn fferyllfa'r fferylllydd GIG neu ohoni,
 - (iii) gofyniad bod y fferylllydd GIG, pan fo'n rhoi cyhoeddusrwydd i'r gwasanaethau GIG sydd ar gael yn fferyllfa'r fferylllydd GIG neu ohoni (pa un a yw'r fferylllydd GIG yn llunio ei ddeunydd cyhoeddusrwydd ei hunan, ynteu'n hysbysebu'r gwasanaethau mewn deunydd a gyhoeddir gan berson arall), yn gwneud hynny mewn modd sy'n ei gwneud yn glir mai fel rhan o'r gwasanaeth iechyd y cyllidir y gwasanaethau hynny,
 - (iv) gofyniad y dylai'r fferylllydd GIG ymgymryd ag arolwg cymeradwy o foddhad y cleifion yn flynyddol, mewn modd cymeradwy, gan gynnwys gofyniad i roi cyhoeddusrwydd i ganlyniadau'r arolwg ac i unrhyw gamau gweithredu priodol y mae'r fferylllydd GIG yn bwriadu eu cymryd,
 - (v) trefniadau ar gyfer monitro cyffuriau neu gyfarpar sy'n ddyledus i gleifion ond nad ydynt mewn stoc,
 - (vi) system gwyno gymeradwy (sy'n bodloni gofynion y Rhan hon),
 - (vii) gofyniad bod y fferylllydd GIG yn cydweithredu'n briodol ag ymweliadau'r Cyngor Iechyd Cymuned Lleol ac yn cymryd camau gweithredu priodol o ganlyniad i'r ymweliadau hynny,
 - (viii) gofyniad bod y fferylllydd GIG yn cydweithredu'n briodol ag unrhyw arolygiad neu adolygiad rhesymol y mae'r Bwrdd Iechyd Lleol neu unrhyw awdurdod statudol perthnasol yn dymuno ymgymryd ag ef, a
 - (ix) trefniadau ar gyfer monitro cydymffurfedd â Deddf Cydraddoldeb 2010(41),
- (b) rhaglen archwilio clinigol (5 niwrnod, fel arfer), sy'n cynnwys o leiaf un archwiliad mewn fferyllfa ac un archwiliad amlddisgyblaethol a gytunir gan y Bwrdd Iechyd Lleol ym mhob blwyddyn ariannol,
- (c) rhaglen rheoli risg, sy'n cynnwys—

(41) 2010 p. 15.

- (i) trefniadau ar gyfer sicrhau bod yr holl stoc yn cael ei drin mewn ffordd briodol,
 - (ii) trefniadau ar gyfer sicrhau bod yr holl gyfarpar a ddefnyddir wrth ddarparu gwasanaethau fferyllol yn cael ei gynnal yn briodol,
 - (iii) system gymeradwy o adrodd am ddigwyddiadau, ynghyd â threfniadau ar gyfer dadansoddi digwyddiadau critigol ac ymateb iddynt, sy'n cynnwys y canlynol—
 - (aa) cofnod o ddigwyddiadau diogelwch cleifion, a
 - (bb) cofnod o ddigwyddiadau a fu bron a digwydd,
 - (iv) trefniadau, gan gynnwys trefniadau cadw cofnodion, ar gyfer ymdrin yn briodol ac yn amserol â chyfathrebiadau ynglŷn â diogelwch cleifion oddi wrth Weinidogion Cymru, yr Asiantaeth Rheoleiddio Meddyginaethau a Chynhyrchion Gofal Iechyd a Bwrdd Comisiynu'r Gwasanaeth Iechyd Gwladol,
 - (v) gweithdrefnau gweithredu safonol priodol, gan gynnwys gweithdrefnau gweithredu safonol mewn cysylltiad â phresgripsiynau amlroddadwy a darparu cyngor a chymorth i bobl sy'n gofalu amdanynt eu hunain neu eu teuluoedd,
 - (vi) trefniadau gwaredu gwastraff priodol (yn ychwanegol at y rheini sy'n ofynnol o dan baragraffau 14 a 15) ar gyfer gwastraff clinigol a chyfrinachol,
 - (vii) arweinydd llywodraethu clinigol ar gyfer pob fferyllfa, a benodir felly gan y fferylllydd GIG (neu'r fferylllydd GIG ei hunan), sy'n wybodus ynglŷn â'r gweithdrefnau fferylliaeth yn y fferyllfa honno a'r gwasanaethau GIG eraill sydd ar gael yn ardal leol y fferyllfa honno,
 - (viii) gweithdrefnau priodol ar gyfer amddiffyn plant, a
 - (ix) trefniadau ar gyfer monitro cydymffurfedd â Deddf Iechyd a Diogelwch etc. 1974(42),
 - (d) rhaglen effeithiolrwydd clinigol, sy'n cynnwys trefniadau ar gyfer sicrhau y rhoddir cyngor priodol gan y fferylllydd GIG—
 - (i) mewn cysylltiad â darparu cyffuriau yn unol â phresgripsiwn amlroddadwy,
 - (ii) mewn cysylltiad â darparu cyfarpar yn unol â ffurflen bresgripsiwn neu bresgripsiwn amlroddadwy, neu
 - (iii) i bobl sy'n gofalu amdanynt eu hunain neu eu teuluoedd,
- a threfniadau ar gyfer sicrhau bod y fferylllydd GIG, wrth roi cyngor i unrhyw glaf ar fater a grybwyllir ym mharagraff (d)(ii), yn rhoi sylw i'r manylion a gynhwysir yn y cofnodion a gynhelir o dan baragraff 11(1)(f) mewn cysylltiad â darparu cyfarpar a'r patrwm rhagnodi sy'n ymwneud â'r claf o dan sylw,
- (e) rhaglen staffio a rheoli staff, sy'n cynnwys—
 - (i) trefniadau ar gyfer darparu hyfforddiant ymsefydlu priodol i staff, gan gynnwys unrhyw locwm,
 - (ii) hyfforddiant priodol i'r holl staff mewn cysylltiad ag unrhyw rôl y gofynnir iddynt ei chyflawni,
 - (iii) trefniadau ar gyfer gwirio cymwysterau a geirdaon yr holl staff sy'n ymwneud â darparu gwasanaethau GIG,
 - (iv) trefniadau ar gyfer canfod a chefnogi anghenion datblygu'r holl staff sy'n ymwneud â darparu gwasanaethau fferyllol, neu wasanaethau GIG eraill, gan gynnwys datblygiad proffesiynol parhaus i fferyllwyr cofrestredig ac unrhyw achredu sy'n angenrheidiol mewn cysylltiad â darparu gwasanaethau cyfeiriedig,

(42) 1974 p. 37.

- (v) trefniadau ar gyfer ymdrin â pherfformiad gwael (ar y cyd â'r Bwrdd Iechyd Lleol fel y bo'n briodol), a
- (vi) trefniadau (y mae rhaid iddynt gynnwys polisi ysgrifenedig) ar gyfer sicrhau bod yr holl staff, gan gynnwys unrhyw locwm, sydd, o ganlyniad i'w cyflogaeth gyda'r fferylllydd GIG—
 - (aa) yn gwneud yr hyn sy'n ddatgeliad gwarchoddedig o fewn yr ystyr a roddir i "protected disclosure" yn adran 43A o Ddeddf Hawliau Cyflogaeth 1996(43) (ystyr "protected disclosure"), yn cael yr hawliau a roddir mewn cysylltiad â datgeliadau o'r fath gan y Ddeddf honno, a
 - (bb) yn darparu gwybodaeth yn ddiwyll ac nid er eu budd personol i'r Cyngor Fferyllol Cyffredinol neu i Fwrdd Iechyd Lleol sy'n cynnwys honiad difrifol ei natur, y credant yn rhesymol ei fod yn wir o ran ei sylwedd ond nad yw datgeliad ohono yn ddatgeliad gwarchoddedig o fewn yr ystyr a roddir i "protected disclosure" yn adran 43A o'r Ddeddf honno, yn cael yr hawl i beidio â dioddef unrhyw anfantais neu ddioddef eu diswyddo o ganlyniad i'r weithred honno,
- (f) rhaglen llywodraethu gwybodaeth, sy'n darparu ar gyfer—
 - (i) cydymffurfio â gweithdrefnau cymeradwy ar gyfer rheoli a diogelu gwybodaeth, a
 - (ii) cyflwyno hunanasesiad blynyddol o'r cydymffurfedd (hyd at lefel gymeradwy) â'r gweithdrefnau hynny, drwy gyfrwng trefniadau cyflwyno data cymeradwy sy'n caniatáu i'r Bwrdd Iechyd Lleol gael mynediad i'r asesiad hwnnw, ac
- (g) rhaglen safonau mangre sy'n cynnwys—
 - (i) system ar gyfer cynnal glanweithdra yn y fferyllfa, sydd wedi ei chynllunio er mwyn sicrhau, mewn modd cymesur, fod y risg i bobl yn y fferyllfa o gael haint a ddelir wrth gael gofal iechyd yn cael ei lleihau, a
 - (ii) trefniadau ar gyfer gwahanu'n glir rhwng y manau mewn fferyllfa sy'n amgylchedd gofal iechyd priodol (lle y mae cleifion yn cael gwasanaethau GIG) a'r manau hynny nad ydynt yn amgylchedd gofal iechyd.

Safonau proffesiynol

29. Rhaid i fferylllydd GIG ddarparu gwasanaethau fferyllol, ac arfer unrhyw farn broffesiynol mewn cysylltiad â darparu'r gwasanaethau hynny, gan gydymffurfio â'r safonau a dderbynnir yn gyffredinol yn y proffesiwn fferyllol.

Cymhellion

30.—(1) Ni chaiff fferylllydd GIG na'i staff roi, addo na chynnig, i unrhyw berson, unrhyw rodd neu wobr (boed ar ffurf cyfran o elw'r busnes, neu ddiidend ar yr elw hwnnw, neu ar ffurf disgownt neu ad-daliad, neu fel arall) fel cymhelliad i'r person sy'n cyflwyno archeb am gyffuriau neu gyfarpar ar ffurflen bresgripsiwn neu bresgripsiwn amlroddadwy, neu'n gydnabyddiaeth am hynny.

(2) Nid yw addo, cynnig neu ddarparu cymorth cydymffurfio neu wasanaeth danfon gartref yn "rhodd neu wobr" at ddibenion is-baragraff (1).

(43) 1996 p. 18; mewnosodwyd adran 43A gan adran 1 o Ddeddf Datgelu er Lles y Cyhoedd 1998 (p. 23). Gweler hefyd adran 43K(1)(c) o Ddeddf Hawliau Cyflogaeth 1996 sy'n estyn ystyr "worker" ar gyfer y Rhan o'r Ddeddf honno sy'n ymdrin â datgeliadau gwarchoddedig fel ei fod yn cwmpasu pob unigolyn sy'n darparu gwasanaethau fferyllol yn unol â threfniadau a wneir gan Fwrdd Iechyd Lleol o dan adran 80 o Ddeddf 2006.

(3) Yn achos darparu cyfarpar, ni chaiff fferyllydd GIG, nac unrhyw berson a gyflogir neu a gymerir ymlaen gan y fferyllydd GIG hwnnw, dderbyn na chael unrhyw rodd neu wobr mewn cysylltiad, yn unig, â'r canlynol—

- (a) darparu manylion cyswllt fferyllwyr GIG neu gontractwyr cyfarpar GIG eraill yn unol â pharagraff 11(2)(b), 12(4) neu 20(2)(b), neu
- (b) atgyfeirio ffurflen bresgripsiwn neu bresgripsiwn amlroddadwy at fferyllydd GIG neu gontractwr cyfarpar GIG arall yn unol â pharagraff 11(2)(a) neu 20(2)(a) heb ddarparu unrhyw wasanaeth ychwanegol mewn cysylltiad â'r eitem ar y presgripsiwn hwnnw.

Dyletswydd i ddarparu gwybodaeth am faterion addasrwydd i ymarfer wrth iddynt godi

31.—(1) Yn ddarostyngedig i baragraff 32, rhaid i fferyllydd GIG, a phan fo'r fferyllydd GIG yn rhan o gorff corfforedig, bob un o'i gyfarwyddwyr, roi gwybod i'r Bwrdd Iechyd Lleol yn ysgrifenedig o fewn 7 niwrnod i'r digwyddiad, os yw'r fferyllydd GIG neu gyfarwyddwr—

- (a) yn cael ei euogfarnu o unrhyw drosedd yn y Deyrnas Unedig,
- (b) yn cael ei rwymo yn dilyn euogfarn droseddol yn y Deyrnas Unedig,
- (c) yn derbyn rhybuddiad gan yr heddlu yn y Deyrnas Unedig,
- (d) mewn achos diannod yn yr Alban mewn cysylltiad â throsedd, wedi bod yn destun gorchymyn i'w ryddhau'n ddiamod (heb fynd ymlaen i'w euogfarnu),
- (e) wedi derbyn a chytuno i dalu naill ai dirwy procuradur ffisgal o dan adran 302 o Ddeddf Gweithdrefn Droseddol (Yr Alban) 1995⁽⁴⁴⁾ (cosb benodedig: cynnig amodol gan brocuradur ffisgal) neu gosb o dan adran 115A o Ddeddf Gweinyddu Nawdd Cymdeithasol 1992⁽⁴⁵⁾ (cosb fel dewis arall yn lle erlyn),
- (f) yn cael ei euogfarnu yn rhywle arall o drosedd, neu'r hyn a fyddai'n drosedd pe bai'n cael ei chyflawni yng Nghymru a Lloegr,
- (g) yn cael ei gyhuddo o drosedd yn y Deyrnas Unedig, neu'n cael ei gyhuddo yn rhywle arall o drosedd a fyddai'n drosedd, pe bai'n cael ei chyflawni yng Nghymru a Lloegr,
- (h) yn cael ei hysbysu gan unrhyw gorff trwyddedu, corff rheoleiddio neu gorff arall am ganlyniad unrhyw ymchwiliad i'w ymddygiad proffesiynol, a bod canfyddiad yn ei erbyn,
- (i) yn mynd yn destun unrhyw ymchwiliad i'w ymddygiad proffesiynol gan unrhyw gorff trwyddedu, corff rheoleiddio neu gorff arall,
- (j) yn mynd yn destun ymchwiliad i'w ymddygiad proffesiynol mewn cysylltiad ag unrhyw gyflogaeth gyfredol neu flaenorol, neu'n cael ei hysbysu am ganlyniad unrhyw ymchwiliad o'r fath ac unrhyw ganfyddiad yn ei erbyn,
- (k) yn mynd yn destun unrhyw ymchwiliad gan Awdurdod Gwasanaethau Busnes y GIG mewn perthynas â thwyll,
- (l) yn mynd yn destun unrhyw ymchwiliad gan Fwrdd Iechyd Lleol arall neu gorff cyfatebol, a allai arwain at ei ddileu o restr berthnasol, neu
- (m) ar sail addasrwydd, yn cael ei ddileu, ei ddileu yn ddigwyddiadol, neu ei atal dros dro o restr berthnasol, neu os gwrthodir mynediad iddo i restr o'r fath, neu os caiff ei gynnwys yn amodol mewn rhestr o'r fath,

ac os felly, rhaid i'r fferyllydd GIG roi manylion unrhyw ymchwiliad neu achos a gynhaliwyd neu sydd i'w gynnal, gan gynnwys natur yr ymchwiliad neu'r achos, ym mha le ac oddeutu pa bryd y cynhaliwyd yr ymchwiliad hwnnw neu'r achos hwnnw neu y mae'r ymchwiliad hwnnw neu'r achos hwnnw i'w gynnal, ac unrhyw ganlyniad.

⁽⁴⁴⁾ 1995 p. 46.

⁽⁴⁵⁾ 1992 p. 5.

(2) Yn ddarostyngedig i baragraff 32, os yw person y mae is-baragraff (1) yn gymwys iddo yn gyfarwyddwr i gorff corfforedig, neu os oedd yn gyfarwyddwr i gorff corfforedig ar adeg y digwyddiadau cychwynnol, rhaid i'r person, yn ychwanegol, roi gwybod i'r Bwrdd Iechyd Lleol o fewn 7 niwrnod os yw unrhyw gorff corfforedig o'r fath—

- (a) yn cael ei euogfarnu o unrhyw drosedd yn y Deyrnas Unedig,
- (b) yn cael ei euogfarnu yn rhywle arall o drosedd, neu'r hyn a fyddai'n drosedd pe bai wedi ei chyflawni yng Nghymru a Lloegr,
- (c) yn cael ei gyhuddo o drosedd yn y Deyrnas Unedig, neu'n cael ei gyhuddo yn rhywle arall o drosedd a fyddai'n drosedd, pe bai'n cael ei chyflawni yng Nghymru a Lloegr,
- (d) yn cael ei hysbysu gan unrhyw gorff trwyddedu, corff rheoleiddio neu gorff arall am ganlyniad unrhyw ymchwiliad i'w ddarpariaeth o wasanaethau proffesiynol, a bod canfyddiad yn erbyn y corff corfforedig,
- (e) yn mynd yn destun unrhyw ymchwiliad i'w ddarpariaeth o wasanaethau proffesiynol gan unrhyw gorff trwyddedu, corff rheoleiddio neu gorff arall,
- (f) yn mynd yn destun unrhyw ymchwiliad mewn perthynas â thwyll neu'n cael ei hysbysu am ganlyniad unrhyw ymchwiliad o'r fath, a'r canlyniad hwnnw yn anffafriol,
- (g) yn mynd yn destun unrhyw ymchwiliad gan Fwrdd Iechyd Lleol arall neu gorff cyfatebol, a allai arwain at ei ddileu o restr berthnasol, neu
- (h) ar sail addasrwydd, yn cael ei ddileu, ei ddileu yn ddigwyddiadol, neu ei atal dros dro o restr berthnasol, neu os gwrthodir mynediad iddo i restr o'r fath, neu os caiff ei gynnwys yn amodol mewn rhestr o'r fath,

ac os felly, rhaid i'r person hwnnw roi enw a swyddfa gofrestredig y corff corfforedig a manylion unrhyw ymchwiliad neu achos a gynhaliwyd neu sydd i'w gynnal, gan gynnwys natur yr ymchwiliad neu'r achos, ym mha le ac oddeutu pa bryd y cynhaliwyd yr ymchwiliad hwnnw neu'r achos hwnnw neu y mae'r ymchwiliad hwnnw neu'r achos hwnnw i'w gynnal, ac unrhyw ganlyniad.

(3) Rhaid i berson y mae is-baragraff (1) neu (2) yn gymwys iddo gydsynio i'r Bwrdd Iechyd Lleol ofyn i unrhyw gyflogwr neu gyn-gyflogwr neu unrhyw gorff trwyddedu neu reoleiddio, yn y Deyrnas Unedig neu yn rhywle arall, am wybodaeth ynghylch ymchwiliad cyfredol neu ymchwiliad â chanlyniad anffafriol.

Bwrdd Iechyd Lleol cartref cyrff corfforedig

32. Pan fo fferylllydd GIG yn gorff corfforedig â swyddfa gofrestredig yng Nghymru a Lloegr, caniateir i'r wybodaeth sydd i'w darparu o dan baragraffau 31 a 35(3) i (6) gael ei darparu yn hytrach i Fwrdd Iechyd Lleol cartref (fel y'i diffinnir yn rheoliad 60). Pan yw'r fferylllydd GIG yn darparu'r wybodaeth i'w Fwrdd Iechyd Lleol cartref, rhaid iddo hefyd ddarparu i'r Bwrdd Iechyd Lleol cartref fanylion yr holl Fyrddau Iechyd Lleol eraill y mae'r fferylllydd GIG wedi ei gynnwys yn eu rhestrau fferyllol.

Cwynion

33. Rhaid i fferylllydd GIG gael yn eu lle drefniadau sy'n cydymffurfio â gofynion Rheoliadau'r Gwasanaeth Iechyd Gwladol (Trefniadau Pryderon, Cwynion ac Iawn) (Cymru) 2011(46), ar gyfer trin ac ystyried unrhyw bryderon neu gwynion ynghylch mater sy'n gysylltiedig â darparu gwasanaethau fferyllol gan y fferylllydd GIG.

(46) O.S. 2011/704 (Cy. 108), a ddiwygiwyd gan O.S. 2011/1706 (Cy. 192).

RHAN 5

Telerau gwasanaeth eraill

Gwasanaethau cyfeiriedig

34. Rhaid i fferyllydd GIG, y mae Bwrdd Iechyd Lleol y mae'r fferyllydd GIG wedi ei gynnwys ar ei restr fferyllol yn gwneud trefniant ag ef ar gyfer darparu unrhyw wasanaethau cyfeiriedig, gydymffurfio â thelerau ac amodau'r trefniant.

Gwybodaeth sydd i'w chyflenwi

35.—(1) Rhaid i fferyllydd GIG roi hysbysiad o'r canlynol i'r Bwrdd Iechyd Lleol y mae'r fferyllydd GIG wedi ei gynnwys ar ei restr fferyllol, o fewn 28 o ddiwrnodau (neu os nad yw hyn yn ymarferol, cyn gynted ag y bo'n ymarferol ar ôl hynny)—

- (a) unrhyw ddigwyddiad sy'n ei gwneud yn ofynnol newid yr wybodaeth a gofnodwyd amdano yn y rhestr fferyllol, na roddodd hysbysiad ohono fel arall yn unol â'r Rheoliadau hyn,
- (b) yn achos fferyllydd GIG sy'n unigolyn, unrhyw newid yn ei gyfeiriad preifat, ac
- (c) yn achos fferyllydd GIG sy'n gorff corfforedig, unrhyw newid yng nghyfeiriad ei swyddfa gofrestredig.

(2) Rhaid i fferyllydd GIG, os gofynnir iddo gan y Bwrdd Iechyd Lleol, roi i'r Bwrdd Iechyd Lleol enw unrhyw fferyllydd a gyflogir ganddo sy'n gyfrifol am weinyddu presgripsiwn penodol.

(3) Yn ddarostyngedig i is-baragraff (6), rhaid i fferyllydd GIG sy'n gorff corfforedig roi hysbysiad ysgrifenedig i'r Bwrdd Iechyd Lleol o fewn 28 o ddiwrnodau (neu os nad yw hyn yn ymarferol, cyn gynted ag y bo'n ymarferol ar ôl hynny) o unrhyw newidiadau yn enwau a chyfeiriadau pob un o'i gyfarwyddwyr a'i uwcharolygydd.

(4) Yn ddarostyngedig i is-baragraff (6), os yw fferyllydd GIG sy'n gorff corfforedig yn penodi cyfarwyddwr neu uwcharolygydd nas rhestrwyd yng nghais y fferyllydd GIG i'w gynnwys mewn rhestr fferyllol, rhaid i'r fferyllydd GIG roi hysbysiad ysgrifenedig i'r Bwrdd Iechyd Lleol o fewn 28 o ddiwrnodau (neu os nad yw hyn yn ymarferol, cyn gynted ag y bo'n ymarferol ar ôl hynny) o'r wybodaeth am addasrwydd y person hwnnw i ymarfer.

(5) Yn ddarostyngedig i is-baragraff (6), rhaid i fferyllydd GIG, neu gyfarwyddwr neu uwcharolygydd fferyllydd GIG sy'n gorff corfforedig, roi gwybod i'r Bwrdd Iechyd Lleol—

- (a) os yw'r fferyllydd GIG, neu gorff corfforedig y mae'n gyfarwyddwr neu'n uwcharolygydd iddo, yn gwneud cais i gael ei gynnwys yn unrhyw un neu ragor o restrau cyflawnwyr neu ddarparwyr GIG Bwrdd Iechyd Lleol arall, ac am ganlyniad unrhyw gais o'r fath, a
- (b) os daw'r fferyllydd GIG yn gyfarwyddwr neu'n uwcharolygydd i gorff corfforedig sydd yn unrhyw un neu ragor o restrau cyflawnwyr neu ddarparwyr GIG Bwrdd Iechyd Lleol arall, neu sy'n gwneud cais i gael ei gynnwys mewn rhestr o'r fath, ac am ganlyniad unrhyw gais o'r fath.

(6) Pan fo fferyllydd GIG yn gorff corfforedig sydd â swyddfa gofrestredig yng Nghymru, dim ond i'r Bwrdd Iechyd Lleol y mae'r swyddfa gofrestredig honno yn ei ardal y caniateir i'r wybodaeth sydd i'w darparu o dan is-baragraffau (3) i (5) gael ei darparu, os yw'r fferyllydd GIG hefyd yn darparu i'r Bwrdd Iechyd Lleol hwnnw fanylion yr holl Fyrddau Iechyd Lleol eraill y mae wedi ei gynnwys yn eu restrau fferyllol, ac o dan yr amgylchiadau hyn, rhaid i'r Bwrdd Iechyd Lleol hwnnw drosglwyddo'r wybodaeth i unrhyw Fwrdd Iechyd Lleol arall—

- (a) y mae'r fferyllydd GIG wedi ei gynnwys yn ei restr fferyllol, neu
- (b) y mae'r fferyllydd GIG yn gwneud cais iddo i gael ei gynnwys yn ei restr fferyllol,

ac sy'n gofyn amdani.

- (7) Yn y paragraff hwn, ystyr “rhestr cyflawnwyr neu ddarparwyr GIG” yw—
- (a) rhestr fferyllol, neu
 - (b) rhestr a gynhelir o gyflawnwyr neu ddarparwyr cymeradwy gwasanaethau meddygol sylfaenol, gwasanaethau deintyddol neu wasanaethau offthalmig.

Tynnu'n ôl o restrau fferyllol

36. Pan fo fferylllydd GIG yn bwriadu tynnu'n ôl o'r rhestr fferyllol, rhaid iddo hysbysu'r Bwrdd Iechyd Lleol am hyn, o leiaf 3 mis cyn y dyddiad hwnnw, oni bai ei bod yn anymarferol gwneud hynny, ac os felly, rhaid iddo hysbysu'r Bwrdd Iechyd Lleol cyn gynted ag y bo'n ymarferol gwneud hynny.

Codi ffioedd am gyffuriau, ac ad-daliadau

37.—(1) Yn ddarostyngedig i reoliadau a wneir o dan adran 121 o Ddeddf 2006 (codi ffioedd am gyffuriau, meddyginiaethau neu gyfarpar, neu wasanaethau fferyllol) rhaid darparu'r holl gyffuriau, cynwysyddion a chyfarpar a ddarperir o dan y telerau gwasanaeth hyn yn ddi-dâl.

(2) Pan fo fferylllydd GIG yn cyflenwi cynhwysydd, wrth ymateb i archeb am gyffuriau a lofnodwyd gan ragnodydd, neu'n cyflenwi cynhwysydd ocsigen neu gyfarpar ocsigen, ac eithrio cyfarpar a bennir yn y Tariff Cyffuriau fel cyfarpar nad yw'n ddychweladwy at y fferylllydd GIG, mae'r cynhwysydd a'r cyfarpar yn parhau'n eiddo i'r fferylllydd GIG.

(3) Pan fo unrhyw berson a chanddo hawlogaeth i gael ad-daliad o unrhyw ffi a dalwyd o dan y Rheoliadau Ffioedd yn cyflwyno i fferylllydd GIG hawliad dilys am ad-daliad, rhaid i'r fferylllydd GIG wneud yr ad-daliad.

(4) At ddibenion is-baragraff (3), nid yw hawliad am ad-daliad yn ddilys onis gwneir yn briodol ar Ffurflen WP57 0405 o fewn 3 mis i'r dyddiad y talwyd y ffi.

Arolygiadau a mynediad at wybodaeth

38.—(1) Rhaid i fferylllydd GIG ganiatáu i bersonau, sydd wedi eu hawdurdodi'n ysgrifenedig gan y Bwrdd Iechyd Lleol y mae'r fferylllydd GIG wedi ei gynnwys yn ei restr fferyllol, fynd i fferyllfa'r fferylllydd GIG a'i harolygu ar unrhyw adeg resymol, at y dibenion a ganlyn—

- (a) canfod pa un a yw'r fferylllydd GIG yn cydymffurfio â gofynion yr Atodlen hon ai peidio;
- (b) archwilio, monitro a dadansoddi—
 - (i) y ddarpariaeth a wneir gan y fferylllydd GIG ar gyfer gofal a thriniaeth i gleifion, a
 - (ii) y modd y mae'r fferylllydd GIG yn rheoli'r gwasanaethau fferyllol y mae'n eu darparu,

pan fo'r amodau yn is-baragraff (2) wedi eu bodloni.

- (2) Yr amodau yw—
- (a) bod rhybudd rhesymol wedi ei roi o'r bwriad i fynd i'r fferyllfa,
 - (b) bod y Pwyllgor Fferyllol Lleol ar gyfer yr ardal y mae'r fferyllfa ynddi wedi ei wahodd i fod yn bresennol yn yr arolygiad, pan fo'r fferylllydd GIG yn gofyn am hynny,
 - (c) bod gan y person sydd wedi ei awdurdodi'n ysgrifenedig dystiolaeth ysgrifenedig o'i awdurdodiad yn ei feddiant, a'i fod yn cyflwyno'r dystiolaeth honno ar gais, a
 - (d) nad yw'r person sydd wedi ei awdurdodi'n ysgrifenedig yn mynd i unrhyw ran o'r fangre a ddefnyddir fel llety preswyl yn unig heb gydsyniad y preswyllydd.

(3) Rhaid i fferyllydd GIG, ar gais y Bwrdd Iechyd Lleol neu berson sydd wedi ei awdurdodi'n ysgrifenedig a grybwyllir yn is-baragraff (1), ganiatáu i'r Bwrdd Iechyd Lleol neu berson sydd wedi ei awdurdodi ganddo gael mynediad at unrhyw wybodaeth sy'n ofynnol yn rhesymol gan y Bwrdd Iechyd Lleol neu'r person—

- (a) at y dibenion a grybwyllir yn is-baragraff (1), neu
- (b) yn achos y Bwrdd Iechyd Lleol, mewn cysylltiad â'i swyddogaethau sy'n ymwneud â gwasanaethau fferyllol.

Y Gymraeg

39.—(1) Pan fo fferyllydd GIG yn darparu gwasanaethau fferyllol drwy gyfrwng y Gymraeg, rhaid i'r fferyllydd GIG hysbysu'r Bwrdd Iechyd Lleol y mae'r fferyllydd GIG wedi ei gynnwys ar ei restr fferyllol, yn ysgrifenedig.

(2) Rhaid i fferyllydd GIG roi ar gael fersiwn Gymraeg o unrhyw ddogfen neu ffurflen i'w defnyddio gan gleifion a/neu aelodau o'r cyhoedd, a ddarperir gan y Bwrdd Iechyd Lleol.

(3) Pan fo fferyllydd GIG yn arddangos arwydd neu hysbysiad newydd mewn cysylltiad â gwasanaethau fferyllol, rhaid i'r testun ar yr arwydd neu'r hysbysiad fod yn Gymraeg ac yn Saesneg, a chaiff fferyllydd GIG ddefnyddio'r gwasanaeth cyfieithu a gynigir gan y Bwrdd Iechyd Lleol at y diben hwn.

(4) Rhaid i fferyllydd GIG annog y rheini sy'n darparu gwasanaethau fferyllol ac sy'n siarad Cymraeg i wisgo bathodyn, a ddarperir gan y Bwrdd Iechyd Lleol, er mwyn cyfleu eu bod yn gallu siarad Cymraeg.

(5) Rhaid i fferyllydd GIG annog y rheini sy'n darparu gwasanaethau fferyllol i ddefnyddio gwybodaeth a/neu fynd i gyrsiau hyfforddi a digwyddiadau a ddarperir gan y Bwrdd Iechyd Lleol, fel y gallant ddatblygu—

- (a) ymwybyddiaeth o'r Gymraeg (gan gynnwys ymwybyddiaeth o'i hanes a'i rôl yn niwylliant Cymru), a
- (b) dealltwriaeth o sut y gellir defnyddio'r Gymraeg mewn cysylltiad â'r gwasanaethau fferyllol a ddarperir.

(6) Rhaid i fferyllydd GIG annog y rheini sy'n darparu gwasanaethau fferyllol i ganfod a chofnodi'r dewis iaith Cymraeg neu Saesneg a fynegir gan glaf neu ar ran claf.

ATODLEN 6

Rheoliad 12

Telerau gwasanaeth ar gyfer contractwyr cyfarpar GIG sy'n darparu gwasanaethau fferyllol drwy ddarparu cyfarpar yn unig

Corffori darpariaethau

1. Mae unrhyw ddarpariaethau o'r canlynol sy'n effeithio ar hawliau a rhwymedigaethau contractwyr cyfarpar GIG sy'n darparu gwasanaethau fferyllol yn ffurfio rhan o'r telerau gwasanaeth—

- (a) y Rheoliadau,
- (b) y Tariff Cyffuriau i'r graddau y mae'n rhestru cyfarpar at ddibenion adran 80 o Ddeddf 2006 (trefniadau ar gyfer gwasanaethau fferyllol),
- (c) cymaint o Ran 2 o Reoliadau'r Gwasanaeth Iechyd Gwladol (Pwyllgorau Gwasanaethau a'r Tribiwnlys) 1992 ag sy'n ymwneud â'r canlynol—

- (i) ymchwiliadau a wneir gan y pwyllgor disgyblu fferyllol a'r cyd-bwyllgor disgyblu a chamau gweithredu y caiff y Bwrdd Iechyd Lleol eu cymryd o ganlyniad i ymchwiliadau o'r fath, a
- (ii) apelau i Weinidogion Cymru yn erbyn penderfyniadau'r Bwrdd Iechyd Lleol, a
- (d) cymaint o reoliad 29 o Reoliadau Cynghorau Iechyd Cymuned (Cyfansoddiad, Aelodaeth a Gweithdrefnau) (Cymru) 2010(47) (mynd i mewn i fangreoddedd a'u harchwilio) ag sy'n ymwneud â mynd i mewn i fangreoddedd, y mae'r contractwr cyfarpar GIG naill ai'n berchen arnynt neu'n eu rheoli neu'n darparu gwasanaethau fferyllol ynddynt, ac archwilio'r mangreoddedd hynny.

Rhannu cyfrifoldebau rhwng unigolion a chyrff corfforedig

2.—(1) I'r graddau y mae'r Atodlen hon yn gosod ar gontractwr cyfarpar GIG ofyniad mewn cysylltiad â gweithgaredd na ellid ei gyflawni gan neb ond person naturiol, neu a gyflawnid fel arfer gan berson naturiol—

- (a) os yw'r contractwr cyfarpar GIG yn fferyllydd cofrestredig—
 - (i) rhaid i'r fferyllydd cofrestredig hwnnw gydymffurfio â'r gofyniad hwnnw, neu
 - (ii) os yw'n cyflogi neu wedi cymryd ymlaen fferyllydd cofrestredig mewn cysylltiad â darparu gwasanaethau fferyllol, rhaid i'r fferyllydd cofrestredig hwnnw naill ai cydymffurfio â'r gofyniad hwnnw neu sicrhau cydymffurfedd â'r gofyniad hwnnw gan y person y mae'n ei gyflogi neu wedi ei gymryd ymlaen, a
- (b) os nad yw'r contractwr cyfarpar GIG yn berson naturiol, rhaid i'r contractwr cyfarpar GIG hwnnw sicrhau cydymffurfedd â'r gofyniad hwnnw gan berson y mae'n ei gyflogi neu wedi ei gymryd ymlaen,

a rhaid dehongli cyfeiriadau yn yr Atodlen hon at gontractwr cyfarpar GIG yn unol â hynny.

(2) Pan fo'r Atodlen hon yn gosod gofyniad ar gyfarwyddwr corff corfforedig sydd wedi ei gynnwys mewn rhestr fferyllol, rhaid barnu bod torri'r gofyniad hwnnw yn golygu bod y corff corfforedig wedi torri ei delerau gwasanaeth.

Gwasanaethau gweinyddu

3. Rhaid i gontractwr cyfarpar GIG, i'r graddau y mae'n ofynnol gan baragraffau 4 i 8 ac yn y modd a ddisgrifir yn y paragraffau hynny, ddarparu cyfarpar priodol a digonol i bersonau sy'n cyflwyno presgripsiynau am gyfarpar gan broffesiynolion gofal iechyd yn unol â'u swyddogaethau.

Gweinyddu cyfarpar

4.—(1) Yn y paragraff hwn, mae "wedi ei llofnodi" yn cynnwys llofnodi gyda llofnod electronig uwch rhagnodydd.

(2) Yn ddarostyngedig i ddarpariaethau'r Atodlen hon, pan fo—

- (a) unrhyw berson yn cyflwyno ffurflen bresgripsiwn anelectronig sy'n cynnwys—
 - (i) archeb am gyfarpar, nad yw'n gyfarpar argaeledd cyfyngedig, wedi ei llofnodi gan ragnodydd, neu
 - (ii) archeb am gyfarpar argaeledd cyfyngedig, wedi ei llofnodi gan ragnodydd ac yn cynnwys y cyfeirnod "SLS", "Selected List Scheme" neu "Drug Tariff", neu
- (b) contractwr cyfarpar GIG yn cael presgripsiwn amlroddadwy electronig sy'n cydymffurfio â'r gwasanaeth TPE ac yn cynnwys archeb o fath a bennir ym mharagraff (a)(i) a (ii) ac—

(47) O.S. 2010/288 (Cy. 37).

- (i) bod unrhyw berson yn gofyn bod cyfarpar yn cael ei ddarparu yn unol â'r presgripsiwn hwnnw, neu
- (ii) bod y contractwr cyfarpar GIG wedi trefnu gyda'r claf yn flaenorol y byddai'n gweinyddu'r presgripsiwn hwnnw pan ddeuai i law,

rhaidd i'r contractwr cyfarpar GIG, yn rhesymol brydlon, ddarparu'r cyfarpar hwnnw a archebir felly a gyflenwir ganddo yng nghwrs arferol busnes.

(3) At ddibenion y paragraff hwn, mae presgripsiwn amlroddadwy anelectronig am gyfarpar i'w ystyried fel pe bai wedi ei gyflwyno, hyd yn oed os nad yw'r person sy'n dymuno cael y cyfarpar yn cyflwyno'r presgripsiwn hwnnw—

- (a) pan fo'r presgripsiwn hwnnw gan y contractwr cyfarpar GIG yn ei feddiant, a
- (b) pan fo'r person hwnnw yn cyflwyno swp-ddyroddiad cysylltiedig neu pan fo swp-ddyroddiad cysylltiedig ym meddiant y contractwr cyfarpar GIG.

Cyflenwi yn unol â PPD

5.—(1) Mae'r is-baragraff hwn yn gymwys pan—

- (a) bo person yn gofyn i gontractwr cyfarpar GIG am gyfarpar yn unol â ffurflen bresgripsiwn neu bresgripsiwn amlroddadwy, a
- (b) bo PPD yn cael effaith mewn cysylltiad ag—
 - (i) y cyfarpar y gofynnir amdano, neu
 - (ii) cyfarpar o ddisgrifiad penodedig, a bod y cyfarpar y gofynnir amdano o'r disgrifiad hwnnw.

(2) Pan fo is-baragraff (1) yn gymwys, rhaid i gontractwr cyfarpar GIG ystyried a yw'n rhesymol ac yn briodol cyflenwi yn unol â'r PPD yn hytrach nag yn unol â'r ffurflen bresgripsiwn neu'r presgripsiwn amlroddadwy.

(3) Pan fo is-baragraff (1) yn gymwys, caiff contractwr cyfarpar GIG ddarparu cynnyrch gwahanol neu swm gwahanol o gynnyrch i'r cynnyrch neu swm y cynnyrch a archebwyd ar y ffurflen bresgripsiwn neu'r presgripsiwn amlroddadwy, pan—

- (a) bo'r contractwr cyfarpar GIG yn gallu gwneud hynny yn rhesymol brydlon,
- (b) bo gwneud hynny yn unol â'r PPD, ac
- (c) bo'r contractwr cyfarpar GIG o'r farn bod cyflenwi cynnyrch gwahanol neu swm gwahanol o gynnyrch i'r hyn a archebwyd gan y rhagnodydd yn rhesymol ac yn briodol.

(4) Pan fo contractwr cyfarpar GIG, yn unol ag is-baragraff (3), yn darparu cynnyrch gwahanol neu swm gwahanol o gynnyrch i'r hyn a archebwyd gan y rhagnodydd—

- (a) rhaid i'r contractwr cyfarpar GIG arnodi'r presgripsiwn neu'r swp-ddyroddiad cysylltiedig yn unol â hynny (os yw'r Tariff Cyffuriau yn darparu ar gyfer y modd arnodi, yn y modd hwnnw y darperir ar ei gyfer yn y Tariff Cyffuriau), ac mae'r presgripsiwn neu'r swp-ddyroddiad cysylltiedig fel y'i harnodir felly yn cael ei drin fel y presgripsiwn at ddibenion ad-dalu cost y cynnyrch (er nad yw'r cyflenwi yn unol â'r presgripsiwn hwnnw), a
- (b)
 - (i) os yw'r claf y mae'r cynnyrch wedi ei ddarparu iddo neu ar ei gyfer ar restr cleifion, a
 - (ii) os yw math o gynnyrch yn cael ei gyflenwi y mae Gweinidogion Cymru a'r person sydd, am y tro, yn berson yr ymgynghorir ag ef o dan adran 89(1)(a) o Ddeddf 2006 mewn cysylltiad â thâl fferyllol ar gyfer contractwyr cyfarpar GIG, gan weithredu ar y cyd, wedi dyroddi argymhelliad mewn perthynas ag ef ac wedi rhoi cyhoeddusrwydd i'r argymhelliad hwnnw, yn y modd y gwelant ei fod yn addas, i'r perwyl, am resymau clinigol, yn achos cyflenwi cynnyrch o'r math hwnnw, y dylid hysbysu darparwyr gwasanaethau meddygol sylfaenol bod cynnyrch wedi ei

gyflenwi i glaf ar eu rhestr cleifion yn unol â PPD yn hytrach nag yn unol â ffurflen bresgripsiwn neu bresgripsiwn amlroddadwy,

rhaid i'r contractwr cyfarpar GIG hysbysu'r darparwr gwasanaethau meddygol sylfaenol y mae'r claf ar ei restr cleifion, am y cyflenwi yn unol â PPD yn hytrach nag yn unol â ffurflen bresgripsiwn neu bresgripsiwn amlroddadwy.

(5) Pan—

- (a) bo is-baragraff (1) yn gymwys,
- (b) bo contractwr cyfarpar GIG o'r farn bod cyflenwi cynnyrch gwahanol neu swm gwahanol o gynnyrch i'r hyn a archebwyd gan y rhagnodydd yn afresymol neu'n amhriodol, ac
- (c) bo'r contractwr cyfarpar GIG yn gallu cyflenwi'r cynnyrch neu swm y cynnyrch a archebwyd gan y rhagnodydd o fewn amserlen resymol ond nid yn rhesymol brydlon,

mae'r gofyniad i weithredu'n rhesymol brydlon ym mharagraff 4(2) i'w ddarllen fel pe bai'n ofyniad i weithredu o fewn amserlen resymol.

Cyflenwi ar frys heb bresgripsiwn

6.—(1) Mae'r paragraff hwn yn gymwys pan fo rhagnodydd, mewn achos brys, yn gofyn i contractwr cyfarpar GIG ddarparu cyfarpar.

(2) Caiff y contractwr cyfarpar GIG ddarparu'r cyfarpar y gofynnir amdano cyn cael ffurflen bresgripsiwn neu bresgripsiwn amlroddadwy mewn cysylltiad â'r cyfarpar hwnnw, ar yr amod bod y rhagnodydd yn ymgymryd ag—

- (a) rhoi i'r contractwr cyfarpar GIG ffurflen bresgripsiwn anelectronig neu bresgripsiwn amlroddadwy anelectronig mewn cysylltiad â'r cyfarpar o fewn 72 o oriau i'r cais gael ei wneud, neu
- (b) rhoi i'r contractwr cyfarpar GIG ffurflen bresgripsiwn electronig sy'n cydymffurfio â'r gwasanaeth TPE o fewn 72 o oriau i'r cais gael ei wneud.

Materion rhagarweiniol cyn darparu cyfarpar

7.—(1) Os yw'r person a bennir yn is-baragraff (2) yn gofyn i'r contractwr cyfarpar GIG wneud hynny—

- (a) rhaid i'r contractwr cyfarpar GIG roi amcangyfrif o'r amser pan fydd y cyfarpar yn barod, a
- (b) os na fydd yn barod erbyn hynny, rhaid i'r contractwr cyfarpar GIG roi amcangyfrif diwygiedig o'r amser pan fydd yn barod.

(2) Person a bennir yn yr is-baragraff hwn yw person—

- (a) sy'n cyflwyno ffurflen bresgripsiwn anelectronig neu bresgripsiwn amlroddadwy anelectronig, neu
- (b) sy'n gofyn i gyfarpar gael ei ddarparu yn unol â ffurflen bresgripsiwn electronig neu bresgripsiwn amlroddadwy electronig.

(3) Cyn darparu cyfarpar yn unol â ffurflen bresgripsiwn neu bresgripsiwn amlroddadwy—

- (a) rhaid i'r contractwr cyfarpar GIG ofyn i unrhyw berson sy'n gwneud datganiad nad oes rhaid i'r person a enwir ar y ffurflen bresgripsiwn neu'r presgripsiwn amlroddadwy dalu'r ffioedd a bennir yn rheoliad 3 o'r Rheoliadau Ffioedd (cyflenwi cyffuriau a chyfarpar gan fferyllwyr), yn rhinwedd naill ai—

- (i) hawlogaeth i gael esemptiad o dan reoliad 8 o'r Rheoliadau Ffioedd (esemptiadau), neu

- (ii) hawlogaeth i beidio â thalu ffioedd o dan reoliad 5 o'r Rheoliadau Peidio â Chodi Tâl (hawlogaeth i beidio â thalu ffi o gwbl ac i gael taliad llawn),
 gyflwyno tystiolaeth foddhaol o'r hawlogaeth honno, oni bai bod y datganiad mewn cysylltiad â hawlogaeth i gael esemptiad yn rhinwedd rheoliad 8 o'r Rheoliadau Ffioedd neu mewn cysylltiad â hawlogaeth i beidio â thalu yn rhinwedd rheoliad 5(1)(e) neu (2) o'r Rheoliadau Peidio â Chodi Tâl, a bod tystiolaeth o'r fath eisoes wedi ei rhoi ar gael i'r contractwr cyfarpar GIG ar adeg gwneud y datganiad,
- (b) yn achos ffurflen bresgripsiwn anelectronig neu bresgripsiwn amlroddadwy anelectronig, os na chyflwynir tystiolaeth foddhaol i'r contractwr cyfarpar GIG fel sy'n ofynnol gan baragraff (a), rhaid i'r contractwr cyfarpar GIG arnodi'r ffurflen y gwneir y datganiad arni i'r perwyl hwnnw, ac
- (c) yn achos ffurflen bresgripsiwn electronig neu bresgripsiwn amlroddadwy electronig, rhaid i'r contractwr cyfarpar GIG gydymffurfio ag unrhyw ofynion gan y gwasanaeth TPE i ddarparu—
 - (i) cofnod o'r esemptiad rhag talu neu'r hawlogaeth i beidio â thalu a hawliwyd, ac a gyflwynwyd tystiolaeth foddhaol, fel y cyfeirir ati ym mharagraff (a), a
 - (ii) mewn unrhyw achos pan fo ffi yn ddyledus, gadarnhad bod y ffi berthnasol wedi ei thalu.

(4) Mae is-baragraff (3) yn gymwys i ddarparu cyfarpar yn unol â PPD fel y mae'n gymwys i ddarparu cyfarpar yn unol â ffurflen bresgripsiwn neu bresgripsiwn amlroddadwy (neu swp-dddyroddiad cysylltiedig), ac at y dibenion hyn, mae'r presgripsiwn at ddibenion ad-dalu cost y cynnyrch, fel y'i crybwyllir ym mharagraff 5(4)(a), yn cael ei drin fel y presgripsiwn y darperir y cyfarpar yn unol ag ef (er nad yw'r cyflenwi yn unol â'r presgripsiwn hwnnw).

Darparu cyfarpar

8.—(1) Pan fo ffurflen bresgripsiwn neu bresgripsiwn amlroddadwy wedi ei chyflwyno neu ei gyflwyno i contractwr cyfarpar GIG, ni chaiff y contractwr cyfarpar GIG ddarparu'r cyfarpar a archebir felly ond—

- (a) os yw'r ffurflen bresgripsiwn neu'r presgripsiwn amlroddadwy wedi ei llofnodi a'i chwlhau neu ei lofnodi a'i gwblhau yn briodol, fel y'i disgrifir ym mharagraff 4, a
- (b) yn unol â'r archeb sydd ar y ffurflen bresgripsiwn neu'r presgripsiwn amlroddadwy,

yn ddarostyngedig i unrhyw reoliadau sydd mewn grym o dan Ddeddf Pwysau a Mesurau 1985 a'r darpariaethau a ganlyn o'r Atodlen hon.

(2) Os yw'r archeb yn archeb am fath o gyfarpar y mae'n ofynnol ei fesur a'i ffitio gan y contractwr cyfarpar GIG neu os yw cynnyrch sydd i'w ddarparu yn unol â PPD yn fath o'r cyfarpar hwnnw, rhaid i'r contractwr cyfarpar GIG wneud yr holl drefniadau angenrheidiol ar gyfer—

- (a) mesur y person a enwir ar y ffurflen bresgripsiwn neu'r presgripsiwn amlroddadwy am y cyfarpar, a
- (b) ffitio'r cyfarpar.

(3) Os yw'r archeb yn archeb am gyfarpar sydd wedi ei gynnwys yn y Tariff Cyffuriau, Fformiwlari Cenedlaethol Prydain (gan gynnwys unrhyw Atodiad a gyhoeddwyd fel rhan o'r Fformiwlari hwnnw), Fformiwlari'r Ymarferydd Deintyddol, y Cyffurlyfr Ewropeaidd neu Godecs Fferyllol Prydain neu os yw cynnyrch sydd i'w ddarparu yn unol â PPD yn gyfarpar o'r fath, rhaid i'r cyfarpar a ddarperir gydymffurfio â'r safon neu'r fformiwla a bennir yno.

(4) Pan fo contractwr cyfarpar GIG yn darparu cyfarpar o dan baragraff 5, rhaid i'r contractwr cyfarpar GIG gynnwys gydag ef mewn nodyn ysgrifenedig, er budd y claf, wybodaeth i'r perwyl bod y cynnyrch yn cael ei gyflenwi yn unol â PPD, gan nodi'r PPD penodol.

Gwrthod darparu cyfarpar a archebwyd

9.—(1) Caiff contractwr cyfarpar GIG wrthod darparu cyfarpar a archebwyd ar ffurflen bresgripsiwn neu bresgripsiwn amlroddadwy—

- (a) pan fo'r contractwr cyfarpar GIG yn credu, yn rhesymol, nad yw'n archeb ddilys ar gyfer y person a enwir ar y ffurflen bresgripsiwn neu'r presgripsiwn amlroddadwy,
- (b) pan fo'n ymddangos i'r contractwr cyfarpar GIG fod camgymeriad ar y ffurflen bresgripsiwn neu ar y presgripsiwn amlroddadwy neu, yn achos presgripsiwn amlroddadwy anelectronig, ei swp-ddyroddiad cysylltiedig (gan gynnwys camgymeriad clinigol a wnaed gan y rhagnodydd) neu y byddai darparu'r cyfarpar, o dan yr amgylchiadau, yn groes i farn glinigol y contractwr cyfarpar GIG,
- (c) pan fo'r contractwr cyfarpar GIG neu bersonau eraill yn dioddef trais neu'n cael eu bygwth â thrais gan y person sy'n cyflwyno'r ffurflen bresgripsiwn neu'r presgripsiwn amlroddadwy neu sy'n gofyn i gyfarpar gael ei ddarparu yn unol â ffurflen bresgripsiwn neu bresgripsiwn amlroddadwy, neu gan unrhyw berson sydd yng nghwmni'r person hwnnw, neu
- (d) pan fo'r person sy'n cyflwyno'r ffurflen bresgripsiwn neu'r presgripsiwn amlroddadwy neu sy'n gofyn i gyfarpar gael ei ddarparu yn unol â ffurflen bresgripsiwn electronig neu bresgripsiwn amlroddadwy electronig neu unrhyw berson arall sydd yng nghwmni'r person hwnnw, yn cyflawni neu'n bygwth cyflawni trosedd.

(2) Rhaid i gontractwr cyfarpar GIG wrthod darparu cyfarpar a archebir ar ffurflen bresgripsiwn neu bresgripsiwn amlroddadwy—

- (a) pan fo PPD yn cael effaith mewn cysylltiad ag—
 - (i) y cyfarpar y gofynnir amdano, neu
 - (ii) cyfarpar o ddisgrifiad penodedig, a bod y cyfarpar y gofynnir amdano o'r disgrifiad hwnnw, a
- (b) pan fo darpariaeth amgen eisoes wedi digwydd yn unol â'r PPD.

(3) Caiff contractwr cyfarpar GIG wrthod darparu cyfarpar a archebir ar ffurflen bresgripsiwn neu bresgripsiwn amlroddadwy—

- (a) pan fo PPD yn cael effaith mewn cysylltiad ag—
 - (i) y cyfarpar y gofynnir amdano, neu
 - (ii) cyfarpar o ddisgrifiad penodedig, a bod y cyfarpar y gofynnir amdano o'r disgrifiad hwnnw,
- (b) pan fo'r contractwr cyfarpar GIG o'r farn bod cyflenwi cynnyrch gwahanol neu swm gwahanol o gynnyrch i'r hyn a archebwyd gan y rhagnodydd yn afresymol neu'n amhriodol, ac

(c) pan na fo'r contractwr cyfarpar GIG yn gallu darparu'r cyfarpar o fewn amserlen resymol, ond os yw'r contractwr cyfarpar GIG yn gwrthod gwneud hynny, rhaid iddo ddarparu cyngor priodol, fel y bo'n angenrheidiol, i'r claf neu i'r person sy'n gofyn am y cyfarpar ar ran y claf ynghylch dychwelyd i'r rhagnodydd er mwyn i'r rhagnodydd adolygu triniaeth y claf.

(4) Rhaid i gontractwr cyfarpar GIG wrthod darparu cyfarpar a archebwyd ar bresgripsiwn amlroddadwy—

- (a) pan na fo ganddo gofnod o'r presgripsiwn hwnnw,
- (b) pan na fo ganddo, yn achos presgripsiwn amlroddadwy anelectronig, unrhyw swp-ddyroddiad cysylltiedig a phan na fo swp-ddyroddiad o'r fath wedi ei gyflwyno,
- (c) pan na fo wedi ei lofnodi gan rhagnodydd amlroddadwy,

- (d) pan fyddai gwneud hynny yn anghyson ag unrhyw ysbeidiau a bennir yn y presgripsiwn,
 - (e) pan hwnnw fyddai'r tro cyntaf i gyfarpar gael ei ddarparu yn unol â'r presgripsiwn, a phan fo'r presgripsiwn wedi ei lofnodi (yn electronig neu fel arall) fwy na 6 mis yn gynharach,
 - (f) pan fo'r presgripsiwn amlroddadwy wedi ei lofnodi (yn electronig neu fel arall) fwy nag 1 flwyddyn yn gynharach,
 - (g) pan fo'r dyddiad dod i ben ar y presgripsiwn amlroddadwy wedi mynd heibio, neu
 - (h) pan fo'r rhagnodydd amlroddadwy wedi rhoi gwybod iddo nad oes angen y presgripsiwn mwyach.
- (5) Pan fo claf yn gofyn i gyfarpar a archebwyd ar bresgripsiwn amlroddadwy (ac eithrio'r tro cyntaf y mae'n gofyn felly) gael ei gyflenwi, ni chaiff contractwr cyfarpar GIG ddarparu'r cyfarpar a archebwyd oni bai ei fod wedi ei fodloni—
- (a) o ran y claf y mae'r presgripsiwn yn ymwneud ag ef—
 - (i) ei fod yn ddefnyddio'r cyfarpar yn briodol, ac yn debygol o barhau i'w ddefnyddio felly, a
 - (ii) nad yw'n dioddef unrhyw un neu ragor o sgil effeithiau'r driniaeth sy'n dangos bod angen, neu ei bod yn ddymunol, adolygu triniaeth y claf,
 - (b) nad yw'r modd y defnyddir y cyfarpar gan y claf y mae'r presgripsiwn yn ymwneud ag ef wedi newid mewn ffordd sy'n dangos bod angen, neu ei bod yn ddymunol, adolygu triniaeth y claf, ac
 - (c) nad oes unrhyw newidiadau wedi bod yn iechyd y claf y mae'r presgripsiwn yn ymwneud ag ef sy'n dangos bod angen, neu ei bod yn ddymunol, adolygu triniaeth y claf.

Gweithgareddau pellach sydd i'w cyflawni mewn cysylltiad â darparu gwasanaethau gweinyddu

10.—(1) Mewn cysylltiad â'r gwasanaethau a ddarperir o dan baragraff 3, rhaid i gontractwr cyfarpar GIG—

- (a) sicrhau y rhoddir cyngor priodol i gleifion ynghylch unrhyw gyfarpar a ddarperir iddynt—
 - (i) i'w galluogi i ddefnyddio'r cyfarpar yn briodol, a
 - (ii) i ddiwallu anghenion rhesymol y cleifion am wybodaeth gyffredinol ynglŷn â'r cyfarpar,
- (b) darparu cyngor priodol i gleifion y mae'n darparu cyfarpar iddynt ynglŷn â chadw'r cyfarpar yn ddiogel,
- (c) wrth ddarparu cyfarpar i glaf yn unol â ffurflen bresgripsiwn neu bresgripsiwn amlroddadwy—
 - (i) darparu cyngor priodol, yn benodol ar bwysigrwydd dim ond gofyn am yr eitemau hynny y mae eu hangen arno mewn gwirionedd, a
 - (ii) at y dibenion hynny, roi sylw i'r manylion sydd wedi eu cynnwys yn y cofnodion a gynhelir o dan baragraff (f) mewn cysylltiad â darparu cyfarpar a'r patrwm rhagnodi sy'n ymwneud â'r claf o dan sylw,
- (d) darparu i glaf nodyn ysgrifenedig o unrhyw gyfarpar sy'n ddyledus iddo, a rhoi gwybod i'r claf pa bryd y disgwylir y daw'r cyfarpar ar gael,
- (e) darparu i glaf nodyn ysgrifenedig o enw, cyfeiriad a rhif ffôn y contractwr cyfarpar GIG,
- (f) cadw a chynnal cofnodion—
 - (i) o'r cyfarpar a ddarperir, er mwyn hwyluso parhad gofal y claf,

- (ii) mewn achosion priodol, o'r cyngor a roddir ac unrhyw ymyriadau neu atgyfeiriadau a wneir (gan gynnwys ymyriadau o arwyddocâd clinigol mewn achosion sy'n ymwneud â phresgripsiynau amlroddadwy), a
- (iii) o nodiadau a ddarperir o dan baragraff (d),
- (g) ymgymryd â hyfforddiant priodol mewn cysylltiad ag amlweinyddu, gan roi sylw i unrhyw argymhellion mewn cysylltiad â'r hyfforddiant hwnnw a nodir yn y Tariff Cyffuriau,
- (h) os yw'r contractwr cyfarpar GIG yn cymryd meddiant o bresgripsiwn amlroddadwy anelectronig neu swp-ddyroddiad cysylltiedig, storio'r presgripsiwn amlroddadwy hwnnw neu'r swp-ddyroddiad cysylltiedig hwnnw yn ddiogel,
- (i) os yw'r contractwr cyfarpar GIG yn darparu cyfarpar o dan bresgripsiwn electronig, ddarparu i'r claf, os yw'r claf yn gofyn amdano, gofnod ysgrifenedig o'r cyfarpar a archebwyd ar y presgripsiwn hwnnw, ac yn achos presgripsiwn amlroddadwy electronig, gofnod o nifer y troeon y caniateir ei weinyddu,
- (j) cynnal cofnodion o bresgripsiynau amlroddadwy ar ffurf a fydd yn darparu trywydd archwilio eglur o'r cyflenwadau o dan y presgripsiwn amlroddadwy (gan gynnwys dyddiadau a'r symiau a gyflenwir),
- (k) dinistrio unrhyw swp-ddyroddiadau dros ben sy'n ymwneud â chyfarpar—
 - (i) nad oes eu hangen, neu
 - (ii) y gwrthodwyd ei ddarparu i glaf yn unol â pharagraff 9,
- (l) sicrhau, pan wrthodir darparu cyfarpar i berson yn unol â pharagraff 9(1)(b), (2) neu (3), yr atgyfeirir y claf yn ôl at y rhagnodydd am gyngor pellach,
- (m) pan fo cyfarpar wedi ei ddarparu i glaf o dan bresgripsiwn amlroddadwy, hysbysu'r rhagnodydd am unrhyw faterion o arwyddocâd clinigol sy'n codi mewn cysylltiad â'r presgripsiwn a chadw cofnod o'r hysbysiad hwnnw,
- (n) hysbysu'r rhagnodydd am unrhyw wrthodiad i ddarparu cyfarpar yn unol â pharagraff 9(3), ac
- (o) wrth ddarparu cyfarpar penodedig, gydymffurfio â'r gofynion ychwanegol a nodir ym mharagraff 11.

(2) Pan na fo contractwr cyfarpar GIG, wrth i ffurflen bresgripsiwn neu bresgripsiwn amlroddadwy gael ei chyflwyno neu ei gyflwyno mewn cysylltiad â gweinyddu cyfarpar o dan baragraff 4, yn gallu darparu cyfarpar, neu pan fo angen addasu cyfarpar stoma ac na fo'r contractwr cyfarpar GIG yn gallu darparu'r addasiad hwnnw, rhaid i'r contractwr cyfarpar GIG—

- (a) os yw'r claf yn cydsynio, atgyfeirio'r ffurflen bresgripsiwn neu'r presgripsiwn amlroddadwy at contractwr cyfarpar GIG arall neu at fferylllydd GIG, neu
- (b) os nad yw'r claf yn cydsynio i atgyfeirio, ddarparu i'r claf fanylion cyswllt o leiaf ddau berson sy'n fferyllwyr GIG neu'n gontractwyr cyfarpar GIG sy'n gallu darparu'r cyfarpar neu addasu'r cyfarpar stoma (yn ôl y digwydd), os yw'r manylion hyn yn hysbys i'r contractwr cyfarpar GIG.

Gofynion ychwanegol mewn perthynas â chyfarpar penodedig

11.—(1) Mae'r paragraff hwn yn nodi'r gofynion ychwanegol y cyfeirir atynt ym mharagraff 10(1)(o) sy'n ymwneud â darparu cyfarpar penodedig.

(2) Rhaid i gontractwr cyfarpar GIG sy'n gweinyddu cyfarpar penodedig yng nghwrs arferol busnes ddarparu gwasanaeth danfon i gartrefi mewn cysylltiad â'r cyfarpar hwnnw ac, fel rhan o'r gwasanaeth hwnnw—

- (a) rhaid i'r contractwr cyfarpar GIG gynnig danfon y cyfarpar penodedig i gartref y claf,

- (b) os yw'r claf yn derbyn y cynnig hwnnw, rhaid gwneud y danfoniad yn rhesymol brydlon ac ar yr adeg y cytunir arni â'r claf,
 - (c) rhaid danfon y cyfarpar penodedig mewn pecyn nad yw'n arddangos unrhyw ysgrifen neu farciau eraill a allai ddangos ei gynnwys, a
 - (d) ni chaiff y modd y danfonir y pecyn ac unrhyw eitemau atodol sy'n ofynnol gan is-baragraff (3) gyfleu'r math o gyfarpar a ddanfonir.
- (3) Mewn unrhyw achos pan fo cyfarpar penodedig yn cael ei ddarparu (drwy ei ddanfon i'r cartref neu fel arall), rhaid i'r contractwr cyfarpar GIG ddarparu cyflenwad rhesymol o eitemau atodol priodol (megis clytiau tafladwy a bagiau gwaredu) ac—
- (a) rhaid iddo sicrhau y caiff y claf, os yw'r claf yn dymuno, ymgynghori â pherson i gael cyngor clinigol arbenigol ynglŷn â'r cyfarpar, neu
 - (b) os yw'r contractwr cyfarpar GIG yn credu ei bod yn briodol gwneud hynny, rhaid iddo—
 - (i) atgyfeirio'r claf at ragnodydd, neu
 - (ii) cynnig gwasanaeth adolygu defnyddio cyfarpar i'r claf.
- (4) Os na all y contractwr cyfarpar GIG ddarparu gwasanaeth adolygu defnyddio cyfarpar yn unol ag is-baragraff (3)(b)(ii), rhaid iddo roi i'r claf fanylion cyswllt o leiaf ddau berson sy'n fferyllwyr GIG neu'n gontractwyr cyfarpar GIG sy'n gallu trefnu i'r gwasanaeth gael ei ddarparu, os yw'r manylion hyn yn hysbys i'r contractwr cyfarpar GIG.
- (5) Pan fo contractwr cyfarpar GIG yn darparu llinell gofal ffôn mewn cysylltiad â gweinyddu unrhyw gyfarpar penodedig, rhaid iddo sicrhau, yn ystod cyfnodau y tu allan i oriau—
- (a) bod cyngor yn cael ei roi ar gael i gleifion drwy'r llinell gofal ffôn honno, neu
 - (b) bod rhif ffôn Galw Iechyd Cymru, neu gyfeiriad gwefan Galw Iechyd Cymru, yn cael ei roi ar gael i gleifion drwy'r llinell gofal ffôn.
- (6) At ddibenion y paragraff hwn—
- ystyr “cyfnodau y tu allan i oriau” (“*out of hours periods*”), mewn perthynas â phob un o'r mangreoedd y mae contractwr cyfarpar GIG wedi ymgymryd â darparu gwasanaethau fferyllol ohonynt, yw'r cyfnodau y tu allan i'r cyfnodau pan fo'r contractwr cyfarpar GIG o dan rwymedigaeth i ddarparu gwasanaethau fferyllol yn rhinwedd paragraff 13;
- ystyr “cyngor clinigol arbenigol” (“*expert clinical advice*”), mewn perthynas â chyfarpar penodedig, yw cyngor a roddir gan berson sydd wedi ei hyfforddi'n addas ac sydd â phrofiad perthnasol mewn cysylltiad â'r cyfarpar.

Cyfeirio defnyddwyr

12.—(1) Pan na fo contractwr cyfarpar GIG, wrth i ffurflen bresgripsiwn neu bresgripsiwn amlroddadwy gael ei chyflwyno neu ei gyflwyno, yn gallu darparu cyfarpar neu addasu cyfarpar stoma oherwydd nad yw darparu'r cyfarpar neu'r addasu yng nghwrs arferol ei fusnes, rhaid i'r contractwr cyfarpar GIG—

- (a) os yw'r claf yn cydsynio, atgyfeirio'r ffurflen bresgripsiwn neu'r presgripsiwn amlroddadwy at gontractwr cyfarpar GIG arall neu at fferylllydd GIG, a
- (b) os nad yw'r claf yn cydsynio i atgyfeirio, ddarparu i'r claf fanylion cyswllt o leiaf ddau berson sy'n fferyllwyr GIG neu'n gontractwyr cyfarpar GIG sy'n gallu darparu'r cyfarpar neu addasu'r cyfarpar stoma (yn ôl y digwydd), os yw'r manylion hyn yn hysbys i'r contractwr cyfarpar GIG.

(2) Rhaid i'r contractwr cyfarpar GIG, mewn achosion priodol, gadw a chynnal cofnod o unrhyw wybodaeth a roddir neu atgyfeiriad a wneir o dan is-baragraff (1), a rhaid i'r cofnod hwnnw fod ar ffurf sy'n hwyluso—

- (a) archwilio'r gwasanaethau fferyllol a ddarperir gan y contractwr cyfarpar GIG, a
- (b) gofal dilynol i'r person y rhoddwyd yr wybodaeth iddo neu y gwnaed yr atgyfeiriad mewn cysylltiad ag ef.

Oriau agor: cyffredinol

13.—(1) Rhaid i gontractwr cyfarpar GIG sicrhau y darperir gwasanaethau fferyllol ym mhob un o'r mangreoedd y mae wedi ymgymryd â darparu gwasanaethau fferyllol ohonynt—

- (a) am ddim llai na 30 o oriau bob wythnos;
- (b) os yw'r Bwrdd Iechyd Lleol y mae'r contractwr cyfarpar GIG wedi ei gynnwys yn ei restr fferyllol, neu Weinidogion Cymru yn dilyn apêl, wedi cyfarwyddo (naill ai o dan yr Atodlen hon neu Atodlen 5 i Reoliadau 2013) y caiff y contractwr cyfarpar GIG ddarparu gwasanaethau fferyllol yn y fangre am lai na 30 o oriau yr wythnos ar yr amod y darperir y gwasanaethau hynny ar amseroedd penodol ac ar ddiwrnodau penodol, ar yr amseroedd ac ar y diwrnodau a bennwyd felly,
- (c) os yw'r Bwrdd Iechyd Lleol y mae'r contractwr cyfarpar GIG wedi ei gynnwys yn ei restr fferyllol, neu Weinidogion Cymru yn dilyn apêl, wedi cyfarwyddo (naill ai o dan yr Atodlen hon neu Atodlen 5 i Reoliadau 2013) fod rhaid i'r contractwr cyfarpar GIG ddarparu gwasanaethau fferyllol yn y fangre am fwy na 30 o oriau yr wythnos ar amseroedd penodol ac ar ddiwrnodau penodol, ar yr amseroedd ac ar y diwrnodau a bennwyd felly, neu
- (d) os yw'r Bwrdd Iechyd Lleol y mae'r contractwr cyfarpar GIG wedi ei gynnwys yn ei restr fferyllol, neu Weinidogion Cymru yn dilyn apêl, wedi cyfarwyddo o dan yr Atodlen hon fod rhaid i'r contractwr cyfarpar GIG ddarparu gwasanaethau fferyllol yn y fangre am fwy na 30 o oriau bob wythnos—
 - (i) am y cyfanswm oriau bob wythnos sy'n ofynnol yn rhinwedd y cyfarwyddyd hwnnw, a
 - (ii) o ran yr oriau ychwanegol y mae'n ofynnol i'r contractwr cyfarpar GIG ddarparu gwasanaethau fferyllol yn rhinwedd y cyfarwyddyd hwnnw, ar y diwrnodau ac ar yr amseroedd y mae'n ofynnol i'r contractwr cyfarpar GIG ddarparu gwasanaethau fferyllol yn ystod yr oriau ychwanegol hynny, fel y'i nodir yn y cyfarwyddyd hwnnw,

ond caiff Bwrdd Iechyd Lleol, o dan amgylchiadau priodol, gytuno i atal gwasanaethau fferyllol dros dro am gyfnod penodol, pan fo wedi cael 3 mis o rybudd o'r bwriad i atal y gwasanaethau dros dro.

(2) Ym mhob un o'r mangreoedd y mae contractwr cyfarpar GIG wedi ymgymryd â darparu gwasanaethau fferyllol ohonynt, rhaid i gontractwr cyfarpar GIG arddangos hysbysiad sy'n pennu'r diwrnodau a'r amseroedd y mae'r fangre ar agor ar gyfer darparu cyfarpar.

(3) Rhaid i gontractwr cyfarpar GIG, ar gais, gyflwyno datganiad i'r Bwrdd Iechyd Lleol sy'n nodi—

- (a) y diwrnodau a'r amseroedd y darperir gwasanaethau fferyllol ym mhob un o'r mangreoedd y mae'r contractwr cyfarpar GIG wedi ymgymryd â darparu gwasanaethau fferyllol ohonynt (gan gynnwys yr amseroedd y mae'n darparu gwasanaethau fferyllol pan nad yw o dan rwymedigaeth i wneud hynny yn rhinwedd is-baragraff (1), y cyfeirir atynt yn y Rheoliadau hyn fel "oriau agor atodol"), a
 - (b) y gwasanaethau fferyllol y mae'r contractwr cyfarpar GIG fel arfer yn eu darparu ym mhob un o'r mangreoedd hynny.
- (4) Pan fo contractwr cyfarpar GIG yn newid—
- (a) y diwrnodau neu'r amseroedd y mae'r gwasanaethau fferyllol i'w darparu mewn mangre y mae wedi ymgymryd â darparu gwasanaethau fferyllol ohoni, neu

(b) y gwasanaethau fferyllol y mae fel arfer i'w darparu yn y fangre honno, rhaid i'r contractwr cyfarpar GIG gyflenwi, i'r Bwrdd Iechyd Lleol, ddatganiad sy'n rhoi gwybod iddo am y newid.

(5) Yn ddarostyngedig i is-baragraff (6), pan fo contractwr cyfarpar GIG wedi ei rwystro gan salwch neu achos rhesymol arall rhag cydymffurfio â'i rwymedigaethau o dan is-baragraff (1), rhaid i'r contractwr cyfarpar GIG, pan fo'n ymarferol, wneud trefniadau ag un neu ragor o contractwyr cyfarpar GIG, fferyllwyr GIG neu ddarparwyr gwasanaethau fferyllol lleol o dan gynllun peilot y mae eu mangreoedd yn y gymdogaeth ar gyfer darparu gwasanaethau fferyllol neu wasanaethau fferyllol lleol yn ystod y cyfnod hwnnw.

(6) Ni chaiff contractwr cyfarpar GIG wneud trefniant â darparwr gwasanaethau fferyllol lleol o dan gynllun peilot o dan is-baragraff (5) ond pan fo'r darparwr hwnnw yn darparu gwasanaethau fferyllol lleol o ddisgrifiad a graddau tebyg i'r gwasanaethau fferyllol y mae'r contractwr cyfarpar GIG fel arfer yn eu darparu.

(7) Pan fo darpariaeth gwasanaethau fferyllol gan contractwr cyfarpar GIG wedi ei hatal dros dro am reswm sydd y tu hwnt i'w reolaeth, ni fydd y contractwr cyfarpar GIG wedi torri is-baragraffau (1) a (2), ar yr amod bod y contractwr cyfarpar GIG—

- (a) yn hysbysu'r Bwrdd Iechyd Lleol am yr ataliad hwnnw cyn gynted ag y bo'n ymarferol, a
- (b) yn gwneud pob ymdrech resymol i aildechrau darparu gwasanaethau fferyllol cyn gynted ag y bo'n ymarferol.

(8) Nid yw gwaith a gynlluniwyd ymlaen llaw i ailwampio mangre yn “achos rhesymol” at ddibenion is-baragraff (5) nac yn “rheswm sydd y tu hwnt i'w reolaeth” at ddibenion is-baragraff (7).

(9) At ddibenion cyfrifo nifer yr oriau y mae mangre ar agor yn ystod wythnos sy'n cynnwys Dydd Nadolig, Dydd Gwener y Grogolith, Sul y Pasg neu ŵyl banc, bernir bod y fangre ar agor ar y diwrnod hwnnw ar yr amseroedd y byddai wedi bod ar agor fel arfer ar y diwrnod hwnnw o'r wythnos.

(10) Yn yr Atodlen hon, yr “oriau ychwanegol” y mae i fod yn ofynnol i contractwr cyfarpar GIG ddarparu gwasanaethau fferyllol yw'r oriau hynny pan na fyddai'r contractwr cyfarpar GIG yn darparu gwasanaethau fferyllol, pe bai'r contractwr cyfarpar GIG yn ddarostyngedig i'r amod a nodir yn is-baragraff (1)(a) ac nid yr amod a nodir yn is-baragraff (1)(d).

(11) Er gwaethaf darpariaethau paragraffau 14 i 17, yn ystod argyfwng sy'n ei gwneud yn ofynnol darparu gwasanaethau fferyllol mewn ffordd hyblyg, caiff Bwrdd Iechyd Lleol, os gwneir cais gan contractwr cyfarpar GIG, ganiatáu i'r contractwr cyfarpar GIG newid dros dro y diwrnodau neu'r amseroedd y mae'r contractwr cyfarpar GIG o dan rwymedigaeth i ddarparu gwasanaethau fferyllol yn y fangre y mae wedi ymgymryd â darparu gwasanaethau fferyllol ohoni, neu ganiatáu cau'r fangre honno dros dro—

- (a) os yw'r contractwr cyfarpar GIG yn rhoi o leiaf 24 awr o rybudd o'r newid neu'r cau, a
- (b) os yw'r rhesymau a roddir gan y contractwr cyfarpar GIG dros wneud y cais yn rhesymau digonol ym marn y Bwrdd Iechyd Lleol.

(12) Nid oes angen i'r Bwrdd Iechyd Lleol gymeradwyo'r cais y cyfeirir ato yn is-baragraff (11) cyn y newid neu'r cau, ac os nad yw'n gwneud hynny ond yn penderfynu yn ddiweddarach nad yw rhesymau'r contractwr cyfarpar GIG, yn ei farn, yn rhesymau digonol, yna mae'r diwrnodau neu'r amseroedd y mae'r contractwr cyfarpar GIG o dan rwymedigaeth i ddarparu gwasanaethau fferyllol yn y fangre i ddychwelyd i'r hyn a oeddent cyn eu disodli, o'r diwrnod ar ôl y dyddiad y rhoddir y penderfyniad hwnnw i'r contractwr cyfarpar GIG.

Materion i'w hystyried wrth ddyroddi cyfarwyddydau mewn cysylltiad ag oriau agor

14.—(1) Pan fo Bwrdd Iechyd Lleol yn dyroddi cyfarwyddyd sy'n pennu unrhyw ddiwrnodau neu amseroedd o dan yr Atodlen hon, rhaid iddo, wrth wneud hynny, geisio sicrhau bod yr oriau

y mae mangre ar agor ar gyfer darparu gwasanaethau fferyllol yn rhai sy'n sicrhau y darperir y gwasanaethau fferyllol ar y diwrnodau hynny ac ar yr amseroedd hynny sy'n angenrheidiol er mwyn diwallu anghenion pobl yn y gymdogaeth, neu ddefnyddwyr tebygol eraill y fangre, am wasanaethau fferyllol.

(2) Wrth ystyried y materion a grybwyllir yn is-baragraff (1)—

- (a) rhaid i'r Bwrdd Iechyd Lleol drin unrhyw wasanaethau fferyllol lleol a ddarperir yn y gymdogaeth honno ar y diwrnodau a'r amseroedd o dan sylw fel pe baent yn wasanaethau fferyllol a ddarperid felly, a
- (b) caiff y Bwrdd Iechyd Lleol roi sylw i unrhyw wasanaethau fferyllol a ddarperir yn y gymdogaeth honno o dan amgylchiadau pan na fo'r person sy'n darparu'r gwasanaethau fferyllol o dan rwymedigaeth i ddarparu'r gwasanaethau hynny.

(3) Ni chaiff y Bwrdd Iechyd Lleol gyfarwyddo y caiff contractwr cyfarpar GIG ddarparu gwasanaethau fferyllol yn y fangre am lai na 30 o oriau yn ystod unrhyw wythnos, oni bai ei fod wedi ei fodloni bod y trefniadau ar gyfer cyflenwi cyfarpar yn y gymdogaeth yn debygol o fod yn ddigonol i ddiwallu'r angen am wasanaethau o'r fath ar yr amseroedd pan nad yw'r contractwr cyfarpar GIG yn darparu gwasanaethau fferyllol.

(4) Ni chaiff Bwrdd Iechyd Lleol gyfarwyddo bod rhaid i gontractwr cyfarpar GIG ddarparu gwasanaethau fferyllol yn y fangre am fwy na 30 o oriau yn ystod unrhyw wythnos, oni bai bod Bwrdd Iechyd Lleol wedi ei fodloni y bydd y contractwr cyfarpar GIG yn cael tâl rhesymol mewn cysylltiad â'r oriau ychwanegol y mae'n ofynnol iddo ddarparu gwasanaethau fferyllol (ac mae unrhyw dâl ychwanegol sy'n daladwy o dan y Tariff Cyffuriau mewn cysylltiad â'r oriau hynny yn "dâl rhesymol" at y dibenion hyn).

Penderfyniad a ysgogir gan y Bwrdd Iechyd Lleol ynghylch oriau agor

15.—(1) Pan fo'n ymddangos i'r Bwrdd Iechyd Lleol, ar ôl ymgynghori â'r Pwyllgor Fferyllol Lleol neu ar ôl ystyried y mater ar gais y Pwyllgor hwnnw, nad yw'r diwrnodau neu'r amseroedd y mae neu y bydd mangre ar agor ar gyfer cyflenwi cyfarpar yn diwallu anghenion y canlynol mwyach, neu na fyddant yn diwallu anghenion y canlynol—

- (a) pobl yn y gymdogaeth, neu
- (b) defnyddwyr tebygol eraill mangre'r contractwr cyfarpar GIG,

ar gyfer cyflenwi cyfarpar, caiff asesu pa un ai i ddyroddi cyfarwyddyd i'w gwneud yn ofynnol i'r contractwr cyfarpar GIG ddarparu gwasanaethau fferyllol yn y fangre ar amseroedd penodol ac ar ddiwrnodau penodol (a all gynnwys Ddydd Nadolig, Dydd Gwener y Groglith, Sul y Pasg a gwyliau banc).

(2) Cyn cwblhau'r asesiad o dan is-baragraff (1), rhaid i'r Bwrdd Iechyd Lleol—

- (a) rhoi hysbysiad i'r contractwr cyfarpar GIG o unrhyw newidiadau arfaethedig yn y diwrnodau neu'r amseroedd y mae'r fangre i fod ar agor, a
- (b) caniatáu cyfnod o 60 niwrnod i'r contractwr cyfarpar GIG ar gyfer cyflwyno sylwadau ysgrifenedig i'r Bwrdd Iechyd Lleol ynglŷn â'r newidiadau arfaethedig.

(3) Ar ôl ystyried unrhyw sylwadau a gyflwynir yn unol ag is-baragraff (2)(b), rhaid i'r Bwrdd Iechyd Lleol—

- (a) dyroddi cyfarwyddyd (a fydd yn disodli unrhyw gyfarwyddyd presennol) sy'n bodloni gofynion is-baragraffau (4) a (5), neu
- (b) cadarnhau unrhyw gyfarwyddyd presennol mewn cysylltiad â'r diwrnodau a'r amseroedd y mae rhaid i'r contractwr cyfarpar GIG ddarparu gwasanaethau fferyllol yn y fangre, ar yr amod y byddai'r cyfarwyddyd presennol, pa un a yw wedi ei ddyroddi o dan yr

Atodlen hon neu Atodlen 5 i Reoliadau 2013, yn bodloni gofynion is-baragraffau (4) a (5) pe dyroddid ef o dan y paragraff hwn, neu

(c) naill ai—

(i) dirymu (heb ei amnewid) unrhyw gyfarwyddyd presennol mewn cysylltiad â'r diwrnodau a'r amseroedd y mae rhaid i'r contractwr cyfarpar GIG ddarparu gwasanaethau fferyllol yn y fangre, pa un a yw wedi ei ddyroddi o dan yr Atodlen hon neu Atodlen 5 i Reoliadau 2013, neu

(ii) mewn achos pan na fo gyfarwyddyd presennol, beidio â dyroddi unrhyw gyfarwyddyd ac mewn achos o'r fath, yn rhinwedd paragraff 13(1)(a), rhaid i'r fangre fod ar agor am ddim llai na 30 o oriau bob wythnos.

(4) Pan fo Bwrdd Iechyd Lleol yn dyroddi cyfarwyddyd o dan is-baragraff (3), mewn cysylltiad â mangre y mae'n ofynnol iddi fod ar agor—

(a) am fwy na 30 o oriau bob wythnos, rhaid iddo, yn y cyfarwyddyd hwnnw, nodi—

(i) cyfanswm nifer yr oriau bob wythnos y mae rhaid i'r contractwr cyfarpar GIG ddarparu gwasanaethau fferyllol yn y fangre, a

(ii) ynglŷn â'r oriau ychwanegol y mae'r contractwr cyfarpar GIG i ddarparu gwasanaethau fferyllol, y diwrnodau a'r amseroedd y mae'n ofynnol iddo ddarparu'r gwasanaethau hynny yn ystod yr oriau ychwanegol hynny,

ond ni chaiff, yn y cyfarwyddyd hwnnw, nodi'r diwrnodau neu'r amseroedd y mae'r contractwr cyfarpar GIG i ddarparu gwasanaethau fferyllol yn ystod oriau nad ydynt yn oriau ychwanegol, neu

(b) am lai na 30 o oriau bob wythnos, rhaid iddo, yn y cyfarwyddyd hwnnw, nodi'r diwrnodau a'r amseroedd y mae gwasanaethau fferyllol i'w darparu yn y fangre honno.

(5) Ni chaiff y Bwrdd Iechyd Lleol ddyroddi cyfarwyddyd o dan is-baragraff (3) os ei effaith, yn syml, yw ei gwneud yn ofynnol i fangre fod ar agor am 30 o oriau bob wythnos ar ddiwrnodau penodol ac amseroedd penodol (hynny yw, rhaid i'r cyfarwyddyd gael yr effaith o'i gwneud yn ofynnol i fangre fod ar agor am naill ai mwy neu lai na 30 o oriau bob wythnos).

(6) Rhaid i'r Bwrdd Iechyd Lleol hysbysu'r contractwr cyfarpar GIG yn ysgrifenedig am unrhyw gyfarwyddyd a ddyroddir, neu unrhyw gam gweithredu arall a gymerir, o dan is-baragraff (3), a phan fo'n pennu diwrnodau newydd neu amseroedd newydd y mae'r contractwr cyfarpar GIG i ddarparu gwasanaethau fferyllol yn y fangre, rhaid iddo gynnwys gyda'r hysbysiad ddatganiad o'r canlynol—

(a) y rhesymau dros y newid, a

(b) hawl y contractwr cyfarpar GIG i apelio o dan is-baragraff (7).

(7) Caiff contractwr cyfarpar GIG, o fewn 30 o ddiwrnodau i gael hysbysiad o dan is-baragraff (6), apelio'n ysgrifenedig i Weinidogion Cymru yn erbyn unrhyw gyfarwyddyd a ddyroddwyd neu unrhyw gam gweithredu arall a gymerwyd o dan is-baragraff (3), sy'n pennu diwrnodau newydd neu amseroedd newydd y mae'r contractwr cyfarpar GIG i ddarparu gwasanaethau fferyllol.

(8) Caiff Gweinidogion Cymru, wrth benderfynu apêl, naill ai cadarnhau'r cam gweithredu a gymerwyd gan y Bwrdd Iechyd Lleol neu gymryd unrhyw gam gweithredu y gallai'r Bwrdd Iechyd Lleol fod wedi ei gymryd o dan is-baragraff (3).

(9) Rhaid i Weinidogion Cymru hysbysu'r contractwr cyfarpar GIG yn ysgrifenedig am benderfyniad o dan is-baragraff (8) a rhaid iddynt, ym mhob achos, gynnwys gyda'r hysbysiad ddatganiad ysgrifenedig o'r rhesymau dros y penderfyniad.

(10) Os yw'r diwrnodau neu'r amseroedd y mae contractwr cyfarpar GIG i ddarparu gwasanaethau fferyllol yn y fangre wedi eu newid yn unol â'r paragraff hwn, rhaid i'r contractwr cyfarpar GIG gyflwyno'r newidiadau—

- (a) os nad yw wedi apelio o dan is-baragraff (7), ddim hwyrach nag 8 wythnos ar ôl y dyddiad y mae'n cael hysbysiad o dan is-baragraff (6), neu
- (b) os yw wedi apelio o dan is-baragraff (7), ddim hwyrach nag 8 wythnos ar ôl y dyddiad y mae'n cael hysbysiad o dan is-baragraff (9).

Penderfyniad a ysgogir gan y contractwr cyfarpar GIG ynghylch oriau agor

16.—(1) Caiff contractwr cyfarpar GIG wneud cais i Fwrdd Iechyd Lleol yn ysgrifenedig, gan roi 90 o ddiwrnodau o rybudd iddo newid y diwrnodau neu'r amseroedd y mae'r contractwr cyfarpar GIG o dan rwymedigaeth i ddarparu gwasanaethau fferyllol yn ei fangre, mewn ffordd—

- (a) sy'n lleihau cyfanswm nifer yr oriau y mae'r contractwr cyfarpar GIG o dan rwymedigaeth i ddarparu gwasanaethau fferyllol bob wythnos, neu
- (b) sy'n cadw'r cyfanswm nifer oriau hwnnw yn ddigyfnwid.

(2) Pan fo contractwr cyfarpar GIG yn gwneud cais o dan is-baragraff (1), rhaid iddo, fel rhan o'r cais hwnnw, ddarparu i'r Bwrdd Iechyd Lleol unrhyw wybodaeth y mae'r Bwrdd Iechyd Lleol yn gofyn yn rhesymol amdani mewn cysylltiad ag unrhyw newidiadau yn anghenion pobl yn y gymdogaeth, neu ddefnyddwyr tebygol eraill y fangre, am wasanaethau fferyllol sy'n berthnasol i'r cais.

(3) Rhaid i'r Bwrdd Iechyd Lleol benderfynu cais o dan is-baragraff (1) o fewn 60 niwrnod i'w gael (gan gynnwys unrhyw wybodaeth sy'n ofynnol gan y ceisydd yn unol ag is-baragraff (2)).

(4) Wrth benderfynu'r cais, rhaid i'r Bwrdd Iechyd Lleol—

- (a) dyroddi cyfarwyddyd (a fydd yn disodli unrhyw gyfarwyddyd presennol) sy'n bodloni gofynion is-baragraffau (5) a (6) ac yn cael yr effaith naill ai o ganiatáu'r cais o dan y paragraff hwn neu ei ganiatáu'n rhannol yn unig,
- (b) cadarnhau unrhyw gyfarwyddyd presennol mewn cysylltiad â'r diwrnodau a'r amseroedd y mae rhaid i'r contractwr cyfarpar GIG ddarparu gwasanaethau fferyllol yn y fangre, ar yr amod y byddai'r cyfarwyddyd presennol, pa un a yw wedi ei ddyroddi o dan yr Atodlen hon neu o dan Atodlen 5 i Reoliadau 2013, yn bodloni gofynion is-baragraffau (5) a (6), neu
- (c) naill ai—
 - (i) dirymu (heb ei amnewid) unrhyw gyfarwyddyd presennol mewn cysylltiad â'r diwrnodau a'r amseroedd y mae rhaid i'r contractwr cyfarpar GIG ddarparu gwasanaethau fferyllol yn y fangre, pa un a yw wedi ei ddyroddi o dan yr Atodlen hon neu o dan Atodlen 5 i Reoliadau 2013, pan fo hyn yn cael yr effaith o ganiatáu'r cais o dan y paragraff hwn neu ei ganiatáu'n rhannol yn unig, neu
 - (ii) mewn achos pan na fo cyfarwyddyd presennol, beidio â dyroddi unrhyw gyfarwyddyd,

ac mewn achos o'r fath, yn rhinwedd paragraff 13(1)(a), rhaid i'r fangre fod ar agor am ddim llai na 30 o oriau bob wythnos.

(5) Pan fo Bwrdd Iechyd Lleol yn dyroddi cyfarwyddyd o dan is-baragraff (4) mewn cysylltiad â mangre y mae'n ofynnol iddi fod ar agor—

- (a) am fwy na 30 o oriau bob wythnos, rhaid iddo, yn y cyfarwyddyd hwnnw, nodi—
 - (i) cyfanswm nifer yr oriau bob wythnos y mae rhaid i'r contractwr cyfarpar GIG ddarparu gwasanaethau fferyllol yn y fangre, a
 - (ii) ynglŷn â'r oriau ychwanegol y mae'r contractwr cyfarpar GIG i ddarparu gwasanaethau fferyllol, y diwrnodau a'r amseroedd y mae'n ofynnol iddo ddarparu'r gwasanaethau hynny yn ystod yr oriau ychwanegol hynny,

ond ni chaiff, yn y cyfarwyddyd hwnnw, nodi'r diwrnodau neu'r amseroedd y mae'r contractwr cyfarpar GIG i ddarparu gwasanaethau fferyllol yn ystod oriau nad ydynt yn oriau ychwanegol, neu

- (b) am lai na 30 o oriau bob wythnos, rhaid iddo, yn y cyfarwyddyd hwnnw, nodi'r diwrnodau a'r amseroedd y mae gwasanaethau fferyllol i'w darparu yn y fangre honno.

(6) Ni chaiff y Bwrdd Iechyd Lleol ddyroddi cyfarwyddyd o dan is-baragraff (4) os ei effaith, yn syml, yw ei gwneud yn ofynnol i fangre fod ar agor am 30 o oriau bob wythnos ar ddiwrnodau penodol ac amseroedd penodol (hynny yw, rhaid i'r cyfarwyddyd gael yr effaith o'i gwneud yn ofynnol i fangre fod ar agor am naill ai mwy neu lai na 30 o oriau bob wythnos).

(7) Pan fo'r Bwrdd Iechyd Lleol yn ystyried gweithredu o dan is-baragraff (4)(a) neu (4)(c)(i), rhaid iddo ymgynghori â'r Pwyllgor Fferyllol Lleol cyn penderfynu'r cais.

(8) Rhaid i Fwrdd Iechyd Lleol hysbysu'r contractwr cyfarpar GIG am unrhyw gyfarwyddyd a ddyroddir, neu unrhyw gam gweithredu arall a gymerir, o dan is-baragraff (4), a phan fo hyn yn cael yr effaith o wrthod cais o dan y paragraff hwn, neu ei ganiatáu'n rhannol, rhaid iddo anfon at y contractwr cyfarpar GIG ddatganiad sy'n nodi—

- (a) y rhesymau dros y gwrthodiad neu, yn ôl y digwydd, dros ganiatáu'r cais yn rhannol yn unig, a
- (b) hawl y contractwr cyfarpar GIG i apelio o dan is-baragraff (9).

(9) Caiff contractwr cyfarpar GIG, o fewn 30 o ddiwrnodau i gael hysbysiad yn unol ag is-baragraff (8), apelio i Weinidogion Cymru yn erbyn unrhyw gam gweithredu o dan is-baragraff (4) sy'n cael yr effaith o wrthod cais o dan y paragraff hwn neu ei ganiatáu'n rhannol yn unig.

(10) Caiff Gweinidogion Cymru, wrth benderfynu apêl, naill ai cadarnhau'r cam gweithredu a gymerwyd gan y Bwrdd Iechyd Lleol neu gymryd unrhyw gam gweithredu y gallai'r Bwrdd Iechyd Lleol fod wedi ei gymryd o dan is-baragraff (4).

(11) Rhaid i Weinidogion Cymru hysbysu'r contractwr cyfarpar GIG yn ysgrifenedig am eu penderfyniad a rhaid iddynt, ym mhob achos, gynnwys gyda'r hysbysiad ddatganiad ysgrifenedig o'r rhesymau dros y penderfyniad.

(12) Os yw'r diwrnodau neu'r amseroedd y mae'r contractwr cyfarpar GIG i ddarparu gwasanaethau fferyllol yn y fangre wedi eu newid yn unol â'r paragraff hwn, rhaid i'r contractwr cyfarpar GIG gyflwyno'r newidiadau—

- (a) os nad yw wedi apelio o dan is-baragraff (9), ddim cynharach na 30 o ddiwrnodau ar ôl y dyddiad y mae'n cael hysbysiad o dan is-baragraff (4), neu
- (b) os yw wedi apelio o dan is-baragraff (9), ddim cynharach na 30 o ddiwrnodau ar ôl y dyddiad y mae'n cael hysbysiad o dan is-baragraff (11).

Llywodraethu clinigol

17.—(1) Rhaid i contractwr cyfarpar GIG, mewn cysylltiad â'r holl wasanaethau y mae'n eu darparu, gymryd rhan mewn system dderbyniol o lywodraethu clinigol, yn y modd sy'n rhesymol ofynnol gan y Bwrdd Iechyd Lleol y mae wedi ei gynnwys ar ei restr fferyllol.

(2) Mae system o lywodraethu clinigol yn “dderbyniol” os yw'n darparu ar gyfer—

- (a) cydymffurfio â'r cydrannau llywodraethu clinigol a nodir yn is-baragraff (3), a
- (b) cyflwyno hunanasesiad blynyddol o'r cydymffurfedd (hyd at lefel gymeradwy) â'r cydrannau llywodraethu clinigol hynny, drwy gyfrwng trefniadau cyflwyno data cymeradwy sy'n caniatáu i'r Bwrdd Iechyd Lleol gael mynediad i'r asesiad hwnnw.

(3) Y cydrannau llywodraethu clinigol yw'r canlynol—

- (a) rhaglen ar gyfer cynnwys y cleifion a'r cyhoedd, sy'n cynnwys—

- (i) gofyniad y dylai'r contractwr cyfarpar GIG lunio, mewn modd cymeradwy, daflen ymarfer mewn cysylltiad â phob un o'r mangreoedd y mae'n darparu gwasanaethau fferyllol ohonynt, a rhoi'r daflen ar gael mewn modd priodol,
 - (ii) gofyniad bod y contractwr cyfarpar GIG yn rhoi cyhoeddusrwydd i'r gwasanaethau GIG sydd ar gael yn y fangre y mae'r contractwr cyfarpar GIG yn darparu'r gwasanaethau hynny ynddi, neu sydd ar gael o'r fangre honno,
 - (iii) gofyniad bod y contractwr cyfarpar GIG, pan fo'n rhoi cyhoeddusrwydd i'r gwasanaethau GIG sydd ar gael yn y fangre y mae'r contractwr cyfarpar GIG yn darparu'r gwasanaethau hynny ynddi neu sydd ar gael o'r fangre honno (pa un a yw'n llunio ei ddeunydd cyhoeddusrwydd ei hunan, ynteu'n hysbysebu'r gwasanaethau mewn deunydd a gyhoeddir gan berson arall), yn gwneud hynny mewn modd sy'n ei gwneud yn glir mai fel rhan o'r gwasanaeth iechyd y cyllidir y gwasanaethau hynny,
 - (iv) gofyniad y dylai'r contractwr cyfarpar GIG ymgymryd ag arolwg cymeradwy o foddhad y cleifion yn flynyddol, mewn modd cymeradwy, gan gynnwys gofyniad i roi cyhoeddusrwydd i ganlyniadau'r arolwg ac i unrhyw gamau gweithredu priodol y mae'r contractwr cyfarpar GIG yn bwriadu eu cymryd,
 - (v) trefniadau ar gyfer monitro cyfarpar sy'n ddyledus i gleifion ond nad ydynt mewn stoc,
 - (vi) system gwyno gymeradwy (sy'n bodloni gofynion y Rhan hon),
 - (vii) gofyniad bod y contractwr cyfarpar GIG yn cydweithredu'n briodol ag ymweliadau'r Cyngor Iechyd Cymuned Lleol ac yn cymryd camau gweithredu priodol o ganlyniad i'r ymweliadau hynny,
 - (viii) gofyniad bod y contractwr cyfarpar GIG yn cydweithredu'n briodol ag unrhyw arolygiad neu adolygiad rhesymol y mae'r Bwrdd Iechyd Lleol neu unrhyw awdurdod statudol perthnasol yn dymuno ymgymryd ag ef, a
 - (ix) trefniadau ar gyfer monitro cydymffurfedd â Deddf Cydraddoldeb 2010(48),
- (b) rhaglen archwilio clinigol (5 niwrnod, fel arfer), sy'n cynnwys o leiaf un archwiliad mewn mangre ac un archwiliad amlddisgyblaethol a gytunir gan y Bwrdd Iechyd Lleol ym mhob blwyddyn ariannol,
- (c) rhaglen rheoli risg, sy'n cynnwys—
- (i) trefniadau ar gyfer sicrhau bod yr holl stoc yn cael ei drin mewn ffordd briodol,
 - (ii) trefniadau ar gyfer sicrhau bod yr holl gyfarpar a ddefnyddir wrth ddarparu gwasanaethau fferyllol yn cael ei gynnal yn briodol,
 - (iii) system gymeradwy o adrodd am ddigwyddiadau, ynghyd â threfniadau ar gyfer dadansoddi digwyddiadau critigol ac ymateb iddynt, sy'n cynnwys y canlynol—
 - (aa) cofnod o ddigwyddiadau diogelwch cleifion, a
 - (bb) cofnod o ddigwyddiadau a fu bron a digwydd,
 - (iv) trefniadau, gan gynnwys trefniadau cadw cofnodion, ar gyfer ymdrin yn briodol ac yn amserol â chyfathrebiadau ynglŷn â diogelwch cleifion oddi wrth Weinidogion Cymru, yr Asiantaeth Rheoleiddio Meddyginiaethau a Chynhyrchion Gofal Iechyd a Bwrdd Comisiynu'r Gwasanaeth Iechyd Gwladol,
 - (v) gweithdrefnau gweithredu safonol priodol, gan gynnwys gweithdrefnau gweithredu safonol mewn cysylltiad â phresgripsiynau amlroddadwy a darparu cyngor a chymorth i bobl sy'n gofalu amdanynt eu hunain neu eu teuluoedd,
 - (vi) trefniadau gwaredu gwastraff priodol ar gyfer gwastraff clinigol a chyfrinachol,

- (vii) arweinydd llywodraethu clinigol ar gyfer pob un o'r mangreodded y mae'r contractwr cyfarpar GIG yn darparu gwasanaethau GIG ohonynt, sy'n wybodus ynglŷn â gweithdrefnau'r contractwr cyfarpar GIG a'r gwasanaethau GIG eraill sydd ar gael yn yr ardal leol,
 - (viii) gweithdrefnau priodol ar gyfer amddiffyn plant, a
 - (ix) trefniadau ar gyfer monitro cydymffurfedd â Deddf Iechyd a Diogelwch etc. 1974(49),
- (d) rhaglen effeithiolrwydd clinigol, sy'n cynnwys trefniadau ar gyfer sicrhau y rhoddir cyngor priodol gan y contractwr cyfarpar GIG—
- (i) mewn cysylltiad â darparu cyfarpar yn unol â ffurflen bresgripsiwn neu bresgripsiwn amlroddadwy, neu
 - (ii) i bobl sy'n gofalu amdanynt eu hunain neu eu teuluoedd,
- a threfniadau ar gyfer sicrhau bod y contractwr cyfarpar GIG, wrth roi cyngor i unrhyw glaf ar fater a grybwyllir ym mharagraff (d)(i), yn rhoi sylw i'r manylion a gynhwysir yn y cofnodion a gynhelir o dan baragraff 10(1)(f) mewn cysylltiad â darparu cyfarpar a'r patrwm rhagnodi sy'n ymwneud â'r claf o dan sylw,
- (e) rhaglen staffio a rheoli staff, sy'n cynnwys—
- (i) trefniadau ar gyfer darparu hyfforddiant ymsefydlu priodol i staff, gan gynnwys unrhyw locwm,
 - (ii) hyfforddiant priodol i'r holl staff mewn cysylltiad ag unrhyw rôl y gofynnir iddynt ei chyflawni,
 - (iii) trefniadau ar gyfer gwirio cymwysterau a geir daon yr holl staff sy'n ymwneud â darparu gwasanaethau GIG,
 - (iv) trefniadau ar gyfer canfod a chefnogi anghenion datblygu'r holl staff sy'n ymwneud â darparu gwasanaethau GIG, gan gynnwys datblygiad proffesiynol parhaus i fferyllwyr cofrestredig ac unrhyw achredu sy'n angenrheidiol mewn cysylltiad â darparu gwasanaethau cyfeiriedig,
 - (v) trefniadau ar gyfer ymdrin â pherfformiad gwael (ar y cyd â'r Bwrdd Iechyd Lleol fel y bo'n briodol), a
 - (vi) trefniadau (y mae rhaid iddynt gynnwys polisi ysgrifenedig) ar gyfer sicrhau bod yr holl staff, gan gynnwys unrhyw locwm, sydd, o ganlyniad i'w cyflogaeth gyda'r contractwr cyfarpar GIG—
 - (aa) yn gwneud yr hyn sy'n ddatgeliad gwarchoddedig o fewn yr ystyr a roddir i "protected disclosure" yn adran 43A o Ddeddf Hawliau Cyflogaeth 1996(50) (ystyr "protected disclosure"), yn cael yr hawliau a roddir mewn cysylltiad â datgeliadau o'r fath gan y Ddeddf honno, a
 - (bb) yn darparu gwybodaeth yn ddidwyll ac nid er eu budd personol i'r Cyngor Fferyllol Cyffredinol neu i Fwrdd Iechyd Lleol sy'n cynnwys honiad difrifol ei natur, y credant yn rhesymol ei fod yn wir o ran ei sylwedd ond nad yw datgeliad ohono yn ddatgeliad gwarchoddedig o fewn yr ystyr a roddir i "protected disclosure" yn adran 43A o'r Ddeddf honno, yn cael yr hawl i beidio â dioddef unrhyw anfantais neu ddioddef eu diswyddo o ganlyniad i'r weithred honno,

(49) 1974 p. 37.

(50) 1996 p. 18; mewnosodwyd adran 43A gan adran 1 o Ddeddf Datgelu er Lles y Cyhoedd 1998 (p. 23). Gweler hefyd adran 43K(1)(c) o Ddeddf Hawliau Cyflogaeth 1996 sy'n estyn ystyr "worker" ar gyfer y Rhan o'r Ddeddf honno sy'n ymdrin â datgeliadau gwarchoddedig fel ei fod yn cwmpasu pob unigolyn sy'n darparu gwasanaethau fferyllol yn unol â threfniadau a wneir gan Fwrdd Iechyd Lleol o dan adran 80 o Ddeddf 2006.

- (f) rhaglen llywodraethu gwybodaeth, sy'n darparu ar gyfer—
 - (i) cydymffurfio â gweithdrefnau cymeradwy ar gyfer rheoli a diogelu gwybodaeth, a
 - (ii) cyflwyno hunanasesiad blynyddol o'r cydymffurfedd (hyd at lefel gymeradwy) â'r gweithdrefnau hynny, drwy gyfrwng trefniadau cyflwyno data cymeradwy sy'n caniatáu i'r Bwrdd Iechyd Lleol gael mynediad i'r asesiad hwnnw, ac
- (g) rhaglen safonau mangre sy'n cynnwys—
 - (i) system ar gyfer cynnal glanweithdra yn y fangre y mae'r contractwr cyfarpar GIG yn darparu gwasanaethau GIG ohoni, sydd wedi ei chynllunio er mwyn sicrhau, mewn modd cymesur, fod y risg i bobl yn y fangre o gael haint a ddelir wrth gael gofal iechyd yn cael ei lleihau, a
 - (ii) trefniadau ar gyfer gwahanu'n glir rhwng y manau yn y fangre sy'n amgylchedd gofal iechyd priodol (lle y mae cleifion yn cael gwasanaethau GIG) a'r manau hynny nad ydynt yn amgylchedd gofal iechyd.

Safonau proffesiynol

18. Rhaid i gontractwr cyfarpar GIG ddarparu gwasanaethau fferyllol, ac arfer unrhyw farn broffesiynol mewn cysylltiad â darparu'r gwasanaethau hynny, gan gydymffurfio â'r safonau a dderbynnir yn gyffredinol yn y proffesiwn fferyllol.

Cymhellion

19.—(1) Ni chaiff contractwr cyfarpar GIG nac unrhyw berson sydd wedi ei gyflogi neu wedi ei gymryd ymlaen gan gontractwr cyfarpar GIG, roi, addo na chynnig, i unrhyw berson, unrhyw rodd neu wobr (boed ar ffurf cyfran o elw'r busnes, neu ddiidend ar yr elw hwnnw, neu ar ffurf disgownt neu ad-daliad, neu fel arall) fel cymhelliad i'r person sy'n cyflwyno archeb am gyfarpar ar ffurflen bresgripsiwn neu bresgripsiwn amlroddadwy, neu'n gydnabyddiaeth am hynny.

(2) Nid yw addo, cynnig neu ddarparu gwasanaeth danfon i gartrefi yn "rhodd neu wobr" at ddibenion is-baragraff (1).

(3) Ni chaiff contractwr cyfarpar GIG, nac unrhyw berson sydd wedi ei gyflogi neu wedi ei gymryd ymlaen gan gontractwr cyfarpar GIG, dderbyn na chael unrhyw rodd neu wobr mewn cysylltiad, yn unig, â'r canlynol—

- (a) darparu manylion cyswllt fferyllwyr GIG neu gontractwyr cyfarpar GIG eraill yn unol â pharagraff 10(2)(b), 11(4) neu 12(1)(b), neu
- (b) atgyfeirio ffurflen bresgripsiwn neu bresgripsiwn amlroddadwy at gontractwr cyfarpar GIG neu fferyllydd GIG arall yn unol â pharagraff 10(2)(a) neu 12(1)(a) heb ddarparu unrhyw wasanaeth ychwanegol mewn cysylltiad â'r eitem ar y presgripsiwn hwnnw.

Dyletswydd i ddarparu gwybodaeth am faterion addaswydd i ymarfer wrth iddynt godi

20.—(1) Yn ddarostyngedig i baragraff 21, rhaid i gontractwr cyfarpar GIG, a phan fo'r contractwr cyfarpar GIG yn gorff corfforedig, bob un o gyfarwyddwyr y corff corfforedig, roi gwybod i'r Bwrdd Iechyd Lleol yn ysgrifenedig o fewn 7 niwrnod i'r digwyddiad, os yw'r contractwr cyfarpar GIG neu gyfarwyddwr—

- (a) yn cael ei euogfarnu o unrhyw drosedd yn y Deyrnas Unedig,
- (b) yn cael ei rwymo yn dilyn euogfarn droseddol yn y Deyrnas Unedig,
- (c) yn derbyn rhybuddiad gan yr heddlu yn y Deyrnas Unedig,
- (d) mewn achos diannod yn yr Alban mewn cysylltiad â throsedd, wedi bod yn destun gorchymyn i'w ryddhau'n ddiamed (heb fynd ymlaen i'w euogfarnu),

- (e) wedi derbyn a chytuno i dalu naill ai dirwy procuradur ffigal o dan adran 302 o Ddeddf Gweithdrefn Droseddol (Yr Alban) 1995⁽⁵¹⁾ (cosb benodedig: cynnig amodol gan brocuradur ffigal) neu gosb o dan adran 115A o Ddeddf Gweinyddu Nawdd Cymdeithasol 1992⁽⁵²⁾ (cosb fel dewis arall yn lle erlyn),
- (f) yn cael ei euogfarnu yn rhywle arall o drosedd, neu'r hyn a fyddai'n drosedd pe bai'n cael ei chyflawni yng Nghymru a Lloegr,
- (g) yn cael ei gyhuddo o drosedd yn y Deyrnas Unedig, neu'n cael ei gyhuddo yn rhywle arall o drosedd a fyddai'n drosedd, pe bai'n cael ei chyflawni yng Nghymru a Lloegr,
- (h) yn cael ei hysbysu gan unrhyw gorff trwyddedu, corff rheoleiddio neu gorff arall am ganlyniad unrhyw ymchwiliad i'w ymddygiad proffesiynol, a bod canfyddiad yn ei erbyn,
- (i) yn mynd yn destun unrhyw ymchwiliad i'w ymddygiad proffesiynol gan unrhyw gorff trwyddedu, corff rheoleiddio neu gorff arall,
- (j) yn mynd yn destun ymchwiliad i'w ymddygiad proffesiynol mewn cysylltiad ag unrhyw gyflogaeth gyfredol neu flaenorol, neu'n cael ei hysbysu am ganlyniad unrhyw ymchwiliad o'r fath ac unrhyw ganfyddiad yn ei erbyn,
- (k) yn mynd yn destun unrhyw ymchwiliad gan Awdurdod Gwasanaethau Busnes y GIG mewn perthynas â thwyll,
- (l) yn mynd yn destun unrhyw ymchwiliad gan Fwrdd Iechyd Lleol arall neu gorff cyfatebol, a allai arwain at ddileu o restr berthnasol, neu
- (m) ar sail addasrwydd i ymarfer, yn cael ei ddileu, ei ddileu yn ddigwyddiadol, neu ei atal dros dro o restr berthnasol, neu os gwrthodir mynediad iddo i restr o'r fath, neu os caiff ei gynnwys yn amodol mewn rhestr o'r fath,

ac os felly, rhaid i'r contractwr cyfarpar GIG roi manylion unrhyw ymchwiliad neu achos a gynhaliwyd neu sydd i'w gynnal, gan gynnwys natur yr ymchwiliad neu'r achos, ym mha le ac oddeutu pa bryd y cynhaliwyd yr ymchwiliad hwnnw neu'r achos hwnnw neu y mae'r ymchwiliad hwnnw neu'r achos hwnnw i'w gynnal, ac unrhyw ganlyniad.

(2) Yn ddarostyngedig i baragraff 21, os yw person y mae is-baragraff (1) yn gymwys iddo yn gyfarwyddwr i gorff corfforedig, neu os oedd yn gyfarwyddwr i gorff corfforedig ar adeg y digwyddiadau cychwynnol, rhaid i'r person, yn ychwanegol, roi gwybod i'r Bwrdd Iechyd Lleol o fewn 7 niwrnod os yw unrhyw gorff corfforedig o'r fath—

- (a) yn cael ei euogfarnu o unrhyw drosedd yn y Deyrnas Unedig,
- (b) yn cael ei euogfarnu yn rhywle arall o drosedd, neu'r hyn a fyddai'n drosedd pe bai'n cael ei chyflawni yng Nghymru a Lloegr,
- (c) yn cael ei gyhuddo o drosedd yn y Deyrnas Unedig, neu'n cael ei gyhuddo yn rhywle arall o drosedd a fyddai'n drosedd, pe bai'n cael ei chyflawni yng Nghymru a Lloegr,
- (d) yn cael ei hysbysu gan unrhyw gorff trwyddedu, corff rheoleiddio neu gorff arall am ganlyniad unrhyw ymchwiliad i'w ddarpariaeth o wasanaethau proffesiynol, a bod canfyddiad yn erbyn y corff corfforedig,
- (e) yn mynd yn destun unrhyw ymchwiliad i'w ddarpariaeth o wasanaethau proffesiynol gan unrhyw gorff trwyddedu, corff rheoleiddio neu gorff arall,
- (f) yn mynd yn destun unrhyw ymchwiliad mewn perthynas ag unrhyw dwyll neu'n cael ei hysbysu am ganlyniad unrhyw ymchwiliad o'r fath, a'r canlyniad hwnnw yn anffafriol,
- (g) yn mynd yn destun unrhyw ymchwiliad gan Fwrdd Iechyd Lleol arall neu gorff cyfatebol, a allai arwain at ei ddileu o restr berthnasol, neu

⁽⁵¹⁾ 1995 p. 46.

⁽⁵²⁾ 1992 p. 5.

- (h) ar sail addasrwydd i ymarfer, yn cael ei ddileu, ei ddileu yn ddigwyddiadol, neu ei atal dros dro o restr berthnasol, neu os gwrthodir mynediad iddo i restr o'r fath, neu os caiff ei gynnwys yn amodol mewn rhestr o'r fath,

ac os felly, rhaid i'r person hwnnw roi enw a swyddfa gofrestrdedig y corff corfforedig a manylion unrhyw ymchwiliad neu achos a gynhaliwyd neu sydd i'w gynnal, gan gynnwys natur yr ymchwiliad neu'r achos, ym mha le ac oddeutu pa bryd y cynhaliwyd yr ymchwiliad hwnnw neu'r achos hwnnw neu y mae'r ymchwiliad hwnnw neu'r achos hwnnw i'w gynnal, ac unrhyw ganlyniad.

(3) Rhaid i berson y mae is-baragraff (1) neu (2) yn gymwys iddo gydsynio i'r Bwrdd Iechyd Lleol ofyn i unrhyw gyflogwr neu gyn-gyflogwr neu unrhyw gorff trwyddedu neu reoleiddio, yn y Deyrnas Unedig neu yn rhywle arall, am wybodaeth ynghylch ymchwiliad cyfredol neu ymchwiliad â chanlyniad anffafriol.

Bwrdd Iechyd Lleol cartref cyrff corfforedig

21. Pan fo contractwr cyfarpar GIG yn gorff corfforedig â swyddfa gofrestrdedig yng Nghymru a Lloegr, caniateir i'r wybodaeth sydd i'w darparu o dan baragraffau 20 a 24(3) i (6) gael ei darparu yn hytrach i Fwrdd Iechyd Lleol cartref (fel y'i diffinnir yn rheoliad 60). Pan yw'r contractwr cyfarpar GIG yn darparu'r wybodaeth i'w Fwrdd Iechyd Lleol cartref, rhaid iddo hefyd ddarparu i'r Bwrdd Iechyd Lleol cartref fanylion yr holl Fyrddau Iechyd Lleol eraill y mae'r contractwr cyfarpar GIG wedi ei gynnwys yn eu rhestrau fferyllol.

Cwynion

22. Rhaid i gontractwr cyfarpar GIG gael yn eu lle drefniadau sy'n cydymffurfio â gofynion Rheoliadau'r Gwasanaeth Iechyd Gwladol (Trefniadau Pryderon, Cwynion ac Iawn) (Cymru) 2011, ar gyfer trin ac ystyried unrhyw bryderon neu gwynion ynghylch mater sy'n gysylltiedig â darparu gwasanaethau fferyllol gan y contractwr cyfarpar GIG.

Gwasanaethau cyfeiriedig

23. Rhaid i gontractwr cyfarpar GIG, y mae Bwrdd Iechyd Lleol yn gwneud trefniant ag ef ar gyfer darparu unrhyw wasanaethau cyfeiriedig, gydymffurfio â thelerau ac amodau'r trefniant.

Gwybodaeth sydd i'w chyflenwi

24.—(1) Rhaid i gontractwr cyfarpar GIG roi hysbysiad ysgrifenedig o'r canlynol i'r Bwrdd Iechyd Lleol y mae'r contractwr cyfarpar GIG wedi ei gynnwys ar ei restr fferyllol, o fewn 28 o ddiwrnodau (neu os nad yw hyn yn ymarferol, cyn gynted ag y bo'n ymarferol ar ôl hynny)—

- (a) unrhyw ddigwyddiad sy'n ei gwneud yn ofynnol newid yr wybodaeth a gofnodwyd am y contractwr cyfarpar GIG yn y rhestr fferyllol, nad yw'r contractwr cyfarpar GIG wedi hysbysu'r Bwrdd Iechyd Lleol amdano fel arall yn unol â'r Rheoliadau hyn,
- (b) yn achos contractwr cyfarpar GIG sy'n unigolyn, unrhyw newid yn ei gyfeiriad preifat, ac
- (c) yn achos contractwr cyfarpar GIG sy'n gorff corfforedig, unrhyw newid yng nghyfeiriad ei swyddfa gofrestrdedig.

(2) Rhaid i gontractwr cyfarpar GIG, os gofynnir iddo gan y Bwrdd Iechyd Lleol, roi i'r Bwrdd Iechyd Lleol enw unrhyw fferylllydd cofrestrdedig a gyflogir gan y contractwr cyfarpar GIG ac sy'n gyfrifol am weinyddu presgripsiwn penodol.

(3) Yn ddarostyngedig i is-baragraff (6), rhaid i gontractwr cyfarpar GIG sy'n gorff corfforedig roi hysbysiad ysgrifenedig i'r Bwrdd Iechyd Lleol o fewn 28 o ddiwrnodau (neu os nad yw hyn yn ymarferol, cyn gynted ag y bo'n ymarferol ar ôl hynny) o unrhyw newidiadau yn enwau a chyfeiriadau ei gyfarwyddwyr.

(4) Yn ddarostyngedig i is-baragraff (6), os yw contractwr cyfarpar GIG sy'n gorff corfforedig yn penodi cyfarwyddwr neu uwcharolygydd nas rhestrwyd yng nghais y contractwr cyfarpar GIG i'w gynnwys mewn rhestr fferyllol, rhaid i'r contractwr cyfarpar GIG roi hysbysiad ysgrifenedig i'r Bwrdd Iechyd Lleol o fewn 28 o ddiwrnodau (neu os nad yw hyn yn ymarferol, cyn gynted ag y bo'n ymarferol ar ôl hynny) o'r wybodaeth am addasrwydd y person hwnnw i ymarfer.

(5) Yn ddarostyngedig i is-baragraff (6), rhaid i gontractwr cyfarpar GIG, neu gyfarwyddwr neu uwcharolygydd contractwr cyfarpar GIG sy'n gorff corfforedig, roi gwybod i'r Bwrdd Iechyd Lleol—

- (a) os yw ef, neu gorff corfforedig y mae'n gyfarwyddwr neu'n uwcharolygydd iddo, yn gwneud cais i gael ei gynnwys yn unrhyw un neu ragor o restrau cyflawnwyr neu ddarparwyr GIG Bwrdd Iechyd Lleol arall, ac am ganlyniad unrhyw gais o'r fath, a
- (b) os daw'n gyfarwyddwr neu'n uwcharolygydd i gorff corfforedig sydd ar unrhyw un neu ragor o restrau cyflawnwyr neu ddarparwyr GIG Bwrdd Iechyd Lleol arall, neu sy'n gwneud cais i gael ei gynnwys mewn rhestr o'r fath, ac am ganlyniad unrhyw gais o'r fath.

(6) Pan fo contractwr cyfarpar GIG yn gorff corfforedig â swyddfa gofrestrdedig yng Nghymru, dim ond i'r Bwrdd Iechyd Lleol y mae'r swyddfa gofrestrdedig honno yn ei ardal y caniateir i'r wybodaeth sydd i'w darparu o dan is-baragraffau (3) i (5) gael ei darparu, os yw'r contractwr cyfarpar GIG hefyd yn darparu i'r Bwrdd Iechyd Lleol hwnnw fanylion yr holl Fyrddau Iechyd Lleol eraill y mae wedi ei gynnwys yn eu rhestrau fferyllol, ac o dan yr amgylchiadau hyn, rhaid i'r Bwrdd Iechyd Lleol hwnnw drosglwyddo'r wybodaeth i unrhyw Fwrdd Iechyd Lleol arall—

- (a) y mae'r contractwr cyfarpar GIG wedi ei gynnwys yn ei restr fferyllol, neu
- (b) y mae'r contractwr cyfarpar GIG yn gwneud cais iddo i gael ei gynnwys yn ei restr fferyllol, ac sy'n gofyn amdani.

(7) Yn y paragraff hwn, ystyr "rhestr cyflawnwyr neu ddarparwyr GIG" yw—

- (a) rhestr fferyllol, neu
- (b) rhestr a gynhelir o gyflawnwyr neu ddarparwyr cymeradwy gwasanaethau meddygol sylfaenol, gwasanaethau deintyddol neu wasanaethau offthalmig.

Tynnu'n ôl o restrau fferyllol

25. Pan fo contractwr cyfarpar GIG yn bwriadu tynnu'n ôl o'r rhestr fferyllol mewn cysylltiad â mangre benodol, rhaid i'r contractwr cyfarpar GIG hysbysu'r Bwrdd Iechyd Lleol am hyn, o leiaf 3 mis cyn y dyddiad hwnnw, oni bai ei bod yn anymarferol i'r contractwr cyfarpar GIG gwneud hynny, ac os felly, rhaid i'r contractwr cyfarpar GIG hysbysu'r Bwrdd Iechyd Lleol cyn gynted ag y bo'n ymarferol gwneud hynny.

Codi ffioedd am gyfarpar

26. Yn ddarostyngedig i reoliadau a wneir o dan adran 121 o Ddeddf 2006, rhaid darparu'r holl gyfarpar a ddarperir o dan y telerau gwasanaeth hyn yn ddi-dâl.

Arolygiadau a mynediad at wybodaeth

27.—(1) Rhaid i gontractwr cyfarpar GIG ganiatáu i bersonau sydd wedi eu hawdurdodi'n ysgrifenedig gan y Bwrdd Iechyd Lleol fynd i unrhyw fangre y mae'r contractwr cyfarpar GIG yn ei defnyddio i ddarparu gwasanaethau fferyllol a'i harolygu, ar unrhyw adeg resymol, at y dibenion a ganlyn—

- (a) canfod pa un a yw'r contractwr cyfarpar GIG yn cydymffurfio â gofynion yr Atodlen hon ai peidio;
- (b) archwilio, monitro a dadansoddi—

- (i) y ddarpariaeth a wneir gan y contractwr cyfarpar GIG, wrth ddarparu gwasanaethau fferyllol, ar gyfer gofal a thriniaeth i gleifion gan gynnwys unrhyw drefniant a wneir â pherson mewn cysylltiad â darparu cyfarpar, a
 - (ii) y modd y mae'r contractwr cyfarpar GIG yn rheoli'r gwasanaethau fferyllol y mae'n eu darparu, pan fo'r amodau yn is-baragraff (2) wedi eu bodloni.
- (2) Yr amodau yw—
- (a) bod rhybudd rhesymol wedi ei roi o'r bwriad i fynd i'r fangre,
 - (b) bod y Pwyllgor Fferyllol Lleol ar gyfer yr ardal y mae'r fangre ynddi wedi ei wahodd i fod yn bresennol yn yr arolygiad, pan fo'r contractwr cyfarpar GIG yn gofyn am hynny,
 - (c) bod gan y person sydd wedi ei awdurdodi'n ysgrifenedig dystiolaeth ysgrifenedig o'i awdurdodiad yn ei feddiant, a'i fod yn cyflwyno'r dystiolaeth honno ar gais, a
 - (d) nad yw'r person sydd wedi ei awdurdodi'n ysgrifenedig yn mynd i unrhyw ran o'r fangre a ddefnyddir fel llety preswyl yn unig heb gydsyniad y preswlydd.
- (3) Rhaid i gontractwr cyfarpar GIG, ar gais y Bwrdd Iechyd Lleol neu berson sydd wedi ei awdurdodi'n ysgrifenedig a grybwyllir yn is-baragraff (1), ganiatáu mynediad at unrhyw wybodaeth sy'n ofynnol yn rhesymol gan y Bwrdd Iechyd Lleol neu'r person hwnnw—
- (a) at y dibenion a grybwyllir yn is-baragraff (1), neu
 - (b) yn achos y Bwrdd Iechyd Lleol, mewn cysylltiad â'i swyddogaethau sy'n ymwneud â gwasanaethau fferyllol.

Y Gymraeg

28.—(1) Pan fo contractwr cyfarpar GIG yn darparu gwasanaethau fferyllol drwy gyfirwng y Gymraeg, rhaid i'r contractwr cyfarpar GIG hysbysu'r Bwrdd Iechyd Lleol y mae'r contractwr cyfarpar GIG wedi ei gynnwys ar ei restr fferyllol, yn ysgrifenedig.

(2) Rhaid i gontractwr cyfarpar GIG roi ar gael fersiwn Gymraeg o unrhyw ddogfen neu ffurflen i'w defnyddio gan gleifion a/neu aelodau o'r cyhoedd, a ddarperir gan y Bwrdd Iechyd Lleol.

(3) Pan fo contractwr cyfarpar GIG yn arddangos arwydd neu hysbysiad newydd mewn cysylltiad â gwasanaethau fferyllol, rhaid i'r testun ar yr arwydd neu'r hysbysiad fod yn Gymraeg ac yn Saesneg, a chaiff contractwr cyfarpar GIG ddefnyddio'r gwasanaeth cyfieithu a gynigir gan y Bwrdd Iechyd Lleol at y diben hwn.

(4) Rhaid i gontractwr cyfarpar GIG annog y rheini sy'n darparu gwasanaethau fferyllol ac sy'n siarad Cymraeg i wisgo bathodyn, a ddarperir gan y Bwrdd Iechyd Lleol, er mwyn cyfleu eu bod yn gallu siarad Cymraeg.

(5) Rhaid i gontractwr cyfarpar GIG annog y rheini sy'n darparu gwasanaethau fferyllol i ddefnyddio gwybodaeth a/neu fynd i gyrsiau hyfforddi a digwyddiadau a ddarperir gan y Bwrdd Iechyd Lleol, fel y gallant ddatblygu—

- (a) ymwybyddiaeth o'r Gymraeg (gan gynnwys ymwybyddiaeth o'i hanes a'i rôl yn niwylliant Cymru), a
- (b) dealltwriaeth o sut y gellir defnyddio'r Gymraeg mewn cysylltiad â'r gwasanaethau fferyllol a ddarperir.

(6) Rhaid i gontractwr cyfarpar GIG annog y rheini sy'n darparu gwasanaethau fferyllol i ganfod a chofnodi'r dewis iaith Cymraeg neu Saesneg a fynegir gan glaf neu ar ran claf.

ATODLEN 7

Rheoliad 12

Telerau gwasanaeth ar gyfer meddygon sy'n darparu gwasanaethau fferyllol

Dehongli

1. Yn yr Atodlen hon, mae cyffuriau neu gyfarpar i'w hystyried fel pe bai person wedi gofyn amdanynt, neu fel pe baent wedi eu darparu, yn unol â phresgripsiwn amlroddadwy, hyd yn oed os nad yw'r person sy'n dymuno cael gwasanaethau fferyllol yn cyflwyno'r presgripsiwn hwnnw, cyhyd ag—

- (a) bod y presgripsiwn hwnnw gan y meddyg yn ei feddiant, a
- (b) bod y person hwnnw yn cyflwyno swp-ddyroddiad cysylltiedig, neu fod gan y meddyg swp-ddyroddiad cysylltiedig yn ei feddiant.

Corffori darpariaethau

2. Mae unrhyw ddarpariaethau o'r canlynol sy'n effeithio ar hawliau a rhwymedigaethau meddygon sy'n darparu gwasanaethau fferyllol yn ffurfio rhan o'r telerau gwasanaeth—

- (a) y Rheoliadau,
- (b) y Tariff Cyffuriau i'r graddau y mae'n rhestru cyffuriau a chyfarpar at ddibenion adran 80 o Ddeddf 2006 (trefniadau ar gyfer gwasanaethau fferyllol),
- (c) cymaint o Ran 2 o Reoliadau'r Gwasanaeth Iechyd Gwladol (Pwyllgorau Gwasanaethau a'r Tribiwnlys) 1992 ag sy'n ymwneud â'r canlynol—
 - (i) ymchwiliadau a wneir gan y pwyllgor disgyblu fferyllol a'r cyd-bwyllgor disgyblu a chymau gweithredu y caiff y Bwrdd Iechyd Lleol eu cymryd o ganlyniad i ymchwiliadau o'r fath, a
 - (ii) apelau i Weinidogion Cymru yn erbyn penderfyniadau'r Bwrdd Iechyd Lleol, a
- (d) cymaint o reoliad 29 o Reoliadau Cynghorau Iechyd Cymuned (Cyfansoddiad, Aelodaeth a Gweithdrefnau) (Cymru) 2010(53) (mynd i mewn i fangreoedd a'u harchwilio) ag sy'n ymwneud â mynd i mewn i fangreoedd y mae'r meddyg fferyllol naill ai'n berchen arnynt neu'n darparu gwasanaethau fferyllol ynddynt, ac archwilio'r mangreoedd hynny.

Personau sydd wedi eu hawdurdodi'n briodol i weinyddu ar ran meddygon fferyllol

3. Pan fo'r Atodlen hon yn gosod gofyniad ar feddyg fferyllol mewn cysylltiad â gweithgaredd y mae wedi awdurdodi person arall yn briodol i ymgymryd ag ef, os yw'r person arall hwnnw yn ymgymryd â'r gweithgaredd hwnnw yn lle'r meddyg fferyllol—

- (a) rhaid i'r person arall hwnnw gydymffurfio â'r gofyniad hwnnw, a
- (b) rhaid i'r meddyg fferyllol hwnnw sicrhau cydymffurfedd â'r gofyniad hwnnw gan y person arall hwnnw,

ac mae cyfeiriadau yn yr Atodlen hon at feddyg fferyllol i'w dehongli yn unol â hynny.

Gweinyddu cyffuriau a chyfarpar a archebwyd gan ragnodydd arall

4.—(1) Yn ddarostyngedig i'r darpariaethau a ganlyn o'r Atodlen hon, pan fo unrhyw berson yn cyflwyno i feddyg fferyllol ffurflen bresgripsiwn sy'n cynnwys—

- (a) archeb am gyffuriau nad ydynt yn gyffuriau Atodlen, neu am gyfarpar nad yw'n gyfarpar argaeledd cyfyngedig, wedi ei llofnodi gan ragnodydd ac eithrio'r meddyg fferyllol,
- (b) archeb am gyffur a bennir yn Atodlen 2 i'r Rheoliadau Rhagnodi Cyffuriau (cyffuriau neu feddyginiaethau sydd i'w harchebu o dan amgylchiadau penodol yn unig), wedi ei llofnodi gan ragnodydd ac eithrio'r meddyg fferyllol ac yn cynnwys y cyfeirnod "SLS", neu
- (c) archeb am gyfarpar argaeledd cyfyngedig, wedi ei llofnodi gan ragnodydd ac eithrio'r meddyg fferyllol ac yn cynnwys y cyfeirnod "SLS",

a phan fo'r meddyg fferyllol wedi ei awdurdodi neu o dan ofyniad yn rhinwedd rheoliad 26 (trefniadau ar gyfer darparu gwasanaethau fferyllol gan feddygon) o'r Rheoliadau hyn i ddarparu'r cyffuriau neu'r cyfarpar a archebir felly, rhaid i'r meddyg fferyllol, yn rhesymol brydlon, ddarparu'r cyffuriau a archebir felly a'r cyfarpar hwnnw a archebir felly y mae'n ei gyflenwi yng nghwrs arferol ei bractis neu ei fusnes.

(2) Yn ddarostyngedig i'r darpariaethau a ganlyn o'r Atodlen hon—

- (a) pan fo unrhyw berson yn cyflwyno i feddyg fferyllol bresgripsiwn amlroddadwy anelectronig sy'n cynnwys—
 - (i) archeb am gyffuriau nad ydynt yn gyffuriau Atodlen, nac yn gyffuriau rheoledig o fewn ystyr "controlled drugs" yn Neddf Camddefnyddio Cyffuriau 1971, ac eithrio cyffur a bennir am y tro yn Atodlen 4 neu 5 i Reoliadau Camddefnyddio Cyffuriau 2001 (sy'n ymwneud â chyffuriau rheoledig a eithriwyd o waharddiadau penodol o dan y Rheoliadau hynny), wedi ei llofnodi gan ragnodydd, ac eithrio'r meddyg fferyllol, sy'n rhagnodydd amlroddadwy,
 - (ii) archeb am gyffur a bennir yn Atodlen 2 i'r Rheoliadau Rhagnodi Cyffuriau, nad yw'n gyffur rheoledig o fewn ystyr "controlled drug" yn Neddf Camddefnyddio Cyffuriau 1971, ac eithrio cyffur a bennir am y tro yn Atodlen 4 neu 5 i Reoliadau Camddefnyddio Cyffuriau 2001, wedi ei llofnodi gan ragnodydd, ac eithrio'r meddyg fferyllol, sy'n rhagnodydd amlroddadwy, ac yn cynnwys y cyfeirnod "SLS",
 - (iii) archeb am gyfarpar nad yw'n gyfarpar argaeledd cyfyngedig, wedi ei llofnodi gan ragnodydd, ac eithrio'r meddyg fferyllol, sy'n rhagnodydd amlroddadwy, neu
 - (iv) archeb am gyfarpar argaeledd cyfyngedig, wedi ei llofnodi gan ragnodydd, ac eithrio'r meddyg fferyllol, sy'n rhagnodydd amlroddadwy, ac yn cynnwys y cyfeirnod "SLS",

a hefyd yn cyflwyno swp-ddyroddiad, neu

- (b) pan fo'r meddyg fferyllol yn cael presgripsiwn amlroddadwy electronig sy'n cynnwys archeb o fath a bennir ym mharagraff (a)(i) i (iv), ac—
 - (i) pan fo unrhyw berson yn gofyn i gyffuriau neu gyfarpar gael eu darparu neu ei ddarparu yn unol â'r presgripsiwn amlroddadwy hwnnw, neu
 - (ii) pan fo'r meddyg fferyllol wedi trefnu gyda'r claf yn flaenorol y byddai'n gweinyddu'r presgripsiwn amlroddadwy hwnnw pan ddeuai i law,

a'r meddyg fferyllol wedi ei awdurdodi neu o dan ofyniad gan reoliad 26 i ddarparu'r cyffuriau neu'r cyfarpar a archebir felly, rhaid i'r meddyg fferyllol, yn rhesymol brydlon, ddarparu'r cyffuriau a archebir felly a'r cyfarpar hwnnw a archebir felly y mae'n ei gyflenwi yng nghwrs arferol ei bractis neu ei fusnes.

(3) At ddibenion y paragraff hwn, ystyrir bod presgripsiwn amlroddadwy anelectronig am gyffuriau neu gyfarpar wedi ei gyflwyno, hyd yn oed os nad yw'r person sy'n dymuno cael y cyffuriau neu'r cyfarpar yn cyflwyno'r presgripsiwn hwnnw—

- (a) pan fo'r presgripsiwn hwnnw gan y meddyg fferyllol yn ei feddiant, a

(b) pan fo'r person hwnnw yn cyflwyno swp-ddyroddiad cysylltiedig, neu pan fo gan y meddyg fferyllol swp-ddyroddiad cysylltiedig yn ei feddiant.

(4) Rhaid i'r cyffuriau a'r cyfarpar rhestredig a ddarperir o dan y paragraff hwn gael eu darparu mewn cynhwysydd addas.

Gweinyddu cyffuriau a chyfarpar a archebwyd gan y meddyg fferyllol

5. O dan amgylchiadau pan na fo paragraff 4 yn gymwys, ac yn ddarostyngedig i'r darpariaethau a ganlyn o'r Atodlen hon, pan fo meddyg fferyllol wedi ei awdurdodi neu o dan ofyniad yn rhinwedd Rhan 6 o'r Rheoliadau hyn i ddarparu cyffuriau neu gyfarpar i berson, o ran y meddyg fferyllol—

- (a) rhaid iddo gofnodi archeb am ddarparu unrhyw gyffuriau neu gyfarpar y mae eu hangen ar gyfer trin y claf ar ffurflen bresgripsiwn a gwblheir yn unol â chontract GMC sy'n rhoi effaith i baragraff 39 o Atodlen 6 i'r Rheoliadau GMC (telerau contractiol eraill: rhagnodi),
- (b) rhaid iddo ddarparu'r cyffuriau hynny neu'r cyfarpar hwnnw mewn cynhwysydd addas,
- (c) ni chaiff ddarparu ar gyfer y claf gyffur a bennir yn Atodlen 2 i'r Rheoliadau Rhagnodi Cyffuriau ond pan fo'r amodau ym mharagraff 42(2) o Atodlen 6 i'r Rheoliadau GMC (cyfyngiadau ar ragnodi gan ymarferwyr meddygol) wedi eu bodloni, a
- (d) ni chaiff ddarparu ar gyfer y claf gyfarpar argaeledd cyfyngedig ond os yw'r claf yn berson, neu os yw at ddiben, a bennir yn y Tariff Cyffuriau.

Materion rhagarweiniol cyn darparu cyffuriau neu gyfarpar a archebwyd

6. Cyn darparu cyffuriau neu gyfarpar rhestredig a gofnodwyd ar ffurflen bresgripsiwn yn unol â pharagraff 4, neu o dan yr amgylchiadau a nodir ym mharagraff 7—

- (a) rhaid i'r meddyg fferyllol ofyn i unrhyw berson sy'n gwneud datganiad nad oes rhaid i'r claf dalu'r ffioedd a bennir yn rheoliad 4(1) o'r Rheoliadau Ffioedd (cyflenwi cyffuriau a chyfarpar gan feddygon), yn rhinwedd naill ai—
 - (i) hawlogaeth i gael esemptiad o dan reoliad 8(1) o'r Rheoliadau Ffioedd (esemptiadau), neu
 - (ii) hawlogaeth i beidio â thalu ffioedd o dan reoliad 5 o'r Rheoliadau Peidio â Chodi Tâl (hawlogaeth i beidio â thalu ffi o gwbl ac i gael taliad llawn),
 gyflwyno tystiolaeth foddhaol o'r hawlogaeth honno, oni bai bod y datganiad mewn cysylltiad â hawlogaeth i gael esemptiad yn rhinwedd rheoliad 8 o'r Rheoliadau Ffioedd neu mewn cysylltiad â hawlogaeth i beidio â thalu yn rhinwedd rheoliad 5(1)(d) neu 5(2)(d) neu (dd) o'r Rheoliadau Peidio â Chodi Tâl, a bod tystiolaeth o'r fath eisoes ar gael i'r meddyg fferyllol ar adeg gwneud y datganiad, a
- (b) os na chyflwynir tystiolaeth foddhaol i'r meddyg fferyllol, fel sy'n ofynnol gan is-baragraff (a), rhaid i'r meddyg fferyllol arnodi'r ffurflen y gwneir y datganiad arni i'r perwyl hwnnw.

Darparu cyffuriau Atodlen

7.—(1) Yn ddarostyngedig i is-baragraff (2), ni chaiff meddyg fferyllol ddarparu unrhyw gyffur Atodlen ar gyfer claf, ac eithrio, pan fo'r meddyg fferyllol neu ragnodydd annibynnol wedi archebu cyffur y mae iddo enw amherchnogol priodol, naill ai wrth yr enw neu wrth ei fformiwla, y caiff ddarparu cyffur a chanddo'r un fanyleb, hyd yn oed os yw'r cyffur hwnnw yn gyffur Atodlen (ond, yn achos cyffur sy'n cyfuno mwy nag un cyffur, ni chaniateir gwneud hynny ond os oes gan y cyfuniad enw amherchnogol priodol).

(2) Nid oes dim yn yr Atodlen hon sy'n atal meddyg fferyllol rhag darparu cyffur Atodlen neu gyfarpar argaeledd cyfyngedig ar gyfer claf, ac eithrio o dan y gwasanaethau fferyllol.

Gwrthod darparu cyffuriau neu gyfarpar a archebwyd

8.—(1) Caiff meddyg fferyllol wrthod darparu'r cyffuriau neu'r cyfarpar a archebwyd ar ffurflen bresgripsiwn neu bresgripsiwn amlroddadwy—

- (a) pan fo'r meddyg fferyllol yn credu, yn rhesymol, nad yw'n archeb ddilys ar gyfer y person a enwir ar y ffurflen bresgripsiwn neu'r presgripsiwn amlroddadwy (er enghraifft, oherwydd bod y meddyg fferyllol yn credu, yn rhesymol, fod y ffurflen neu'r presgripsiwn wedi ei dwyn neu ei ddwyn neu ei ffugio), neu
- (b) pan fo'n ymddangos i'r meddyg fferyllol fod camgymeriad ar y ffurflen bresgripsiwn neu ar y presgripsiwn amlroddadwy neu ei swp-ddyroddiad cysylltiedig (gan gynnwys camgymeriad clinigol a wnaed gan y rhagnodydd) neu y byddai darparu'r cyffuriau neu'r cyfarpar, o dan yr amgylchiadau, yn groes i farn glinigol y meddyg fferyllol.

(2) Caiff meddyg fferyllol wrthod darparu'r cyffuriau neu'r cyfarpar a archebwyd ar ffurflen bresgripsiwn neu bresgripsiwn amlroddadwy, neu y mae fel arall wedi ei awdurdodi neu o dan ofyniad i'w darparu neu i'w ddarparu yn rhinwedd rheoliad 26—

- (a) pan fo'r meddyg fferyllol neu bersonau eraill yn y fangre yn dioddef trais neu'n cael eu bygwth â thrais gan y person sy'n cyflwyno'r presgripsiwn neu'r presgripsiwn amlroddadwy, neu gan unrhyw berson sydd yng nghwmni'r person hwnnw, neu
- (b) pan fo'r person sy'n cyflwyno'r ffurflen bresgripsiwn neu'r presgripsiwn amlroddadwy, neu unrhyw berson arall sydd yng nghwmni'r person hwnnw, yn cyflawni neu'n bygwth cyflawni trosedd.

(3) Rhaid i feddyg fferyllol wrthod darparu cyffuriau neu gyfarpar a archebwyd ar bresgripsiwn amlroddadwy—

- (a) pan na fo gan y meddyg fferyllol gofnod o'r presgripsiwn hwnnw,
- (b) pan na fo wedi ei lofnodi gan ragnodydd amlroddadwy,
- (c) pan fyddai gwneud hynny yn anghyson ag unrhyw ysbeidiau a bennir yn y presgripsiwn,
- (d) pan hwnnw fyddai'r tro cyntaf i gyffur neu gyfarpar gael ei ddarparu yn unol â'r presgripsiwn, a phan fo'r presgripsiwn wedi ei lofnodi fwy na 6 mis yn gynharach,
- (e) pan fo'r presgripsiwn amlroddadwy wedi ei lofnodi fwy nag 1 flwyddyn yn gynharach,
- (f) pan fo'r dyddiad dod i ben ar y presgripsiwn amlroddadwy wedi mynd heibio, neu
- (g) pan fo'r rhagnodydd amlroddadwy wedi rhoi gwybod i'r meddyg fferyllol nad oes angen y presgripsiwn mwyach.

(4) Pan fo'r claf yn gofyn i gyffuriau neu gyfarpar a archebwyd ar bresgripsiwn amlroddadwy (ac eithrio'r tro cyntaf y mae'r claf yn gofyn felly) gael eu cyflenwi neu ei gyflenwi, ni chaiff meddyg fferyllol ddarparu'r cyffuriau neu'r cyfarpar a archebwyd oni bai ei fod wedi ei fodloni—

- (a) o ran y claf y mae'r presgripsiwn yn ymwneud ag ef—
 - (i) ei fod yn cymryd neu'n defnyddio'r cyffur neu'r cyfarpar yn briodol, ac yn debygol o barhau i'w gymryd neu ei ddefnyddio felly, a
 - (ii) nad yw'n dioddef unrhyw un neu ragor o sgil effeithiau'r driniaeth sy'n dangos bod angen, neu ei bod yn ddymunol, adolygu triniaeth y claf,
- (b) nad yw trefn feddyginiaethol y claf y mae'r presgripsiwn yn ymwneud ag ef, wedi newid mewn ffordd sy'n dangos bod angen, neu ei bod yn ddymunol, adolygu triniaeth y claf, ac
- (c) nad oes unrhyw newidiadau wedi bod yn iechyd y claf y mae'r presgripsiwn yn ymwneud ag ef, sy'n dangos bod angen, neu ei bod yn ddymunol, adolygu triniaeth y claf.

Ffioedd a chodi tâl

9.—(1) Mae'r telerau mewn contract GMC sy'n rhoi effaith i reoliad 24 o'r Rheoliadau GMC ac Atodlen 5 i'r Rheoliadau hynny (ffioedd a chodi tâl) yn gymwys mewn cysylltiad â darparu unrhyw gyffuriau neu gyfarpar gan feddyg fferyllol fel y maent yn gymwys mewn perthynas â phresgripsiynau am gyffuriau a chyfarpar.

(2) Pan fo meddyg fferyllol yn darparu cyffur neu gyfarpar o dan y gwasanaethau fferyllol neu'n darparu unrhyw wasanaeth ychwanegol sy'n gysylltiedig â gweinyddu cyffuriau a chyfarpar o'r fath—

- (a) yn unol â'r Atodlen hon neu gytundeb â'r Bwrdd Iechyd Lleol, a
- (b) pe bai'r cyffur, y cyfarpar neu'r gwasanaeth ychwanegol wedi ei ddarparu gan contractwr sy'n darparu gwasanaethau gweinyddu o dan contract GMC, y byddai hawlogaeth wedi bod gan y contractwr, yn rhinwedd cyfarwyddydau a roddwyd gan Weinidogion Cymru o dan adran 45 o Ddeddf 2006 (contractau GMC: taliadau), i gael taliad—
 - (i) mewn cysylltiad â'r cyffur neu'r cyfarpar, neu
 - (ii) mewn cysylltiad â darparu'r gwasanaeth ychwanegol,

bydd y Bwrdd Iechyd Lleol yn credydu'r taliad i'r meddyg fferyllol.

Cwynion a phryderon

10.—(1) Pan fo meddyg fferyllol—

- (a) yn contractwr GMC, neu wedi ei gymryd ymlaen neu ei gyflogi gan contractwr GMC, y weithdrefn gwyno a sefydlir yn unol â thelerau contract GMC sy'n rhoi effaith i baragraffau 89A a 90 o Atodlen 6 i'r Rheoliadau GMC (pryderon a chwynion);
- (b) yn contractwr GMDdA, neu wedi ei gymryd ymlaen neu ei gyflogi gan contractwr GMDdA, y weithdrefn gwyno a sefydlir gan y contractwr GMDdA perthnasol i ymdrin â chwynion mewn perthynas â darparu gwasanaethau meddygol sylfaenol;
- (c) wedi ei gyflogi neu ei gymryd ymlaen gan Fwrdd Iechyd Lleol at ddibenion darparu gwasanaethau fferyllol o fewn practis GMBILI, y weithdrefn gwyno a sefydlir gan y practis GMBILI hwnnw i ymdrin â chwynion mewn perthynas â darparu gwasanaethau meddygol sylfaenol,

sy'n gymwys mewn perthynas ag unrhyw fater sy'n gysylltiedig yn rhesymol â darparu gwasanaethau fferyllol, fel y mae'n gymwys mewn cysylltiad â gwasanaethau a ddarperir o dan y contract hwnnw neu'r cytundeb hwnnw, neu o fewn y practis hwnnw.

(2) Yn unol â hynny, mae contract GMC sy'n rhoi effaith i baragraff 95 o Atodlen 6 i'r Rheoliadau GMC (cydweithredu ag ymchwiliadau) yn gymwys hefyd mewn perthynas â chwynion neu bryderon a hysbysir ynghylch materion o'r fath.

Arolygiadau a mynediad at wybodaeth

11.—(1) Rhaid i feddyg fferyllol ganiatáu i bersonau sydd wedi eu hawdurdodi gan y Bwrdd Iechyd Lleol fynd i unrhyw fangre y mae'n ei defnyddio i ddarparu gwasanaethau fferyllol a'i harolygu, ar unrhyw adeg resymol, at y dibenion a ganlyn—

- (a) canfod pa un a yw'r meddyg fferyllol yn cydymffurfio â gofynion yr Atodlen hon ai peidio;
- (b) archwilio, monitro a dadansoddi—
 - (i) y ddarpariaeth a wneir gan y meddyg fferyllol, wrth ddarparu gwasanaethau fferyllol, ar gyfer gofal a thriniaeth i gleifion, gan gynnwys unrhyw drefniant a wneir â pherson mewn cysylltiad â darparu cyfarpar, a

(ii) y modd y mae'r meddyg fferyllol yn rheoli'r gwasanaethau fferyllol y mae'r meddyg fferyllol yn eu darparu,

pan fo'r amodau yn is-baragraff (2) wedi eu bodloni.

(2) Yr amodau yw—

- (a) bod rhybudd rhesymol wedi ei roi o'r bwriad i fynd i'r fangre,
- (b) bod y Pwyllgor Fferyllol Lleol ar gyfer yr ardal y mae'r fangre ynddi wedi ei wahodd i fod yn bresennol yn yr arolygiad, pan fo'r meddyg fferyllol yn gofyn am hynny,
- (c) bod gan y person sydd wedi ei awdurdodi'n ysgrifenedig dystiolaeth ysgrifenedig o'i awdurdodiad yn ei feddiant, a rhaid iddo gyflwyno'r dystiolaeth honno ar gais, a
- (d) nad yw'r person sydd wedi ei awdurdodi'n ysgrifenedig yn mynd i unrhyw ran o'r fangre a ddefnyddir fel llety preswyl yn unig heb gydsyniad y preswylydd.

(3) Rhaid i feddyg fferyllol, ar gais y Bwrdd Iechyd Lleol neu berson sydd wedi ei awdurdodi'n ysgrifenedig a grybwyllir yn is-baragraff (1), ganiatáu iddo ef neu'r person hwnnw gael mynediad at unrhyw wybodaeth sy'n ofynnol yn rhesymol ganddo ef neu'r person hwnnw—

- (a) at y dibenion a grybwyllir yn is-baragraff (1), neu
- (b) yn achos y Bwrdd Iechyd Lleol, mewn cysylltiad â'i swyddogaethau sy'n ymwneud â gwasanaethau fferyllol.

Y Gymraeg

12.—(1) Pan fo meddyg fferyllol yn darparu gwasanaethau fferyllol drwy gyfrwng y Gymraeg, rhaid i'r meddyg fferyllol hysbysu'r Bwrdd Iechyd Lleol yn ysgrifenedig.

(2) Rhaid i feddyg fferyllol roi ar gael fersiwn Gymraeg o unrhyw ddogfen neu ffurflen i'w defnyddio gan gleifion a/neu aelodau o'r cyhoedd, a ddarperir gan y Bwrdd Iechyd Lleol.

(3) Pan fo meddyg fferyllol yn arddangos arwydd neu hysbysiad newydd mewn cysylltiad â gwasanaethau fferyllol, rhaid i'r testun ar yr arwydd neu'r hysbysiad fod yn Gymraeg ac yn Saesneg, a chaiff meddyg fferyllol ddefnyddio'r gwasanaeth cyfieithu a gynigir gan y Bwrdd Iechyd Lleol at y diben hwn.

(4) Pan fo meddyg fferyllol yn siarad Cymraeg, fe'i hanogir i wisgo bathodyn a ddarperir gan y Bwrdd Iechyd Lleol, er mwyn cyfleu bod y meddyg fferyllol yn gallu siarad Cymraeg.

(5) Anogir meddyg fferyllol i ddefnyddio gwybodaeth a/neu fynd i gyrsiau hyfforddi a digwyddiadau a ddarperir gan y Bwrdd Iechyd Lleol, fel y gall y meddyg fferyllol ddatblygu—

- (a) ymwybyddiaeth o'r Gymraeg (gan gynnwys ymwybyddiaeth o'i hanes a'i rôl yn niwylliant Cymru), a
- (b) dealltwriaeth o sut y gellir defnyddio'r Gymraeg mewn cysylltiad â'r gwasanaethau fferyllol a ddarperir.

(6) Wrth ddarparu gwasanaethau fferyllol, anogir meddyg fferyllol i ganfod a chofnodi'r dewis iaith Cymraeg neu Saesneg a fynegir gan glaf neu ar ran claf.

ATODLEN 8

Rheoliad 64

Mân ddiwygiadau a diwygiadau canlyniadol

Rheoliadau'r Gwasanaeth Iechyd Gwladol (Pwyllgorau Gwasanaethau a'r Tribiwnlys) 1992

1. Yn rheoliad 2 o Reoliadau'r Gwasanaeth Iechyd Gwladol (Pwyllgorau Gwasanaethau a'r Tribiwnlys) 1992(54) (dehongli)—

- (a) ym mharagraff (1), yn y diffiniad o “Pharmaceutical Regulations”, yn lle “National Health Service (Pharmaceutical Services) (Wales) Regulations 2013” rhodder “National Health Service (Pharmaceutical Services) (Wales) Regulations 2020”, a
- (b) ym mharagraff (4)(c)(55), yn lle “paragraph 33 of Schedule 4 to, or paragraph 21 of Schedule 5 to” rhodder “paragraph 33 of Schedule 5 to, or paragraph 22 of Schedule 6 to”.

Rheoliadau'r Gwasanaeth Iechyd Gwladol (Symiau Dangosol) 1997

2. Yn rheoliad 1(2) o Reoliadau'r Gwasanaeth Iechyd Gwladol (Symiau Dangosol) 1997 (enwi, cychwyn a dehongli)(56), yn y diffiniad o “Drug Tariff”, yn lle “regulation 41 (the Drug Tariff and remuneration of NHS pharmacists and NHS appliance contractors) of the National Health Service (Pharmaceutical Services) (Wales) Regulations 2013” rhodder “regulation 55 (the Drug Tariff and remuneration of NHS pharmacists and NHS appliance contractors) of the National Health Service (Pharmaceutical Services) (Wales) Regulations 2020”.

Rheoliadau'r Gwasanaeth Iechyd Gwladol (Taliadau gan Awdurdodau Lleol i Awdurdodau Iechyd) (Swyddogaethau Rhagnodedig) (Cymru) 2001

3. Yn rheoliad 2 (swyddogaethau rhagnodedig yr Awdurdodau Iechyd yng Nghymru) o Reoliadau'r Gwasanaeth Iechyd Gwladol (Taliadau gan Awdurdodau Lleol i Awdurdodau Iechyd) (Swyddogaethau Rhagnodedig) (Cymru) 2001(57), ym mharagraff (2)(ch)(58), yn lle “rheoliad 41 o Reoliadau'r Gwasanaeth Iechyd Gwladol (Gwasanaethau Fferyllol) (Cymru) 2013” rhodder “rheoliad 55 o Reoliadau'r Gwasanaeth Iechyd Gwladol (Gwasanaethau Fferyllol) (Cymru) 2020”.

Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004

4.—(1) Mae Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004(59) wedi eu diwygio yn unol â'r paragraff hwn.

- (2) Yn rheoliad 2(1) (dehongli)—
 - (a) yn y diffiniad o “Drug Tariff”, yn lle “regulation 41” rhodder “regulation 55”, a
 - (b) yn y diffiniad o “Pharmaceutical Regulations”, yn lle “National Health Service (Pharmaceutical Services) (Wales) Regulations 2013” rhodder “National Health Service (Pharmaceutical Services) (Wales) Regulations 2020”.
- (3) Yn Atodlen 6 (telerau contractiol eraill)—
 - (a) ym mharagraff 47 (darparu gwasanaethau gweinyddu)—

(54) O.S. 1992/664.

(55) Mewnosodwyd paragraff (4) gan O.S. 1996/703.

(56) O.S. 1997/980, a ddiwygiwyd gan O.S. 2007/1112 (Cy. 117).

(57) O.S. 2001/1543 (Cy. 108), a ddiwygiwyd gan O.S. 2007/1112 (Cy. 117).

(58) Mewnosodwyd paragraff (2)(ch) gan O.S. 2013/898 (Cy. 102).

(59) O.S. 2004/478 (Cy. 48).

- (i) yn is-baragraffau (4)(b) a (9)(a), yn lle “paragraph 6 of Schedule 2, paragraph 13 of Schedule 2 or paragraph 8(3) of Schedule 3 to”, ym mhob lle y mae’n digwydd, rhodder “paragraph 6 of Schedule 3, paragraph 13 of Schedule 3 or paragraph 8(3) of Schedule 4 to”, a
- (ii) yn is-baragraff (9)(b)(ii), yn lle “Part 2 of Schedule 3 to” rhodder “Part 2 of Schedule 4 to”,
- (b) ym mharagraff 48 (cydsyniad i weinyddu)—
 - (i) yn is-baragraff (2)—
 - (aa) yn lle “regulation 24 of and Part 3 of Schedule 2 to” rhodder “regulation 30 of, and Part 3 of Schedule 3 to”, a
 - (bb) yn lle “regulation 24” rhodder “regulation 30”,
 - (ii) yn is-baragraff (4), yn lle “regulation 24(9)” rhodder “regulation 30(9)”,
 - (iii) yn lle is-baragraff (5) rhodder—

“(5) Regulation 30 of the Pharmaceutical Regulations will apply as if modified as follows: in paragraph (1), for “to provide pharmaceutical services to patients under regulation 26(1)(b) or (c) (arrangements for the provision of pharmaceutical services by doctors)” there were substituted a reference to the provision of dispensing services to patients under paragraph 47.”, a
 - (iv) yn lle is-baragraff (6) rhodder—

“(6) Part 3 of Schedule 3 to the Pharmaceutical Regulations will apply as if modified as follows: in paragraph 8(1)(a)(ii), for “dispensing doctor list made under Part 6 of these Regulations” there were substituted a reference to an application under sub-paragraph (1) of this paragraph.”, ac
- (c) ym mharagraff 49(8)(60) (telerau sy’n ymwneud â darparu gwasanaethau gweinyddu), yn y geiriau o flaen paragraff (a), yn lle “Schedule 6” rhodder “Schedule 7”.

Rheoliadau'r Gwasanaeth Iechyd Gwladol (Presgripsiynau am Ddim a Ffioedd am Gyffuriau a Chyfarpar) (Cymru) 2007

5. Yn rheoliad 2(1) o Reoliadau'r Gwasanaeth Iechyd Gwladol (Presgripsiynau am Ddim a Ffioedd am Gyffuriau a Chyfarpar) (Cymru) 2007(61), yn y diffiniad o “Tariff Cyffuriau”, yn lle “rheoliad 41 o Reoliadau'r Gwasanaeth Iechyd Gwladol (Gwasanaethau Fferyllol) (Cymru) 2013 (y Tariff Cyffuriau a chydnyddiaeth ariannol i fferyllwyr GIG a chontractwyr cyfarpar GIG)” rhodder “rheoliad 55 o Reoliadau'r Gwasanaeth Iechyd Gwladol (Gwasanaethau Fferyllol) (Cymru) 2020 (y Tariff Cyffuriau a thâl ar gyfer fferyllwyr GIG a chontractwyr cyfarpar GIG)”.

Rheoliadau Codi Tâl am Fagiau Siopa Untro (Cymru) 2010

6. Ym mharagraff 1(3) o Atodlen 1 i Reoliadau Codi Tâl am Fagiau Siopa Untro (Cymru) 2010(62), yn y diffiniadau o—

- (a) “nyrs sy’n rhagnodi’n annibynnol”,
- (b) “parafeddyg-ragnodydd annibynnol”,
- (c) “ffisiotherapydd-ragnodydd annibynnol”,
- (d) “podiatrydd-ragnodydd neu giropodydd-ragnodydd annibynnol”, ac

(60) Amnewidiwyd is-baragraff (8) gan O.S. 2013/898 (Cy. 102).

(61) O.S. 2007/121 (Cy. 11). Amnewidiwyd y diffiniad o “Tariff Cyffuriau” gan O.S. 2007/1112 (Cy. 117) ac fe'i diwygiwyd ymhellach gan O.S. 2013/898 (Cy. 102).

(62) O.S. 2010/2880 (Cy. 238).

(e) “radiograffydd therapiwtig-ragnodydd annibynnol”,
 yn lle “Reoliadau’r Gwasanaeth Iechyd Gwladol (Gwasanaethau Fferyllol) (Cymru) 2013” rhodder
 “Reoliadau’r Gwasanaeth Iechyd Gwladol (Gwasanaethau Fferyllol) (Cymru) 2020”.

NODYN ESBONIADOL

(Nid yw’r nodyn hwn yn rhan o’r Rheoliadau)

Mae’r Rheoliadau hyn yn dirymu ac yn disodli Rheoliadau’r Gwasanaeth Iechyd Gwladol (Gwasanaethau Fferyllol) (Cymru) 2013 (O.S. 2013/898) (“Rheoliadau 2013”) fel y Rheoliadau sydd, yng Nghymru, yn llywodraethu’r modd y darperir gwasanaethau fferyllol fel rhan o’r Gwasanaeth Iechyd Gwladol o dan Ran 7 o Ddeddf y Gwasanaeth Iechyd Gwladol (Cymru) 2006.

Mae Rhan 1 yn cynnwys darpariaethau rhagarweiniol, gan gynnwys pennu dyddiadau gwahanol pan ddaw’r darpariaethau i rym. Daw Rhannau 1 i 4 a Rhannau 9 i 11 i rym ar 1 Hydref 2020. Daw Rhannau 5 i 8 i rym ar 1 Hydref 2021.

Mae Rhan 2 yn nodi’r gofynion sy’n ymwneud â llunio asesiadau o anghenion fferyllol (“AAFfau”). Mae AAFf yn ddatganiad o’r asesiad y mae rhaid i bob Bwrdd Iechyd Lleol ei wneud, o leiaf bob 5 mlynedd, o’r anghenion yn ei ardal am wasanaethau fferyllol a ddarperir fel rhan o’r Gwasanaeth Iechyd Gwladol yng Nghymru. Mae’r Rhan hon yn cynnwys y gofynion ymgynghori y mae rhaid iddynt gael eu bodloni cyn cwblhau a chyhoeddi AAFf (rheoliad 7) a’r materion y mae rhaid i Fwrdd Iechyd Lleol roi sylw iddynt wrth lunio AAFf (rheoliad 8) – ac mae Atodlen 1 ar ôl hynny yn nodi’r wybodaeth y mae rhaid ei chynnwys mewn AAFfau. Wrth aros am ddiwygiad llawn o AAFf, caiff Bwrdd Iechyd Lleol, mewn datganiad atodol, ymdrin â newidiadau i argaeledd gwasanaethau fferyllol ers i’r AAFf gael ei gyhoeddi (rheoliad 6). Mae’n ofynnol i Fwrdd Iechyd Lleol gyhoeddi ei AAFf ac unrhyw AAFfau dilynol ar ei wefan (rheoliad 9).

Mae Rhan 3 yn nodi’r gofynion i bob Bwrdd Iechyd Lleol lunio a chynnal ar gyfer ei ardal—

- (a) rhestrau fferyllol o fferyllwyr GIG a chontractwyr cyfarpar GIG sy’n ymgymryd â darparu gwasanaethau fferyllol o fangreodd yn yr ardal, a
- (b) rhestrau meddygon fferyllol o feddygon sy’n ymgymryd â darparu gwasanaethau fferyllol o fangreodd yn yr ardal.

Mae hefyd yn nodi’r telerau gwasanaeth, sef y telerau y cynhwysir personau ar eu sail mewn rhestr fferyllol neu restr meddygon fferyllol, a’r telerau y mae’r personau hynny yn ymgymryd â darparu gwasanaethau fferyllol ar eu sail, fel rhan o’r Gwasanaeth Iechyd Gwladol.

Mae Rhan 4 yn gwneud darpariaeth i Fwrdd Iechyd Lleol benderfynu, ei hunan neu ar gais Pwyllgor Meddygol Lleol neu Bwyllgor Fferyllol Lleol, pa un a yw ardal benodol, o fewn yr ardal y sefydlwyd y Bwrdd Iechyd Lleol ar ei chyfer, oherwydd ei natur wledig, yn ardal reoledig neu’n rhan o ardal reoledig ai peidio. Arwyddocâd y penderfyniad bod ardal yn ardal reoledig yw y caiff meddygon, o dan amgylchiadau penodol, ddarparu gwasanaethau fferyllol i gleifion cymwys penodol (os yw’r meddygon hynny wedi eu cynnwys mewn rhestr meddygon fferyllol). Nodir y gweithdrefnau y mae rhaid i Fwrdd Iechyd Lleol eu dilyn wrth benderfynu a yw ardal yn ardal reoledig neu’n rhan o ardal reoledig yn Atodlen 3. Nodir hawliau i apelio i Weinidogion Cymru mewn cysylltiad â phenderfyniadau a wneir gan Fyrddau Iechyd Lleol yn Atodlen 4.

Mae Rhan 5 yn nodi’r mathau o geisiadau mewn cysylltiad â chynnwys personau mewn rhestrau fferyllol, neu ddiwygio rhestrau fferyllol, a’r profion y mae rhaid i Fwrdd Iechyd Lleol eu cymhwyso

wrth benderfynu'r ceisiadau hynny. O dan reoliad 15 (ceisiadau i gynnwys person mewn rhestr fferyllol neu i ddiwygio rhestr fferyllol) a rheoliad 18 (ceisiadau am gydsyniad rhagarweiniol ac effaith cydsyniad rhagarweiniol), ni chaiff y Bwrdd Iechyd Lleol ganiatáu ceisiadau ond os yw wedi ei fodloni y byddai'n diwallu angen am wasanaethau fferyllol, neu am wasanaethau fferyllol o fath penodedig, yn ardal y Bwrdd Iechyd Lleol perthnasol ac sydd wedi eu cynnwys yn AAFF y Bwrdd Iechyd Lleol hwnnw. Yn ogystal, y sefyllfa gyffredinol yw, os yw'r fangre mewn ardal reoledig, fod rhaid i'r Bwrdd Iechyd Lleol fod wedi ei fodloni na fydd caniatáu'r cais yn niweidio darpariaeth briodol gwasanaethau meddygol sylfaenol, gwasanaethau gweinyddu na gwasanaethau fferyllol mewn unrhyw ardal (y prawf niweidio). Gwneir eithriad i'r sefyllfa gyffredinol pan fo'r Bwrdd Iechyd Lleol yn penderfynu bod y fangre a bennir mewn cais mewn lleoliad neilltuedig (o dan reoliad 17 (lleoliadau mewn ardaloedd rheoledig sy'n lleoliadau neilltuedig)).

Caiff person sydd wedi ei gynnwys eisoes mewn rhestr fferyllol wneud cais i adleoli'r fangre y mae'n darparu gwasanaethau fferyllol ohoni. Mae rheoliad 19 (ceisiadau sy'n ymwneud ag adleoli o fewn ardal Bwrdd Iechyd Lleol) yn nodi pa bryd y caiff Bwrdd Iechyd Lleol ganiatáu cais o'r fath. Asesir ceisiadau sy'n dod o fewn rheoliad 20 (ceisiadau sy'n ymwneud ag adleoli rhwng ardaloedd Byrddau Iechyd Lleol cyfagos), rheoliad 21 (ceisiadau sy'n ymwneud ag adleoli dros dro) a rheoliad 22 (ceisiadau sy'n ymwneud â newid perchnogaeth) yn unol â'r meini prawf penodol a nodir yn narpariaethau'r rheoliadau hynny. Nodir y gweithdrefnau y mae rhaid i Fwrdd Iechyd Lleol eu dilyn wrth benderfynu ceisiadau o dan Ran 5 yn Atodlen 3, a nodir yr hawliau i apelio i Weinidogion Cymru mewn cysylltiad â phenderfyniadau a wneir gan Fyrddau Iechyd Lleol yn Atodlen 4.

Mae Rhan 6 yn nodi'r ceisiadau y caiff meddygon eu gwneud er mwyn bodloni'r amodau, a fydd wedyn yn caniatáu iddynt wneud trefniadau â Bwrdd Iechyd Lleol i ddarparu gwasanaethau fferyllol i'w cleifion cymwys mewn ardaloedd rheoledig. Rhaid i feddygon wneud cais am gydsyniad amlinellol a chymeradwyaeth mangre o dan reoliad 30 (cydsyniad amlinellol a chymeradwyaeth mangre) a rhaid i Fyrddau Iechyd Lleol ystyried ceisiadau o'r fath yn unol â'r prawf niweidio a'r pellter rhwng y fangre y mae'r meddyg yn dymuno darparu gwasanaethau fferyllol ohoni a fferyllfeydd cyfagos. Caiff meddyg sydd wedi cael cydsyniad amlinellol a chymeradwyaeth mangre wneud trefniadau â Bwrdd Iechyd Lleol i ddarparu gwasanaethau fferyllol o dan reoliad 26 (trefniadau ar gyfer darparu gwasanaethau fferyllol gan feddygon). Nodir y gweithdrefnau y mae rhaid i Fwrdd Iechyd Lleol eu dilyn wrth benderfynu ceisiadau o dan Ran 6 yn Atodlen 3, a nodir yr hawliau i apelio i Weinidogion Cymru mewn cysylltiad â phenderfyniadau a wneir gan Fyrddau Iechyd Lleol yn Atodlen 4.

Mae Rhan 7 yn ymdrin â seiliau addasrwydd, ac â chynnwys enw person mewn rhestrau fferyllol a dileu enw person ohonynt. Mae'n darparu ar gyfer gohirio a gwrthod, ar sail addasrwydd, geisiadau i gynnwys person mewn rhestr fferyllol (rheoliadau 36 a 37), ac i gynnwys person mewn rhestr fferyllol fod yn ddarostyngedig i amodau (rheoliad 38). Ar gyfer materion addasrwydd penodol, gan gynnwys pan fo person wedi ei euogfarnu o drosedd yn y Deyrnas Unedig ac wedi ei ddedfrydu i garchar am gyfnod sy'n hwy na 6 mis, rhaid i Fwrdd Iechyd Lleol ddileu enw'r person o restr fferyllol yn unol â rheoliad 40 (dileu enw person o restr fferyllol am resymau eraill).

Mae Rhan 8 yn nodi rhai amodau sydd i'w gosod ar fferyllwyr GIG a chontractwyr cyfarpar GIG fel rhan o'u telerau gwasanaeth â'r Bwrdd Iechyd Lleol, sy'n cynnwys gofynion sy'n ymwneud â chydweithredu â'r Bwrdd Iechyd Lleol ynghylch datrys anghydfodau yn lleol (rheoliad 49). Mae'r amodau Rhan 8 hyn yn ychwanegol at y prif delerau gwasanaeth ar gyfer fferyllwyr GIG, sydd yn Atodlen 5, ac ar gyfer contractwyr cyfarpar GIG, sydd yn Atodlen 6.

Mae'r telerau gwasanaeth yn Atodlen 5 yn cynnwys rhwymedigaethau i ddarparu'r hyn a ddisgrifir fel y gwasanaethau hanfodol y mae rhaid eu darparu ym mhob fferyllfa. Mae'r gwasanaethau hanfodol hyn yn cynnwys nid yn unig gwasanaethau gweinyddu ond gwasanaethau eraill, er enghraifft gwasanaethau gwaredu mewn cysylltiad â chyffuriau diangen a hybu ffyrdd iach o fyw. Yn ogystal â darparu gwasanaethau hanfodol, mae fferyllwyr GIG yn ddarostyngedig i ofynion gorfodol eraill yn rhinwedd Atodlen 5, er enghraifft o ran cael systemau llywodraethu clinigol derbyniol a darparu gwybodaeth am faterion addasrwydd. Mae ystod y gwasanaethau

angenrheidiol y mae'n ofynnol i gontractwyr cyfarpar GIG eu darparu a nodir yn Atodlen 6 yn fwy cyfyngedig, ond mae hefyd yn cynnwys gofynion o ran gweinyddu a gofynion gorfodol ychwanegol o ran llywodraethu clinigol a darparu gwybodaeth am faterion addasrwydd. Mae'r ddau fath hyn o ddarparwr gwasanaethau fferyllol hefyd yn ddarostyngedig i ofynion manwl o ran eu horiau agor a newidiadau iddynt. Mae Atodlenni 5 a 6 hefyd yn nodi'r telerau gwasanaeth GIG ar gyfer fferyllwyr GIG a chontractwyr cyfarpar GIG mewn perthynas â Phrotocolau Prinder Difrifol (PPDau), pan fo rhaid i'r fferyllwyr GIG neu'r contractwr cyfarpar GIG, pan fydd PPD yn ei le, ystyried a yw'n rhesymol ac yn briodol cyflenwi yn unol â'r PPD yn hytrach na chyflawni'r presgripsiwn GIG ar gyfer y cynnyrch hwnnw.

Mae Rhan 9 yn nodi'r trefniadau ar gyfer ymdrin â thorri'r telerau gwasanaeth gan fferyllwyr GIG a chontractwyr cyfarpar GIG (ymdrinnir â thoriadau gan feddygon fferyllol o dan eu trefniadau cyfatebol ar gyfer darparu gwasanaethau meddygol sylfaenol i gleifion cofrestredig, y mae rhaid iddynt gael yn eu lle er mwyn bod yn ddarparwyr gwasanaethau fferyllol). Pan na all anghydfod rhwng fferyllwyr GIG, neu gontractwr cyfarpar GIG, a'r Bwrdd Iechyd Lleol gael ei ddatrys o dan y gweithdrefnau datrys anghydfodau lleol (neu pan ganiateir i'r weithdrefn honno gael ei hosgoi), mae'r fferyllwyr GIG neu'r contractwr cyfarpar GIG yn wynebu'r posibilrwydd o hysbysiad torri neu hysbysiad adfer, y caniateir i daliad gael ei gadw'n ôl fel rhan ohono (rheoliadau 50 i 52). Mewn rhai achosion, gall methiannau mynych i gydymffurfio â'r telerau gwasanaeth, neu fethiannau â chanlyniadau sy'n arbennig o ddifrifol, arwain ar ôl hynny at ddileu enw mangre busnes fferyllwyr GIG neu gontractwr cyfarpar GIG o'r rhestr fferyllol berthnasol (rheoliad 53).

Mae Rhan 10 yn ymdrin â thaliadau i fferyllwyr GIG a chontractwyr cyfarpar GIG. Mae rheoliad 55 (y Tariff Cyffuriau a thâl ar gyfer fferyllwyr GIG a chontractwyr cyfarpar GIG) yn darparu ar gyfer cyhoeddi'r Tariff Cyffuriau, sef y prif ddatganiad o hawlogaethau ariannol fferyllwyr GIG a chontractwyr cyfarpar GIG sy'n nodi'r penderfyniadau ar y materion hynny a wnaed gan Weinidogion Cymru fel yr awdurdod penderfynu. Mae rheoliad 56 (Byrddau Iechyd Lleol fel awdurdodau penderfynu) yn gwneud darpariaeth i'r Byrddau Iechyd Lleol fod yn awdurdodau penderfynu pan fo hyn wedi ei nodi yn y Tariff Cyffuriau. Darperir hefyd ar gyfer materion atodol, gan gynnwys gordaliadau a thaliadau i fferyllwyr GIG a chontractwyr cyfarpar GIG.

Mae Rhan 11 yn ymdrin â materion amrywiol, gan gynnwys darpariaethau trosiannol ar gyfer ceisiadau ac apelau a wnaed o dan Rheoliadau 2013 cyn ac ar ôl i'r Rheoliadau hyn ddod i rym, yn ogystal â phennu'r dyddiadau gwahanol y mae'r darpariaethau yn Rheoliadau 2013 yn cael eu dirymu arnynt..

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth: Yr Adran Iechyd a Gwasanaethau Cymdeithasol, Llywodraeth Cymru, Parc Cathays, Caerdydd, CF10 3NQ.